




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
266/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
266/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
266/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
266/A

Cat. u.
266 A xxix Amaze
A

E. 19.

1842





Ex Libris Rod: Howard

AMATI

61911

LVSITANI

MEDICI PHYSICI

PRÆSTANTISSIMI,

CVRATIONVM ME-

DICINALIVM



CENTVRIA SEPTIMA

*Theſſalonice curationes habitas conti-
nens, varia multiplicique do-
ctrina referta.*

Accessit INDEX rerum memorabi-
lium copioſiſſimus.

Philemon

Holland Code IV

IN VIRTUTE,



ET FORTVNA.


W.R.H.

LVGDVNI,

APVD GVLIEL. ROVILLIVM

SVB SCVTO VENETO.

1570.





SAPIENTIA ET GENERE CLARO,

D. G V E D E L I Æ
Y A H I Æ,

AMATVS LVSITANVS
MEDICVS S. P. D.



*U*VM sexta elapse cu-
rationum centurie finem
imposuissem, hoc scribendi
genus prætermittere, &
ad aliud animum appelle-
re constitueram. tã enim,

ut verum fatear, Guedelia Yahia, vir sa-
piens, & generose, huius inscriptionis me per-
te sum iam erat. Caterum, cum Thessalonice
venirem, urbem nunc, ut olim, totius Mace-
donie Metropolim, numerofo, varioque popu-
lo refertam, sed forte grauissimis, & seuissi-
mis morbis oppresso, dignum duxi, de eis ali-
quid commentari, & septimam hanc centu-
riam edere, & eam in conspectum hominum
mittere, ut paucis iis, saltem artem medicam
exercentes, dignoscant, nunc ut olim, priscis il-

lis temporibus, Græciam grauiſſimis, ſæuiſſi-
 miſ, complicatiſque morbis corripī, tentariue:
 cauſam, vt ego puto, non paruam, ob quam, tā
 excellentes, diuiniſque medici, in ea floruerē:
 ſuppeditabat nanque materia, circa quam
 verſabantur viri rerum naturalium maximi
 inquiſitores, in qua, vt populum iuuarent, &
 eum non raro ab anguſtiis liberarent, ac non
 paruam gloriam, honores, excellentiāque ca-
 ptarent, conſequerentūque, ſoliciti & diligētes
 ita exſtitere, vt præ cæteris nationibus, hoc
 aſſiduo & frequenti uſu, in hac diuina efflo-
 ruerint arte, emicuerintue, ita vt cæterorum
 populorum huiusque recepti gratique magi-
 ſtri habeantur. Exemplum duo orbis lumina
 extant, Hippocrates & Galenus, viri Græci,
 quibus morborum variorum inexplicabilium
 occaſio, vt dixi, non parum gloriæ comparauit,
 peperitue. Vbi certe pauci ſunt ægrotantes,
 medicus ignauus, aut parum expertus euadit:
 vbi vero plures habentur ægrotantes, longo
 exercitio, & frequenti uſu, ac aſſidua expe-
 rientia, cum experientiſſimum & nobilem in
 arte fieri, ſepe nouimus, vt cum Manilio recte
 dixerimus,

Per varios uſus artem experientia fecit.
 vel cum philoſophis, frequentatis actibus, ge-
 neratur habitus, per quem ars deſinitur, &
 abſoluitur. Loquimur nanque de Therapeu-
 tice

5
tice, curatua artis parte, quæ corpus ægrum
sanitati restituit, profligatue, per contraria
morbos, cuius hodie vt magis necessaria fre-
quentior est vsus, vt olim quoque fuit, referen-
te sic Hippocrate, libro de veteri medicina,
& Galeno, libro ad Thrasibulum, in quo pro-
ponitur, num ratio tuendæ sanitatis, ad medi-
cinalem artem, an ad exercitatoriam spectet.
Occasio igitur tantorum morborum, multum
me hercle, Græciæ medicos nobilitauit, non
minus ac volucris breuîsque temporis occasio,
aues aucupio dicatas, quas Aristo. sublimipe-
tas, & humipetas vocat, nos vero falcones, &
acores appellitare solemus, eas præcipue, quæ
sub polo arctico nidificant, & aucupes vt cæ-
teris præstantiores cupiunt, desiderantue. ob
contractiores nanque eo in loco hyemales lu-
ces, quæ forte vnâ vel alteram tantum con-
tinent horam, diligentissima euadunt aues hæ.
Prædam nâque, rapinamue pro victu, exiguo
hoc tempore ad residuum diei, nigerrimum &
tenebricosum quarant, captentue constrictæ
cum sint, rapaces, veloces, agiles, ac cæteris di-
ligentiores fiant necesse est, vt recte cecinerit
Manilius,

Et labor ingenium miseris dedit, & sua quæq;
Aduigilare sibi iussit fortuna, premendo.
Veluti Virgilius, qui connumeratis commodi-
tatibus, quas Iupiter hominum generi cum

ademisset, coactos esse homines, canit, pulsa a-
cidia veternoe, operi incumbere,

Tū varia venere artes. labor omnia vincit

Improbis, & duris vrgēs in rebus egestas.
ob varios igitur morbos, & frequentes, ac con-
tinuo Graciam inuadentes, viri q̄ rerum na-
turalium contemplatores, illustres medici facti
sunt, non vero ob numerosum populum. refert
vique Galenus, commentario primo, in librū
de Articulis, enarratione 24. in qua forte de
luxationibus non visis ab Hippocrate agit,
ex omnibus ciuitatibus, in quibus Hippocra-
tes artem exercuit, Smyrnam; quæ hodie in
Natolia nomen retinet, maiorem esse, quàm
Romæ vnus vicus, plures tunc incolas habe-
bat. Cum igitur ex arduis difficillimisq̄ ca-
sibus in hac ciuitate pertractatis, septimam
hanc Centuriam componerem, illico eam tibi
dicandam constitui, Guedelia Tahia, vir sa-
piens & generose, multū de causis: prima,
quia sapiens cum sis, & concionator egregius,
ac acri quodam ingenio præditus, longe iudi-
ciorum magnus haberis existimator: quibus
facile hæc, & huius generis alia, quanti sint
valoris, & arti medicæ adiumentum præstare
possint, diiudicabis. Prætereo humanitatem
tuam, affabilitatem, morūque suauitatem,
& mirum quendam candorem, quibus omni-
bus, medius filius, excellere videris. Sunt præ-
terea

rērea multa alia, quæ me ad hoc munusculum
 tibi offerendum impulere, hospitalitas tua, &
 omnium tuorum, erga peregrinos, religionis
 cuiuscunque sint; ad hæc munificus & libera-
 lis animus pro subueniendis pauperibus. quæ
 in re, effusis, (ut aiunt) habentis, patrem tuum
 optimæ memoriæ, Moysen Tabiam, æmula-
 ris, felicissimæque imitaris; qui ut omnes hîc
 Thessalonica norunt, immensi quadam pesti-
 lentia elapsa, in iuvandis, curandisve pauperi-
 bus ægrotantibus, & ipsis mortuis sepeliendis,
 non pauca, nec contemnenda ducatorum mil-
 lia expendit. res omnium consensu, pro Deo
 propitio habendo, haud infima. Sed omnibus
 numeris, Centuria hæc tibi debetur: quia eius
 nonnullis curationibus interfuisti; à sorore
 namque tua, muliere honoratissima, & opulen-
 tia incipit, & eam honestissima, & veneran-
 da matronæ matris tuæ curatio claudit, ut in-
 terim Solomonis Seneoris soceritui, viri lon-
 giori vita digni obitum taceam, ut vere in hæc
 habeas Centuria, prout misera humana fert
 conditio, aliquando quod rideas, & aliquando
 quod plores fleāsre; iuxta dicterium; Omnium
 rerum vicissitudo est. Habes igitur vir gene-
 rose, dedicationis huius Centuriæ rationes,
 quas si, ut spero, alacri animo receperis, ad
 maiora, dubio procul, Amatam deuictum

habebis. Vale. Et cum tua Stere ex Deo em-
pta, feliciter viue, & frueri. Thessa-
lonica, mense Augusto, anno
à mundo creato, 5321.
secundum verò com-
putum Roma-
num, 1561.

* * *

AM A



AMATI LV-

SITANI, MEDICI

PRÆSTANTISSIMI

Curationum medici-
narium suarum



CENTVRIA SEPTIMA.

Curatio prima, in qua agitur de
Animi deliquio ob mæro-
rem ueniente.



DOMINA Belida, vxor
Solomonis Seneoris,
mulier procera, obe-
sa, carnosa, tempera-
tura sanguinea, & que
sæpe in abortum ve-
niebat, & ex ea sanguis multus flue-
bat, quum repente audiret adolescen-
tem domesticum, ab alio famulo do-
mi interemptum esse, in animi deli-
quium ita altum incidit, vt eam emor-

A 5

tuam omnes acclamarent. Ego vero qui fortè ad adolescentem deploratū tunc vocatus fui, ad eam alio in cubiculo stantem, diuertor, cuius metacarpij arterias cum tango, pulsus nō percipio, sed ipsam potius dentibus apprime constrictis, clauiculatīve, absq; sensu & motu, tanquam emortuam conspicio. Est enim animi deliquium hoc seuum, & periculosum, ob mærorem, & tristitiam veniens, quod medicorum consensu, testante id Galeno, libro primo Artis curat. ad Glauc. & alibi non raro, curatur odoribus, narium constrictione, capillorū vulsione, vini potu, & vomitu, quibus tu ex aliis Galeni locis adde, frictionibus, ligaturis, cucurbitularum admotione, & similibus. proinde nos exordiū repente sumpsimus à capillorum vulsione, narium & aurium attractione, digitorum attritione, & variis aliis similibus. Nam, & per intervalla suo nomine vocabatur, & ad manus habitum origanum aceto exceptum, ad nares admouebatur, veluti nōnulla alia optime olentia, & de maxillis, & constrictis dentibus aperiendis, ligneo cochleari, veluti cuneolis, solliciti admodum

dum eramus. Cæterum, quum hæc nō
proficerēt, ad brachiorum, & crurium
frictiones, & eorum ligaturam. deuen-
tum est, & Hippocratis consilio, libro
quinto de Morbis popularibus, su-
perfusæ sunt ipsi, aque frigide ampho-
ræ aliquot supra faciē & pectus, qui-
bus tandem reuixit, & ad se rediit, &
tunc à marito, & assistentibus, optima
illi dabantur verba, & vinum genero-
sum odorum, illi pitissandū propina-
uimus, veluti conditum moschatum,
& ambaratum deglutiendum. tunc ut
non dormiret, sed confabularetur, sua-
simus, ac postea, tremula oua recentia
illi pro cœna offerrentur, commenda-
ui. ea nocte sequenti, bis, vel ter, emor-
tua est, sed adiuta, reuocata fuit. In au-
rora vero, de cordis palpitatione con-
querebatur, qua de causa, ab infuso
iniecto, & aluo respondente, (vomere
nanque nunquam potuit) culcitrella ex
rebus odoriferis cordialibus, ambaro,
& moscho cōsuta, ad cor applicita est,
sed non multo post, in animi deliquiū
relapsa est, & forte periculosius: Sed
tunc, celebratis omnibus actis, & cu-
cubitulis ad vmbilicum applicitis re-
uixit. Contēdebāt mulieres assistētes,
& mod

& medicus qui eius curam aliàs habuerat, & à simili morbo eam quoque liberauerat, firmabat, animi deliquium hoc, etiam si à mœrore venerat, sæpe aliàs in simile, ob vterū male affectum incidisse, quia concipiebat cito, & perdebatur, maximo cum sanguinis fluxu: qua de re, ad nares, male olentes, & ad inferiores partes, optimi odoris esse admouendas, cōtestabantur. vnde cum postea paroxysmo esset apprehensa, ad nares, chartæ, & pennarum fumum admouebant, inferioribus vero zibetum intromittebant, sequenti tandem die, catapotia ex castoreo, assa fœtida, & peoniæ semine composita, deuoranda illi dedimus, quibus rectius habuit, & bis egeffit tandem duobus interiectis diebus, pharmacum ex agarico, & rhabbaro apparatus ebibit, quo venter apprimè solutus fuit, & ipsa à tanto malo libera, veluti postea, vxor Solomonis Naamias, ex improviso à sorore amplexata, & illico emortua facta, sicuti quoque vxor Danielis Taragani, & virgo nata viduæ sororis Habiij. variè nanque curatur animi deliquium, prout à varia euenit causa.

S C H O L

Ob mærorem, spiritus dissipantur, unde deliquium animi consequitur, quo fit, in ipso paroxysmo, veluti postquam agrotans ad se redijt, rebus optime olentibus, & generoso vino, eam refecimus, veluti cibarijs, quæ facile in sanguinem verti solent, & optimum adgenerant succum; cæterum, per amphoram, non putarim Hippocratem intellexisse vasculum octoginta continens libras: sed magis paruum aliquod commune.

*Curatio secunda, in qua agitur
de pleuritide.*

MVlier iuuenis, annua quartana laborauerat, quo in tēpore menses, vt fieri solet, nunquam vidit, pleuritide corripitur. cœpit autem corripiri nocte Veneri dicata, hoc est, die Iouis in nocte, ad quam, secunda die sequenti, hoc est, die sabbathi, accersitus, vesperti, iubeo illi, ex eodem latere cubiti axillaris, tundatur vena, & sanguis ad libram integram extrahatur, & ptisana colata penidiis concinnata in victu, veluti hordeacea aqua pro potu, paretur, & fomentum ex rosis, chamæmello, radicibus althææ, folijs maluarum, violarum, semine lini, & simil

similibus compositum, bouina vesica exceptum, dolenti loco calidum applicetur, ac per interualla syrupum violaceū, aut lambetium de althæa pauco oxymelliti mixtum lingeret. At assistentes alibi forte impediti, sanguinis extractionem in sequentem diem Soli sacratum distulerūt. diluculo igitur ad eam veniens, eam miserrime affligi inueni. Intēssimè à pūctura dolebat, febriebat, gemebat, tussibat, & tota nauseabunda, ac si animam expiraret, videbatur, & non raro in animi deliquium, & defectionem incidebat, & quod peius est, vix eius percipiebantur pulsus, nihil spuebat, sed multum, & frequēter egerebat, cœperat autem alius turbari nocte antea, & septies vel octies excreuerat liquida, ferruginea, pessime olētia, cum quibus multa, sed cordate loquebatur. Ego vero morbum grauissimum, vt pote sæuam pleuritī considerans, à prælagio habito, quod hæc moritura esset, & forte quia interposita erat sanguinis missio, eam relinquere proposueram, cæterum rogatus, & ne immisericors viderer, in cura perstiti, & omnia quum æque librarem, iubeo axillarem eiusdem

dem lateris, vt antea agendum commendaueram, aperire: occupabat autem dolor superiores thoracis dextras costas. extractus itaque est sanguis ad vncias octo, corruptus, & infectus admodum, cuius maiorem quantitatem demere in animo constituerā, ni animi deliquium mulierculæ superuenisset. Ab hac igitur sanguinis missione, muliercula hæc melius sensit, eius nanque arteriarū pulsus, clarius percipiebantur, & nausea euauit, & respiratio faciliior est reddita. Vesperit tandem, ex eodem foramine, quia dolor infestabat, quinque aliæ sanguinis vnciæ sunt extractæ, desit nanque sanguis fluere: noctem vero sequentem totam insomnem trāsegit, intense autem doluerat, vt non nisi supina cubaret, in qua bis tantum alius citata est, tunc pulsus rectius habebant, sed lotium rubrum, crāssum, & turbatū valde erat, ob quæ, die Lunæ, prædicta vena iterum secta fuit, & sanguis ad vncias octo fluxus, quā in vniuersum corruptione maiori quā antea infectus erat. ab hac vero sanguinis missione, expuere cœpit, album, coctum, & minime malignum. tunc hæc in eodem perseuerabat victu
reg

regiminéue, & eadem dicta gustabat
medicamenta, syrupum tamen de gly-
cirrhyza per interualla cochleari lam-
bebat, & dolenti loco, cataplasma hoc
admouebatur, Rec. chamæmeli, me-
liloti, radicum maluanisci, foliorum
maluarum, branchæ vrsinæ, an. pug-
vnum. Seminis lini, fœnugræci, an. ma-
nip. vnum. in aqua fiat decoctio suffi-
ciens, & coletur, ac in mortario omnia
recte terātur. quibus adde, olei amyg-
dalarum dulcium, vncias duas, butyri
recentis vnciam vnam, & alterius me-
diam, assungia gallinarum vnciam
vnam, farinæ hordei vnciam vnam.
Prædicto decocto misce, fac cataplas-
ma, & sæpe calidum applicetur: tunc
alius constricta est, & die Martis, hoc
est, quinto, à morbi initio, omnia ea-
dem erant. sexto, deteriora omnia fa-
cta sunt, & luctuosas respirationes ex-
pirabat, & sufflabat, & arteriæ metacar-
pij ingentem duritiem præ se ferebāt,
& tam supra quàm infra in totum re-
stricta est, nihil nanque expuebat, nec
quicquam etiam clysteri iniecto, ege-
rebat. Septimo desperata sunt omnia,
in fine cuius obiit: obiit autem eadem
hora, qua ægrotare cœperat: & vt pu-
to,

to, quia primo die prætermiffa fuit sanguinis miffio, & in fequentem procraftinata.

S C H O L I A.

Non est, quod quis mihi obijciat, in hac muliere, quia menses integro anno fuppreffi erāt, ex faphena pedis vena, primo fanguis demendus efferet, quando nouerit ille morbum hunc phlegmonem grauiffimam, & periculofiffimam, internam fuccingentem coftas membranam occupantem, efferet, à qua omni acta diligentia, non folum materia fluens, fed parata fluere, & ea quæ actu malam qualitatem, & folutione continui facit, vacuanda efferet. Caterum, quum citius, & ocyus, fecta axillari ea extrahatur, cōfequens efferet, ex axillari quàm faphena, exordiū fumpferimus. Adde, quod fi ex faphena fanguis demeretur, vt egrotans breui iuuamentum confequeretur, fanguinis maiorem quantitatem opus efferet extrahere, & inde vires magis, & magis laberentur, & per confequens egrotans diem fuum citius obiret, quū fanguis inflammationem faciens, non ita cito, & facile vacuaretur. Meminiſti enim ex Galeno, libris Methodi med. pleuriticis & ſchœnanticis, & peripneumonicis, virium robur, vnicam efferet ſalutem, fuit autem pleuritis hæc ex morbis incurabilibus, qui neceſſariò ingulant, & interficiunt, quos attigit

B

Gal. libris de facult. simpl. med. ubi de bolo armeno agit, veluti alibi saepe. Porro si pleuritis hac, vigent e lue pestica contigerat, tunc etiam in viro satius erat à saphena sanguinem demere, quàm à vena brachij. Ceterum cur sanguinem extraximus, stante fluxu ventris, scholion Curationis sequentis legito.

*Curatio tertia, in qua agitur
de pleuritide.*

Iosephus Bonus, vir robustus, & fortis, pleuritide grauissima correptus est: nam præter accidentia, siue signa *παθητικὰ*, propria, siue perpetua, & inseparabilia dicta, fluxum ventris patiebatur, & comatosus, siue soporosus erat, ad quem ingressus medicus, illi sanguinem ex interna brachij vena extrahere iusserat, chirurgus vero, quum internam, & mediam venam occultam inuenit, cephalicam capitis aperuit, secuit, & sanguinem extraxit. ad eum igitur vocatus ego, quarto die ægritudinis eum pessime habere deprehendi, omnia enim graua, & periculo plena erant, qui non nisi vocatus, & incitatus meiebat, vrinam turbatā satis, & pessimā, vt liceat mihi admirari, diuinum senē illum Hippocratē nunquam
satis

satis laudatū, libro primo Prædictio-
nū, qui de hac re ita tradit, Urinæ quæ
mingūtur à nō recordatibus, nec com-
monefactis, perniciosæ. Nā hæ mingū-
tur, velut si subsidientiam conturbasses.
Cæterū, huius vires imbecilles erāt, &
ventris fluxus fere cohibitus, quibus
de causis, hunc breui moriturū præsa-
giui, assistens tamen medicus, illi san-
guinē mittere ex brachio cōtendebat,
& accersito chirurgo, vt interna tun-
deretur. Ecce, deprehendo errorem, vt
vice axillaris, cephalicam tunderet,
aperirētue, occultabatur nanque in-
terna vena, quam tunc indigitauimus,
sed sanguine fluxo, peius habuit, &
breui postea à vivis decessit.

S C H O L I A.

*Advertant hic medici, tantum errorem à
chirurgo venā feriente, cōmissum, qui si doctus
adesset medicus, proculdubio, nō aberraret, nec
in tam grave laberetur peccatum. Curent igitur
medici, paucos agrotantes, & ipsos forte
bene nummātos, præ manibus habere. sic enim
vt puto, tantus nō nasceretur error. sed, vt mea
fert opinio, errores ij, & similes, non medicis,
sed agrotantium avaritiæ tribuendi sunt: pas-
sus nanque fuerat vir hic, vt audio, annis etia-*

psis, simile morbum, cui septies sanguis ex brachio extractus fuerat, sed utinā ex vena morbo cōueniente. Nam cū pleuritis morbus erat, pro quo curando interna cubiti diligenter secanda erat, & sanguis ex ea ocysime extrahendus, medicorū tamen negligentia ex cephalica, siue capitali vena chirurgus sanguinē demebat, quo factum est, quum egrotus nullum consequeretur iuuamen, medici iterū vacationem repetere iuebant, ita ut septies, hic, ex vena capitis, phlebotomatus fuerit, vnde, quū à pleuritide, bona sui fortuna, hic euasit, semicæcus tamen, & lingua contracta mansit. recte igitur consulebat Damascenus in suis Aphorismis, ne multorum egrotantium medicus curam haberet, cui omnes hodie docti subscribunt, adstipulanturue. Ceterum, cum ventris fluxum pleuritidi complicatū, periculosum dicerem, alter medicus, ex Auicenna oppositum contestabatur, & re vera, Auicenna loco huic dicato negotio, inquit, & fluxus in principio apparens, bonum est signum. re vera tamen medicus ille cæcutiebat, quum ignoraret, profluuium alui ab hoc egroto passum, non esse à natura regulatum, sed verius symptomaticum, & violētum. Si autem initio pleuritidis, fluxus ventris apparuerit, & eo dolor delituerit, & respiratio liberior sit, & symptomata omnia minuantur, ut egrotus melius

melius habeat, tunc dubio procul, talis alui fluxus optimus erit: mea tamen sententia, initio pleuritidis, alui profluuiū, raro optimū cernitur, sed potius tanquam lethale indicium saepe habetur, quia morborum initio, omnis vacuatio violenta, & symptomatica est: successu vero morbi, profluuium alui optimum esse poterit. id quod non siluit Hippocrates, & Galenus libro sexto aphorif. enarratione 16. cum dicat, In non periculosa admodum pleuritide, sed mediocri, profluuium alui supraueniens, potest iuuare, ratione vacationis, & eo magis, si indicia concoctionis fuerint, & morbus iam citra periculum cernitur. quæ omnia Mesues cordatus practicus, & famigeratissimus medicus non ignorauit.

Curatio quarta, in qua agitur de pleuritide.

EX multis qui pleuritide laborarunt, omnes quibus febris desuit, manente adhuc dolore, euaserunt, eorum tamē nonnulli, quibus dolor primo euauit, & febris perseuerauit, obierunt, vt nunc verno hoc tēpore anni 1560. sæpe obseruauimus, in quō epidemicæ pleuritides plures grassabantur, quibus nō pauci laborātes, desinūt

febrile, manente dolore, & salui omnes fiunt, vt nepos Eben Portæ, & socrus Iacobi Nauarri, & alij varij: forte quia crassior spiritus locum imbecilem obsedit, & dolorem febre absente, incitat, vt proprio suo loco diximus.

S C H O L I A.

Satius igitur est, in pleuritide febris desinere, etiam si dolor perseueret, quàm si contrario contingat, id quod ante nos memoria commendauit Auicenna, & alij prisci medici.

Curatio quinta, in qua agitur de compescendo sanguine, & sectione uenarum sub lingua, superfluente.

Vir, cui sub lingua venæ leonicæ dictæ, sectæ sunt, valde angustabatur, quòd ex eis multus fluebat sanguis, nec pro eo compescendo remedium habebatur. Cæterum, post multa hinc inde petita, sed frustra actitata, iussu fuit, vt agrotus acerrimū acutum ore teneret, & aliquoties id repereret. quod, Deus bone, ita contulit, vt illico sanguis constrictus fuerit, & venæ ipsæ agglutinatæ.

S C H O L I A.

Vt multis, & honestis, ac homine libero dignis

guis artibus, opus est medicus ornetur, ut bonus & summus euadat, ita oportet, remediis non solum exquisitis, & ab India & exteris nationibus petitis, instructus euadat, sed domesticis, & paratu facilibus muniatur, ut quum opus fuerit, nulla interiecta mora, eisdem utatur. periculum est enim, iis, & similibus in morbis, mortem minitantibus, dilationem in medicamentis inquirendis interponere.

*Curatio sexta, in qua agitur de
Tertiana interficiente.*

Solomon Seneor, vir æterna memoria dignus, ob varias multasque eius heroicas virtutes, quas in presenti subitico: liberaliter namque, cum diues satis esset, sua pauperibus impartiebat bona, & ita alacriter, ut omnibus esset admirationi. Is, cum esset temperatura sanguineus, obesus, in deliciis agens, variis assuetus cibariis, multo gelu, mellonibus, cucumeribus, peponibus, & aliis horariis, pessimi succi fructibus, ætatis suæ anno 48. vigente autumno, febre tertiana corripitur, ex qua prioribus diebus mundus euadebat, & minorante epoto medicamento, alio placide respondente, melius habere videbatur. Tertio vero paro-

xyfmo, grauius habuit, & re vera à fe-
bri immunis non fuit, fed per nares
guttatim fanguis illi fluebat. elapfo ve-
ro quarto paroxyfmo, fanguinem ex
basilica ad fex vncias extrahendū. cu-
rauimus, habito præfagio, quòd poft
fanguinem extractum, quafi depofita
farcina, natura melius & alacrius gu-
bernatura, fanguinem per nares copio-
fe tranfmiffura efferet, id quod poftca
omnes ita eueniffe viderunt. à fanguini-
nis miffione, peius fempet habuit, &
paroxyfmorem varia fuit cōplicatio,
& confufio, & confequenter ingens vi-
rium confternatio, tandē feptimo pa-
roxysmo, hoc eft 14. die, fuperuenien-
te, non paruo, neque frigido, fed cali-
do, & copiofo fudore, occubuit, & vitā,
proh dolor, cum morte commutauit.

S C H O L I A.

*Quòd huic non efferet extrahendus fanguis
per vena fectionem contendebat quidam, nec
aliam rationem, quàm quòd alter fimili mor-
bo correptus, cui extractus fuerat fanguis, ob-
ierat, afferebat. Cæterum, cum morbus poftu-
laret, & vires conftarent, & cætera confenti-
rent, affentirenturue, hominis impudentiffimi,
& artis medica ignorantiffimi, fententiam
paruifecimus, immo conteftabamur nos, hunc*

non

non posse euadere nisi bis, & ter sanguis abū-
de ex eo demeretur, quia ingens vigeat ple-
thora, qua de re, quum repetita sanguinis mis-
sio non fuit, sed longe pratergressa, diem suum
obiit. Memoria reuocandum est, Hippocra-
tem meminisse aliquando, agrotantes omnes
quibus è naribus sanguinis stillicidium conti-
git, obiisse, vt nostro euenit egroto, quanquam
aliàs, contrarium euenire memoria quoque
commēdauit, vt ex *Libris Epid.* doctus quis-
que euadere poterit. Caterum, hac in curatio-
ne dubitaret merito aliquis, si die decretorio
copiosus huic sudor, & bene calidus superue-
nit, quomodo tamen è viuis decessit. Nos mul-
tis respondemus modis, primo, vt verum est,
quòd in declinatione vniuersali morborū ne-
mo mori potest, vt latius aliàs diximus: ita nō
mirum est, egrotos in paroxysmi particularis
inclinatione, ob imbecillitatem succumbere &
mori. Obiit autem egrotus hic in morbi au-
gmento, in quo nunquam concoctio digna con-
sideratu apparuit. Secundo respondemus, hu-
morem gignentem sudorem benignum esse, ve-
nenosum vero & interficientem, intus latita-
re, & cor, membráque præcipua vt à natura
non regulatum, oppetere. Tertio respondemus,
ea hora: cum duellum inter morbum & na-
turam committatur, humor venenosus tan-
quam bestia fera dormiens irritatur, vnde

B S

vires succumbunt, & agrotus obiit. quo fit, ut in febribus pestilentibus agrotantes diebus decretoriis, quam quibusvis aliis diebus, mori contingat, ut cum de diebus decretoriis egi, abunde patefeci. Tu vero candide lector, si hæc non satisfaciunt, meliora querito, vel nobiscum dicas, hunc præ multitudine humorum, quos natura ultimo regulari non valuit, occubuisse.

Curatio septima, de intensissimo capitis dolore, post optimum partum oborto.

MVlier primipara, cum recte puerum peperisset, & partus purgatio copiose illi responderet, nihilominus caput intensissime dolebat, & ventris dolorem patiebatur, & intensissime febricbat. ad quam vocatus, iubeo ex saphena sanguinem mittere copiose, & destillatitiâ ex flore chamæmeli ebibere, quibus remediis, optimo proposito victus ordine, intra biduum, sanata est. erat enim optimi habitus iuuenis hæc, & bene sanguinea.

Curatio octaua, de capitis ingenti dolore, à vomitu contracto.

Abra

A Brahamus, qui antea ex Meliten-
sibus miles erat, quum multa ma-
gno impetu vomeret forte ob graua
comesta cibaria, ita caput doluit, vt
vertiginosam quandam affectionem
inde contraxerit, adeo vt cum in cubi-
li staret, leuaretur ve ex eo, omnia cir-
cumrotari, & in gyrum verti, illi vide-
rentur: non febriebat, sed multum de
capite querebatur. hic à clysteri inie-
cto, & cucurbitulis secta cute, scapulis
affixis, & roborato ventriculo, & quie-
te habita, ac frictionibus, brachiis &
cruribus celebratis, intra triduum re-
cte habuit, vt liceat clamare veridicū,
& diuinū axioma illud, Contrariorum
contraria sunt remedia.

*Curatio nona, in qua agitur
de uermibus.*

Q Vum intense febriret, & de ven-
tre quereretur puella annos na-
ta sex, & filia viduæ Caua-
lerij medici, ad eam sum vocatus, cui
cum electarium nostrū ē semine xan-
thonico, & pauco rhabarbaro, exiguo-
que albo agarico apparatus, vt supe-
rioribus libris legitis, darem, plures
egessit vermes, & breui sanata est, ve-
lu

luti filiulus Abrahami Hodaræ, & puer ex Melitensibus militis supra citati, & puella Sagaciorum, varie tamen medicamentū hoc paro, offerōve, cū forma, tum pondere, aliquando oxymelli te dissolutū, nonnunquam vero opiata forma apparatus, prout pueri magis appetunt, idque nonnunquam supra epoto vino, aliquando aqua graminis, vel destillatitia portulacæ, aut eius decocto, prout vires constant, & symptomata vrgent.

Curatio decima, in qua agitur de opisthotono, hoc est, capitis cum ceruice ad posteriora tensione retractioneue.

MVlier Romana, annos nata quinque supra quadraginta, repente opisthotono correpta fuit, caput namque cum ceruice ad posteriora contracta habebat, cum quibus & dentes clauiculatos habebat, vt vix ad sorbitiones per os iniiciendas, mulierculæ assistentes, cuneolis aperire poterant, nā & linguam contractam quoque habebat, & intense dolebat, & angustiabatur:

tur: sæuus nanque & crudelis morbus
hic est, ex quo, per interualla, misera
hæc ita acriter vexabatur, cruciaba-
túrve, vt à ceruice ad calcaneum om-
nia illi retrahi, auellíve deploraret, in-
cipiebat nanque retractio, distensióve
hæc (vt ipsa aiebat) à medio scapula-
rum, quæ inde per spinam, & crura ad
calcaneum vsque distendebat, vt non
solum cum ceruice caput, sed vniuer-
sum eius corpus tunc ad posteriora
cōtrahi videretur, & tunc exululabat,
& fortiter dolebat, non tantum poste-
riores partes, sed ventriculi quoq; os:
sed id forte consortij ratione: est nan-
que casus is miserādus: & re vera om-
nes qui misellam hanc videbant, eius
miserabantur. ad quam vocatus ego,
& prædicta perpendens, æquilibrāsve,
iubeo huic victus sint oua recentia:
pauco cinnamomo supra resperso, aut
gallinæ iusculum, aut ex eius pectuscu-
lo paratū contusum, & aromatis con-
cinnatum, potus vero, aqua cinnamo-
mo, aut semine anisi incocta: iis paucis
propositis, bolū diaphœnicone, & spe-
ciebus hyeræ constantem, deglutien-
dum illi dedimus, quo alius optime
respondit, postea vero clysteres acres
iniicie

iniiciebantur, & ceruix cum tota dorfi
 spina ex oleo lilino, & vulpino inunge-
 batur. elapsis vero duobus diebus, cu-
 curbitas sex, secta cute, affigi iussi,
 duas ad ceruicem, totidem infra sca-
 pulas, ab vtraque spinæ parte, & duas
 ad nates: quibus magnum est conse-
 quuta iuuamentum, symptomata nan-
 que ex parte remissa sunt, & os aperiri
 cœpit, & lingua in proprium suum lo-
 cum se recepit, tunc vero ex oleo de ca-
 storeo calente, prædictæ illinebantur
 partes, & tota ceruix succida lana fas-
 ciabatur, & singulis auroris, stomacho
 ieiuno, aut syrupum de stœchade com-
 positum, adiecto decocto ex maiorana,
 pulegio, stœchade, origano, & similibus
 confecto, aut semiunciam theriaces
 diateffaron dictæ, accipiebat, post quæ
 præparata expulsionis materia, quia ca-
 tapotia nondum deglutire valebat, phar-
 macum pituitam respiciens (à pituita
 nanque morbus hic ortum traxerat)
 ebibit, quo multa egressit pituitosa, &
 melius habuit. Tunc vero, sequenti-
 bus diebus, circa castoreum omnia ver-
 sabantur, tam intus ebibitum, quam
 foris applicitum, bibebat autem se-
 midrachmam pro vice, aut prædicto
 syrupo

syrupo mistam, aut theriacæ commem-
 moratæ obuolutam, quibus, & frictio-
 nibus admissis, intra mensem sanata
 præter omniam spem est. agebat au-
 tem mulier hæc apud eos, qui ex Ap-
 pulia sunt. Porro Abrahamus Boto-
 nius mercator diues, hyemalibus mē-
 sibus, tetano correptus fuit. eius nan-
 que ceruix, recta intendebatur, & ad-
 latus non movebatur, ex quo morbo
 grauissime dolebat, qui cum cucurbi-
 tulas incisa cute non admisit, etiam si
 vesicæ, & fomenta, & vtricoli, ex oleis
 calidis apponebantur ceruici, & om-
 nia pernecessaria exercebantur, non
 ita facile tamen sanitatem adeptus
 est, etiam si febres mites illi superue-
 nirent. erat autem vir hic annos natus
 sexaginta fere, carnosus, statura pro-
 cera, temperatura optima, qui paucos
 post menses, ex alio morbo, vt audio,
 diem suum obiit.

S C H O L I A.

*Heradotus non postrema nota medicus,
 libro definitionum illo, qui falso sub Galeni
 titulo, passim circumsfertur, inquit, Spasmus,
 siue conuulsio est affectus, qui nervus, ac mus-
 culis accidit, quum modo totum corpus, modo
 pars eius, citra voluntatem trahitur. que sa-
 ne*

ne definitio, multū accedere videtur ad eam, quam Galenus libro secundo de symp. causis, eiusdem numeri capite, & libro sexto aphor. enarratione 39. & libro de tremore, & pal- pitatione, prope finem, & saepe alibi memo- rie commendauit, dicens: Conuulsio est, quæ nervos musculósque ad eundem cogit affectū, in quem ab animali facultate, quum natura- lem habitum seruarent, ducebantur: si nan- que facies, aut eius aliqua pars affecta cōuul- sione est, tunc cerebri nervos male affici, cer- tum est: si vero totum corpus, aut eius aliqua pars, dempta facie, tunc aut à nucha, aut ab spina, exortos male affectos esse nervos, prout doctus coniectat medicus, Galenus est auctor, libro 3. de locis affectis, capite de Apoplexia, ad hunc dicens modum, Si toti corpori con- uulsio acciderit, spina initium affectum esse declarat, faciei partibus omnino seruatis illæ- sis, quod si hæ quoque afficiantur, cerebro iam illatam esse noxam ostenditur: vbi vero pars aliqua conuulsa est, nervum qui eius motio- ni deputatus est, aut muscolum affici necesse est. Igitur si ex anatomia nervorum, ad singu- las partes venientium principia didiceris, per- quam facile earum, & sensum & motum de- perditum curabis. ex ijs igitur Galeni dictis, nostra manifesta satis euadunt. Ceterum ad- uertendum duximus, quòd in conuulsione tria
ha

habentur, convulsio, siue malus ille motus inuoluntarius, mala figura, & malus humor, siue mala intemperies humida, vel sicca. Nam malus ille motus inuoluntarius, siue deprauatus, morbus non est, sed symptoma potius; ut meminit Galenus libro 5. de sympt. causis. At mala membri figura, morbus in positione siue situ est. erit igitur, in hoc casu morbus dicendus, mala intemperies ab humiditate orta, vel potius humiditas ipsa immediate operationem ledens; veluti siccitas in convulsione ex inanitione facta; nec enim refert, idem causam, & morbum dici, ut lapis in vesica; quoties enim lapis vesicæ in eam partem occupat, offenditque, tunc morbi causa dicitur: quum vero eius viâ colli, & causa, & morbus obstruens, merito appellabitur. sed hæc sic per transfennam sint dicta, non ignorantibus nobis priscum illud, & hodie satis exagitatum alubium, de causa coniuncta. porro ex Hippocrate lib. 6. aphor. 39. vobis notum esse haud dubito, convulsionem fieri, vel à repletionem, vel inanitionem: à repletionem, quoties nervi humiditate repleti, latiores facti, tenduntur: ab inanitionem vero, quoties nimia siccitate contrahuntur, ut fidiculis, chordis vel lyra, & corijs, lorisque nimie humiditati, aut igni expositis, euenire quoque notamus, unde Galenus, libro octavo de Comp. med. sec. loc. præter repletionem, & inanitionem,

C

nullam aliam reperiri conuulsionis causam di-
 xit. Quod intelligi velim de conuulsione facta
 per essentiam, sine primogeniam affectionem,
 vt ex ipso Galeno elicitur, lib. 5. aphor. enar-
 ratione prima. nam prater has duas conuulsio-
 nis species, longe differens tertia quæ per con-
 sensum, aut communionem fieri solet, habetur,
 quam nõ proportionatam ad materiam Aui-
 cenna & eius sequaces non insulse appella-
 re solent: quia in ea nulla est materia nervos
 sua repletionem ledens, aut extendens, nec in-
 initio, quia nervi neque vacui neque inanitione
 aliqua sunt affecti. Fit igitur conuulsio hæc
 non proportionata ad materiam dicta, cū res
 noxia, aut acris, aut vellicans, nervis suam im-
 partitur noxam. tunc namq; nervi contrahun-
 tur, & originem suam querunt. Nec Galenus
 hanc vnquam præterit, sed eam potius me-
 morie commendauit, vltimis lineis libri duo-
 decimi Methodi med. Sic enim pro coronide
 Galenus ait, Conuulsio fit, vel ex plenitudine
 nervosarum partium, vel ex mordente & te-
 nui humore, qui nervosa corpora rodit, vel ex
 ingenti frigore, quod tale quippiam quale gelu
 efficit. quarta, quæ ex nervosarum partium
 siccitate provenit, & insanabilis est. Per ea
 igitur verba, quæ Gal. ait, ex mordente & te-
 nui humore conuulsionem fieri, hanc non pro-
 portionatam ad materiam intelligimus, quæ
 & ab

& ab ingenti frigore, fieri quoque potest. sed
 eam clarius libro artis medicinalis Galenus
 ipse descripsit, cum dicat, Nervi vero & ten-
 donis punctura, propter sensus vehementiam,
 & quoniam hæc pars principio continuatur,
 prompta est ad nervorum convulsionem exci-
 tandam, & cætera. Per communionem nanq;
 convulsio hæc fit, quæ iuste non proportionata
 ad materiam dici meretur. Porro, quoniam tribus
 modis nervi & musculi depravato motu mo-
 ueri soleant; fit inde quod convulsionis tres de-
 scribantur ab authoribus species, siue differen-
 tiæ. Nam si membrum ad anteriorem partem
 trahitur, ea convulsio emprosthotonos appella-
 tur, cum verò ad posteriorem, opisthotonos,
 quæ agrotas nostra passa est. in qua vel Hip-
 pocræ: e tesie, in calce libri de internis affectio-
 nibus, & Paulo, libro 3. sue medicinæ, retro
 in cervice tendines, nervi & musculi agrotant,
 veluti in emprosthotono, anteriores, sed in
 egrotante ista, non solum partes posteriores,
 laese erant, sed etiam cerebrum ipsum, id quod
 mandibula male affecta, & dentium constri-
 ctio, & linguae retractio, attestabantur, unde
 & capiti quoque subvenimus. Tertia nanq;
 species Tetanos dicitur, quam Celsus, Rigorẽ
 appellat, & fit, quoties membrum recte inter
 utranque partem intèditur, quia nervi æque
 ab utraque parte trahunt. Et hanc passus est

Abrahamus Bottonius, ad quē, elapsis vigin-
 ti diebus, accedens ego, ipsum acriter dolere
 inueni, & vt tunc mihi retulit, primis diebus
 illi ad posteriora caput trahebatur, sed postea
 recta ceruix mansit, ex qua multum dolebat.
 hinc enim Oribasium ego multis laudibus ex-
 tollo, vt qui in tetani curatione, ex Philume-
 no, præter vesicam oleo calido repletam, &
 ceruici admotam, iubet cataplasmata, & re-
 media non solum comprehendant ceruicem,
 sed vtranque maxillam, totamque spinam, ad
 lumbos vsque. Sed iam nunc iustum est in-
 quiramus, à quo humore morbus hic ortum
 trahat, hoc est, conuulsio, ex plenitudine facta,
 & quæ repente, aut non multo post aliquem
 morbum oriri incipit. Galenus igitur libro 5.
 aphorism. enarratione quinta, & libro 2. eius-
 dem voluminis, enarratione 26. veluti multis
 aliis suæ doctrinæ locis, firmat, conuulsionem, à
 materia pituitosa fieri, quanquam libro 12.
 Meth. med. vt supra iam memini, tradat, con-
 uulsionem fieri posse à frigore intenso, vt gelu
 operante, quod nervos rigidos & concretos re-
 digit. id quo d Paulus Argineta eius simia,
 imitari videtur, quum tradat libro 3. suæ me-
 dicinæ, capite 20. ex Pelopis Galeni præce-
 ptoris documento, conuulsionem, siue eius dif-
 ferentias fieri, ab spiritu crasso, & vt glacie
 concreto, intra nervos conteto, qui difficulter,

& contumaciter mouetur, & non nisi calidis
 & siccis medicamentis dissoluitur, & curatur.
 Hos præclaros Authores imitatus Auerrois
 libro 3. sue medicinae, dixit, conuulsionem af-
 flatu fieri: ait namque Auerrois, nervos rece-
 ptiores esse pituita, quàm alterius cuiusq; hu-
 moris, ex qua pituita, innati calidi beneficio,
 flatu, siue spiritus resultat, qui maius occupas
 in nervis ipsis spatium, in causa est quòd ipsi
 contrahantur, conuellanturue. Et rectius forte
 dixerimus, si Auerrois Galenum imitatur, li-
 bro 3. de locis affectis, capite quinto, in quo de
 morbo comitiali, totius corporis conuulsione
 vniuersali, agit, qui non ab ariditate, vacua-
 tionéue talem morbum fieri, sed ab humore
 crasso, breui tamen à cerebro concusso, tradat.
 Auicenna vero fen. 2. libri tertij, tract. 5. eius-
 dem numeri capite, inquit. spasmus siue con-
 uulsionem plerunque à pituita fieri, aliquando
 vero, à melancholia, tertio vero, & rarius, à
 sanguine, præcipue phlegmonem in musculo
 gignente, ut Gentilis inibi enarrat: coniectat
 namque Gentilis de Fulgineo, quòd sanguis
 conuulsionem facere non potest, nisi inflamma-
 tionem creando. Nos, ne amplius discurramus,
 breui cum Galeno, & Paulo dicamus, conuul-
 sionem ex plenitudine plerunque à pituita
 multo spiritui flatuoso mista, euenire, quæ pi-
 tuita, & flatu non raro ut glacies in frigiditas

unde nervi rigidi & concreti manent, veluti
 animales spiritus intra eos contenti: qui si in
 cerebro ita nervi afficerentur, proculdubio, ca-
 talepsis morbus, recentioribus congestio, orire-
 tur, ut Curat. 14. Cent. 2. dixi: non est tamen
 negandum, quod non nullæ leviores convul-
 siones à flatu tantum gignantur, ut cruribus
 sæpe euenire notant homines, præcipue natato-
 res, non sine eorum ingenti pernicie: repente
 nanque morbus hic apprehendit, & breui di-
 mittit, quem Hispani Calambiam, Itali cran-
 fiam, aut granchium appellitare solent. à frigi-
 ditate nanque, ut ad Galenum reuertamur,
 libro 12. Meth. med. non solum convulsio, nõ
 proportionata ad materiam, ut Auicenna vult,
 fieri solet, sed etiam quæ à plenitudine oriri
 solet: frigus nanque potens, & validum ita
 vapores crassos in neruorum substantia redde-
 re poterit, ut sua crassitudine, et humoralis sub-
 stantia eos coarctet, & repleat, ac postea ipsi
 convulsionem pariant. à bile vero convulsio si
 fit, ea ab eius acredine, & mordacitate fit, quæ
 ad non proportionatam materiam merito re-
 ferri debet, ut ex Galeno diximus, & Aui-
 cenna firmat, citato à nobis loco.

Consequens est, hic secundum proponamus
 dubium, si verum est, quod convulsio à pituita
 fiat, ut Galeno placere dixi, cur est, quod ab
 hac eadem pituita nervis imbibita, non ma-
 gis

gis oritur resolutio, paralyfis dicta, quam spas-
mus siue convulsio. Averrois citato à nobis lo-
co, libro 3. sui collectorij, ob hoc dubium an-
ceps, opinatus est, convulsionem non ab humo-
re, sed à flatu potius ortum trahere; quia si pi-
tuita a nervis imbibita esset, perinde ratio mili-
taret, quòd ab ea non tam convulsio quàm re-
solutio siue paralyfis fieret. At Averrois in
hoc parcat, quia etsi insignis fuit philosophus,
non adeo tamen in medicina excelluit, ut illi
authoritatem dare debeamus: nec enim ipse
novit differentiam habitam inter obstructio-
nem, à qua sit convulsio, & eam à qua oriuntur
trahit resolutio: quam nos nunc ad omnium
utilitatem scriptis mandamus, & sic habet:
Quando pituita, vel materia alia, nervorum
amplos occupat meatus, tunc convulsio oritur,
quando vero non solum amplos & latos, sed
exiguos & arctos, ut nulla restet via, aut spi-
ritibus transitus, tunc paralyfis, siue resolutio
membris fit. Hoc autem nostrum responsum
presupponit nervos, vias, & expiramenta ha-
bere, id quod Gal. de visorij, non negat, de
reliquis vero, anceps & dubius est. Tertium
dubium occurrit, quòd Averrois proponit, &
est, cur in convulsione & plenitudine, nervi
secundum latitudinem extendantur, secundum
vero longitudinem contrahantur, ac non alià
suscipiant figuram, & alterationem: respon-

sum est, quod spiramenta, pori dicti, ad latus, id est, secundum latitudinem iacent, id quod in spongiis quoque cernitur, quæ cum sint aqua plene, & farcite, secundum latitudinem extenduntur, & curte euadunt. Sed quæret curiosus iuuenis, cur natura secundum latitudinem spiramenta constituit, quàm secundum aliam dimensionem magis? nos huic dubio per amplam respondendi licentiam Cardano Mediolanensi, viro sapientissimo, & subtilissimo, hodie cum suis subtilitatibus damus, nobis vero satis est dubium proposuisse. Ceterum in tetano, & eius speciebus, cucurbitulas secta cute, abnegare, hominis est ineptissimi, & medicam artem in totum ignorantis. iubent namque docti Græciæ medici omnes hoc in casu, cucurbitula affigantur cervici, & lumbis iuxta spinam, & aliis locis: & ut Paulus ait, cum lancinata, hoc est, ut Orbasius antea in suo Compendio dixerat, incisa cute: Nam leues, absque cutis incisione, dictæ cucurbitulae, noxam, & damnum inferre solent, ut experientia deprehensum est in Abrahamo, à nobis citato. quum namque consultum erat, ut cucurbitulae affigerentur, cute secta, ille medici cuiusdam monitis, absque scarificatione eas adfigi iussit, unde peius postea habuit: sed medicus hic, ut minus instructus in doctorum medicorum doctrina, relinq

linquendus est : *Auicenna* nanque capite
 10. prædicti libri, ita inquit, tetano eadem de-
 betur curatio, quæ spasmō fieri solet. Verum-
 tamen cucurbitularum vsus magis requiri-
 tur in tetano quàm in spasmō, quia earum
 beneficio reuiuiscit calor, sintque incisa cute,
 præsertim super ceruices, & lumbos, ab vtra-
 que parte spina, & pectus, & præcordia. Ex
 his nanque *Auicenna* verbis satis constat,
 quàm inepte medicus ille loquebatur. Sed &
Gentilis, cui ille multum tribuebat, cū Græ-
 cis sapientibus, cucurbitularum siccarum no-
 cumentum maius facit, quàm id quod ex se-
 cta cute, admotis oriri poterat. Reliquum est
 dicere, nos frigide affusionem, pro conuulsio-
 nis curatione, vt maxime temerariam præter-
 mittimus : qua de causa, *Marco Catmario*
 nullam fidem hoc in casu tribuimus, qui per
 eius affusionem, curationem moliri suadet. Sed
 iam conuulsionem vacuationem sequentem,
 miram audiamus, quæ ab hinc quindecim an-
 nis curationem non recipit.

Curatio secunda, in qua agitur
 de conuulsione inanitionem
 sequente, habita in cruri-
 bus.

C 5

X **I**saacus Lumbrosus, vir annos nat-
us triginta, temperatura cum san-
guineus, & optimi habitus esset, crura
tamen gracilia, plusquam tanto habi-
tui conuenirent habebat. Is forte cum
plus iusto coiret, in vtriusque cruris
conuulsionē lapsus est, quæ dubio pro-
cul ab inanitione ortum traxerat, ni-
mia nanque siccitate, contracta à coi-
tu, nerui qui in crura diuarcantur, ma-
le affecti sunt, quam malam affectio-
nem, siue peruerū siccissimam intem-
periem, conuulsio, siue spasmus de ina-
nitione, symptoma graue, & ferè im-
medicabile, consequutum est. pro quo
curando, guayaci decocto, tenuissima
victus ratione proposita, runc sinistre
ad multos dies vsus est, quo, vt conse-
quens erat, peius habuit, & eo peius,
post vsum balnearum Patavorum, &
exuberantem crurium sudorem, inibi
per foramen conquistum, quibus om-
nibus, nerui magis assiccati sunt, & cru-
ra ipsa, graciliora reddita, & impensius
contracta, neque pro hoc iuuando vi-
ro, nobili, & diuite, defuerunt remedia
multa, & varia, longo tempore, per
Brasauolum virum longiori vita di-
gnum exercita, veluti per varios ple-
rosque

eosque alios doctos homines, & non-
 nullos empiricos, sed absq; fructu vl-
 eo: agitur nanq; decimus quintus an-
 nus, ex quo vir hic hoc cōsenescit mor-
 bo, nunc vero postquā Theſſalonicen
 venit, ab eo rogatus, morbum tentare
 cœpi, qui cū siccitas ingēs sit, caliditati
 complicata, pro eo domando, vincen-
 dōue, curationis scopus erit, viciatas
 particulas humectare idque citra ca-
 lorem. At cū frigiditas nervis sit (do-
 cente Hippocrate) inimica, contrā, ca-
 liditas amica, in actuosis iis qualitati-
 bus medium tenere, consultum erat.
 Victus igitur ratio, aliquantulum co-
 pioſa, pro virium robore, offerebatur,
 quæ prædictas fortiebatur qualitates,
 & optimum adgenerabat succum, &
 hac de cauſa, ſingulis auroris, ieiuno
 ventriculo, ſingulas lactis caprini re-
 cēns mulcti, gabatas, adiecto ſaccha-
 ro, exhauriebat, vel eius vicem ius ca-
 pi, luteo recentis oui conſuſo, penſa-
 bat: dein vero leuiori pharmino ſub-
 ducta aluo, balneo ex capite veruccis
 apparato, adiectis althææ radicibus,
 lini ſemine, maluis, & nonnullis lilij
 albi radicibus, crura fouebantur, ne-
 que eo impenſe ſudarent permitte-
 bam:

bam: timor autem erat, proprium eorum humidum exhauriri, immo tunc veteri oleo affricari leniter persuadebam: asservabatur autem vetus oleum hoc hydria quadam à tempore Antonini Imperatoris, vt ex Gracula inscriptione affixa lapidi, hydriam contingente percipiebatur, quæ fundamentis, Christianorum sacelli cuiusdam, reposita, superioribus diebus per Turcas vastati, inuenta fuit: antiquissimum igitur oleum hoc satius dixerimus vnguentum & figura, & forma, respondens, quo vt dixi, hic sæpe crura inungebat. Sed & renes huius, à nobis obliuioni non tradebantur, vt qui natura calidissimi erant, & ex eis, per partium continuitatem, nerui, arteriæ, & venæ, quæ ad inferiores partes deducuntur, sicciores euadebant: quare de repro eis contemperandis, alterandisue, vnguento rosaceo, vel Galeni refrigerante dicto, sæpe utebamur, veluti infusis, ex lacte ouillo, caprinoue, aut maluæ decocto, rosaceo, aut violaceo, amygdalinoue dulci oleo, iniecto, compositis, non relicto saccharo, luteoue oui recentis: quibus omnibus, & variis aliis similibus, longo
tem

tempore vsus est, ac tandem ferro
 instrumento ad id à nobis machinato
 crus dextrum quod magis affligit, &
 gracilius habetur, & sæpius retrahitur
 dextre, & paulatim successiuis horis,
 extendebatur, immo postea, ad ther-
 mas quasdam, non procul à Thessalo-
 nicensi agro habitas, sulphure, & bitu-
 mine compositas, iuit, vbi & luto quo-
 dam, à Græcis saris commendato, se-
 nō semel lutauit, proluīue. sed vt pau-
 cis absoluam, absque profectu vllō.
 crediderim autem ipse, iam nunc ho-
 rum membrorum intemperiem factam
 esse, atque inde hunc in priorem sta-
 tum nunquam rediturum.

*Curatio duodecima, in qua agitur de
 fluxu ventris ab atra bile orto.*

SAmaya Constantinopolitanus, qui
 regios reditus apud ciuitatem Xe-
 res procurabat, fluxu ventris repente
 correptus fuit. ad quem vocatus, eum
 intestinorū tormina siue dysenteriam,
 à nigra bile ortam, pati deprehendo.
 Erat enim vir hic natura robustus, æta-
 tis quadraginta annorum, qui cū gra-
 uiter corripereetur, & male haberet, à
 præfagio habito, quod breui moritu-
 rus

rus esset, discessimus. obiit autem 14. morbi die. porro Abrahamus Pintus puer vndecim annorum, ex iecoraria, siue cruenta dysenteria, è viuis decessit.

SCHOLIA.

Quantum autem intersit inter dysenteriam cruentam, siue hepaticam, iecorariam dictam, & eam, quæ à nigra siue atramentaria bile venit, ex libris superioribus docti estis.

Curatio decimatertia, in qua agitur de pleuritide.

S Arcinator Sanctaranensis, vir sexaginta natus annos, sæua corripiebatur pleuritide, ad quæ vocatus, elapsis sex iam diebus, cum maximo dolore affici inueni, qua de re ille vt sanguinem illi ex brachio demere iuberem à me enixe flagitabat: ego vero hominis senis vires imbecilles considerans, & humorum obedientiã (multa nanque excreabat, & cocta) sanguinis missionem respui; celebratis nanque cæteris pleuritidi pernecessariis, rectius habebat, tandẽ ebibito Aegyptiæ siliquæ atramento, decocto pectorali excepto, recte intra viginti dies habuit. eo modo à pleuritide curata fuit

fuit vxor doctoris Aragonensium, quæ
& ipsa sexaginia cum esset, absque
sanguinis extractione libera euasit.

*Curatio decimaquarta, de intensissimo
dolore mediastinum infestante.*

DAuid Galaicus, siue Galecus, quū
sæpe podagra grauiter tētari so-
leat, & nunc ex ea lecto decumberet,
intensissimo & miserando dolore, in
medio pectoris affligi cœpit, adeo vt
ex eo miserrime vociferaretur, nec ad
satus volui posset. immo se mori, si
modo tāto malo remedium breui non
daretur, alta mente clamabat. ad quem
acceritus ego, internam brachij dex-
tri venam aperire, sanguinisque vncias
octo fluere, ac apponeretur sacculus
furfure & sale semiplenus iubeo, qui-
bus peractis, febricula detecta est, &
dolor eodem modo perseuerabat, affli-
gebātue, vnde à clysteri iniecto, quo
multa & varia egressit, iterum eadem
vena sinistro tamen in brachio, secta
est, & sanguinis vnciæ decem extractæ,
& loco dolenti topicum remediū ap-
positum, hoc est, vesica sequenti deco-
cto semiplena, habet decoctum sic, R.
parietariæ, chamæmeli, meliloti, ane-
rhi,

thi, radicū althææ, foliorū maluarū, seminis lini, ana pug. vnum, libris octo aquæ excipiantur, & fiat decoctio sufficiens, & coletur, ex quo decocto, adiecto pauco oleo chamæmelino, anethino, & rosaceo, vesica calida loco affecto applicita fuit, quòd si ægrotus dolore eo modo infestaretur, potionem hâc ebiberet, suasi, R. syrupi violacei recentis vncias duas, decoctionis chamæmeli, anethi vncias quinque, thripheræ magnæ cum opio, drach. duas, misce, & bis totam absoluat. cæterum omnibus peractis, ac potione dicta ebibita, liber, & sanus à tanto dolore, & malo euasit.

S C H O L I A.

Nisi enim ita huius morbi initio succurre-
rem, in phlegmonem dubio procul ægrotus hic
perueniret, quâ practici in mediastino pleuri-
tin appellare solent. Est autē mediastinus, ut
ex hominis fabrica percipitur, & Galenus re-
cte depingit, libro sexto de usu part. non vna
membrana, sed duo interstitia, quæ veteres
Græci, *διὰ τῶν ἰσθμίων*, id est, membranas in-
tersepientes appellauerunt, neotericū nanq; &
recens, mediastini nomen est: dicamus igitur,
Mediastinus gemini pāniculi sunt, versus dor-
sum contigui, distātes vero anteriori parte: qui,
pectus

pectus secundū longitudinem diuidunt, hoc est, per medium, in dextram & sinistram partem & intra hos duos parietes sunt, capsula cordis, & ipsum cor, & venæ cavae pars, siue alueus in dextrum sinū cordis insertus, diuidū & pulmonem, ut gemina sit spirationis copia, ut altera parte laesa, altera tamen in officio sit.

Curatio decima quinta, in qua agitur de utraque dysenteria, & quòd in eis sanguinis extractio multum iuuat, simulque de fluxu stercorario.

AD virum illum, qui dysenteriam diuturnam, & forte triginta dierum ingēti cū febre patiebatur, & post multa & varia adhibita remedia, imbecillis, & gracilis est factus, perseuerāte etiam fluxu ventris, multo cū sanguine, medicus cordatus ingressus est, cui sanguinem ex basilica dextri brachij extraxit, sed quanto iuuamento, audite: illico (mirum dictu) sanguis cohibitus fuit, perseuerante adhuc fluxu ventris. Cæterum, saccharo rosaceo ad aliquot dies ingesto, & nonnullis iniectis clysteribus, & topicis constringentibus, remediis applicitis, aluus in totum restricta est, adeo ut ab eo postea eiecta stercora, dura, multa, magna,

D

& ferè afinorum essent. Caterum fuit
dysenteria hæc primo iccoraria, siue
cruēta, ex qua, intestina temporis suc-
cessu exulcerata sunt, vnde factum est,
quodd sanguis post sectā basilicam, re-
strictus sit. aduertāt igitur medici, qui
ob vnum Galeni verbulum, non satis
forte intellectum, in torminibus inte-
stinorū dysenteria dicta, sanguinis ex-
tractionem formidāt, vt vberius libris
prioribus dixi. Consonum est hic an-
nectere sequētē casum, Solomon Ma-
chortus, vir annos natus quadraginta,
temperatura atrabiliaris, inchoante
autumno febre continua corripī cœ-
pit, & nihil sua sponte nisi clysteribus
adiutus egerebat, ceterū, à dato phar-
maco, multa liquida egressit, inter quæ,
prædura quædā cernebatur, quo influ-
xu hic multos dies perseueravit, & cū
nullis clysmis, aut restringēdi vim ha-
bentibus medicinis constringere vo-
luimus: ventriculi tamē os, & iecur ro-
borabamus, suadēte sic Auicēna, quum
de fluxu melancholico, & splenetico,
sen. 16. libri tertij, cap. quinto, agit, sæ-
pe nanque in hoc fluxu, vt dixi, stercora
duriuscula notabamus: elapsis ta-
men vigintiquinque diebus, febris
desiit,

desiit, & tunc stercora prædura, multa,
& magna singulis diebus hic egerebat,
neque quiescebat quousque foras ea
mittebat; persentiebat nanque ægro-
tus intra intestina, quum ad exitū pa-
rabantur stercora hæc prædura, sicca,
magna, afinorum modo, pro quibus fa-
cile deponendis præpinguia iuscula
meis monitis bibebat, & tandem, Dei
misericordia, post difficilem conuale-
scentiam, sanatus est.

S C H O L I A.

Iustum erit inquirere, an de nouo stercora
prædura hoc in fluxu cōspecta gignebātur, an
vero ante morbum iam erant, & indies excer-
nebantur, vescebat nanq; ægrotus hic pti-
sana farris, & postea gallinæ eorū iusculis, omni
recentis luteo cōfuso, & eorū carnibus, ex qui-
bus egestiones non solū humorales, sed cibum
referēs, ciberales medici appellamus, gigni po-
terant: ad hæc sicca, & prædura, quia tēpera-
tura sua vir hic atrabiliaris est, exustus, co-
loris nigelli, intestina sicca natura habēs: vnde
sanitatis tempore, vt ait, etiā prædura deiecit.
faciunt ijs, quod iecur per mesaraicas venas,
ex gracilioribus intestinis multas, & subtiles
chylī partes exugebat, vnde materia stercori
parata, arida, & sicca manebat, adeo vt di-

cendū videatur, prædura hæc stercora de nouo
gigni. In contrarium alter opponitur, dicendo,
de nouo hæc fieri non posse, quia pauca, & li-
quida agrotus comedebat, ex quibus fieri tan-
tam molem & stercoris duritiem impossibile
videtur: proinde ante morbum, materiam ali-
quam intestinis affixā esse, ascitio calore pu-
trefactā, ex qua stercora successiuis diebus sic
prædura exhibant, pro firmo tenebat, addebāt-
que, cæco in intestino hæc tam longo tempo-
re asseruari posse, quia experientia deprehen-
sum est, quidam Maio mense cerasa comedit,
& Ianuario, ea egeffit, vt practici omnes as-
sentiuntur, & nos illis subscribimus. Secun-
dum dubium hic præterire non est, in longo
intestinorum fluxu, vbi tanta materia asser-
uabatur, quia sepe centies magis quàm in in-
testinis contineri poterat, deijcitur: responsum
est, non solum materiam ab intestinis conten-
tam, sed à cibis, & potu contractam egeri, ve-
luti totius corporis humiditates non tam com-
munes, quàm membrorū substantificas, quæ
ad intestina corruāt debilia, & forte calidita-
te, & pessima qualitate affecta, ex quibus, vt-
potè imbecilibus & laxis, retineri nō possunt.
& sic corruūt & foras veniūt, quo fit, vt cor-
pus in dies gracilius euadat, & tabescat. A N-
D R O N I V S. Si ita res habet, non absurdum
esset, primo proposito dubio, respondere, aridum
stercus,

stercus, ab humore atrabiliario, crasso & multo, saepe ab splene, vel aliis membris deciso, fieri. AMATVS. Hoc fieri posse non nego, sed dicta mihi magis arident.

*Curatio decimasexta, in qua agitur
de sanguinis reiectione.*

MVlier iuuenis, annos nata viginti, temperatura sanguinea, absque oculorum & capitis, vel membri altius, totius corporis dolore, repente in sanguinis reiectionem cum tussicula incidit, & eam quidem ob venam ruptam, non vero erosam, à multitudine, & humorum acutie venientē, multus nanque biliosus sanguis in huius corpore vigeat, qui ob potum vini gingibere & caryophyllis, confecti, magis fuit subtiliatus, ex quo vena plus iusto dilatata, disrupta est, & tandem agrotans multū sanguinis viuidi, absque sputo reiectabat, nullū sentiebat in pectore dolorem, nullam anxietudinem, aut animi turbationē: quando tamen sanguis foras venire parabatur, in colli parte inferiori læua; vellitationem persentiebat quandā, quam non pauci alij hac affectione pessima detenti, ita quoque senserant. sed præ-

ter hac dicta coniecto, huic biduum,
triduūmve tantūm remorari suos so-
litos menses, ac ea de causa, à san-
guinis missione ex saphena initium
facere, optimum esse consilium: Cæte-
rum, quum pedis vena nō apparuit, ex
basilica, primo ex infuso exonerata al-
uo, sanguis extractus fuit, & potio hæc
descripta, Rec. rob myrtillorum, sy-
rupi papaveris compositi, an. vnc. j.
aquæ calybeata vnc. iij. pulueris tro-
chiscorum de carabo cum opio drach.
j. misce. fiat potio, quam mane & vesp-
ri absoluebat; item vt lingeret, ecleg-
ma hoc paratum fuit, R. radicis sym-
phiti vnc. s. seminis papaveris, lactucæ,
portulacæ, plantaginis ana drach. ij.
gummi arabici, gummi tragacanthi
ana drach. s. lapidis hæmarthitis, opti-
mi, & veri drach. j. omnia syrupo rosa-
ceo ex rosis siccis, vel miua cydonio-
rum simplici, vel myrtillorum robo,
excipiantur, & misceto, & facito lam-
betium, quod ore per intervalla te-
neat, quousque calore ipso oris lique-
scat, & asperam arteriam intret. At pro
cibo hic panatellam ex amylo, vel si-
milagine sumachiorum semine appa-
ratam habebat, pro potu vero aquam
chalyb

chalybeatam, quæ & pro condiendis
cibariis deferuiebat. Sequenti nocte
& sanguinem reiecit, non tam magna
tamen quantitate, vnde de saphena a-
perienda solliciti admodum fuimus, ex
qua secta, sanguis large fuit extractus,
& cætera dicta celebrata: tunc sanguis
restrictus est, & febricula quæ antea
infestabat, desuit: immo ipsa se bene ha-
bere, inculcabat: nec enim opus fuit,
poscam dilutam, aut coagulum lepo-
rinum, aut thymū, aut satireiam, aut
aloen aceto dissolutā, in petu tribue-
re, quoniā grumi nulli sanguinei sto-
machum occuparunt, qui plerunque
sæua symptomata secum asferre solēt,
& eo magis, quoties sanguinis extra
venas habiti, excreatio cohibetur, &
ipsi grumi retinentur, qui venenosam
quandam qualitatem acquirunt, vt ex-
perientia aliās à nobis compertū fuit.
cæterum, cum recte hæc valeret, sani-
tati tamen menstrua purgatio, quæ
tunc apparuit, sigillum dedit: porro ad
aliquot dies hæc in eodem perseuera-
ret ordine, suasi, & gallinaccorum, aut
veruecis, vitulive carnibus iurulentis,
vnum vel alterum veruecis, vel vituli
pedem misceret, nō nisi sumachiorum

semine, aromatum vice resperfo, commendauit, nec oryzam, aut lentes deposito cortice in hoc casu præteriret, veluti castaneas virides, aut fumo exiccatas, glandesve, sed præ omnibus caueret à balneo, ira, venere, potu vini, & aromatibus, ac rebus acribus, & acutis suasi. Proximum est hîc referre, ea quæ Abrahamo Aseyo mercatori, nunc quoq; contigere: laborabar autē hic, cum esset iuuenis, temperatura sanguineus, synocha febre, qui post largam sanguinis missionē, & exactam ac convenientem per pharmacum purgatorium vacuationem, bene rectēque habuit, cæterū, cū primū domo exiret, multum sanguinem per os, cum ruficula repente & acruatim reiecit, cui occurrens ego, post diuersiones & membrorum ligaturas, hoc illi bibendum dedimus medicamentum, R. trochiscorum de carabo cum opio, drach. mediam, opij, grana duo, rob myrtillorum, vnciam vnam, aquæ portulacæ, vel plantaginis, vel stipitum rosarum, vncias duas, misce, & bibat, & ad quatuor sequētes horas nihil comedat, aut bibat, nec quicquam loquatur, sed quiescat, & somnū captet, quo
reme

remedio, sanguis cohibitus illico fuit, sed cum per interualla scretu sanguis compareret, iterum in nocte medicamentum repetiuit, & ex integro sanatus est: abstemius autem erat, & gallinaceorū carnes, pedes vituli incoctos resperso sumachiorum semine comedit: bibebat autem, aut fontanam, aut coriandro præparato, incoctam aquam.

Curatio decima septima, de muliere nō concipiente, & lancinationes in uentre percipiente.

MVlier iuuenis, optima prædita temperatura, sed quæ nunquam conceperat, id quod multum appetebat, desiderabatve, lancinationes in ventre sentiebat, de quibus multum conquerebatur, quibus solitos & regulatos menses statutis temporibus semper habebat: cæterum, vnde lancinationes illæ, ventrisve dolores procederent, cum coniecto, deprehendo, hanc aliquam intra vterum rem malam habere, quam medici, molam matricis appellare solemus. huic autem meæ coniecturæ, accedebat, quod non raro vtero gerere, putaret, falso tamen, quia

D s

de re, illico electuarium hoc parare feci, quod mensibus fluentibus accipiebat, & ita habet, R. seminis sancti Alexandrini, sanctonici dicti, optime triturati, & aceto acerrimo per horam iam infusi, vnciam mediam, seminis porri, vnciam vnam, seminis caulium seminis capæ an. drach. duas, radice rubeæ tinctorum, vnciam mediā, rhabbari optimi scriptulos quatuor, radice dracuntij maioris, radice vtriusque aristolochiæ, radice ciclamini ana drach. vnam, seminis rusci, seminis asparagorum, ana drach. vnam & alterius mediā, omnia syrupo de maritima, vel de artemisia excipiantur, & fiat electarium, ex quo vnciam mediam pro vice, ieiuno stomacho, deglutiat, & supra bibat decocti sauinæ vnciam vnam, duabus meraci vini admixtam; hoc vero bis epero, vermes oblongos quatuor, vel quinque, non sine admiratione, & timore ingēti, egressi: prædixeram nanque ego, non solum ex intestinis vermes prodituros, sed ex utero eius carnis frustula informia exitura, id quod verum, tibi lector candide, esse, per nostrum iusiurandum adiuramus. Cæterum, cum hæc ob timorem

rem ab inceptis desisteret, ab eius vtero nihil quidquam detrufum fuit, tantum admirata de vermibus illis eiectis permanens.

Curatio decima octava, in qua mirum quoddam, sed verum tractatur, quod mulier à muliere, prægnans fuit facta.

Mirum, sed verum casum describo, Thessalonicae euenientem, duæ mulieres Turcæ vicinæ, multis coitibus, incubis & subcubis, sese contaminabant, polluebantve, quarum altera vidua erat: altera vero maritum habebat. Cæterum, quum semel vidua ad coitum irritata, alteram coniugatam ad coitum incitaret, & forte ea hora, à marito, cum quo rem habuerat, discedentē, subcuba est facta, quo in coitu amplexūve, post multā frictionem attrēctationēve ac seminis eiaculationem, vterus subcubæ viduæ ingenti appetentia semen non solum mulieris incubantis, sed virile non multum antea in eius vtero relictum, suxit, à quo semine prægnans facta est, firmante ipsa, variis iuramentis habitis, cui fidera

dem præstare debemus, cum illi minus ignominiosum erat, à viro concepisse fateri, quàm à muliere eo modo habita.

S C H O L I A.

Annectenda historia hæc est Auerrois historia de matrona pudica vicina sua, in balneo prægnante, veluti alteri Abensciræ, quas superioribus libris attigi.

Curatio decimanona, de intensissimo dolore circa mamillam.

S Oror Manuelis Habibij, mulier vidua, & potens, sub sinistra mamilla dolore intensissimo, & sæuissimo repente cruciari cœpit, non febriebat, non tussibat, sed prædicto dolore valde conquerebatur, ad quam accitus ego, cucurbitam magnam, multa ignitam flamma, dolenti loco apponi iussi, ex qua ita recte valuit, vt breui se sanam acclamaret, & assistentes rem miram, & incantationi similem publice dicerent, firmarentve.

Curatio uigesima, in qua agitur de lichenibus siue impetiginibus.

Q Vi lichenas, hoc est, impetigines contumaces, & feras, ac curatu difficiles, patiebantur, post

post tētata varia, & ferè infinita remedia, omnes hoc vno diuino, & admirando paratu facili remedio, sanati sunt. Ricini nanque infestantis canes, & capras, satis vulgati animalculi sanguine, ichorève infectiones illæ illinebantur, & intra octo dies, ita domabantur, vt nihil fœdationis, aut morbi eo in loco fuisse, homo sanæ mentis diceret, & quod magis est, nūquam postea recruduerunt.

*Curatio uigesima prima, in qua
agitur de coli dolore.*

Vir qui in circulo Basse habitat, colico dolore afflictabatur, ad quem accedens medicus, multa contra dolorem machinatur, cum calfaciendi & flatus dissoluendi facultatem habentibus clysteriis, tum remediis tam foris admotis, quàm intus ebibitis, quibus omnibus peius habuit: Ego vero tribus diebus à morbo vocatus, noto, ex dolore ad inguem respondentem, hunc valde cōqueri, friebat nāque, & gelidam valde appetebat, & febriebat: proinde illi frigidam lubenter concedo, ex cuius potu illico dolor ex loco ad renum regionem, non contem-

nen

nendo iuuamento, mutatus est, tunc
 vero clysterem, oleo seminis lini con-
 stantem tantum, iniici curauit, quo ni-
 hil egressit, sed omento veruecino re-
 cens calido, supra posito, melius habe-
 re dixit. tunc nanque electarium hoc
 gustabat, R. tripherae magnae cum opio,
 vnciam mediam, theriaces diateffaron
 drach. quinque, specierum diacinna-
 momi, diacymini, ana drach. duas, mel-
 le rosaceo colaticio excipiantur, & e-
 lectarium forma opiata para, cuius ter-
 tiam partem, vino meraco, & genero-
 so exceptam, bibendam pro vice dato:
 hoc enim potu ventris status ita crepi-
 tarunt, ut ille verecundaretur, & me-
 lius sensit. dolor nanque est renum re-
 gione, ad primum suum locum reuer-
 sus est, tunc glande magna, ex melle &
 trochiscis alaandal concinnata, ano
 intromissa, stercora praedura & magna,
 quae antea non viderat, egressit, & recte
 habuit, ita ut absynthium & parietaria
 herbae, oleo laurino in fixorio calfa-
 ctæ, & dolenti loco admotæ, curatio-
 nem clauserint: fuerunt autem ij dies
 tres, in quibus, cibis huic, ius gallina-
 ceum aromate conditum erat; potus
 vero, vinum metacum, & generosum,
 sed

sed pauxillum, quibus recte valuit, velut Sarranus senex natus annos sexaginta.

S C H O L I A.

Aquam colica affectione laboranti dare, non cuiusvis trivialis medici est, proinde caveant artem medicam exercentes: dare etenim frigidam copiose colicū dolorem patientibus, qui iamdiu multis & calidis remediis, sed frustra vsi sunt, et non periculosum, praesertim valde sitientibus, ita memoriae hic relinquo.

Curatio vicesima secunda, de graui colicæ affectione.

SAmuel Albaharim, vir honoratus, Sex Algarbiorum regno, colico affectu correptus est, pro quo propulsando, abigendove, multis vsus est clysteribus, fomentis, & conditis, non nisi frigiditatem, & flatus discutientibus, propellentibusve, quibus intra quinque vel sex dies, peritus semper habuit: ad quem, post dies hos, accitus ego, considerans virum hunc temperatura sanguineū, ætate fere sexagenarium, variis calidis, & flatus dissoluentibus remediis vsus: nihil tamen proficientibus illico nulla interposita mora, sic descripsi: Rec. philonij Romani drach.
vnam,

vnam, & alterius mediam, stomacho vacuo, cum vino exiguo bibat, & ad quatuor horas sequentes nihil gustet. Cæterum hoc remedio ita recte sensit, vt miris laudibus artem medicam extulerit, affeceritve: per interualla tamen dolor levis repullulauit, quem in totum potu stillaticæ chamæmeli superauit, vicitve. huic victus ius gallina ceorum erat, potus vero aqua cinnamomo incocta. Porro vxor Benjamin Calderon, mulier vidua de ore ventriculi infestissime cruciari solebat, ad quam cum aliquando vocarer, & eam paroxysmo cruciari inuenirem, post multa & varia per alium medicum concessa, calida medicamenta, immo tunc datum philonium, absque tamen profectu vlllo, illico agarici albi in puluerem reducti, drachmam ex oxymellite ebibendam illi dedi, & breui à paroxysmo libera euasit, postea vero ad vterum male affectum, ex quo ad os ventriculi, pessima, & veneni naturam habens materia deriuabatur, curationem direximus. Acidum nanque sæpe ipso in vetriculo percipiebat: & vt veritatem noscas, mulier hæc annos natu quinque supra quadraginta, temporis successu,

cessu, catapotia ex hiera Galeni, adiecto agarico, sibi familiaria fecit, quibus per intervalla utebatur, & nunc recte valet, utebatur autem singulis vicibus singulis drachmis. Vxor tamen Mordohai Cauallerij, elapsis quinquaginta diebus, post felicem partum, de oris ventriculi dolore conquerebatur, ex quo per intervalla corripiebatur torquebaturque, ad quam cum semel peruenerim, sic accessione correptam, bolum ex electario de dactylis illico illi obtulimus, quo nihil egressit, neque dolor leuatus fuit, immo clysteria potentia parata sunt, & nihil iuuerunt, tunc vesperi, philonij drach. vna & alterius mediam, illi dedimus, quo sopore affecta, recte habuit, & sequenti die curationem necessariam orsi sumus, de iecore nanque affectionem malam ortum traxisse inuenimus.

Curatio uigesimatertia, in qua agitur de carnea excrescentia, ab ore ventriculi pendente.

Mulier iuuenis, ex Nobriga, argenti non infelici fodina, nata annos quinque supra viginti, optimi sane habitus, inter os ventriculi, & umbilicum

E

duritiem quandam ab hinc tres annos
 persentire cœpit, quæ tēporis succes-
 su, & lienem, & iecoris dextram par-
 tem occupabat, & ex ea, ab humeris
 retractionem pati lamentabatur, & cū
 deambulare, respirationis difficulta-
 tē incurrebat, & ventriculum non re-
 cte concoquere, conquerebatur, &
 aluum prætumidā habebat, vt in ea, &
 aquam, & flatum nimium occludi cer-
 tum esset: quibus omnibus hucusque
 facies illi elegās cernebatur, & bis vi-
 gente hac mala affectione, peperit. Ad
 quam vocatus ipse, post variā adhibi-
 tam per varios alios medicos curatio-
 nem, primum, iudicauī, huic scirrhum
 prædurum vniuersam illam partem
 præoccupantem inesse, & consortij ra-
 tione cum septo transuerso, & iocino-
 re, duo illa euenire, alterū, respiratio-
 nis difficultatem, alterum vero ventri-
 culi & iocinoris imbecillitatem, vnde
 aquosa & vëtoſa hydrops orta est. pro
 quibus propulsandis morbis, nos mul-
 ta & varia machinati sumus, sed fru-
 stra. Qua de re, cū tā multa & varia nō
 profuere, iudicauimus, carunculā ob-
 ortā à fundo ventriculi, pyloro dicto,
 esse. cui ratiocinio suffragatur sensus
 tactus:

tactus: manibus nanque tanquam carneum frustum attrectabamus eleuabamulque, proinde morbum ex iis esse, quos ars medica incuratos relinquit, ingenue fassi sumus. Ceterum, cum ars medica omnibus in aperto sit, non defuit subulcus, qui falsam salutem, vel intra octo dies, polliceretur. cui desperata muliercula, salutis auida, facile fidem tribuit: & nebulo curationem ita adoritur, fistulam parat, cuius alteram partem ori aegrotantis adaptat, ex altera vero furcifer ille, suo ore sufflat, statimque ita impellit, vt misellam, ac virem ventro impleuerit, vnde assistentes, eam simillimam victimæ mactatæ, excoiationi paratæ dicerent, sed misella breui emortua cecidit, quod facinus aduertens furcifer, fugam parabat. Vt tamen tantæ audaciæ pœnas lueret, vociferantibus omnibus miserum spectaculum cernentibus, retentus fuit, cuius bona fortuna, reuocata muliercula, viridia quædam vomuit, & multa eminxit, & tunc vt antea habuit. cæterum, elapsis postea paucis mensibus, hæc diem suum obiit.

*In desperatis coli affectionibus, per follem
ano admotum sufflare, memini me in cura-
tionibus Hippocratem iussisse, per os autē hoc
usque non legi.*

**Curatio uigesima quarta, in qua doce-
tur, septum transversum risus siue
hilaritatis sedem esse, ad doctorem
Affium Philosophum peripateti-
cum.**

SAepe in dubium verti, docte Affi,
San Plinius recte senserit, cum præ-
cordia, hoc est, septum transversum,
Græci, phrenas, vel diaphragma, & ano
coilian, appellare solent, risus sedem
interiorē fecerit. AFFIVS. Absit vt verū
hoc credamus, immo peripatetici ma-
gistri nostri in corde facultatem hanc,
velut plures alias, collocari, nos do-
cuerunt. missos hîc facio sordidulos
magistellos, quorū doctrinam explo-
sam, diu est, habeo, qui Salmanticæ
carminibus quibusdam, suo iure com-
positis, lienem risus fontem statuebāt.
Sed vbi nam Plinius hæc tradit, aut
quibus rationibus fulciatur, aperi ro-
go. AMATVS. Hæc cum non omnibus
præuiasint, lubēter faciā. audi igitur.
Plin.

Plinius libro xj. nat. suæ Hist. c. 37. inquit, Præcordia (quod illi septū transversum, vt dixi, est) risus & hilaritatis sedes sunt, quod rationibus, & experimento probat, quia ita nervosa hæc cernitur pars, vt ei merito debeat referri, non solū mētis subtilitas, sed ingenij acuitas: vnde forte Græci, phrenas appellauerūt. Sed risus sedes, quia risus est dilatatio orta ex acriore sensu neruorū, vt latius dicemus. Secūda, quia homo cum circa præcordia hæc, subtili cute contacta, manibus molli-ter tractatur, illico in risum allabitur: indicium sane non contemnendum, vt ea hilaritatis sedes dicamus. Sed rationes has experiētia approbat quotidiana, in gladiatoribus sauciatis, ipsis in præcordiis, qui omnes, ad vnum risu exoluti expirabant. sic enim Plinius, vt rectius teneas, citato loco, ait, extra homini ab inferiore viscerum parte separātur membranis, quæ præcordia appellant, quia cordi prætenduntur, quod Græci appellauerunt phrenas, omnia quidē principalia viscera membranis propriis, ac veluti vaginis inclusit prouidens natura, in hac fuit, & & peculiaris causa, vicinitas alui, ne

cibis supprimeretur animus, hinc certe refertur accepta subtilitas mentis, ideo nulla est ei caro, sed nervosa exilitas, in eadem precipua hilaritatis sedes, quod titillatu maximè intelligitur alarum, quas subit, nō albi tenuiore cute humano, ideo scabendi dulcedine ibi proxima, ob hoc in præliis gladiatorum spectaculis mortem cum risu traiecta præcordia attulerunt. AFFRIVS. Vt explanasti, ita certe Plinius ait, sed Plinio, si recte teneo, Hippocrates, aut memorabilis vir alius, quisque ille est author libri de sacro morbo, prope finem, in totum contradicit, & ita illi contradicit, & aduersatur, ac si Pliniana verba primo percurrerat, & legerat. ita enim ille. Ceterū, præcordia, aliàs fortuitum nomen apud Græcos per consuetudinem habent, quum phrenes, à sapientia dicta videantur, re vera autem nō, nec ex natura. Nec ego sane noui, quam vim habeant præcordia, ut sapiant, & intelligant, præterquam si homo ex improviso, nimio gaudio perfundatur, aut tristitia afficiatur. tunc sane exiliunt, & anxietatē exhibent, præ tenuitate, & quod distenta sunt maxime in corpore, & ventricu

triculum non habent, ad quem susci-
 piant, aut bonum, aut malum allabēs,
 sed ab vtrisque his turbantur, propter
 naturæ debilitatem. Nam nullo sane
 prius sentiunt ex his quæ in corpore
 insunt, sed fructa hoc nomē & causam
 habent, quemadmodum, quæ ad cor
 fixæ sunt aures appellantur, quum ni-
 nil conferant ad auditum. A M A T V S.
 Ita Plinij sentētia ab authore isto sug-
 gillatur, vt nihil supra dici possit, non
 est tamen quod Plinium sic hac in par-
 te deseram, quando ille ex Hippocrate
 historiam suam texuit, libris, si nō ge-
 nuinis & veris, magni tamen viri. AF-
 FIVS. Quibus nam? A M A T V S. Libris
 quinto, & 7. de popularibus morbis, in
 quibus ita tradit, Tychon in obsidio-
 ne circumdatum, à catapulta percussus
 est in pectus, & paulo post, risus erat
 circa ipsum tumultuosus, videbatur
 autem mihi, medicus eximēs lignum,
 reliquissē aliquid de spiculo in septo
 trāsuerso. hactenus Hippocrates, quin-
 to libro. Quam Historiam, vt memo-
 ratu dignam. 7. libro eiusdem volumi-
 nis, repetiuit, ex qua facile elicitur
 septo transuerso confosso, & vulnera-
 to, risum oriri, id quod Plinius dixit,

& inde hilaritatis sedem esse, memoria commēdauit. PHILIPPVS. Non citra rationem Plinius diaphragma sedem esse risus, arbitratur, vt qui ab Aristotele quoque id acceperit: quia enim multum habet neruorum, titillatio ciet ibi sensum acriorem: quia risus nihil est aliud, quā dilatatio orta ex acriore sensu neruorum. AFFLVS. Nos peripatericis, si credimus, vt qui iure eis credere debemus: quia veritati magis accedunt: cor risus sedem esse statuemus, quia risus ex lætitia, & delectatione oritur, qui affectus nō est, sed actio exterior, ab interiore manans: ex lætitia nanque vel delectatione cor dilatatur: ad cuius motum, & facies extenditur; potissimum ea pars, quæ est circa os, & rictus nominatur, vnde risus: habet itaque risus exteriorē sedem in rictu primum, hinc in oculis, & cuncto vultu, interiorē vero, vt Aristoteli placet, in corde. hinc manifestum euadit, risus cum fiat ob cordis dilatationem: quòd biliosi, & sanguinei, prouiores erunt ad risum, quia in eis, immodico calore cor exporrigitur, id quod pituitosis, & atrabiliariis contrarium euenit. Ceterum
splen

splenem causam risus esse, & nos non negamus, vt qui atram bilem, hilaritati, & lætitiæ contrariam colligat, & retineat, & quo liberius hoc fungitur officio, eo alacrius & expeditius, cor, vel vt Plinio placet, septum transuersum, ad risum euocandū allicit. **AMATVS.** Vt septum transuersum hilaritatis, siue risus sedes habetur, ita cerebrum rationis, cor iracundiæ, iecur verd amatoriæ appetentiæ, vt Galenus libris de placitis Hipp. & Platonis, fufius prosequitur. **AFFIVS.** Aristoteles facultates has non variis visceribus, sed in corde tantum eas esse statuit.

AMATVS. Noui. & Galenus libro 4. prædicti voluminis, de placitis Hipp. & Plat. Aristotelis hanc esse sententiam firmat. **AFFIVS.** Quænam harum opinionum tibi ò Amate magis arripdet? de risus sede dico. **AMATVS.** Perinde vna ac altera, vtraque enim falsa mihi videtur. & si nanque libere loqui deberem, cerebrum risus sedem esse instituerem, eo modo cordi attributo. sed hæc maiori indigēt otio; & hæc ad præsens sufficiant: si modo dixerimus, septum transuersum præter citatas à nostris medicis dotes, hodie cum Pli-

nio hilaritatis sedes obtinet. AFFIUS.
 Quasnam septo transuerso medici do-
 res, & officia designant? AMATVS.
 Eius erymon diaphragma; primò in-
 dicat, diuidere membra spiritualia, à
 naturalibus: item, naturalis respira-
 tionis, hoc est, cum homo in quiete
 est, respirationis septum transuersum,
 aut hoc est, id quod Aristoteles non
 nouit, item ad propellenda ventris ex-
 crementa, maxime conducit, item,
 referente Galeno, libro 10. Meth. med.
 membrum hoc, in hecticam labi po-
 terit, sed non marasium, ob eius ex-
 cellentiam & dignitatem, quia primo
 deficit, & moritur, & non tantam fert
 siccitatem, quod phrenas appellari no-
 uimus, quia cum primum inflammari
 tentatur, illico consortij ratione, phre-
 nas, hoc est, mentem, siue cerebrum,
 phrenitide illico corripitur, certum sit.
 Cæterum, de risu, multa & pulchra à
 philosophis petite. Libris de anima,
 quos nostro hoc tempore Philippus
 Melancthon Germanus, sapientissime
 scripsit, & Viues Valentinus acutissime
 absoluit.

Curatio

Curatio uigesimaquinta, in qua agitur de carcinomate, mammam infestante, & mortem accelerante.

Mulier Larissæa, ex Larissa oppido, non procul à Thessalonica distante, in quo olim Hippocrates artem diu exercuit, & eius nō raro mentionem facit, utpote morbidī, ob pessimas quas habet aquas, & cœlū propter lacus varios circūstantes, nebulosum, caliginosūque, ac pestiferū, ad me venit, & sinistra in mamilla cancerum patiebatur, ex cuius papilla sanies subcruenta fluebat, à quo conspecto, prædiximus hanc breui morituram, & eo citius, quā intercepta fluxio breuior fuerit, quemadmodum alteri contigit, de qua Hipp. dixit, lib. 7. de morb. vulg. ad hunc modum, Mulieri in Abderis carcinoma factum est circa pectus. erat autem tale, per papillam sanies subcruenta fluebat, intercepta autem fluxione, mortua est: agebat autem mulier hæc, quādo eam inuimus apud Iosephum Hodaram, temperatura atrabiliaria, annorum circiter quadraginta: sed mensibus suis diu iam destituta.

SCHOL

Larissam ciuitatem prope Cranonem, sepe ab Hippocr. illustratam, in Thessalia, late patente in hoc Macedonico regno, non ignoramus, quæ vulgo hodie Larta dicitur. hoc vero de quo agimus, oppidum Larso vocatur.

Curatio uigesimasexta, in qua docetur, pus per os cum tussi reiectum, quod thoracis uel pulmonis ulcus attestatur, aquæ inam partem petere, ex Hipp. et Auicenna, contra Alexandrum Trallianum.

QUum ad Sēbrani viri probi vxorem inuifendam accederemus, eam iamdiu morbis grauioribus afflictam inuenimus, diu nāque erat quod inordinate febricitabat, & grauiiter & frequenter tussiebat, & putida & horrenda spuebat. Quarum affectionum causam quærens ego, ab eāque nonnulla sciscitans, respondet, ingenuēq; fatur, cum chartulas quasdam, conceptionis gratia biberet, deuoraretve: illico illi menstrua suppressa esse, post quæ, nunquam amplius ab ea visa, in tam sæua grauiāque mala, vel intra annum, ingenti sui corporis iactura, imb

imbecillitatē me lapsa est. Cæterum,
 quum multæ variæque de phthisi notæ
 sese offerrent, in ipsa nata annos 45.
 temperatura biliosa, iussimus screatū
 in scutula aquæ plena asseruaret, vt se-
 quenti aurora de eo indicium accipe-
 remus, de totóque morbo sententiam
 præberemus: adducta igitur sequenti
 die coram nobis, aqua plena sputum
 cōtinens peluicula, notauimus totum
 fere sputum subsidere, & imam partem
 petere, coloris seui flauī, & fumo infe-
 cti. quo conspecto, ac pauxillo natan-
 te, leuiori quadam assula disrupto, dis-
 solutóve, iudicauimus sputū attestari
 pulmonis vel thoracis vlcus, graue &
 periculosum, vt quoque Auicēna scri-
 ptum reliquit: sen 10. libri tertij, cap.
 17. tract. 4. de pure, & sanie intra tho-
 racem contenta, hoc est, de empiema-
 te, hunc in modum dicens, Signa au-
 tem differentiæ inter saniem, & phleg-
 ma, in sputo, sunt descensus saniei spu-
 ti in aqua, & fœtor ipsius super ignem,
 & phlegma quidem natat in aqua, ne-
 que fœtet in igne. & subdit, & iam fe-
 ci te scire differentiam inter saniem,
 & inter humiditates: nam sanies di-
 scernitur fœtore, apud sputum, præci-
 pue

pue quando super ignem proiicitur, & submergitur in aqua, & non natat. hæc Auicenna. Ex quibus sane verbis, satis percipitur præter reliqua, pus siue sputum saniosum, quod attestari solet empiema, & phthisim, in aqua descendere, pituitam vero, siue humorẽ crudum enatare. At huic sententiæ in vniuersum contradicit Alexander Tralianus libro quinto suæ rei medicæ, cap. 2. in quo indicia inflammationis in pulmone prosequitur: & ita habet, Pus sanè deprehenditur, & ex ipso solo colore, & ex aliis indiciis, vnde nos illud internoscere didicimus, ab odore, si concremetur, & quod dissoluitur, si in aquam mittatur: item, quod non subsidit, quemadmodum pituita, crudusque humor. Hactenus Alexander, qui in totum contradicit Auicennæ: ait enim, vt audistis, pus enatare, pituitam verò, & crudum humorem inferiora petere: mea tamen sententia, Alexander hac in re, veluti pluribus aliis, errat, quoniã Auicenna suũ hoc axioma, pus subsidens in aqua: vlcus in pulmone, & thorace, attestatur, ex Hippocrate decerpsit, libro præcipue illo, cui titulus est, Coacæ prænotiones: ita enim

enim Hippocrates libro illo ait, Quibus tabidis in mare expuentibus, pus ad fundū sedit, breui pereunt: sit autem mare in æneo vase. hæc etenim senis diuini, præclara est sentētia, quā Auic. docte admodum suo inseruit canoni, cui & ratio non deest, quia nimia caliditate exusta sanies, terrea euadit, & inferiorem partem petit, & subsidit, vt experiētia quotidiana, ita esse attestatur. Parcat igitur Alexander, qui & si aliquādo recte Galenum suggillat, nūc tamen, vt aiunt, toto aberrat cœlo, veluti non raro vt ex à nobis dicendis manifeste euadet. porrò reliquā sputi partem supra carbones ignitos iniectam, ne in Iacobi de partibus historiam sinistre incideremus, seruū quendam olfacere fecimus, qui multum & grauiter foetere, testatus est: est sane nota hæc mortifera, & lethalis, vt ex dictis liquido euadit, & Hippocrate libro à nobis citato, & quinto aphorif. I. I. veluti sexcentis aliis locis.

Curatio uigesima septima, in qua agitur de causa pestis Scopium inuadentis.

Sæua

S Aeuia inuasit pestis Scopium, siue Scopiam habitantes, anno à creatione mundi 5329. Secundū vero Romanorum computum 1559. habuit autem, autumnali tempore suā solitam intemperiem seruante, initium crudelis hæc & immanis bestia, hoc modo: Rugitum nanque veluti gemitum ex se terra ferebat, & breui in motum & concussionem tota ipsa veniebat: non admodum tamen: vt ex hoc terramotu, domus aut ædificia caderent, ruerentve, & homines periclitarentur, sed breui postea inuadere lues pestica hæc mortales cœpit, vt singulis diebus tercenti misere, nō nisi bubonibus & carbunculis confossi, morerentur occubuerintve, vnde vero tantum malum, ortum, & causam traxerit dicā. Deum nāque, & cœlos, suis cum astris, à quibus non raro pestem pendere, diuini libri, & Astrologi testantur, pro nunc missos facimus, naturalia nāque scrutamur. Quacunque de causa pestis contingat, aer inficiatur oportet, vt pestis communis causa quædā, aer quem inspiramus, dicatur, siue enim ab ira Dei, siue ab erraticorum coniunctionibus, & eorū aspectibus, aut coluue ferar

ferarum, aut cadauerum multitudine,
aut bestiis vastis, ingentibusq; in mari
emortuis, aut lacubus fœdisque palu-
dibus, vel specubus; & antris, cauer-
nisve pestiferam auram expirantibus,
pestis eueniat; aer inficiatur corrup-
taturve decet. Hæc vero qua de agi-
mus pestis (vt reor) ab inclusis in ca-
uernis flatibus, exhalationibusve exi-
tialibus, & mortiferis, causam traxit;
cum nanque terra cauernosa sit, & ca-
uitatibus plena, sit vt exhalationes tē-
poris diuturnitate occulusæ ex se pu-
trefcant, aut aliunde contagium tra-
hant, vnde mortalibus ex directo, per-
nitiosæ & contrariæ euadūt. Cæterum,
cum contingat exhalationes has in-
cumbere sua leuitate ad locum supe-
riorem peruenire, & ascendere, quibus
fortè exitus præ viarum angustia, &
obliquitate, impeditur, multus & va-
rius sequitur conatus, & reluctatio,
actio & reactio, vnde terræ motus fit,
& ex prodeuntibus mortiferis & cor-
ruptricibus exhalationibus illis, aer
corrumpitur coinquinaturve, quem
mortales, vel inuite inspirantes, male
eo afficiuntur, & eo peius, quo imbe-
cilliores sunt, & corpora excremen-

F

ris abundauerint, vt Atheniensibus in
ea pestilentia contigit, quam Thucy-
dides describit, & Galcius non raro
meminit. Quæ si ex Aethiopia conta-
gium, aut semina, per aeris quandam
continuitatem contraxit, Athenien-
sium tamen hominum succi ex victus
prauitate (forte ob annonæ penuriam)
ita putredini erant obnoxij, vt omnes
fere pestilenti lue affecti, mortui sint.
Nouistis autem, agens pro patientis
aptitudine agere, vt recte Hippocrates
diuinus meminit, libro de flatibus,
cum de peste agit, inquit, Commu-
nis ergo, siue pestilens febris, propter
ea omnibus accidit, quòd eundem spi-
ritum omnes attrahunt, sitque vt simi-
li corpori, similes spiritus similiter
permixti, similes gignant febres. sed est
fortasse qui dicat, Vt quid ergo non
omnibus animantibus, sed alicui co-
rum generi incidunt hi morbi? Cui
ego sic responderim, differt corpus à
corpore, natura à natura, & nutrimen-
tum à nutrimento. Non enim omni
animantium generi, eadem aut non
conferunt, aut commoda sunt, sed
sunt alia aliis magis conuenientia.
Quando igitur aer plenus est huius-
modi

modi inquinamenti, quibus humana natura offenditur, homines ægrotant: quando verò alteri cuiusdam animantium generi aer inconueniens est, tum morbus illud genus corripit, & cætera, ex Hippocrate, quæ huic rei multum faciunt. Quibus Galenus lib. primo de differen. febr. cap. 4. fauet, cum dicat: Oportet enim hoc in toto sermone, memoria repetere, quòd nulla causarum sine patientis aptitudine agere potest: alioquin omnes qui sub æstiuo sole commorantur, febricitarent, aut qui nimio motu exercentur, aut vini potu grauantur, aut ira excandescentes, aut tristitia afflicti, febricitarent, alioquin etiam vt arbitror, circa canis ortum omnes ægrotarent, ac in pestilentis morerentur. At, vt diximus, magnam in generatione agritudinum partem habet, eius qui passurus est, habilitas corporis. Hæc Galenus, qui prope calcem capitis, ita quoque de hoc negotio ait, Quum enim corporum dispositiones dissimiles sint, ac multiformes, quædam facile alterantur, ac patiuntur, à causa in ipsa operante, quædam insuperabiles ac impassibiles omnino existunt,

quædam cum difficultate patiuntur, & cætera, quæ tam cum iis, quæ ab Hippocrate sunt dicta, quàm cum eis quæ ab ipso Galeno iam sunt prodita, & per nos citata, omnino conueniunt. Vt receptui igitur canamus, causâ huius pestis, exhalationes, siue inclusi in antris flatus venenosi, & humanæ naturæ alieni, sunt, qui vt terra moueretur, in causâ erant. habebunt igitur hinc rerum naturalium contemplatores, cum terræ motus fit, & pestis scintillat, aut grassatur, talis lues pestica ex venenosis flatibus, & pestiferis ac deleteriis exhalationibus subterraneis, prouenit, vt pestis hæc de qua agimus, & illi alia similis, quæ ab hinc multos annos, Olissipponem, & Sancterenâ, suis cum fertilissimis agris apud Lusitanos, ingenti terræmotu, & ruina sæuiit, veluti vniuersum fere orbē, anno 1527. 1528. & 1529. Fieri tamē potest, quòd ex eisdē putidis & corruptricibus exhalationibus, pestis absque alicuius terræ motu fiat, & grassetur: quia ita terra moueri leuiter, passim & lente poterit, vt ab hominibus non percipiatur, aut exhalationum corruptricum exitus, ita facilis esse potest, vt
acer

aer absque terræmotu inficiatur, ut
 sæpe contingit variis in locis huius
 Græciæ, Turciæ dictæ, & non rarò
 alibi, ut liceat mihi admirari diuinum
 Galenum, qui cum pestis multas cau-
 sas descripserit: hanc tamen famige-
 ratissimam & vulgarem subticuit, aut
 saltem non ita magnificet, quàm nos
 variis exemplis, & multis doctorũ ho-
 minum placitis, ac experimentis, ut
 præcipuam, & frequentiore pestis
 causam indicare poteramus: sed eius
 forte magis admirari licebit, qui cum
 de peste libro de differ. febrium, se-
 scripturum pollicitus sit, præcipue eo
 in libro, qui Ars curandi, siue Metho-
 dus med. inscribitur, eius tamen ne
 verbum quidem fecit. ANGELVS.
 An forte quia nouerat, pestem non su-
 perari à medicis remediis? AMAT-
 VVS. Minime gentium, extant pro-
 culdubio, tam simplicia, quàm com-
 posita, antidota dicta, quæ immani
 huic hydræ contrariantur, & eam non
 rarò superant, vincunt, & domāt. AN-
 GELVS. Dignare igitur ò Amate, con-
 tra hanc immanem & atrocẽ bestiam,
 remediũ aliquod ex multis quæ nosti,
 nobis insinuare. AMATVS. Cõtra hãc de

qua agimus, quæ causam, putrificam
 & venenosam exhalationē habet, nul-
 lum excellentius aut diuinius remediū
 expertus sum, quàm luculentum fo-
 cum, tam priuatim, quàm publice in-
 struere, prout Hippocratem, & Acronē
 Agrigentinum fecisse legimus, præci-
 pue Athenis, Thessalia, & in hac Ma-
 cedonia terrarum imperio quondam
 potita, præsertim ex lignis, fruticibus,
 stirpibus & herbis suauibus, & bene
 olētibus, vt cedro arbore larice dicta,
 iunipero, citro, cupresso, pino, terebin-
 tho, variis in locis nascente, lentisco,
 myrto, ladanifero frutice, quo vniuer-
 sa scatet Hispania, præcipue Lusitania,
 rore marino, stœchade, pulegio, origa-
 no, dictamo, & variis aliis, quarum fu-
 mus pestiferarum exhalationum humi-
 ditatem putrificam, non solum exic-
 cat, rectificatq; sed ipsas proprias ab-
 sumit, destruit, & annihilat exhalatio-
 nes. Secundo, conandum, vt corpora
 quàm maximè superfluitatibus vacēt,
 & spirent optime. ANGELVS. Ego hanc
 præuisuam, aut præuisoriā, vel præser-
 uatricem curationem appellarem, &
 non curatoriam debitā ægrotantibus.
 AMATVS. De hac verò, veluti de il-
 la, pro

la, pro nunc consule excellentes Medicos Venetos, qui non paucos de hac re libellos superioribus annis ediderunt, & in lucem miserunt, cum pestis, toto orbe dignam illā & admirandam Venetiarum urbem, per contagium inuasit, quorum sapientia, & patrum illustrum gubernantium mira prudentia, diligentiaue, breui extincta fuit. Scopium tamen sauiens pestis, accelerante frigore, ex se delituit, quæ & si Monasterium oppidum per contagiū infecit: in eo tamen diutius, ob crassum & densum acrem perduravit, Thessalonica vero breui euauit. Cæterum, febris pestilentialis sæpe absque peste comperitur, vt Olissipponæ, Antuerpiæ, Ferrariæ, Venetiis, Romæ, Anconæ, & in hac Thessalonicensi ciuitate, non raro notauimus, & expertus sum, quæ quandoque miti cum calore inuadit, vt Galenus meminit, quandoque vero ardentissimo cum calore, vomitu, & syncopi, ac pulicari symptomate, prout cordis partes occupat, afficitve, vt aliàs dixi, & docti laudarunt. Apollonius tamen, ne sic illotis, quod aiunt, manibus, discedamus, inquit, pestilentia afflictis crurium scarificationem, sum.

mum esse remedium: ita enim ille, re-
 ferente Oribasio, libro 7. suorum col-
 lectorum, cap. 20. ait: cūque pestilen-
 tia vehemens per Asiā vagaretur, mul-
 tisque ob eam causam obirent, egoq;
 in morbum itidem incidissem, secun-
 do die cum remissio fieret, crus scarifi-
 caui, & ad duas libras sanguinis detra-
 xi, atque hac ratione vitavi periculū:
 quo sane auxilio cum multi quoque
 vti essent, sunt seruati. Sed de ijs ali-
 quando plura. Quum Græcia hæc olim
 idololatriæ, & mendaciorum plena, ve-
 luti optimorum diuinorumque inge-
 niorum, ac optimarum omniū artium,
 alumna, & mater: nūc passim vt antea,
 peste corripī soleat, de qua sequens
 audire ne pigeat, id quod Thessaloni-
 censes mortales ab hinc ducentos an-
 nos, seruatum habent, & forte antea
 semper, post Iulium mensem, vsq; De-
 cembrem, Thessalonica nulla pestis
 est, quæ si etiam aliunde hoc medio
 tempore, semina contrahat, & scintil-
 let, adeo imbecillis est, vt de ea homi-
 nes curam non habeāt: plerunque igitur
 pestis à Decembri mense Thessa-
 lonicenses inuadere solet, quæ etiam si
 grauissima & horrida, crudeliter sæ-
 uiat:

uiat: aduentante tamen Iulij mensis fine, illico delitescit, & hoc ita apud eos pro certo habetur, vt qui ad pagos, & villas ob pestem aufugerunt, etiam in medio Iulij mense, singulis diebus, singulos tercentos & plures peste emortuos noscant, non timeant domum in fine mensis reuerti, quum certo sciant, hoc tempore feram illam domari, & ad mensem vsque Decembris latitare. Sed iis contrariū forte euenit Cōstantinopoli, à medio nanque Maio, pestis grassari incipit, quæ ad finem Nouembris cruciare & sæuire solet, inde vero nulla est notatu digna pestis ad medium Maij: causas vero, tu qui abditarum rerum contemplationem proferis, inquire. Ego vero ad Thraciæ ingens frigus forte confugiam, quod hibernis illis mensibus viget: nosti autem vere & autumnus, molliculis temporibus pestilentiam pullescere, acri vero æstate, & rigida hyeme, domari, & vinci. ANGELVS. Tecum omnes docti scriptores sentiunt: sed quid precor, de peste Thessalonicen & Monasterium oppidum infestante, dicemus, quæ vigente hyberno inclementi, & frigore intensissimo, grassatur, & tru-

F 5

cidat? ANATVS. Tu ipse contem-
plare.

*Curatio uigesima octaua, in qua agi-
tur de quodam, qui seuam pleuritin
passus fuit, & absque sanguinis
missione ab ea liber euasit.*

ROmanus, qui prope Liuiathen,
hoc est, synagogam, siue congrega-
tionem à gratia habitat: vir triginta
natus annos, temperatura sanguineus,
quum ex pauiculo, hyberno tempore,
borea flante: domum se reciperet, fe-
bri ingenti cum rigore apprehensus
fuit, & sequenti die, pleuritis dextras
eius thoracis altas partes occupauit,
in quo die ex nare sinistra illi multus
sanguis effluxit, & tunc pleuritis acer-
bior facta est, & ea grauius afflictaba-
tur: ad quem septimo die accitus ego
cum pessime habere inueni: pulsus nã-
que imbecilles, varij, inæquales, duri,
& tremuli illi erant: lotium verò iu-
mētorum modo, crassum & turbatum
valde, vt cum prope obitum esse, om-
nes dicerent: parum loquebatur: sed
cum is, à medicis efflagitabat, roga-
bátve vt, sanguinē per venæ sectionem
illi mitterent, valde nanq; dolore tor-
queb

quebatur, & intense febriebat: ad hæc,
ussiebat, & varia & multa facilitate
quadam excreabat: quibus omnibus
consideratis, ac æquilibrio positis: san-
guinis missionem prætermisimus: &
egyptiacæ cassiæ atramentum decocto
pectoralis exceptum illi ebibendum de-
dimus, quo nonnulla biliosa leuiter e-
gessit, & liberius expuebat: sequenti-
bus diebus locus dolore affectus, hoc
linimento illinebatur, R. pinguedinis
gallinæ, butyri recentis ana vnc. j. olei
amygdalarum dulcium vnc. j. olei vio-
lacei. vnc. s. cineris radicum brassicæ
vnc. s. ad ignem cum pauca alba cera:
misce, fiat vnguentum molle: quo in
die bis inungebatur: & tunc per inter-
ualla, syrupum capillorum Veneris, &
lyquiritiæ simul mistos cochleario lâ-
bebat: & ptisanæ cremorem, mistum
portiunculæ iuris pulli, pro victu acci-
piebat, cui quandoque sacchari aut
penidiarum parum assistentes misce-
bant, pro potu verò hordeaceam a-
quam, quibus aluum lubricam semper
habuit: vt meritò iuxta Hippocratis
mandata, libro de ratione victus in
morb. acut. i. integram ptisanam sor-
bendam dare poteramus: die verò 14. in
cop

copiosum deuenit sudorem, & tunc rectius habuit, nihil fere dolebat, & parum febricbat, sed valenter quoque tussiebat, & expuebat, & tunc ex pingui gallina iuscula crassa lubenter concedebamus, quibus multum & placide spuebat, & venter mollis euadebat. 18. pulli carnes gustare coepit, & parum vini pitissare, & per consequens valenter habuit, & tauricè viuit.

S C H O L I A.

Si qui pleuriticè patiuntur, contrario modo cibari debent, quàm reliqui acuti morbis correpti, de quibus ait Hippocrates, Quando in statu est morbus, tenuissimo victu uti debemus, pleuriticis autem illico in morbi initio, parum alimonie dare debemus: dein verò eam sensim augere ad statum usque, & eo magis, quo purgatio maior fuerit, iuxta Hip. libro primo de rat. victus in morbis acutis, aphor. 21. 23. & 25. Sic dicente: & quanto maior fuerit expurgatio pleuritici, tanto magis ad iudicationem usque dare oportet. Sic enim ij victum accipiendo, facilius liberantur, & minus purulenti fiunt, ut aphor. sequenti. 27. Hippocrates docet, & 33. & 34. veluti Galenus enarratione 9. commentarij tertij eiusdem voluminis. At, quamquam Hippocratis hoc sit sacrum documen-

sum

tum, caute tamen optimus medicus pleuritici-
 cis sorbitiones concedere debet, ut qui neces-
 sum est consideret, pleuritum morbum non ra-
 ro unica absolui crisi, etiam si ab initio mor-
 bus siccus non fuerit, sed in eo multum expui-
 tur, & alius lubrica euadit, ut huic contigit
 agrotanti, qui ab initio multum & libere
 expuit, & ex intestinis multa excreuit: & ta-
 men quartodecimo die sudore copiosissimo ab-
 solutus fuit. Caterum, post absolutam crisin,
 dies duos, eodem modo, quo antea agroto vi-
 ctum concessimus, dare debemus, iubente sic
 Galeno, enarratione 25. Commentarij pri-
 mi, in librum de rat. victus in morb. acut.
 ad hunc modum: Tutum igitur est, etiam si
 morbus iudicatus fuerit, ad duos vsque dies
 diligentem victus rationem, qua ager vsus
 fuit, seruare: prateritis autem ab iudicatione
 diebus duobus, iam securum est plenius ciba-
 re, & cetera. Fugimus autem (Galeno in
 enarratione, docente) ciborum repentinas ob-
 lationes, qua in enarratione adnotandum du-
 ximus, Galenum adnotasse quod Hippocra-
 tes ante iudicationem, & duos postea dies ne-
 que pleuriticis, neque reliquis, qui potu, aut
 sorbitionibus tractari solent, dederit panem,
 neque quippiam aliud, prater ptisanam. ad-
 uertant igitur hodie artem medicam exer-
 centes.

Curatio

*Curatio uigesimanona, in qua agitur
de somno supraueniente à causa
non uulgari, egroto febris arden-
tissima detento.*

IVuenis, qui ardentissima febre, aut
ut Hippocratis modo loquar, igne,
variis cum symptomatis, vigente hyc-
me affligebatur, capite dolebat, in cu-
bili non quiescebat, sitiebat valde lin-
gua cum nigra, & scabra, & bibebat se-
pe, & multum; non dormiebat, sed sem-
per ingenti afflictione vigil manebat:
ad hæc, excrementa illi pecudis pilu-
larum modo, torrida erant, lotiū præ-
lucidum, citrinum, quod calidissimum
erat, vias nanque per quas currebat,
pūgebat, septimo delirauit, & octauo,
omnia etiam circa ignem versabātur,
nono, sopor huic superuenit, ut à som-
no eum expergiscere perdifficile esset.
Cuius rei mirabantur medici, hæsitā-
tesque causam, vnde somnus tāto cum
foco euenire posset, inuestigabant, de
qua re in scholio pulchra legito. 14. post
copiosum sudorem calidum, vniuer-
sum eius irrigantem corpus, melius
habuit, adeo, ut vigesimo sequenti, à
febris liber, & immunis euaserit.

SCHO

S C H O L I A.

Inquirebant medici, unde sopor huic inueni euenire poterat. Quum ardenti febris variis cum symptomatis, ingentem caliditatem arguentibus, laboraret, tandem post multa adducta, & post longam de somno inuestigationem cum Galeno commentario primo in librum Hippocratis, tertium de morbis vulg. conclusum fuit, quod humores plus iusto calidi, sua caliditate, & forte pessima qualitate, calidum innatum lancinant, confodiunt, & extinguunt, unde frigiditas, somnus causa oritur, iuxta Galeni placita, irremediabilis, & ut qualitatibus humores hoc facere solent, ita non raro sua quantitate calidum innatum sopiente, suffocant eue, & per consequens extinguente. Caterum, frigus hoc ex calidis siccisq; morbis eueniens, curationem vix recipit, quia ingentem imbecillitatem, hoc est calidi innati extinctionem consequitur: ita enim Gal. citato libro, in curatione Hermocratis, enarratione 7. nobiscum sentit. Quum nanque Hermocrates febris ardentissima putrida, corruptus esset, & omnia symptomata ignem attestarentur, ut lingua adusta, vigilia, febris ardens, delirium, auriginosa perfusio, alui torrida excrementa, & similia, quae corporis statum in uniuersum igneum esse attestantur, tamen undecimo die, sopor illi superuenit, quem non

cne

euenisse à pituita caput ascendere credit *Gale.* quia tanto cum igne humorē frigidum non reperiri putat, & hac de causa concludit soporem *Hermocrati* euenisse, non ob humorem frigidum actu operantem, sed ob frigiditatem insignem cerebri, aut imbecillitatem facultatis, introductam ab humoribus calidum innatum extinguentibus, ut iuueni huic de quo agimus contigit, & uxori *Iosephi à Crasto*, optimi chirurgi: sed hac iuuenis, cum esset, post varios morbi labores suum diem obiit.

Curatio trigesima, in qua agitur de erysipelate mortem accelerante.

VXor *Heliau Vzielis*, & nata *Iosephi Benuenisti*, post liberam à quartana, quam passa est menses sex decim, in quibus menstruam purgationem nunquam vidit, feбри continua correpta est, cum qua simul erysipelas phlegmonosum, eius caput totum ferre cum ceruice inuasit, & delirabat, & sopor quoque per interualla eam tenebat, cum quibus lotium crassum, subnigrum, infima in parte sedimentum habens, erat: nam & biliosa vomebat, præcipue cum liquidum, aut ius aliquod gustaret, & ventrem lubricū habebat, ex quo mera, biliosa que excerne

nebat: casus nanque difficilis, & consideratione dignus, hic est, pro quo abigendo, ad salutemque reuocanda nobili muliere ista accersitus medicus, illico ex brachij sinistri vena exteriori, respiciente phlegmonem, sex sanguinis vncias recte extraxit, & remedium locale (topicum dixerim) quale ex aqua decoctionis furfurum, maluarum, hordei, & violarum paratur, apponi iussit, saepeque innouari. Sequenti die, hoc est, secundo agnitudoinis, vocatus & ipse, omnia contemplor praedicta, quae a sanguine male affecto, & longo tempore retento, ac in partes disgregato, euenire cōperio: quum namque sanguis menstruus tam diu retentus esset, ob morbum fortè, eius partes auctae, variae sunt redditae: nam subtiliores in bilem sunt versa, quae corporis superiores partes repetes erysipelas phlegmonosum generarunt: a largiori namque bile, pauculo sanguini mista, erysipelas phlegmonosum ortum trahit, cuius portiuncula, cerebrum occupas, delirium parebat, veluti & soporem citato a nobis modo, hoc est, per quandam scilicet in spiritus, & calidum innatum lancinationem, eorumque mortificationem.

G

Nam & bilis pars altera, in ventriculū
 ruens, per vomitum excernebatur, ve-
 luti altera, per intestina corruens, per
 ventris excremēta, quæ non rarò ven-
 triculo lācinationes, nausēā, anxietu-
 dines, & leues quasdam syncopas in-
 ducebat, crassior nanq; pars atrabilia-
 ria, locum suum tenens, iecinoris gib-
 bam partem obsidet, quæ per renes de-
 lata, cum vrina transmittitur, & nigra
 apparet: iis igitur consideratis, aduer-
 to, mulierem hanc viginti ætatis suæ
 habere annos, tēperaturā vero æqua-
 lem, cuius virium robur nō adeo con-
 stabat. Vnde cum alij medici de repe-
 tenda sanguinis missione contēderēt,
 ego illis contradixi, & scapulis, cute
 incisa, cucurbitulas quatuor affigi ius-
 si; per quas sanguinis vncias tres chy-
 rurgus extraxit, & tūc ægrotans resi-
 puit, & erysipelas magis serpsit: sed in
 phlegmone diminutum est, qua de re
 iussimus lactucam prædicto fomento
 misceri, & ægrotantē iure pupilli, pti-
 sanæ cremori misto, cibari, noctu ve-
 rò, clysmus ex hordeacea: oleo viola-
 ceo, & vnciola vna atramēti cassiæ com-
 positus, fuit iniectus, in aurora verò
 pharmacū sequēs ebibit, R. Tamarin-
 dorum

dorum salis expertium vnc. v. prunorū
pinguium numero 10. hordei pug. vnū,
florum cordialiū pug. mediū : in aqua
fiat decoctio secundum artem, & cole-
tur. Rec. prædicti decocti vnc. iij. floris
tamarindorum optimorum, drac. tres,
rhabbari optimi drach. vnam, cassiæ
recens extractæ vnciam mediam, syru-
pi rosati solutiui vncias duas, misce,
fiat haustus vnus quem ieiuno stoma-
cho bibat, & parum supra dormiat.
Cæterū, cū in nocte septies, vel octies
multa excreuisset, pharmacum nō bi-
bit, & inde melius habuit. Nam post
cucurbitulas exercitas non amplius
delirauit: sed quæ illi offerebantur re-
ctius accipiebat, & hac aurora pulsus
validiores apparuerunt: digitorū nan-
que tactui magis resistebāt, erysipelas
tamen, vt antea ita habebat, & ea de
causa, prædicto remedio, parū aizooi,
id est, semperuiui, adiūgi fecimus, quo
postquam locus fonebatur, rosacco
vnguento eum illini faciebamus, supra-
posita sponsia imbuta fomento. At,
quia aluus lubrica erat, & excre-
menta acria excernebantur, ne forte
intestina ipsa exulcerarentur, iussi-
mus clysmum repeti, absque tamen

Ægyptiacæ cassiæ atramēto, & syrupū
rosaceū, tā ieiuno stomacho, quā in-
terdiu cochleari acciperet, veluti gra-
natorū succū, immo & ipsa pōma gra-
nata mediij saporis gustabat : gargari-
zabat nanq; nō raro, hordei decocto,
misto prædicto succo acido granato-
rū, aut syrupo acetoso, ad præcauēdas,
minuendāsque gutturis, fauciumque
partes. Quinto die, febris mitior est
facta, & vrina clarior, & ad cibum ap-
petitus pronior, erysipelas tamen ma-
gis tunc tumuit, sed minus infestabat,
optimum sane indicium, vsque à par-
tibus internis ad exteriores, pessimus
humor expulsus videtur, id quod palā
fecit aurium dolor, quem ea nocte pas-
sa est, & illico delituit. Sexto die ery-
sipelas dextram partē capitis cū oculo
& fronte, occupauit, & noctu antea se-
xies excreuerat, ingenti ventris dolo-
re, mera biliosa, qua de re, præmisso
clysteri anteacto, etiam cum albo oui.
timor etenim est de dysenteria. cucur-
bitæ iterum scapulis, incisa cute, sunt
affixæ, & topicum remedium sinistræ
parti, hoc est, vbi primū erysipelas
inuascerat, quod fere in declinatione
iam erat, hoc applicitum fuit, R. fur-
furum

furum, maluarum, hordei integri an. pug. vnum. in aqua bulliant, secundum artis ministerium, ex quo decocto linteum imbutum sæpe dolenti loco applicabatur, dextra vero pars, ad quam erysipelas serpsit inuaseratve, & adhuc in augmento est, sic præmunita fuit, Rec. maluarum, furfurum hordei integri, lactucæ, semperuiui, plâtaginis an. pug. vnum: in libris sex aquæ fiat decoctio sufficiens, & coletur, & manibus recte exprimatur: cui fomento adde succi semperuiui, lactucæ pauco aceto extracti an. vnc. ij. misce, fac fomētum: & linteis eo imbutis, sæpéque innouatis locus foueatur. Septimo perinde sunt omnia, octauæ nocte decies egressit biliosa, spumea, sed non multa, parum dormiuit, & inquieta tota nocte mansit, cui ea nocte menses tunc erumpere cœperūt, quos, vt dixi, sexdecim antea mensibus, non viderat: & tunc erysipelas non ita inflammatum apparebat, cæterum vt menses fluere, cicera, & petroselinū vulgare iuribus inderentur, & parum vini albi diluti, vt vires reficeret, ebiberet iussimus: sed hoc die pessime habuit, pulsus nanque deficiebant per interualla, & ipsa angu-

stibatur, qua de re epythema refrige-
rans exceptum panno infecto cocco,
cordi applicitum fuit, & ex condito
cordiali optimo, per intervalla gusta-
bat, & frictiones cruribus fiebant, &
femoribus cucurbitæ applicitæ sunt,
& pessus ori vteri inditus, ex Mercu-
riali, carica, & pauculo oleo lilino con-
fitus. Nono ter egressit, & circa fauces
vlcuscula ingenti inflammatione ap-
paruere, & melius dormiuit, & vires
constabant: digitorum nanque tactui
pulsus validius resistebant, & lotium
fere subiugale tunc exiuit. Sed tunc fri-
ctiones consuetæ exercebantur, & gar-
garismo utebatur & amyllum iure pul-
li deglutiebat, in quo & semina melo-
num, aut eorum extractus succus illi
miscebatur, & hordeaceam bibebat.
Cæterum, decimo die erysipelas caput
& faciem infestare desiit, & brachium
dextrum, cum scapula & thoracis par-
te dextra occupauit. & renes ægrotans
tunc dolebat, eruperant nanque men-
ses, sed nihil ex eis consideratione di-
gnum fluxit, & circa podicem ingentē
caliditatem ac redinēmye sentiebat, &
pulsus ingenti caliditate varias muta-
tiones præ se ferebant, forte pro varia
humoris

humoris acris & pessimi inuasione. Tunc demum, cum per omnia discuro indicia, hâc pessime habere, vt nulla salutis spes sit, deprehendi: & re vera vndecimi initio, diem suum obiit, non sine parentum ingenti dolore. iuuenis nanque venusta, & opulens satis erat, quæ quum puerum peperit, illico in quartanam incidit, quam passa fuerat plures menses, pro qua propulsanda, varia calida, & acria medicamenta ingessit, ex quibus creditur, morbum hunc ortum traxisse, & per consequens obitum. Obiit autem mense Ianuario 1560.

SCHOLIA.

Huius misera iuuenis curationem perscripsimus, vt casum difficilem indicaremus, simulque vt memoria euocaremus, tanta cum acri bile, ex qua febris continua, erysipelas, mētis delirium, ventris dolores, excrementa biliosa omnia & sitis ingens procedebat, humorem pituitosum coniungi non posse, ex quo forte caput occupante, vulgares medici somnum euenisse crederent, quum re vera, somnus huic mulieri, ab humore acri, extinguente calidum innatum, ex quo frigidiitas vix remediabilis oritur, euenerit, vt Hermocrati, &

aliis à nobis citatis egrotantibus contigit, & euenius ipse indicauit.

Curatio trigesima prima, in qua docetur de phlebotomia die in critica facta.

Hoc eodem tempore nata Secūdi qui pileos conficit, mulier annorum circiter viginti quinque, temperaturæ biliosæ, cum puerum recte peperit, forte nō exacte purgata est, vnde postea cum ad aerem frigidum peruenisset, & aquam frigidam tractasset, eius corporis expiramenta sunt constricta, coarctatæque: vnde succorum prohibita transpiratio est facta, & putrefactio ingens, & consequens febris continua putrida illico cum delirio oborta est, quibus postea successit pleuritis, latus sinistrum occupans. Pro quibus leuandis morbis & muliere ipsa ad sanitatē restituenda, vocatus ego die septimo, eam prædicta pati, & cum delirio febrile inueni; ad hæc pulsum prædurū & paruum, sed per intervalla subleuatū habebat, tussiebat, & nonnulla screabat, vnde cerebri meninges, & succingentem costas membranā, cum plethora male affectas esse iudicaui.

Pro

Pro quibus extirpādis malis affectio-
nibus, cum periculū esset vacuationē
tardare, illico eodē septimo die ex sa-
phena pedis sinistri sanguinis vncias
quinq; extrahere feci, quæ quidē san-
guinis missio optime contulit, & mu-
lier ipsa eam recte tulit, vnde ab appli-
cito oxyrrhodino sincipiti, & sequenti
bus diebus cucurbitulis, incisa cute,
scapulis admotis, ac propinato leui
pharmaco purgatorio, & lambetiuo
sæpe gustato, melius habuit, adeo vt
intra decem dies, sanitati fuerit restitu-
ta. Cæterum casus hic à nobis descri-
ptus ferè respondet alteri ab Hippoc.
citato, lib. 2. Prorrhethici, aphor. 47. in
hūc modum initium habere: si mulieri
à partu, & cætera.

SCHOLIA.

*Nisi illico huic septimo die, succurrissemus,
proculdubio, in cerebri inflammationem hac
deuenisset, & per consequens in obitum: pro-
inde recte à Galeno consultum est, etiam in
diebus criticis, cum vrget necessitas & natu-
ra segnior est, nos secure vacuationes quas-
cumque necessarias moliri posse, vt aliàs in Cen-
turiis patefecimus, & docti laudarunt.*

**Curatio trigesima secunda, in qua agi-
tur de miris quibusdam capitis vul-**

*neribus, ex quibus & memoriæ et
uisus facultates amissæ sunt.*

Ille cui in occipitio vulnus ingens
infectum fuit, vtriusque membra-
næ, duræ, & subtilis, portiunculam ali-
quali cum substantia medullari perdi-
dit, & sanatus est: memoriam tamen in
totum amisit. Alter vero, qui vulnus
mirum in sincipite habuit, ex quo ip-
sum moriturum omnes prædicebant,
sanitati fuit restitutus: oculi tamen
visionem, eius maxime, qui vulnus re-
spiciebat, in totū perdidit, forte quia
neruus visorius latus erat; puer vero
Isaiæ sacerdotis, ex ingenti in capite
vulnere accepto, vtriusque oculi lumē
amisit: tamen ipse, recte valentēque
hodie habet: absque tamen vtriusque
oculi visione.

*Curatio trigesimatertia, in qua agi-
tur de nonnullis, qui ex quodā car-
bonum odore, noctu perierunt.*

AD viam absque exitu, Romanis
fundulam dictam, in fornice, sine
testudinea camera, tres viri noctu dor-
miebant. Qui simul eadem nocte, ob
semiaccensos in prunario relictos car-
bones, omnes mortui sunt.

S G H

SCHOLIA.

Ob fumum carbonum pessimum, & vitæ humane alienum, non euentilatum ab aere, in obitum & exitum ij peruenere: non verò, vt Erasistratus putat, propter spirituum tenuitatem ob quam contineri spiritus ipsi in corpore & arteriis nequeunt, vt memorie commendauit Galenus lib. 7. de *Vsu partium*, cum Erasistratum huc in modum suggillat, dicens, Erasistratum porrò, cum hic quoque causam in qualitatem familiarem, atque alienam conferre docuisset, confert nescio quo pacto, in spiritus tenuitatem, ac crassitiem: existimat enim propterea perire eos, qui in Charonis sunt barathro, tum eos qui domos incolunt calce nuper illitas, aut qui ex quodam carbonum odore, & aliis generis eiusdè extinguuntur: quod spiritus præ tenuitate contineri corpore nequeant. Satius autem fuisset, vt in alimentis, familiaris quidam leguminum, olerum, panis, atque id genus aliorum nobis est qualitas: aliena vero, cantharidis, & leporis marini, atque aliorum eiusmodi, ita putare, aeris qualitatem quandam aliam quidem familiarem & amicam spiritui ipsius animalis, aliam verò alienam, ac corruptricem: si enim semel id intelligere potuisset, haudquaquam carbonum fumum puro aere tenuiorem pronuntiare ausus fuisset, cum ille, omnibus crassior
planè

plane appareat. *hæc Galenus, quæ libro de utilitate respirationis, capite quarto, idem repetit.*

Curatio trigesimaquarta, in qua agitur de tertiana continua, cum erysipelate phlegmonoso, & lacte in caseum concreto in mammis, ac papillarum ingenti dolore.

Filia Myfis à Botone, iuuenis decem octo nata annos, temperatura sanguinea vigente hyberno, postquam puerum recte peperit, parum expurgata est, ac inde continua tertiana febris correpta est, quam comitabatur erysipelas phlegmonosum, à podice inchoans, quod femora, & eius corporis altas partes, ab utroque latere occupabat, & forte ad brachiorum alas serpsit, cum quibus papillas dolebat, & mammas tumētes, & graues habebat, præcipue sinistram, in qua lac in caseum ingenti caliditate concretum contineri percipiebamus. ad hæc grauiter & tumultuose dormiebat, & non recte ad oblata se habebat: parum tamen sitiebat, & linguam humentem tenebat. Ad hanc igitur vocatus ego,
ab

diab iniecto ex mercuriali cōfecto clyf-
 tismo, & exonerata aluo, illico ex pedis
 vena, saphena dicta sanguinis vncia
 octo extrahi, & succis herbarum frigi-
 darū saepe repetitis erysipelas infringi
 domarive fecimus, & supra mamillas
 fomentum saepe apponi hoc, quod ha-
 bet, constatque malua, hordeo, solano
 domestico adiecto aceto, ex quibus
 mamillis muliercula dextra peritāque
 exugebat, sed parum extrahebat, quia
 in grumos conuersum lac erat, sed tūc
 syrupum refrigerandi vim habentem,
 hac singulis auroris stomacho ieiuno
 bibebat, & prisanam in victu, & hor-
 deaceam aquā pro potu habebat, quo
 in ordine quatuor dies perseueravit, in
 quibus erysipelas domatum euictūm-
 que fuit, sed febris vigeat continua,
 singulo tertio die magis affligens, &
 læua mamma tumentior euasit, ex qua
 valde querebatur: inde enim pectora
 graua & dolentia erant omnia: qui-
 bus de causis internam cubiti sinistri
 venā secuimus, & ex ea sanguinis vn-
 cias quinque extraximus, & supra læ-
 uam mammam male affectam cata-
 plasma efficacique remedium & appro-
 batum ex incocta faba, adiecto aceto,
 imponi,

imponi, sæpèq; innouari iussimus, quibus breui mamma melius habuit. Cæterum sequenti die huic rigor ingens suprauenit, quem subsequuta fuit febris: longo tamen sudore profundo cum somno exoluta, vnde libera à tanto malo iuuenis hæc māsfit, iuxta Hippocratis dictærium, à causone habito, rigore supraueniente, solutio fit morbi. Cæterum hæc post iudicationem elapsis duobus diebus plenius cibari nostris mandatis cœpit, vt ita agendum nos docuit Galenus.

Curatio trigesimaquinta, in qua proponitur fœtum intra uterum maternum, per umbilicum nutrimentum recipere, contra Authorem libri de carnibus, & quòd fœtus per umbilicum lotium remittit, non vero per uirgam, ad Simpsonem Habillium medicum doctum & multarum linguarum peritissimum.

Quasi admiratus nō contemnēdo dubio ad me venisti, Simpson omniū fortissime, vt qui apud Hippocratē legeres, puerū intra vterū maternum

num per os nutriri, nō vero per vmbi-
 licū, vt omnes medici cū Gal. huc usq;
 credunt: vt autem dubio tuo fidē prae-
 stares Hip. opuscula enchiridij formu-
 lis excussa, in mediū attulisti, & locum
 libello de carnibus indicasti, in quo
 hac legūtur: Puer labra cōprimēdo ex
 vtero materno fugit, per osq; alimētū,
 & spiritū, omniū quæ in corpore sunt,
 calidissimū, attrahit; id quod verisimi-
 le esse probatur, quia pueri nascuntur,
 in intestinis habentes stercus, quod il-
 lico cū in lucē veniūt, egerunt: indicatiū
 maximū sane, q̄ per os sugūt, aliter ster-
 cus non haberēt. Itē videmus, q̄ puer
 statim vbi natus est, mammā sugit, id
 quod nesciret, si intus sugere assuetus
 nō esset. Hæc ex Hippocrate. cuius ver-
 ba, ne lector desideret, ita habēt, Cete-
 rum puer in vtero cōprimens labra ex
 vtero matris fugit, & tū alimentū, tum
 spiritū cordi intro trahit, vbi sanè ma-
 ter respirarit; est enim hoc calidissimū
 in puero, & hoc calidū etiā reliquo cor-
 pori, & aliis omnibus partibus motum
 præbet. Si vero quis interroget, quo-
 modo hoc quis sciat, quòd puer in
 vtero trahit, & sugit, illi sic respon-
 dendum est, pueri nascuntur stercus in
 intest

intestinis habentes, & vbi nati fuerint, celerrime ventrem, tum homines, tum pecora exonerant: Atqui non haberent stercus, nisi in vtero suxissent, immo neque mammam statim vt natum est, sugere nosset, si non in vtero suxisset: Hæc enim Hippocratis eadem cū à nobis dictis habentur verba, in quibus puerum per os nutriri, non vero per vmbilicum, legitur. Cæterum ego tunc libellum illum de carnibus, medicorū primi parentis Hippocratis Heraclidæ filij non esse, tibi pro responso dedi, id quod ad præsens firmo, sed potius eius aui, Hippocratis, Gnosidici filij, aut Polybi, eius generi, aut filiorum Thessali, vel Draconis, aut potius Euriphontis, vel Phaontis, vel Philistionis, vel Aristionis, aut alterius cuiusquam prisci, quorum nonnulli tempore Hippocratis vixerunt, alij vero parum antea, veluti alij parum postea, qui Hippocratis propriis & genuinis libris multa interferuerunt, multa addiderunt, veluti ex eis non pauca expunxerunt, & alia obliterarunt, vt propria Hippocratis opera Hippocratis non esse, quiuis dicere audeat: nostrū vero
hoc

hoc iudicium firmū, ratum, & verum
 esse, vel ex hoc conuincitur, quia ger-
 mano & proprio suo Hippocratis li-
 bro de natura pueri, legimus, per vm-
 bilicum puerū & alimentum, & incre-
 mentū suscipere; quem librū Hippo-
 cratis esse, non est qui ambigat. nā et si
 Galenus libro de foetuum formatione,
 eum Hippocratis esse, vel Polybi du-
 bitet: eius tamen sententias vt veridi-
 cas recipit, immo Epicheremata, ac
 ratiocinationes à magno Hippocrate,
 eo in libro inscriptas esse nō diffitetur
 per vmbilicum alimentum puerū re-
 cipere. Ita enim Hippocratis hæc sunt
 verba, Iuxta mediā autē carnem, vm-
 bilicus distat, per quem spirat, & ali-
 mentum ac incrementum puer capit.
 quam sententiam Galenus, vt Hippo-
 cratis verā & germanam recipit, suis-
 que dogmatis non raro inserit, cui
 postea cæteri medici fidē præstarūt, &
 in suis monumentis ita habent, Puer
 per vmbilicum alimentum capit; ab
 vmbilico nanque ad iecur, venæ deri-
 uantur duæ, & arteriæ totidē, per quas,
 alimentum, & spiritum foetus attra-
 hit, vt sequenti alio dubio latius enar-
 rabimus, quod habet, An per virgam
 H

foetus lotium remittat, anve per vmbilicum potius. Cui absque gyris more nostro breui respondemus, Puerointra vterum maternum mitti per vmbilicum vrinam, vt Galenus late probat libro decimoquinto de vsu partium, ad præsens tamen scire decet, foetum tribus inuolucris seu membranis obuolui alligari ve, prima tenuissima, & alba, molli que, & tenella, quæ Græcis amnios appellatur, inter quam & foetus cutē, humor copiosus, quem foetus sudorem recrementum ve appellamus, cōrinetur, cuius iuuamenta non contemnenda hæc habentur: foetus etenim in eo quasi innatans, sursum tollitur, ac vehitur, vt minus sit grauis iis vinculis, per quæ matrici cohærescit. Item, cum puer maturus exitū parat, calcitrat, & hanc disrumpit, farciminales membranam dictam, in qua lotium retinetur, ex quibus tunc sudor, & lotium profluit, qua irrigatione vteri cervix laxatur, emollitur ve, & per consequens facilius foetui exitus paratur; hinc enim obstetrices concinne assuescunt dicere, primam esse disruptam, scilicet, membranam, siue tunicam, cum sudoris huius, & lotij profluuium,

CRAT
profluuium
iaciunt
non aliunde
arenarum
interuoru
prima am
dis, farcim
Nam alias
ex carne, &
inestum
que primam
hanc farci
tempus ve
per meam
exorum,
tenem, &
agniculam
humor hic
contenus
actione
laadro vt
rius huius
seorsum a
seorsum a
neq; vena
gens, ne
cine lade
de agunt

profluuium , parturientes incurrere incipiunt. Cæterum membrana hæc non aliunde nascitur, quàm venarum arteriarumque vmbilicum petentium interuentu; secunda vero membrana prima amplior est, Græcis allantocidis, farciminalis, siue intestinalis dicta. Nam alias, olim farcimen erat, quod ex carne, & farina subacta in crassius intestinum coniecta fiebat, intra namque primam membranam, & secundam hanc farciminales dictam, vrina ad tempus vsque partus excipitur, quæ per meatum vrachum, ex fundo vesicæ exortum, iuxta vmbilici medium procedentem, inter farciminales, & primam agniculam dictam, deriuatur. Est enim humor hic inter duas has membranas contentus, tenuior, tum flauior, tum acrior eo sudore, qui est intra agniculâ, adeo vt dissectantiû olfactû, teterri- mus huius humoris odor male afficiat, seorsum autem humor hic, siue vrina à fœtu est adducta ac seiuncta, neq; cutim neq; venas, quæ secundis insunt, attingens, ne ab eius acrimonia partes vicinæ læderentur. Cæterum vt res, qua de agimus, clarior euadat, scire decet,

quatuor in vmbilico, esse vasa, duas
scilicet arterias, & totidem venas, in
medio sui vrachum, hoc est, vrinarium
meatum habentes, qui quidē meatus
vrinarius ex fundo vesicæ exortus, lo-
tium in farciminalem membranam
deriuat. At huius superioribus mea-
tus partibus venæ, inferioribus arte-
riæ adhærescunt, per quæ vasa, veluti
per truncos, & canaliculos quosdam
ex matrice fœtus sanguinem & spiri-
tum trahit, vt priori absoluimus quæ-
sito. Sed restat non contemnendum
dubium, quod Galenus ex priscorum
quorundam placitis proponit, & sic
habet; Si verum est quòd puer ex col-
lo vesicæ vrinarium meatum vsque
ad apicem virgæ apertum habet, cur
magis lotium per vrachum transmit-
titur, quàm per illū? Item detur quòd
per vrachum vrina ad farciminalem
membranam deriuatur, cur non pars
eius aliqua saltē ab ipsa vesica per vir-
gam eiaculatur? quia natura nihil fru-
stra facit. Respondet Galenus, id in
causa esse, totum lotium per vrachum,
siue vrinaculum remitti, & nihil per
collum vesicæ, quia latitudo vrinaculi
multis

multis numeris maior est ea, quæ vesicæ collo inest: item rectitudo eius maior, quæ ad educendam vrinam colli obliquitate est præstantior, quibus addit, nullum musculus esse extrinsecus vrinaculo appositum, qui effluxum excrementorū prohibeat, cuiusmodi reperitur ad collum vesicæ, pro quo laxando, aut constringendo, voluntaria actione fœtus indiget, qua, referente Galeno libro de fœtuum formatione, caret, vbi præcipue cerebrum, post iecur, & cor gigni probat. Cæterum rem hanc ita haberi, cum Galeno, hodierna Anatomia approbat. Diuisa etenim ea peritonei parte, quæ vesicæ est præposita, vtrunque simul facito, vmbilicum quidem attollito, & quod in vesica continetur, comprimito, manu ipsam comprehendens: cernes autem lotium per meatum, qui est ad vmbilicum, vrachum dictum, in farciminalē effluere, quin etiā si ipsam rursum farciminales cōpresseris, vesicā impleueris; sin contra vesicā, membranam ipsam farciminales impleueris. Quæ omnia accidunt propter ea quæ à nobis dicta sunt, scilicet propter rectitudinē meatus vrinaculi, & eius-

dem latitudinem, & cætera. Huic sententiaë subscribit Auicenna fen 21. libri tertij, capi. 2. quanquam interpres inibi omnia peruertat, & confundat, veluti fen 14. eiusdem libri, eo capite, in quo agit de causis propriis ascitis, vbi puerum intra vterum matris per sumen mingere ait, immo post natum, anteaquam fasciatur, etiam per sumen lotium mittere fatetur. quid vero interpres per sumen intelligat, non satis constat. Ego verò per sumen, meatum vrachum Auicēnam intelligere cum Galeno crediderim, & eo magis, quia citato à nobis loco, fen 21. vbi de generatione fœtus agit, puerum per vmbilici infusorium, lotium transmittere dicat: vocat autem interpres vmbilici infusorium, meatum vrinaculum dictum, siue vrinæ ductorem, per quem, postquam infans in lucem est editus, ab obstetricibus incisum, aquositas exit, & hoc forte est, quod Auicenna ait, post natum puerum, ante fasciatum, etiam per sumen lotium mittere. His iam colophonē imponebamus, vt qui eis institutum nostrum absolueramus, nisi tertia membranula describēda occurrisset, Græcis chor

chorion dicta, quam Latini secundam appellant, barbari vero secundinam, nonnulli etiam loculos vocant, quæ nihil est aliud quàm multarum venarum & arteriarum quidam plexus, interualla mēbrana obducta continens, in quam omnes venæ & arteriæ ab vtero fœtum petentes, tanquā in truncorum radicem quandam pertingunt, & finiunt. cæterum cū prædictæ membranae duæ tenues, vt aranearum telis similes sint, ita chorion hæc, siue secunda, in parte pollicaris crassitudinis cernitur, substantia vero lienis modo nigricans, friabilis, fungosa, & vt dixi, multiplici vasorū serie implicita, quæ fœtum neque ambit, neque contegit totum, vt reliquæ aliaë membranae duæ dictæ, aut vt putamen nucleum, sed ab inferiori pectoris parte ad ilia vsque, ipsum tanquam circulus cuppam cingens obuoluit, vt latius Gal. prædicto decimoquinto de vsu partium libro, & de fœtuum formatione, velut de vteri resectione docet: & hodierni de Anatomia scribentes, viri multa laude digni, enarrant. Scire tamen decet, quòd cum primùm infans in lucem venit, vasa vmbilicum componentia, cum

vrinaculo, obstetrices iuxta ventrem præscindunt, sed animantia bruta ea dentibus abrumpunt, inuolucra foetus plerunque deglutiendo. Nouisti tu autem docte Simpson, vmbilicum nihil esse aliud, quàm conflatum corpusculum ex duabus venis, & totidem arteriis, in medio vrachum habentibus, quarum portiuncula intra puerum relinquens, temporis successu exarescit, vt memoriæ commendauit Gale. quoque non semel. Bene vale vir docte, & rationibus Authoris libri de carnibus, pro primo absoluendo dubio, quæ tua est ingenij acuties & liberalitas, meo nomine respondebis.

Curatio trigesimasexta, in qua docetur, gemellos unica contineri, obuoluiue secunda, non uerò duabus, aut pluribus. Explicatur Hippocrates.

Victurus genium debet habere liber, ait poëta. Sed quodnam geniū medicus liber præ se ferre debeat, vt optimus habeatur, & in perpetuum uiuat, nullum aliud me hercle melius putarē, quàm si Hippocratis axiomata, dicteria, ac documenta, summa cura, &

ra, & vigilia apprehensa, recteque intellecta, & enarrata contineat, posteritatisque asservata habeat: hac enim via, ut ego puto, medici libri æternitati consecrabuntur, quemadmodum Galeni libri antiqui perampli & immortales, Hippocraticam doctrinam longe claram & patentem continentes, in qua amplianda Gale. ita se gessit, ut ipse ait quemadmodum Traianus Imperator, in restituendis ampliandisque totius Italiae senticosis, strictis, & inuiis itineribus, quæ summo studio ampla, peruia, & lata reddidit. Non ab re igitur erit, si nos, ac si libri hi nostri victuri sint, Hippocratem ad præsens, ut sæpe facimus, interpretemur hac in sententia, quæ libro de superfætatione ita habet, Quæ gemellos gestat, eadem die parit, veluti concepit. habet autem utrosque pueros in vna secunda. Quibus in verbis Hippocrates ait gemellos contineri vnica tantum secunda, chorio dicta, non vero duabus, aut pluribus: id quod verum esse experientia attestatur quotidiana. EZRA. Mirum id mihi videtur, si nanque verum est, ut superiori curatione innuisti, puerum in utero matris, tribus obuolui membranis, agnina,

H 5

farciminali, & chorio, siue secūda, consequens est, etiam si gemelli sint, unusquisque sua obuoluetur secūda. AMATVS. Plura & quæ veritatem continere appareant argumenta adducere poteris. EZRA. Vicini, docte & amice, sed omnia falsa, & cauillorum plena: sunt nanque hæc de quibus agimus, solida, & quæ non nisi veritatis scopum desiderant, proinde vt Hippocratem medicum experiētissimum, diuinissimumq; intelligamus, audi: quæ duos gestat fœtus mulier nunquam chorion, siue secundam cum primo remittit, nisi post secundi fœtus exitum. EZRA. Paulisper rogo: ais, si recte teneo, verbi gratia, mulier gemellos vtero gerens, hodie alterum peperit, crastina vero die alterum in lucem datura est, ex qua secunda primo partu foras non veniet, sed in fine secūdi. AMATVS. Recte. EZRA. Audi rogo, quia dubito, & anceps sum, si post primum fœtum in lucem editum, alter multos dies intra vterū manserit, vt superfœtatio ad duos & tres menses sit, vt aliquādo fieri videmus, & Aristoteles libris de animalibus, disserit, mulierem vtero gerentem, post tertium mensem gestationis,

ab

ab adultero suprafoetata esse, etiam
secunda semper intus manebit, quoad
suprafoetatio hæc absoluetur? AMA-
TVS. Maxime. EZRA. Mira audio, quo
modo igitur obstetrices se habent in
primo gubernando puero, & eius ab-
scindendo vrinaculo? AMATVS. Dicam.
Nosti iam, vt arbitror ex dictis, quod
per vmbilicum foetus nutrimentum re-
cipit, & per eundem lotium remittit.
Sed iam ad propositum. Quum infans
in lucem venit: ad eius vmbilicū iuxta
ventrem, obstetrices parturientibus
assistentes, vrinaculum præscindunt,
quod & earum prudentiores, post ab-
scissum, leuiter exurunt. Porro ipsius
vrinaculi residuum, cuius alta pars se-
cundæ intra vterum hæret, parturien-
tis femori alligant, sæpe ex eo sangui-
nem fluere procurantes, quoad forte
ex se exarescat, aut saltem si modò diu
ita manet, altiori in parte scindunt. ge-
mellis igitur vnica tantum inest secun-
da, vt recte Hippocrates nos docuit,
sed illi vrinacula duo affixa sunt. No-
stis autem, vt dictum est, per vmbili-
cum foetus nutrimentum recipere, &
per eundem lotium remittere: vnicui-
que nanque puero suum proprium
vri

vrinaculum est. Cæterum masculorum
 secūda, ab ea quæ obuoluit fœmellas,
 vt expertæ aiunt obstetrices, variat:
 masculorum nanque extracta secunda,
 in orbem redigitur, fœmellarum ve-
 rò, vt ipsæ obstetrices astruunt, tan-
 quam sinus duo, aut manticulæ duæ
 cernuntur, quæ si multum hæreat, &
 non facile excidat, leuiori vngue ab
 obstetrice feriat: oportet: quia cū
 primū sanguis ex ea effluerit, breui
 decideret: aliter ad medicamenta con-
 fugiendum est, præsertim castorium,
 vna cum pulegio, aut calamintha, me-
 licrato exceptum, vt docet Galen. lib.
 x. de simp. med. facult. Cæterum vnum
 præterire non est, quod sæpe euenit, &
 ita habet: fœtus caput non raro ab ob-
 stetricibus, aqua plenum, iuxta os vte-
 ri, tempore partus percipitur, quæ ni-
 hil est aliud, quàm lotium intra agni-
 nam membranulam contentum, non-
 dum autem membranula illa disrupta
 est, qua de causa, vt breui disrumpatur,
 & pueri caput liberum maneat,
 supra membranulam illam, micam sa-
 lis apponi iubemus, ex qua breui dis-
 rumpitur, & voti compotes obstetri-
 ces euadunt. De iis autem hæc pauca

non

non contemnenda sufficiant, quæ pro libro de superfætatione intelligendo non parum faciunt, & ea vt non raro, ita nunc, nunc in vxore Benedicti Apuli experti sumus, quæ gemellos peperit, masculum & foeminam, masculum primò, & optime ac viuum, foeminam vero post biduum, quæ brachium primo extra cunnum misit, sed postea ex se intromissum est, & tunc adiuta mulier, eam peperit, sed emortuam, & vltimo secundam, bona autem fortuna, ex se brachium foetus, retractum, intromissumque est, quum pueri fere omnes, quibus brachium, aut membrum aliud præscinditur vnà cum matribus pereunt, vt filia Malameti medici: & aliis euenisse obseruatum habemus.

Curatio trigesima septima, in qua agitur de melancholia quodam genere, ingenti cum fame eueniente.

VXor Sanctes Sacerdotis, mulier honestissima, & honoratissima, temperatura optima prædita, & quæ cum recte valeret, parum loquebatur, & parcissima in victu erat: post multum & longum mœrorem, cum ætatis suæ
ann

annum quadagesimum ageret: hæc, sed quæ ridiculosa forte videbuntur, patiebatur, nunquam stabat, sed semper deambulando loquebatur, & gar- rula erat, & continuo comedebat, & nunquam satura euadebat, immo ci- bum semper appetebat, vt à pueris do- mesticis panem etiam è manibus ar- riperet: qua de causa, cum antea graci- lis, & macie affecta erat, carnosæ est reddita, cum quibus parum bibebat, & de ventriculi ore querebatur, & parum vel nihil dormiebat: post primum ve- ro fere duarum horarum somnum, in- somnis postea semper manebat, sed tunc vigil varia loquebatur, vt vix ab aliis perciperetur. Ad hanc igitur vo- catus ego, omnia vt dixi, eam pati de- prehendendo, quæ non nisi ab humore melancholico, originem trahere cer- tum est, perinde eam tanquam melan- cholia affectam, habita ventriculi con- sideratione tractauimus, curauimus ve-

S C H O L I A.

*Morbus hic melancholia dici meretur, ca-
nino appetitui complicatus. Qui ambo à suc-
co atro originem trahunt, ab acido autem suc-
co, hoc est, pituita acida, veluti atra bile, aut
verius succo dicto melancholico, acerbato, figi-
do,*

lo, adstringente, comprimenteve, caninum ap-
petitum etiam incitari, non raro Galenus in-
culcat, ut apud eum legimus, lib. de simpl. cau-
sis, quarto, cap. 7. & 2. aphor. enarratione 21.
non ob hoc tamen cum Avicenna, & cum
sequentibus, in errorem labamur, credentes,
quod succus melancholicus à liene ad ventri-
culum derivatus, famem, & appetentiam na-
turalem excitat, quum hoc falsissimum sit, &
contra Galeni veram doctrinam. At nan-
que Gale. lib. de usu part. 4. cap. 15. & eius-
dem voluminis libro 5. cap. 4. Per venosum
quendam meatum, aut breue quoddam vas,
lien in ventriculum succum melancholicum
eructat, transfunditve, ut ventriculi omnes
functiones, quæ constrictione quadam confi-
ciuntur, sua saporis qualitate, acerbæ, & aci-
dæ, ac adstringente, roboret, ac inde ne ci-
bum ante exacte confectum, concoctumve,
elabi sinat. Caterum cum hæc appetentiam
caninam patitur, non ab re est, si de ore ven-
triculi conqueratur, circa quem morsus &
rosiones continuas sentire tradit: refert nan-
que Galenus libro quarto de symp. causis,
capite 7. simili in casu, circa os ventriculi,
in quo appetentia fit, dolores, & animi de-
fectus, cardialgiæque fieri, veluti per con-
sensum, in capite morbum comitalem, & gra-
uem soporem, & non raro delirium.

Cis

Curatio trigesima octaua, in qua agitur de ictero affecto aegroto, qui non rarò graui torquetur dolore circa intestinum duodenum, aliis cum symptomatis.

IVuenis, qui ab hinc triennium ictero morbo, lienis cum duritie laborat, sæpe per interualla prope os ventriculi ingentem percipit dolorem, vt ego coniecto, in duodeno, & ieiuno intestino: sed tunc dolore cum corripitur, horrore afficitur, quem postea sequitur febris, quanquam aliquando horrore ingenti cum febre corripitur, absque dolore aliquo: cæterum quòd dolor hic duodenum & ieiunum intestinum occupet, vel ex hoc patet, quia infima in parte oris ventriculi eum percipiat, sentiátve, quo in loco duodenum intestinum sedem habere, nemo est qui dubitet. Secundo, quia meatus bilem deferens huic inseritur duodeno, vt ex Galeno docti euadimus, libro 2. de temp. cap. 8. & 5. de vsu partium, cap. 3. & 13. Meth. med. lib. capit. item 13. quanquam interpres Linaccer infelicitè locum illum interpretatur, cum dicat, & meatus qui ad
ieiun

ieiunum pertinet, sit apertus; cum rectius locus ita legendus sit, & meatus, qui in ieiunum bilē demittit, sit apertus: non enim Galenus vult meatum hunc ad ieiunum pertinere, vt ei inferatur: sed tātū, vt per eum bilis suggeratur, immittaturve: à duodeno cū intestino in ieiunum per eum meatum bilis cadit: quia duodenum intestinū in orbes & anfractus nō conuoluitur; qua ratione multi duodenum inter intestina non connumerant; vt meminit Gal. lib. 6. de locis affectis, cap. 2. & larius lib. 6. Anatomicarum administ. vt liquido euadat, bilis hunc meatum nō ieiuno: sed duodeno, aut exorto inseri intestino, vnde Auicennam in hoc errare, qui sen. 13. libri tertij contrarium dicit, manifestum est, vt ante nos viri doctrina, & eloquentia eminentes literis mandarunt. Receptui igitur carentes, dicimus, consequens esse cum tanto bilis fluore per meatum hunc, magna eius copia per interualla defluat, ex qua dolor ipso in intestino duodeno consequatur, ob quem dolorem spiritus contristantem, & bilem putrescentem, horror cum febre confurgit, plerunque viginti quatuor ho-

ras non excedens, aliquando tamē bilis confertim, ac subito extra propellitur, vnde horror cum ipsa febre absq; dolore vlllo euadit, & tunc accēssionis die, cum dolore vel sine dolore, lotium biliosissimum apparebat, & oculi crocei, quanquam toto morbi cursu etiā eiusdem coloris essent. Cæterū vt hūc iuuenem à tanto morbo, fœdationēve liberaremus, postposita bilis illa per vniuersum corpus effusione, quod symptoma appellamus, in mētē venit, huic omnia hæc mala euenisse, ob expultricis vesicæ bilis receptricis imbecillitatem: ad intestina nanque expultrix facultas bilē propellebat, vnde dolores illi grauissimi, & symptomata citata consequēbātur, testabātur hoc vrina biliosissima, stercus album, nulla ad dextrū hypochondriū grauitas, & alia: proinde vniuersus noster conatus, eo dirigebatur, in excretrice roborāda facultate vesicæ bilis receptricis, tā medicamentis intus assumptis, quā foris applicitis, quibus nihil memoratu dignum consecuti sumus, sed perinde vt primo ægrotus mansit. Tractauerāt namque ante nos, medici ægrotū hūc quem tanquam ab obstructione laborantem

rantem curarunt sed absque fructu villo, putabant namque ij meatum quem diximus, ad intestina derivatū, obstructum esse, quum re vera laxior quàm oporteat sit.

Curatio trigesimanona, in qua agitur de quadam graui pleuritide, simulque de morborum temporibus, & in eis uario præbendo victu.

R Odoſtan Chilibi, Turca nobilis, robustus, & optimi habitus, annos natus quadraginta, temperaturæ optimæ, vigente hyeme, & flante borea, pleuritide male affectus fuit, grauiter nanque superiores costas dolebat, dolore quidē non admodū acuto, punctilīve, sed brachiū dextra cū manu prehendente, grauanteve, quibus difficulter spirabat, & cōtinuo febriebat, & tussiebat, sed nihil excreabat: ad quē vocatus quarto die, eum ita vt dixi pati inueni, non egerebat, non expuebat, neq; vacationem aliquam habebat, totus constrictus erat, & nihil ferē gustabat: intensissime tamē sitiebat, cum quibus vires vt cunque constabant, indicia sane attestantia humorem peccantem crassiusculum esse, & coctioni

ineptum, & rebellē; proinde excretis
intestinorum excrementis ab iniecto
clysmo, illico dolenti loco, vesica bo-
uina anodyno fomento semiplena, ap-
plicata fuit, quo perinde dolor erat, &
vt antea perseuerabat: tunc vero eius-
dē dolētis lateris anxillaris cubiti ve-
na secta fuit, & sanguis missus ad vn-
cias decem, à qua sanguinis missione,
dolēti loco sacculus ex furfuribus ace-
to primo irroratis, & in sartagine ad
focum exiccatis, modico cum sale ad-
motus fuit, & pro victu ptisanæ cre-
mor saccharo apparatus oblatus, qui
& per interualla syrupū de glycyrrhi-
za modico cum oxymellite lambebat:
hoc etenim ordine septimo die excrea-
re cœpit, sed parum, & cōsideratione
indignū; quo in die iterū ex cubiti se-
cta vena totidem sanguinis vnciæ ex-
tractæ sunt, cuius beneficio liberalius
excreare cœpit, viscida & sanguino-
lenta, & tunc ex vnguento anodyno
pectoralis locus doloris fovebatur. pro
quo propulsando dolore omnia quæ
illi offerebantur tepida erant: nam in
potu hordeaceam aquam incoctam
pauca glycyrrhiza habebat: sic enim
grauibus cum symptomatis, ad no-
num

num vsque incesſit, poſt quem, ſputum multum ſubſtãtia & colore meliorem remittebat : inſtabat autem iam tunc morbi incrementum ; tunc vero die duodecimo , *Ægyptiacæ caſſiæ atramentum* exceptum decocto pectorali illi dedimus, quo recte purgatus fuit, à quo die liberalius ex ptiſana illi elargiebamur, mitiora nanq; ſymptomata erãt reddita: ſic cõm hoc ordine ad 27. diẽ progreſſus, paulatim mellicratum bibendo, quandoq; vero lambetium de pino , aut ſanum expertumque dictum, ex toto liber & ſanus euasit.

SCHOLIA.

Quum Turcam nobilem hunc tractarem, curaremve, memoriæ occurrit Abderitanus Anaxion pleuriticus, cuius Hippocrates morbum deſcribit, libro 3. de Morbis vulg. & alibi, qui ad 34. diem perdurauit ; huic vero de quo agimus Turca, pleuritis prorogata fuit ad 27. diem. pro quo ſcire licet, quòd omnis morbus quatuor habet tempora, principium, augmentum, ſtatum, & declinationem, modo morbus materialis ſit, ſalubris, & qui per concoctionem maxime terminatur. Nam morbus lethalis, quouis tempore interficere poterit, ſcilicet vel initio morbi, vel eius incremento,

vel vigore: salubris nanque morbus, tametsi
 natura sua quatuor sit natus habere tempo-
 ra: aliquando tamen euacuatione aliqua ex-
 creta intercipi poterit, & mutilari, vel in ipso
 initio vel augmento, vel statu, ut meminit
 Gal. libro de optima secta, ad Thrasibulum.
 Avertendum tamen, quod morbi ij qui in
 suo vigore crisin unicam exactam, & con-
 pletam habent, declinatione carent, ut memo-
 ria commendavit Gal. praedicto libro ad Thras.
 & ratio ita esse quoque suffragatur, quoniam
 si vacuatione ab artifice facta, morborum
 tempora intercipiuntur: a fortiori, ea quoque
 intercipientur quando materierum excretio
 completa, & ut decet, necessaria, a natura fa-
 cta fuerit. Fiunt autem crises exactae, & per-
 fectae in morborum statu, unde quoties morbi
 humores vitiiati, ex toto depulsi & vacuati
 fuerint, ager in statu liberatur, & tandem mor-
 bus declinatione carebit, ut quoque Aetius,
 sermone quarto, suae medicinae ca. 19. non pra-
 teriuit, & nos cum de Crisi verbum fecimus,
 memoria commendauimus: intelligi igitur de-
 bet axioma hoc: Morbus quatuor habet tem-
 pora, modo materialis sit, salubris, & qui per
 concoctionem maxime terminatur: morbus
 nanque qui vnica absoluitur crisi, exacta, &
 perfecta declinatione caret. Caterum in decli-

nation

natione vniuersali, agrum mori, impossibile est, in declinatione tamen particulari, hoc est alicuius paroxysmi agrotos mori saepe contingit, vt memoria commendauit Gal. libro 3. de Crisibus, & alibi. In vniuersalibus namq; morborum declinationibus neminem morbi ratione mori, vel ex hoc clarum euadit, quia natura in morbi statu, & rigore, victrix euasit, quia non solum restitit vehementiori morbi conatui, sed ipsum quoque superauit, & oppressit, vnde fieri non potest, vt deinceps succumbat, si modo error non committatur aliquis. in accessionum vero particularium declinationibus, multi mori saepe visi sunt, quia natura vis imbecilla erat, quae in principio accessionis, augmento, & statu perdurare valuit, quum scilicet, adhuc habitus ipse in vnum collectus cōtinebatur; tempore vero ipsius declinationis à centro ad extrema, calore retrocedente, spargitur, atque dissoluitur. Ceterum scire licet apud Galenum morborum haec citata tempora tripliciter accipi, & distingui, vno modo penes concoctionem, & cruditatem succorum, de quo libro, de Crisibus, & de totius morbi temporibus, & alibi non raro loquitur. Alio modo penes symptomatum magnitudinem, & seuitiem, de quo, libro aphorism. dixit, praecipue enarratione illius aphor. circa principia, & finem

omnia imbecilliora, circa statū omnia fortiora. Tertio modo, pro dispositione, siue essentia ipsius morbi, de quo, tertio libro de ratione victus in morb. acut. vt paulo inferius indicabimus, locutus fuit. Distinguuntur igitur morborum tempora penes tria, videlicet, causam morbi, ipsius symptomata, & morbum ipsum, siue dispositionem morbi, quæ tempora sæpe coincidunt. Nam in pleuritide anteaquam ægrotus spueri incipiat, status quo ad dispositionem, & quo ad symptomata, conueniunt, & simul sunt, quia eo tempore maxima vigent symptomata, & inflammationis tumor maximus, quæ cum ægrotus ipse spueri cœperit, & symptomata, & tumor imminuuntur, vt docuit Gal. enarratione 62. commentarij tertij, in lib. de ratione victus, in morb. acut. ad hunc modum inquiens: coctis siquidē qui affectum progignunt humoribus, confestim ægroti excreabunt, quod si qualia oportet solum expuere cœperint, in neutro adhuc modorum, neq; affectu, neq; in symptomatis morbus augebitur. & paulo inferius ita quoq; prædicta firmat, cū ait: Sæpius autē mutuis exultāt incrementis, & decrementis, symptomatum magnitudines, & ea quæ affectionis est, sitq; id in his phlegmonis, in quibus pus effluit, quod iam est confectum, vt in vulneribus quibusdā fieri

fieri consuevit, & in peripneumoniis, pleuriti-
dibúsque. In quibus verbis, ea quæ diximus
clare Gal. exponit. quæ in enarratione statum
affectionis, siue dispositionis, & symptomatum
variis contingit temporibus dixit, hoc sequenti
modo. Nam sæpius affectio ipsa, quæ labo-
rant, mitior quidem existit, sed symptomata
augentur, vt in phlegmone obsessis particulis,
quo ipse Hippocrates inquit modo, cum pus
conficitur, tunc dolores & febres fiunt magis,
quàm cum factum fuerit. In quibus verbis
Gal. tradit, circa generationem saniei aug-
mentum fieri quo ad symptomata, quo ad af-
fectionem vero imminutionem. Est autem af-
fectio, quam tunc agrotus patitur, phlegmone,
siue tumor præter naturam, quem apud saniei
generationem imminui tradit. Cuius contra-
rium videtur asserere libro illo, cui titulus est,
de totius morbi tempore, cum de inflammatio-
nis temporibus agit. Pro qua diluenda dubi-
tatione, simulque pro hac alia, an quatuor
morborum salubrium vniuersalia tempora
coincidant cum quatuor symptomatum tem-
poribus, an aliqua ex parte differant, scire li-
cet, quòd symptomatum, quædam sunt pro-
pria, & inseparabilia, Græci, pathognomoni-
ca dicta, quæ vera & indubitata morborum
signa sunt: alia verò communia sunt propria
autem siue inseparabilia, verbi gratia, in

pleuritide, siue phlegmone occupante succin-
gentem costas membranam, sunt tumor, ru-
bor, dolor, febris continua, pulsus ferrinus,
tussis, & respirationis difficultas: Commu-
nia vero predicto in morbo erunt, sitis in-
gens, vigilie, capitis dolor, delirium, phre-
nitis, inquietudo, fluxus ventris, & hu-
iusmodi alia. His prescitis, dicamus, quod
tempora symptomatum propriorum, & in-
separabilium, semper coincidunt, cum tem-
poribus desumptis à morborum salubrium di-
spositione: & ratio est, quia symptomata
hæc pathognomonica dicta, morbum conco-
mitantur, vt umbra corpus, sequitur & si
morbus bene habet, & ipsa mitia, & leuia
euadant necesse est: vnde fit quod morbus
salubris quo ad suam essentiam siue dispositio-
nem, mitior sit in augmento, quam suo
principio, & in statu longe mitior & secu-
rior quam principio & augmento. Porro si
contingat in statu propria hæc symptomata
plusquam in principio inualescat, & gra-
uiora fiant, quod sæpe euenire obseruamus,
& Gal. innuere videtur enarratione illius
aph. circa principia, & finem omnia imbecil-
liora, circa statum omnia fortiora; dicamus
id non proprie, & per se, sed per accidens
contingere, vt ab eodem Galeno quoque per-
cipitur aphorismo illo, Dum pus conficitur,
dolores

dolores & febres magis accidunt, quàm eo facto: ob commotionem enim & agitationem à calore factam, in phlegmonis materiam spiritus, siue flatus gignitur, ex quo particula magis distenditur, & solutio continui maior euadit, ex qua quoque ebullitione, præcedentæque agitatione, cor magis conualefcit, & consequenter vniuersū corpus: vnde febres, & symptomata reliqua grauiora euadūt, quæ cum propria antea dicebantur, iam communia & tempore fiunt, & talia dici merentur, quia in communium symptomatum naturam transfugerunt, & hoc modo dixit Gal. libro de totius morbi temp. tumorem in statu maiorem esse: cū tamen re vera, minor sit, vt ex eius citatis à nobis verbis, è libro de Ratione victus in morb. acutis, clarum euadit. De symptomatis vero communibus nunc sententiam feramus, dicentes, quatuor tempora, secundum symptomata, quandoque cum quatuor morborum tēporibus coincidere, quandoque vero non: coincidunt autem quoties morbus crisi absoluitur vnica, vt in causone, tertiana continua, synocho & quandoque pleuritide, quæ non raro quoque vnica absoluitur crisi, vt sudore, fluxu ventris, sanguinis per nares fluore, & aliquando per urinam, vt ijs in Centurq̃s, me dixisse memini. Ceterum non coincidunt horum symptomatum tempora,

pora, cum morborum temporibus, quoties morbi non habent crises subitas, sed in ipsis potius morbis materia paulatim coquitur, & paulatim excernitur, ut quotidie in pleuritide fieri percipimus, veluti peripneumonia, lippitudine, & alijs varijs morbis in quibus tunc status cum declinatione coincidit, & principium morbi cum statu, quia status morbi coincidit cum leui declinatione, & principium morbi sauum coincidit cum status symptomatis. Hac autem ita esse percipitur ex ijs quae à nobis sunt dicta, curatione 28. de quodam Romano habita, in qua diximus, Hippocratem pleuritide affectos vberius in statu cibare, quam principio vel augmento: vnde temporum diuisionem à symptomatis diuersam haberi ab ea, quam à morbi temporibus desumimus, certum est, & per consequens triplicem illam temporum considerationem necessariam esse, liquido euadit, quam fusius, commentarijs nostris, quos in Auicennae sen. quartam libri primi scriptos reliquimus, enarrauimus, & eos in Anconitana direptione nostra amisimus; ob quos tantum deperditos commentarios parum absuit mihi euenire id quod duobus medicis euenit, quorum Galen. libro 2. de comp. med. per gen. meminit, ex quibus vnus ob scriptorum suorum amissionem interitumue, contabescens perijt. Alter vero desperatus,
prop

propter similem causam à rebus medicis destitit.

Curatio quadragesima, in qua agitur de febre tertiana, quæ postea degeneravit in continuam malignam, & male morigeratam febrem.

DAuid Naamias ex Monasterio oriundus, iuuenis annos natus viginti, optimo habitu, & temperatura biliosa præditus, post longum confectum iter, in febrem biliosam lapsus est; prioribus nanque duobus diebus, duplex tertiana eum inuasit, singulo nanque die singula accessione corripiebatur, à qua ut medicus assistens referebat, mundus euadebat, dein vero, ab epoto Aegyptiacæ cassiæ atramento febris in continuam degeneravit, continuo nanque à febre ægrotus affligebatur: ad quem vocatus ipse, septimo ægritudinis die, ut qui pessime haberet, ipsum continuo febrientem, & soporosum inueni, ad hæc lotium crassum, rubrum, sed turbatum valde, pulsum vero utcumque constantem. Cæterum ad ea quæ illi offerebantur mediocriter se habebat: porro hic prioribus quatuor diebus vigil erat, sequentibus vero

vero caro, Subet Arabis dicto, detinebatur, quibus multa effutiebatur, & delirabat, quorum causa illi sanguinem ex brachij curuatura extrahere proposueram: Sed ecce, natura ex se prouidenda, tanquam artis inuida, eodem septimo die multum sanguinis per nares transmisit, & forte ad uncias quatuor, quæ sanguinis quantitas sufficiens cum non esset, pro tanto amolliendo, domandove morbo, accersito chirurgus, basilicam aut communem venam aperire decreueram. Caterum cum sinistrè chirurgus basilicam tunderet, in sequentem diem sanguinis missio procrastinata est, quo in die cum basilica, & communis vena minus bene apparerent, & exterior, cephalica dicta, tumens esset, ex ea secta sanguinis uncias octo fluere permisi. Erat autem sanguis floridus, rubicundus, siccus, absque serosa humiditate aliqua; tunc nanque ut dixi, plus iusto dormiebat hic, & omnes ferè, qui tunc simili morbo corripiebantur, profundiori somno oppressi, moriebantur: vespere vero vniuersum eius corpus pulicari symptomate plenum conspeximus: erant autem exanthemata rubricantia; tunc

scap

scapulis, & ceruici quatuor cucurbitu-
 lae cute primò secta affixæ sunt, & octo
 alix absque scarificatione paulo infe-
 rius iuxta spinam, & nates admotæ,
 quibus melius habere visus est, sed
 breui pulsus imminuti sunt, immo si-
 nistro in brachiali, arteriarum pul-
 sus non percipiebantur, & vrina subiu-
 galis turbida, & crassa perseuerabar,
 quo in tempore, infuso vno, vel altero,
 leui tamen, aluus irritabatur, & deco-
 ctum confectum ex tamarindis, hor-
 deo, floribus cordialibus, cicoreo, en-
 diuidia, buglosso, prunis pinguibus, ac
 seminibus melonis bibebat, & eius ca-
 piti oxyrrhodinū exiguo oleo cōstās,
 admouebatur, sæpèq; innouabatur, &
 frictiones cruribus, & brachiis exerce-
 bantur, ab assistētibusque irritabatur,
 & naribus spongiola aceto imbuta ap-
 plicabatur; vndecimo vero pessime
 habuit, vt tunc eum mori omnes cre-
 diderint. duodecimo, vrina sequestra-
 tionem præ se tulit nonnullam, & arte-
 ria metacarpij sinistri à digitis nostris
 percipiebatur; tunc illico hoc die se-
 quens pharmacum illi dandum prope-
 rauimus, quod habet: R. floris cassiæ
 nouiter extracti, drach. quinque, rha-
 bar

barbari optimi, drach. vnā, & alterius
mediam, diacatholiconis drach. tres.
Excipiantur omnia decocto supradi-
cto, & fiat haustus vnus, quem bibat,
& supra dormiat; hoc etenim phar-
mecum contulit, & ipse ægrotus recte
tulit, vt qui in dies melius semper ha-
buit, multa nanque excreuit. Cæterum
quum iam resipisceret, de gutture con-
questus est, quod cum introspicio, ton-
sillas vlceribus male affectas compe-
rio: ingens autem error fuit, vsque ad
id tempus, huius fauces non conspi-
cere, proinde sollicitus sit medicus
oportet, vt in multis, ita circa duo
hæc, præcipue: quando ægrotum mali-
gna & male morigerata febre laboran-
tem tractauerit, primū vt fauces ægro-
tantis sæpe aduertat, perspiciatue; se-
cundū, vt scapulas thoracemq; consi-
deret, quum vt in illis vlcuscula sæpe
contingant, ita in iis non raro exan-
themata pullulent. porro huius vlcu-
scula, per dextrum chirurgū Isachum
Caluum tractata, breui sanata sunt, &
ægrotus ipse ex toto liber, nobiscum
autem in hac in curatione fuit Simeon
Biton, Medicus doctus, & Mathemati-
cus non vulgaris.

SCHOL.

S C H O L I A

In in febris pestilentibus malignis, & male morigeratis, vigilia sepe evenit, quam postea consequi solet sopor, forte partium re-
pertarum in humoribus varietate, ab ignea
nanque, subtili, squalidaque humorum par-
ticula, vigilia fit, quæ cum resolvitur, crassius-
cula frigida insculaque evadit, & consequenter
somnum conciliat, quanquam ijs in febris
non raro aliter somnum introduci dixerimus,
ob frigiditatem scilicet introductam, à calidi-
tate ingenti, innatum calidum lancinante ex-
tinguentæ; quæ frigiditas difficulter cura-
tionem recipit, admittitue, ut Gal. docuit, li-
bris Epid. & nos curationibus in hac Centu-
ria citatis, fusius patefecimus.

Curatio quadragesima prima, in qua
agitur de morfu canis rabidi infli-
cto, & post tertium elapsum men-
sem, pullulante, dirisue symptoma-
tis affligente.

VXor Samuelis Capuani, mulier
virago, quum ex cubili quando-
que surgeret, à cane domestico, sub le-
cto abscondito, in pede sinistro comor-
sa fuit, abscondiderat se autem canis hic,
quia commorsus ab alio cane fuerat,

K

ceterū hęc canis morsum parui faciēs,
vulnus accersita muliercula vna vel al-
tera, breui curauit, clausit, & ad cica-
tricē traxit. porro elapso tertio mense,
hęc cū extra domum exiret, pes in quo
infectus morsus erat, inflatus est, &
noctu cū dormiret, forte marito prae-
sente, ingenti pauore tremorēve perci-
ta se polluit; à qua hora rabidi canis
venenū de occultari cœpit, & ipsa gra-
uissimis symptomatis tētari: tremebat
autē, & angustiabatur, & quod magis
mirari est, satyriasi, & ingenti coeundi
desiderio premebatur, sed tertio die in
aquæ metum ingenti cū siti, incidit, ad
quā quarto die vocatus ipse, noto hęc
vere viraginē, hac lugubri, tristi, & mi-
seranda affectione tentari, corripive:
nā cum antea sæpe de cane rabido, &
ab eo commorsus, multa & varia lege-
ram, nunquam tamen, vt ingenue fa-
tear, à cane rabioso demorsum homi-
nem curauerā, tractauerāmve, magna
diligentia, immo admiratione ingenti
apud eā manebam, persistebāmve: co-
gnouerat autē vulgus, ob symptoma-
ta, præcipue ob aquæ metū, miserrimū
morbi genus, à morsu canis rabidi or-
tum traxisse, quē rabiosum esse, antea
non

non nouerant. Cum igitur experiri de morbo deq; ipsa egrotante ego cœpifsem, omnia prædicta noto: cæterū cum aquam afferre coram iussissem, Deus bone, Deus sancte, quanto tremore, quanto eiulatu, & quātis angustis opprimebatur, & toties, quoties illi aqua, aut liquor aliquis offerebatur, aut ex accidenti eam videbat, & forte hac de causa, omnes è cubiculo, ingēti tremore, toruo quodā visu, leuatis manibus, reiiciendos curabat, me autē inter cæteros accersibat; quæ mente semper constans cum fuit, & iudicio singulari prædita, morbū & eius originem citabat, narrabátve, sed inter cætera, ingentem tentiginē, cum feminis emissionepati inculcabat, adeo vt intra diē trigesies semen cū titillatione emitteret, indicium sane miserandum, & lethale, conuulsionem arguens. quod Auicenna præ cæteris memoriæ commendauit, ob quod simulque, ob aquæ metum, prædiximus hanc breui morituram. Obiit autem post aquæ metum tertio sequenti die, ita vt sex vel septem, omnes fuerint dies post morbū de occultatum: obiit autem tota algida, gelido sudore respersa. Cæterum,

& si morbum insanabilem cognorimus, nō destitimus tamen, à remediorum exhibitione necessaria, cōueniente, iuxta illud Vergilij,

Ne quid intentatū frustra moritura relinquat.

qua de causa, primo ex saphena pedis à cane morfi, sanguis iuxta Pauli, & Auicennæ doctrinam, extractus fuit, & clysteres iniecti, & electaria cordialia propinata, & cantharides vni vel alteri electario immixti, quibus multū meiebat, immo, bis vel ter, per vas stricti orificij aquā ebibit. At quū morbus superauerat naturā, & cordis arcem iam occupauerat, breui eā interfecit. si autem morsus initio hæc curata esset, & ex cancris antidotū accepisset, procul dubio, in obitum non venisset. Aduertant igitur, qui canum morsus curare aggrediuntur. Porro ex cancris antidotum, & eius veram, exquisitam præparationem, ex nostro pete Dioscoride, cuius racemationes, octauam, nonam, & decimam centuriam, complebunt, vt magno radicisecæ Senensi satisfaciamus.

SCHOLIA.

Icta fuit mulier hæc à cane rabido, illi obuiam non veniente, sed ex occulto eā mordente,

dente, ferient e ve, quæ postea elapso trimestri,
aquam & humidi omne genus abhorrebat,
timebat ve, vnde mea sententia, argumētum
efficax desumitur, hydrophobiam siue aquæ
metum non fieri, quia cum sic rabie affecti, a-
quam intuentur, spuma ex ore canis rabidi ca-
denti recordatur, quum in hoc cane nulla ap-
paruit spuma, nec laesa mulier, vllam vidit, sed
ex occulto canis rabidus eam feruit, momor-
dit ve, proinde efficaciorē causam querant
oportet, qui tali responsione contenti, euaserūt.

STOPIVS. Quam igitur o Amate, cau-
sam aquæ metus putas? AMATVS. Ego cū
Paulo, & Rufo, viro in arte medicā longe
exercitatissimo, experiētissimoque, & cui Ga-
lenus multum tribuit, dicam, neque amplius
inquirendo, fatigabor: ita enim Paulus libro
quinto suæ medicinae, capite tertio ait, metum
aquæ nonnulli ex immodica fieri siccitate di-
xerunt, quasi humida ipsorum substantia, in
contrarium penitus habitum mutata. Verū
Rufus talem melancholiae speciem, ipsis obori-
ri pronunciauit, veneno humorem illum imi-
tato, quemadmodum alios melancholicos no-
uimus alia timere, quæ causa superuenit etiā
ijs qui dicunt, canis qui momorderit imagi-
nem in aquis opinari se videre. STOPIVS.

Arident sane hæc, nec vt puto, prolixiori
inuestigatione inquirenda sunt, vt qui Ani-

cernens eis quoque subscribat, & ex Galeno
 decerpta sint, libro de Theriaca, ad Pisonem,
 folio Trincaveliano, 1081. in quo theriaces in-
 uamenta prosequitur, & ita habet, *Aque*
pauorem, morbum pessimum, hoc medicamen-
tum sepe tollere consuevit, & mirabiliter tan-
torum malorum concursui resistere: non enim
corpus duntaxat ipsis inarescit, & conuellitur
interdum febrigue acrius vritur, sed ani-
mus etiam delirat, & grauissimum ipsis affert
symptoma. Quippe aquam timent, ac propter
multam siccitatem humidi tenentur desiderio,
& potu abstinēt, quia mente alienati, id quod
auxiliari possit, non considerant, fugientes
enim aquam pauentesque miserrimo mortis
genere intereunt. *AMATVS.* Cordatè
 hæc à te, ò Stopi, Galeniana sunt aduēta,
 cum ex eis Paulus, & Auicenna, ceterique
 posteriores, suos in hos negotio implerint
 cantharos, immo si recte teneo, Galenus, ci-
 tato à te loco postquam methodicos carpit, ut
 qui morborum causas negligant, medicum ra-
 tionalem philosophum, causarum inuestiga-
 torem laudat, & fœlicem egrotum dicit,
 qui ad eius peruenierit manus, hoc modo;
 Nam huiusmodi medicus rationalis, eo qui
 commorsus est, suscepto egroto statim accu-
 rate perquiret, qualis nam canis fuerit, qui
 ipsum momordit. Si enim audieris gracilem

cor

corpore, siccum, oculis rubentibus, cauda demissa, spuma ex ore fluente, præterea lingua foras porrecta, & tanquam bile colorata, obuium quemque insiluisse, citràque rationē cucurrisset, dein rursus subito consistentem, cū ira quadam magis furenti, non ipsi prauisus momordisset: hæc inquam si in eo sic habere audieris, statim rabiosum canem fuisse intelliges, itaque vulnus hand simpliciter, quemadmodum Methodicus curabis, sed cōfestim ipsum etiam amplius efficies, carne multo intervallo orbiculatim præcisane facile ad cicatricem perueniat, sed foramen de minimis quadraginta diebus patefeat, ut per hoc canis virus emanet. Cauteris igitur admodum candentibus locum adurere solemus, & aliis vti medicamentis, quæ extrahendi vim obtinent, nec virus intra carnem manere sinunt, & cetera quæ huic rei multum fauent. STOPIVS. Percepisti ne o Amate, mulierem hanc, canis imaginem, aut catulorum effigiem in aqua vidisse? AMATVS. Nequaquam, aquam tantum, forte prædictis de causis metuebat, si tamen ingenti, & aquæ metu cruciabatur. Quibus oppressa, in angusto spes erat, ut breui postea diem suum obierit. STOPIVS. In huius lotio comparebant ne corpuscula caniculos referentia? AMATVS. Non, immo huius lotium optimi coloris erat, in quo subsistens

pseudonebula conspiciebatur, sed cum prope obitum esset, in eo tanquam atomi in radio solis conspecti, à me sunt notata corpuscula, quæ ego renum & corporis substantiam dicebam. STOPIVS. Miserandam tentiginem, & seminis multam illam emissionem, in hoc casu admiror, contemplorve. AMATVS. Merito, ut quæ raro eueniat: si quando tamen euenire contingit, eam ex conuulsione seminaliû vasculorum euenisse, credendum est, quam Aui-cenna quandoque vidit, & notauit: sed ex Galeno scriptis mandauit: utcunque tamen sit, indicium hoc lethale est, & mortiferum, veluti aquæ metus, ut dixerint sapientes, Is cui aquæ metus ex morfu canis rabidi contigerit, nunquam superstes euadet, ex quibus vnus Apollonius Pergamenus appellatur: si tamen aliquando vnus vel alter aquam timens superuixit, talis non à cane rabido hydrophobiam contraxit, sed ab homine lymphato quodam modo vitium adeptus est, ut Paulus memoriæ tradit. STOPIVS. Quid audio, homo ictus à cane rabido rabidus factus, alios si momorderit, rabire facit? AMATVS. Immo. STOPIVS. Audieram aliquando, animantes ictos morfu canis rabidi, in rabiem agi omnes, præter hominem. AMATVS. Hoc falsum esse, Leonicens priscæ medicinæ instaurator acerrimus, libro illo, cui ti-

tul

tulum fecit, de Plinij & aliorum medicorum erroribus, iam diu patefecit, parum aduertente Camotio, viro alioquin docto, in eis marginalibus annotatiunculis, quas Paulo Aeginete Venetiis Aldi formulis excuso, anno 1554. affixit, ictum nanque quodcunque sit animal morsu canis rabidi, rabidum euadit, sed homo præ ceteris animantibus tardius in rabiem venit, vt aliquando post septennium visus sit homo à cane rabioso ictus rabire, vt testatur Dioscorides, & alij non negant. post tertium autem annum, hic Thessalonice hominem à cane rabido morsum in rabiem agi, vulgus vidit, & testatur. STOPIVS. Præter canem, aliæ animantia in rabiem veniunt? AMATVS. Maxime, lupus, Adib, à lupo, animal diuersum, vt nobiscum quoque Aicenna innuere videtur, cap. 5. fen. 6. libri quarti, in quo agit de morsu canis rabiosi: cattus, vulpes, mustela leo, simia, equus, mulus, & camelus, quem ego hic Thessalonice rabire vidi, & varia alia animantia, quæ non raro rabiunt, vt Galenum non parum adimeremur, qui libro sexto de locis affectis, cap. quinto dicat, reliquorum animantium nullum rabie affici, præter canem, quod falsum esse omnes norunt, non minus quam sequens ab eo dictum, videlicet canis rabidi sputum si humanum corpus contigerit, rabiem excitare posse: nos verò sci-

mus sputum rabiosi canis, si sanguinem non attigerit, exterius applicitum nihil obnoxij inducere posse. Ceterum miserrimi huius morbi curationem, utpote paratam facillimam, Corne. Celsus prosequitur libro quinto sue medici. cap. 27. Qui huiuscemodi affectos, in aquas immergendos iubeat. Ex Antidotis vero prestantissimis, quod ex caneris conficitur, & nos proprio capite, in nostro descripsimus Dioscoride, primum obtinet. Porro mulier hac quum liquidum omne metueret, solidum comedebat. Sed iam nunc, nunc, cum hac commentamur, elapso mense, ab obitu huius mulieris, eius ancilla quadragenaria, ab eodem cane commorsa, in obitum venit, eisdem symptomatis, eodem eiaculatu & eadem miseranda rabie, ut etiam ultimo homines persequeretur, obiit autem ut hera sua, post morsus elapsu tertium mensem, sexto die, post discopertum morbum, & symptomata flagrantia. Ceterum paucos dies postea iuuenis robustus à cane demorsus breui suu diem obiit, ut iam omnes hic de canibus conquerantur, & omnes rabidos esse dicant. Alamanus tamē, qui per urbē liberos veditat, à cane ictus in crure fuit: sed meo cōsilio cū vulnus ad multos dies adaperitū habuit, supra posito medicamento, quod lincolis conceptis excipitur, emmoton Græci vocant, & vim ex alto attrahēdi habebat euasit.

Cur

Curatio quadragesima secunda, in qua agitur de duobus pleuritide laborantibus, in quibus febres prius defecerunt, quam dolores, & quod materia, quæ per excreatum reiici deberet, per secessum uacuata fuit.

NEpos Eben portæ, & socrus Iacobi Navarri, pleuritide grauissima epidemiali laborarunt, quibus febres prius defecerunt, dolore adhuc manente perseuerant eue; an forte quia crassior spiritus locum inflammationis debilem occupauit, vnde distensio, & continui solutio fit, & consequens dolor, breui tamen exoletus: cæterum huic mulieri ea quæ per os reiicienda erant per secessum eiecta sunt. sanguinolenta, viscosa, & nonnulla citrina. forte quia adiuta potu atramenti egyptiacæ cassiæ, natura ad intestina materiam deriuauit, vnde postea per secessum eiecta est. vnde factum est, vt mulier hæc sexaginta fere annos nata, quinto die, plus solito grauata sudare cœperit, & septimo tandem per sudorem copiosissimum ex toto liberata.

SCHO

S C H O L I A.

Quomodo ea quæ sunt in thorace per secessum, & quæ in pulmonibus continentur, per lotium aliquando remitti contingat, brevis sed docte explicuit Gal. cum alibi, tum libro de locis affectis 6. cap. 3. prope finem, ut nos quoque litteris quandoque mandauimus, porro febrem in pleuritide prius deficere, manente adhuc dolore, minus malum esse, quam si contrario contingat, aliàs dixi: id quod & nunc ita rem haberi, experientia attestatur.

Curatio quadragesimatertia, in qua agitur, doceturque in tertiana exquisita, absynthij infusum, recte dari posse, cum Galeno, aduersus Alexandrum Trallianum.

Demetrius vir Nobilis Græcus, & ex iis, quos Græci vulgo *νύπιας* id est, dominos appellant, exquisita tertiana, ventriculi cum imbecillitate, laborabat, pro qua propulsanda cū omnia frigida humentiāve huic darētur, admoventurve: ecce cōcoctione apparente, medicus quidam infusum absynthij syrupo acetoso mixtū, ebibendum ægroto proposuit, eo nanq; morbum facile absolui contestabatur, adducebātque Galenum ita huiuscemodi

di

di tertianas curare, libro Artis curat.
ad Glau. qui hunc in modum docet;
Vrina vero potionibus, in quibus a-
pium, aut anethum maduerunt prouo-
canda, & si tibi coctionis signa mon-
strantur, iam cum fiducia aliquid ab-
synthij potes exhibere, quod alioquin
summum est stomachi remedium, vbi
bilis infestauerit, si præsertim ex ipsius
coma quâtum sufficiat, accipiens mel-
licrato intinxeris. Quibus Galeni ver-
bis fauent ea, quæ Oribasius libro 14.
suorum collectorum, cap. 49. scripta re-
liquit, in quo, de iis quæ vrinam cient,
agit, & ita habent, Absynthium per lo-
tium expurgat, & maxime id quod in
venis biliosum est, & cætera, quibus
faciunt hæc: vt enim scammoniū, me-
dicamentum apprime calidum, bilem
purgando corpus refrigerat, ita absyn-
thium per lotium bilem quoque va-
cuando corpus refrigerat, & per con-
sequens, vt scammonium exquisita in
tertiana conceditur, ita & absynthium
concedi poterit: iis verò oppositum al-
ter medicus contendebat, dicens, nul-
latenus exquisita in tertiana absynthij
dilutum esse dādum, quia absynthium
calidum siccūque nimium cum sit,

ca

calida intemperie hominem detētum
magis cōcalefaciet, exiccabitve, & sic
ipsum colliquabit, & in marasimū tra-
het. Quam partem tuctur Alexander
Trallianus lib. 12. suæ medicinæ capi.
6. in quo Galenum ita suggillat, in-
quiens: Miror autem quomodo Gale-
nus, qui artem legitime si quis etiam
aliorum medicorū exercuit, adeo in-
distincte scripserit, vt dicat, exquisita
tertiana correptis, absynthij dilutum
à septimo die propinandum esse: ego
verd falsis tertianis potius dedi, mix-
to ei oxymellitis momento. Sic enim
pituitæ miscellam, & citra noxam ma-
gis extenuat, & leuiter purgat, vt non
usus veniat origani, aut hyslopi, aut ca-
laminthæ, aut pulegij, quæ omnia a-
criora sunt, & cum periculo, crebròq;
febrim iam magis accendunt, & cete-
ra. Nos vero more nostro, hoc est, bre-
ui, dicamus, exquisitis febribus tertia-
nis afflictis, absynthij dilutum, aut in-
fufum, aut ex eo syrupum, etiam appa-
rente concoctione, nullatenus esse dan-
dum, libere cum Tralliano pronuncia-
mus; & vt autem de absynthio, ita &
de anetho, aut similibus calidis intelli-
gi volumus, quum horum vice, cito-
rex,

rea, endiuie, cicerbite, melonis, cucurbitæ, acetosæ, nenupharis, aut similium lotium prouocantium stillatitium securius, & rectius concedere possumus, aut melius, vt Auicenna docet, seminum frigidorum cremorem succumve, aut hordei, aut apij vnus vel alterius radiculæ decoctum, aut ex iis, & seminibus prædictis, adiectis acidis prunis, & radice nymphææ, aut eius floribus, vel reliquis cordialibus dictis, decoctulum paratum, & immixtum syrupis refrigerandi vim habentibus, quibus & lotium & sudores euocentur. Si verò exquisita non adeo tertiana febris fuerit, & ægroti ventriculus imbecillius, & frigidus est, vt huic Demetrio euenit, tunc mea sententia Galeni dogma veritatem continet, quod Auicenna, vt solet, enarrat. Nam hoc in casu & apij radicem, & piper hordei aquæ immiscere iubet, vt proprio capite, de exquisitæ tertianæ curatione apud eum qui hæc legerit, si modo quis legerit, inueniet. horum igitur vterque medicus veritatem astruebat. Cæterum qui Demetrio tertiana exquisita laboranti, frigido cum ventriculo, verno etiam tempore frigidiusculo, dilutum absyn.

synthij propinandum contestabatur, rationabilius loquebatur: leuissima nanque absynthij coma, aqua hordei macerata, breui postea excolata fuit, ex qua syrupus acetosus multæ acetositatis dilutus, ab ægroto non semel fuit ebibitus, & eo ipse bene habebat, adeo vt postea ebibito pharmaco leui, breui sanatus fuerit, & optima fruatur valetudine.

Curatio quadragesimaquarta, in qua agitur de amissione uisionis, subito post colaphum datum. contingente.

MVlier, cui maritus in facie colaphum impegit, illico eodē die, vtriusque oculi uisionem amisit, cæca nanque euasit, nulla in oculis habita macula, aut nubecula, læsionēve aliqua puri: nanque cernebantur oculi. Quæ non diu, postea surdastra quoque est facta, & fatua, cum quibus, lunaris purgatio huic deperdita est. Agitur iam annus, quod mulier hæc nata annos viginti septem, malum & infortunium hoc patitur, cuius causas intimas cum curatione, ad præsens subticemus. Tu verò docte lector considera.

Cur

*Curatio quadragesimaquinta, in qua
agitur de morbis uerno tempore
contingentibus.*

Verno tempore temperato, anni
1560. morbi sāguinei omnes fue-
runt quales synochi, & pleuritides epi-
demicae, quibus laborabant pueri, &
iuuenes, ac maiores natu, viri fœmi-
naeque à quibus misso sanguine pro-
ratione medica, etiam pures, omnes
sani euaserunt.

*Curatio quadragesimasexta, in qua
agitur de inflammatione uteri, quæ
postea in ulcus abiit, & ob eius se-
uiticm, extra ipsum uterum phleg-
mone alia oborta est, & ad femo-
ris altam partem adaperta.*

VXor Moyſis Aednæ, pharmaco-
pole experientiſſimi, & triū lin-
guarum peritiſſimi, quum puellā opti-
me peperit, intus ad ſedes vteri cum
inguine multum dolebat, & continuo
febrieſcit, gemit, & diu in hoc infor-
tunio perſeuerabat, inflātionē nan-
que intra vterū patiebatur, pro qua le-
uanda, celebratę ſunt vacuationes ne-
ceſſarię & remedia omnia conuenien-

tia sunt applicita, & demum disrupra
 inflā matione ipsa, ex qua puris multū
 fluxit, in vlcus abiit, ex quo vlcere sa-
 nies per os vteri ad sex vel octo men-
 ses cōtinuo emittebatur, & pro eo cu-
 rādo, syphone fomēta & lauacrā variā
 ei aculabātur, quibus pus tunc nō re-
 spōdebat, quū tamē aliās cōtinuo flue-
 bat, indicatiū sane quōd vlcus vteri su-
 premas altāsve partes occupabat, quas
 medicamēta nō attingebant, vnde ob
 inueteratū morbū, & ingētes dolores,
 extra vterū phlegmone alia exorta est,
 febres, & grauissimos dolores secū af-
 ferēs, quæ & ipsa ad suppurationē du-
 cta est, & cādente ferro, vbi cōiectura
 assecuti sum⁹, hoc est, infra anchā, ad-
 aperuimus, ex qua puris ingens copia
 effluxit, & tādē vt decet tractata egro-
 tans sana & libera euasit, quum tamen
 in tātā maciē & corporis extenuatio-
 nem peruenerit, vt eam in marasum
 venturam medici omnes crediderint.

SCHOLIA.

*Quum primū inflammatio exterior ad-
 aperta fuit, illico ab interno vlcere vterū ob-
 sidente, sanies effluere destitit, vnde multi
 credebant vterum perforatum esse, id quod
 fieri posse non inficitur, quum non solum hoc,
 sed*

sed in totum uteros deperditos, mulieribus in-
 columibus manentibus, cum sapientibus pris-
 cis euenire nouimus: sed non ita res habet, nul-
 la enim uteri perforatio erat, sed ingentibus
 doloribus rigentibus, & quia uteri collum
 distortum ad inguem manebat, factum est, ut
 directe puris coluues coxam obsederit, unde in-
 flammatio exterior oborta est, ceterum remedia,
 & ad uteri ulcera collutiones, Hippocrates
 præ cæteris melius attigit, libro de superfæta-
 tione, tum de morbis muliebribus. Porro huic
 similem casum memini me Ragusij vidisse in
 quadam nobili Bupaliorum primipara. Sed
 cum hæc literis damus, mulier alia nobilis oc-
 currit, cui partus tempore uteris simul cū fæ-
 tu foras prolabitur: sed postea, auxiliaribus
 manibus, remittitur uteris, & retinetur, &
 clauditur, eo quo fieri solet modo, ut ad vnguē
 conuiueat, ne specilli apex intrare possit, &
 postea iterum partus tempore allabitur, & fo-
 ras manet, præcipue quando mulier ambulat,
 cubans autem, intus eum remittit, & coit, &
 hoc modo sexies, vel octies, prægnas facta est.
 & recte parit. Quem casum Galenus, ali-
 quando forte vidit, ut libro tertio de faculta-
 tibus naturalibus non longe à principio in-
 nuere videtur, cum dicat, mulieribus in ita
 euenire, quemadmodum eis, qui cum in lu-
 cta & contentione, alios euenire deiceréque

mituntur, vna quoque ipsi concidunt: ita namque uterus dum foetum extrudit, ipse aliquando simul excidit, potissimum cum eius ad spinam ligamenta naturaliter sunt laxa. Hac Gal. Porro, uteris extra cūnum elapsis, quomodo medendum sit, docet Hipp. in fine libri de sterilibus.

Curatio 47. in qua agitur de scirrhuso quodam tumore interno, sub umbilico infestante, qui postea suppuratus, in umbilico fuit apertus.

PVella optimi habitus, nata annos undecim, absque exteriori causa, scirrhum praedurum inter abdomen & peritoneum, sub vmbilicū patiebatur, ex quo parum dolebat, sed difficulter per intervalla meiebat, qui quidem scirrhus, temporis diuturnitate, & remedium beneficium suppuratus, in medio vmbilici, nostris mandatis à chirurgo, vigēte hyberno, est apertus, per quod emissarium pus albū & multum illico exiit, & tunc turunda in tincta albo, & rubro oui simul confusis, intromissa est, supraposito etiam panniculo eodem ovo illito, ad multos tamen dies, postea turunda oui luteo, pauculo oleo rosaceo misto, ungebatur,

batur, veluti panniculus qui suprapo-
 nebatur, & tandē iis terebinthina ad-
 iuncta, digestium dictum medica-
 mētum, turundæ immittendæ deser-
 uens, parabatur: supra nanq; vnguen-
 tum basilicon, applicabatur, & vinum
 stypticum dictum, exceptū linteo ap-
 prime calidum, expressūque supra-
 ponebatur. raro febriebat, recteq; ha-
 bebat, sed multum puris illi, ex plaga
 albi, semper fluebat. Cæterum vt puri
 facilis exitus daretur, ex spongia tu-
 runda parata est, quæ per emissarium
 ducta, latius reddebat: tandem post
 octimestre, in quo multa machinata
 sunt, tam prædictis, quàm fasciis con-
 stringentibus, quàm pus in altam par-
 tem impellentibus, & lauacris syphone
 eiacularis, exiccandi & abstergendi
 vim habētibus, nihil tamen proficien-
 tibus, ad apertionem, parte in inferio-
 ri, vbi morbi erat radix, deuenimus.
 Sed quo ordine apertio hæc difficilis,
 ob aqualiculi, siue abdominis crassi-
 tiem facta fuit, audi: per vmbilici au-
 tem foramen, curua tentoria stilla in-
 tromittebatur, quæ ad pectinis imam
 partem, intra scilicet abdomen, & pe-
 ritoneum penebrabat, nondum autem

peritoneum disruptum, aut lacerum erat, ad cuius tentoriæ stillæ longitudinem, ferrum calybeum, firmum, curvum, cuspidē acutissima; incisoria, Gamaudis modo, fabrefactum est, in cuius medio cuspidis foramen est, per quod linea intromittitur: sed ferri huius manubrium, ligneum erat pro firmanda ad exactam complendam operationem, manu. Intromisso igitur instrumento hoc, eo modo quo tentoriæ stilla, ima in parte ea, ubi foris signatū erat, fortiter impulso instrumento, ad exteriora incisio facta est, cuius cuspidis, aciesve, cum suo foramine extramissa fuit: in quo, ut dixi, linea quædā erat, cui fasciola lintea, duorum digitorum latitudinis, longitudinis vero duorum palmorum, albo oui confuso intincta, ligatur, ut extracto instrumento, per novam incisionem altera eius fasciolar pars introducta, foras per umbilici emissarium pellatur, ut laquei modo restet, & in dies inuouari possit. Cæterum per hanc novam aperturam sanies nulla fluxit, & ea de causa amota fasciola, breui, ex se vulnus occlusum est, fluente adhuc hodie per umbilicum sanie. Igitur fortè iam bien-

nium

nium, ex quo puella hæc ita habet, cū
quo fluxu, rectius & valentius quàm
antea habet, immo crassiuscula quàm
vnquam antea videtur, proinde credi-
mus nos, cum primū puella hæc lu-
narem purgationem experta fuerit, ab
hac fœda affectione liberabitur, aliter
cum ea consenescet.

*Curatio quadragesima octaua, in qua
agitur de muliere utero gerente,
cui prope calcē noni mensis sanguis
per alterā papillā multus fluebat.*

Mulier in Circulo Basæ, ter iam
peperit, & nunc vtero gerit, &
propè partum agit, cui ex māmā dex-
tra sanguis multus fluit, reliqua læua
lacte nouo, colostro dicto, plena. Cete-
rum hæc puerum peperit, & valet, abs-
que furore, vel insania vlla.

*Curatio 49. in qua agitur de exan-
thematis, siue morbillis uniuersum
corpus occupātibus fœdantibusue.*

Puella pulchra, & filia Formosæ à
Saqua, nata annos octo, biduo cō-
tinuo febricabat, & caput dolebat, huic
secta communi in brachio vena, san-
guis ad vncias quatuor fuit extractus,

tunc exanthemata, velut culicū mor-
sus, erumpere, sed postea perextensa,
vniuersam fere cutem occuparunt, &
per nares illi multus sanguis fluebat,
& fluxus ventris quoque illi superue-
nit, sed recte gubernata, & per inter-
nalla cochleari ebibito syrupo viola-
teo recenti, libera & immunis euasit.

S C H O L I A.

*Aduertant, qui Galeni præceptis adstricti,
ante quartumdecimum annum, sanguinē per
venæ sectionem extrahere timent, quum ex se
natura, in hac puella, sanguinem copiosum per
nares deposuerit, ut sepe aliàs à nobis in aliis
pueris obseruatum est.*

*Curatio quinquagesima, in qua agitur
de cephalalgia, hoc est, recēti capi-
tis dolore, quem secuta est ascites,
& tandem mors.*

VIr, qui ex Philippopulo venerat,
ingēti capitis dolore corripi cor-
pit: causam autem doloris ille in hu-
midiores domunculam quandam, in
qua dormiebat, reiciebat, caput ali-
quantulum tumidum habebat, & ad
tempora intense dolebat, sed non fe-
brieat, neque quicquam quàm cum
clysteri eius respōdebat aluus, post in-
iecta

iecta igitur acria clysteria, cucurbitulæ
 scapulis, cute secta, sunt adfixæ, & san-
 guinis vnciæ sex extractæ, sequenti
 verò die, catapotia hæc illi deglutien-
 da dedi, R. pilularū cocchiarū, drach.
 vnam, aurearum, asayaret, ana scrup. j.
 diagridij, grana tria, trochiscorū, ala-
 andal grana quatuor, rhodomelite ex-
 cipiantur, & formentur catapotia sex,
 & inaurata deuoret, quibus vir hic iu-
 uenis, robustus, & fortis, parū egressit,
 & inde pari modo afflictabatur. Tunc
 repetita sunt acria clysteria, & topicū
 remedium constans ex nucleis ossium
 persicorum, lacte muliebri exceptis,
 fronti, & temporibus applicitum fuit,
 sed frustra. perinde enim dolebat, qua
 de re venam frontis illi aperire feci, &
 sanguinem ad vncias quinque extra-
 here, à qua sanguinis missione, melius
 habuit. Sed ecce, intra duas horas ad
 latus dextrum thoracis doluit, & tuf-
 sire tussi humida cœpit, vnde illico, rā
 capiti, quàm pectoris parti dolenti ad-
 motum absynthium & parietaria, her-
 bæ oleo in frixorio exceptæ, & calide,
 intra horā, ab omni dolore immunis,
 & liber euasit: fortè autem, caput re-
 gente facultate, secta frontis vena, ro-

borata, peccatis materiae residuum, ad thoracem detrusum fuit, sed breui optimi remedij beneficio resolutum, & in halitum versum. Caterum hinc longo tempore, de praedicto morbo conquestus, in ascitem, siue aquosam hydropem, lapsus est, & ultimo ventris fluxu resolutus, & exanimis, suum diem obiit.

Curatio quinquagesima prima, in qua agitur, de duplici tertiana, & iocinoris abscessu.

VXor Mordohai Cavalerij, post longam à morbo convalescentiam, duplici tertiana correpta est, altero die saepe affligente, altero vero non adeo: caterum haec iuuenis cum sit, & boni habitus, cum menses in vniuerso morborum suorum curriculo non viderat, ex vena brachij interiori, sanguinem illi demere iussi, cruciabatur namque valde iis febribus, & in paroxysmis delirabat, à sanguine vero extracto, syrupum violaceum & oxysaccharum simul bibit, veluti sequentibus diebus, ieiuno stomacho; fuit autem sanguis extractus, viuidus, floridus, biliosus, & flauus admodum, nulli fere admixtus.

mixtus aquositati serosa, à quo extra-
 cto (quod mirum sed verū dixerim) il-
 lico libera ab vtraque febris māsit, ne-
 que amplius in eam recidit; fuit au-
 tem venæ hæc sectio exercita post tri-
 duū, die minoris afflictionis. Sed cum
 nunc hæc commētor, mulier hæc, cum
 puerum recte peperit, de dolore ven-
 tris valde conquesta est: pro quo pro-
 pulsando dolore, cum consilio obste-
 tricū, rum medicorū consensu, va-
 ria calida remedia, & medicamenta
 ebibit, & admouit, quibus melius ha-
 bere visa est, sed breui in iocinoris ab-
 scessum, forte calidorū remediū
 frequenti vsu, peruenit, non sine febris
 continua, & angustis, ac dolore, & bi-
 liosorum humorū varia excretionē:
 pro quo abigendo morbo, secta fuit
 pedis saphena, & sanguis copiose ex-
 tractus, dein vero sequenti die, ex ba-
 siliæ dextri brachij sanguis quoque
 pro virium robore fuit extractus, qui
 quidē sanguis floridus erat, nullæ ad-
 mixtus aquositati: tunc vero empla-
 strum hoc iecori fuit applicitum, quod
 habet, R. farinæ hordei vncias duas,
 farinæ tritici vnciam vnam, pulueris
 rosarū vnciam mediam, santalorum
 rub

rubeorum vnc. vnā, scœnanthi vnciam
 mediam, omnia decocto absynthij, &
 chamæmeli excipiantur, & adiecta vn-
 ciola vna vel altera olei rosacei, &
 chamæmelini, cum pauco aceto fiat
 emplastrum, quod sæpe iccori applice-
 tur, & tunc syrupum de endivia cum
 rhabarbari infuso singulis auroris bi-
 bebat, & clysteres refrigerandi & ab-
 stergendi vim habentes illi iniicieban-
 tur, qui ex hordeacea, oleo violaceo,
 oui luteo, & Aegyptiacæ cassiæ atra-
 mento: cū pauco saccharo constabant,
 quibus, & abnegatis omnibus calidis,
 immo proposito victus ordine: leui, &
 frigido, breui recte habuit, neque am-
 plius in dolores recidit.

*Curatio quinquagesima secunda, in
 qua agitur de dolore spinæ ad os
 sacrum infestante.*

Iosephus Sason, vir biliosus, si quis
 alter, circa os sacrum ita dolebat, vt
 non nisi supinus cubaret: ad latus autē
 alterum cum mouebatur acriter dole-
 bat, ad quem vocatus ego, eum olim
 dolorem hunc pati deprehendo: nunc
 vero quia pondus grane ē terra eleua-
 re conatus est, in eundem recidit, la-
 bante,

buirve, non enim luxata, aut subluxa-
 ta particula vlla fuit, sed humor cor-
 riuans ad locum debilem, & dolore af-
 fectum, magis dolorem auxit, pro quo
 leuādo scēta fuit in brachij cubito ve-
 na interna, & abunde sanguis extra-
 ctus, & loco dolenti, oleū myrtillorum
 nonnullis pulueribus constringēdi fa-
 cultatem habentibus mistum, & ad-
 morum, vt postea ceratū oxycroceum
 commistum emplastro à melifoto di-
 ctō, quibus perinde doluit. qua de re
 proposueram pedis venam tundere, &
 ex ea sanguinem demere, cæterū cum
 primo absynthium & parietaria, her-
 bæ oleo frixæ applicitæ fuerint, & re-
 ctius habuerit, ab ea pedis venæ se-
 ctione nos retraximus, & ille, optima
 victus ratione proposita, vino interdi-
 ctō, breui sanatus est, nullum nanque
 per os medicamentum admisit, præter
 quā quod cassiam Aegyptiam denti-
 bus atterebat, & deglutiebat: clysteres
 tamen aliquot iniici curauimus, qui-
 bus alius respondebat.

*Curatio quinquagesimatertia, in qua
 restituitur Auicenna ab errore in-
 genti, ad pestem faciente.*

Vtinam

VTinam Andreas Belunensis, aut
doctus ipse Benedictus Rinus
nonnulliue alij, hac ætate viri docti,
qui pro restituendo Auicenna latine
loquente, tam multa moluntur, & co-
dices Arabicos, vt ipsi aiunt, legūt, per-
currunt, & conferunt, ac collationem
cum ipsa latina versione faciunt, hunc
tanti momenti errorem e medio su-
stulerint, vt mihi, & aliis doctis viris
cruciandi locum non relinquerent.
Quum nanque inter pestem versarer,
& de peste nonnulla legerem, ecce oc-
currit mihi, Paterno Italo etiā admo-
nente, Auicennæ locus, fen tertia libri
primi Doctr. quint. capi. primo. qui ita
habet, Aer verò cum corrumpitur, aut
fit pestilentialis, obuiandum est, exic-
cando corpus, & reparando domum,
cum rebus, quæ suis virtutibus refri-
gerant, & humectant, & hoc quidem
est, quod magis est faciendum in pesti-
lencia. Iis enim verbis ait Auicenna,
reparandam esse domum, rebus quæ
suis virtutibus refrigerant, & hume-
ctant, quibus oppositum non solum
Galenus, & vniuersus medicorū cho-
rus, sed Auicenna ipse tradit, & descri-
bit: vt autem me verū dixisse noscatis,
aud

audite; Auicenna sen prima libri quar-
 ti, tract. 4. c. item 4. ita tradit; Rectifi-
 cationis autem pestilentiae pars est se-
 cundum sanos, qui sunt in ea, & pars
 eius est secundum sanos, & aegros, in
 illa verò quæ est secundum sanos, in-
 tentio est, vt exiccetur aer & fiat boni
 odoris, &c. ex quibus verbis satis con-
 stat Auicennam aëris exiccationem in
 peste desiderare, iuberéque ad siccum
 aer vergat, vt quoque à Galeno acce-
 perat variis in locis suæ doctrinæ. fal-
 so igitur Auicenna ipse tradidit, repa-
 randam esse domum rebus refrigeran-
 di, & humectandi facultatē habentibus,
 cū potius rebus refrigerandi & defic-
 candi vim habentibus dicere debuif-
 set. Contradictio hæc apud me tanti
 momenti fuit, vt illico plura & varia
 exemplaria latina versarem, obuolue-
 rémque, in quibus prædicta vt vobis in-
 genue fatear, eodem modo habeban-
 tur, quæ postquam exemplo Hebræo
 conferrem, inueni ea latina deducta ac
 versa ab Hebraicis esse, aut verius ipsa
 Hebræa à latinis, ita enim in Auicen-
 na Hebraice facta, legimus, **בבתי
 בדברים הקרים ומרטיבים**
 ebus refrigerantibus, & humectanti-
 bus,

bus, suis virtutibus. Cæterum anxius
 ego pro veritate inueniēda, multa ma-
 chinor, & forte in Auicenna concilian-
 do, Scotum, aut eius confectorē Her-
 næum agebam. sed post omnia, vt nihil
 intentatum relinquerem, exemplar A-
 rabicum tunc ad manus habitum, He-
 braicis literis conscriptum, consului,
 in quo prout veritas exposcit, scriptū
 inuenimus, vnde pro tanto beneficio
 Deo opt. max. ingētes gratias egimus.
 ita enim vt qui Arabicam linguā cal-
 lent, nos verum dicere noscant, in lin-
 gua Arabica, quæ parum ab Hebræa
 abest, legitur, **וְהָיָה כְּקוֹתָחָא**
בְּאֵל אֲשֵׁי אֱלֹהֵי חֲבֵרָה quæ ita
 ad verbum verti debent, Rebus quæ
 refrigerent, & exiceant suis virtutibus.
 legitur autem hoc in contextu Arabi-
 co, *vetayabes*, id est, exiceant, quod
 verbum ab Hebraico abest, Genesis
 autem primo capite, legimus, *Vaicra*
Eloim, *layabasa erez*. id est, vocauit
 Deus, siccum terram, hinc enim *Veta-*
yabes Arabicū, à *yabasa*, Hebræo de-
 ductum est, cuius radix siue deriuatio,
 aut sores, à *yabes*. i. siccum est, sed hæc
 tantum eduximus, vt noscant omnes,
 verbum Arabicum, *Vetayabes*, id est,
 quod

quod exiccent, scriptum esse, vnde satis conscius sum, quod Belunensis, & Rinus ipse, ac iis alij similes viri, suas in Auicennam restitutiones, ab Hebraico contextu, vel saltem ab eius enarratoribus, emendicarunt, non vero à puro fonte Arabico eas contraxerunt, quem si recte callerent, Auicennam de nouo interpretarentur, & tam ingentem errorem non prætermitterent, vt alios prope infinitos fileam: non deerit tamen aliquis, qui breui Auicennam ex integro nobis latinissimum & sincerum ac purum pro veritate Arabica, reddat; sed mea sententia, pro hoc conficiundo opere, non vnius viri, sed duorum, & trium labor emergat, decet.

Curatio quinquagesimaquarta, in qua traditur egregium quoddam documentum, pro mulieribus abortientibus, & parientibus ac molampatientibus.

ID quod non rarò experientia compertum habeo, nunc pro exemplo in muliere quadam contingente, bona fide referam. Peperit mulier geminos, masculum & feminā, alterum viuum,

alterum vero emortuum; inde mulier hæc male habere cœpit, & continuò febricbat, & ingentem sanguinis fluxum patiebatur, adeo ut de eo constringendo, medici valde solliciti essent. Cæterum quò magis constringentia darent, admoventve, eò magis hæc mulier in sanguinis riuulos deveniebat, ut ad obitum prope iam deveniret, & domestici de funere iam curarent. porrò cùm in hoc infortunio & agone esset, ecce molam quandã, carneum scilicet frustulum prædurũ emisit, & illico libera, & sana facta fuit. Conatur autem natura, tantum malum in utero contentum, hoc est, molã expellere, unde non cessat expultrix facultas, sanguinem transmittere, quoad scopum desideratum attingat, sed id aliis mulieribus abortientibus, & quæ perpererunt, evenisse, non rarò observatum habeo. ALPHARINIUS. Quid tunc agendum suades ò Amate, cū sic in has enixas mulieres, à quibus tantus effluit sanguis inciderimus? cum apud Scopium vnam vel alteram obiisse notavi. AMATVS. Ego vero, tantum abest, ut constringentibus tunc utar remediis, ut potius ad abortum facientia, & molas

molae euocantia medicamenta confugiam, tam per os cōcessa quàm per inferiora immissa. hīc etenim natura iuuari vult, quæ per se sola cum propellere molam vtero affixam non valet, adiuta tamē potest, & expellit, & opus conficit. Sic enim hoc modo sanguis reprimitur, & mulier liberatur; ex elaterio tamen pessus oblongus in vterum immissus, primatum hoc in loco tenet, vt ex sabina, & ciclamino petita remedia nunc subriceam.

Curatio quinquagesima quinta, in qua agitur de pleuritide costas nothas infestante, & quod ptisana manē, amygdalarum uerò cremor in cœna propinari debet.

D Viciarius, cognomento Prophetulus, iuuenis viginti annos natus, ad ultimā costam mendosam dextram valde dolebat, & difficulter respirabat, immo tanquam stipatus stabat, continuo febricbat, pulsu quidē præduro sed raro tussiebat, nihil sereabat, supra idem latus dextrū recte decubebat, ad sinistrū vero decubitus nullus erat, grauiissime namque cum ad latus sinistrū volui cupiebat, torqueba-

tur, indicium sane validum & potens, quodd phlegmone interiorē membranam sepientem costas infestabat, vt ex Galeni doctrina sæpe iis in curationibus inculcaui. Cæterū cum hic pleuritim ita patiebatur, illico ab excretis per balanum alui fæcibus, ex secta interna cubiti vena sanguinis vncias octo fluere duabus in peluiculis permisi, ex quibus prior sanguis corruptione affectus erat, secundus vero ita putidus & corruptus erat, vt meram saniem diceres. ab hac vero sanguinis missione, melius habuit, & ea de causa, vesperi sanguinis missio repetita fuit, & ex eodem foramine totidem sanguinis vnciæ extractæ. Inde enim rectius habere cœpit, vt sequenti die ægyptiacæ cassiæ atramentū aqua hordei exceptum illi daremus, quo alius optime respondit, vt intra septimum basilicè valuerit: ex topicis porrò remediis, perdicium, dicta herba muralis, minutim cisa, & oleo frixa, ac calida, dolenti loco illico in principio apposita fuit, inde enim vnguento pectorali apparato cinere brassicæ, ex Tralliani præcepto locus dolens munitus fuit, per interiora vero penidias
ling

lingebat, & quandoque syrupum violaceum per intervalla cochleari accipiebat. Cibus huic ptisanæ cremor manè erat, saccharo concinnatus, vesperi vero amygdalarum succus optime apparatus, colatus tamen, cui aliquando roborandi vires gratia, panis assulas miscebamus, semper tamè saccharum, aut penidias adiungēdo. Hoc eodem modo laborabat filius Iacobi, qui ad synagogam gratiæ habitabat, puer annos natus decem, qui ad mendas costas punctorie dolebat, & reliqua ad pleuritim veram facientia patiebatur, cui & axillaris secta quoque vena fuit, & sanguis pro virium tenore extractus, à quo per nares sanguinis fluor multus fuit & inde nonnulla alia actitata sunt, & euasit. Porro vxor Baruchyelis, mulier iuuenis, ad mendozam costam vltimam dolebat, sed non punctorie: nec enim pulsum ferrinum, aut durum habebat, sed continuò febrieat, & per intervalla tussiebat, & nihil screabat, sed ad thoracis partem altā dolebat, ex qua retractiones quassdam ad inferiora persentire conque rebatur; hæc reuera non pleuritim, sed iecinoris inflammationem patiebatur

M ;

cui breui occurrens ego, proposita optima victus ratione tenui, & secta iecoraria dextri brachij vena, ac ex ea bis multo extracto sanguine, & supraposito iecori santalino cerato, breui morbi furorem euasit; sed postea ad multos dies, modò dolendo, modò valendo, sanitatem obtinuit, non rarò adiuta clysinis, veluti potu atramenti Aegyptiacæ cassiæ paucis enim remediis morbi propulsantur, si modo dignoscuntur, proinde animum aduerte, & differentiã ex scholio, inter pleuritim, & iecinoris inflammationem habitam, deprehende.

S C H O L I A.

*Discernitur autem pleuritis ab inflammatione hepatis, primò dolore peculiari, quia pleuritis costas occupat, iecinoris verò inflammatio sub costas dextras infestat: item dolor pleuriticus punctiõnem inducit, hepaticus vero distensionem: item iecore affecti, facie pallida sunt, pleuritici vero non: sed à pulsibus longe melius hoc discernimus. Pleuritici nanque pulsum prædurum habent, qui serræ modo tactum secant: hepate vero affecti, talem non habent, sicut nec qui pulmone laborant, forte ob membrorum mollitiem, sed tuus differe-
rente hoc quoq; deprehenditur: pleuritici nan-
que*

que vehementiori, tussi premuntur, & illico forte excreant, sed temporis processu, pro humore peccante, aliterius, & alterius coloris, ruber sreatus sanguinem attestatur, flavus bilem, albus viscidus pituitam, atque melancholiam. At iecore affecti, irritantur quidem ad tussim, sed nihil excreant. Sed aduerte, quod non hac de causa, quia forte non excreant, illico iocizoris inflammationem esse diiudicare debes, quia pleuritide affectos non raro offendimus, qui nihil quicquam excreant, precipue tribus in casibus: primo quando egri pleuritide laborant contumace, concoctuque difficili, & tales tunc in maximo sunt periculo. Secundo quando inflammatio costas mendaces, & nothas lancinat, ut iis duobus adolescentulis euennisse percepisti, forte quia ita subsistit, ut nihil ad thoracem pertingat. Tertio, quando inflammatio externa est, ut iuueni ad synagogam Aragonensium habitanti euennisse audisti: nihil enim hoc in casu quoque excreatur, nisi humores externam inflammationem facientes, ita multi & prauis fuerint, ut internam quoque membranam dilacerent: Tunc vero egri purulenti, ac tabe absumpti moriuntur, ut huic quoque contigit. Ceterum de hac differentia alias me dixisse in Centuriis memini. Porro hoc te scire volo, quoties tibi in animo fuerit, egrotanti eodem die, ptisanam

cremorem, & amygdalarum succum dare, tutius esse manè ptisanam offerre, vesperi vero amygdalarum succum, iubente sic Alexandro Tralliano, ubi de victu pleuriticorum agit, causam vero non difficilem querito, in re præsertim non multum cogente.

Curatio quinquagesima sexta, in qua agitur de symptomate quodam enixæ superueniente.

PRimipara mulier, puellâ peperit, & illico vt euenit, primo die abunde purgata est, ex ea nanque sanguis multus profluxit, sequenti die, in vniuersum exiccata est, & in ventre ita intense dolebat, vt suis clamoribus & gemitibus ab studio me auerteret, perturbaretve, non longe autem à domo mea habitabat. ad eam igitur sic misere afflictam accitus, cum prædictis eam quoque febrile inueni, quibus omnibus perpensis, ac examinatis, de inflammatione timetur, vnde accersito chirurgo, ex pedis vena sex sanguinis uncias demere feci, & pessum crassiusculum oblongumve ex gossapio apparatus, succo cucumeris asinini, elaterio dicto, illinitum delibutumve, intra os vteri mittendum, per obste

stetricem mandavi, simulque ut ventrem oleo lilino, anethino, & dulcium amygdalarum, mistis, inungeret, iis enim dolor quieuit breui: sanguinis namque coagulati frustulū, pessi beneficio emisit, & ter ea nocte egressit. In auro ad eā de more inuisum accedens, recte valere inueni, intensius tamen fiebat, fortè lactis causa sed, breui ex toto sanata est, & basilicè valet.

Curatio quinquagesima septima, in qua agitur de muliere sterili, quæ ut fœcunda fieret, euaderetue, urtica semen magna quantitate comedit, & inde uaria contraxit symptomata, & recto intestino phlegmonem.

Mulier infœcunda, ut prægnans fieret, post multa & varia piperata, & gingiberata ingesta, urticae multum semen pluribus diebus comedit, à quibus graua incurrit symptomata: nam & continuò fiebat, & intensissime circa anchas, & renes, ac pectinis anteriorem partem dolebat, cum quibus valde sitiebat, ut intus se vri misere & sepe repeteret: quæ omnia comi

M s

tabantur assidua, & difficilis egerendi cupiditas, adhuc anxietudines, continui cruciatus, inquietudo, fastidium, oris amaricatum, pulsuum minutiones, & peruigilium: ex quibus non difficile erat, hanc recto intestino inflammationem pati, arguere. Pro qua leuanda inflammatione, symptomatisve grauius, accitus ipse, illico non comperita pedis vena, iecorariam brachij dextri tundere curauit, & ex ea sanguinem pro virium tenore demere, dein vero post forum locum, ex fomento anodyno vnguentum ex pinguedinibus, & succo cucurbitæ & portulacæ, ac althææ mucagine, apparatus supponebatur, cuius non exiguam portunculam digitis intra anum mittebat. Post quæ, iniectis nonnullis lenibus clysmis refrigerandi vim habentibus, bona sua fortuna quinto die phlegmone aperta fuit, & ipsa ægrotans à tanto infortunio libera, ex qua puris albi ingens quantitas per triduum effluxit, & per egestionem mittebatur: & iteratis ex aqua mellis clysmis, libera & sana breui euasit. Porro victus huic parcus admodum erat, refrigerandi facultatem habens, veluti & potus ipse.

Cu

*Curatio quinquagesimae octava, in qua
agitur de symptomatis gravissi-
mis, ex acu quadam genu praefixa
obortis.*

Mulier iuuenis, cum multum se
domi exercuerat, pro domesticis
obcundis negotiis: ecce die sequenti,
cum ex cubili surgeret, ita acriter, &
saue circa genu doluit, vt se emor-
tuam alta mente clamaret, ad quam
accitus medicus, locum dolentem ad-
uertit, tangit, & considerat, sed nihil
notatu dignum inuenit, praeduriusculi
tamen nescio quid particulam praese-
ferre aiebat, qua de re, contra dolorem,
anodynus remediis suprapositis, in-
uadit, & sanguinem ex iecoraria bra-
chij male affectum locum respicien-
tis, abunde extraxit: tandem post tri-
dum huius agonis & infortunij, non
sine ipsius aegrotantis, & omnium assi-
stentium ingenti admiratione, acus
cuiusdam intus latitantis suprema a-
pex apparere coepit, quam tunc chyru-
gus integram extraxit. merito nanque
huius rei omnes admirabantur assisten-
tes, vt quae acum totam infigi non pre-
sen

sentierat ægrotans, forte somno profundiori detenta. demum extracta acu, quæ directe, & profunde sæuierat, medicus conuulsionem timens, de loco aperiendo, dilatandove contendebat. Cæterum hæc etsi renuit, remediis tamen adiuta, sanata est, præcipue hoc vno cōstāte, euphorbio, resina, & picce.

S C H O L I A.

Sed quis precor, latitantem acum, eo in loco diceret, præsertim cū puella eam præfigi, profundiori somno oppressa, non persentierat, haud dubio, morborum cause sepe abditæ & difficiles sūnt, & habentur.

Curatio quinquagesimanona, in qua agitur de prostrato iacente, ob pedem cum cum tumore dolentem.

Vir, qui ingenti cū dolore tumen-tem pedem habebat, vt cum mouere non esset possibile, ita querebatur, vt me ad se accersiri curaret, ad quem accitus, noto ad talum stigmata vetera, ex antiquis, sed sanatis vlceribus, infixā habere, simulque pedem inflatum dolore cum ingenti, adeò vt tertius ageretur mensis, ex quo prostratus iaceret, neque moueretur: pro quo curando cum multa & varia actitata
aud

audio, in mentem subit, hunc breui san-
nitatem recepturum, si modo syluestri
in cruris parte, sub genu, ignito caute-
rio, fonticulus aperiretur, quo adaper-
to, & ichoribus fluentibus, intra quin-
decim dies, extra domum exiuit, & ex
toto sanatus est, præfixa autem stigma-
ta erant syluestri quoque pedis parti:
fonticulus tamen, longo tempore, sed
ingenti cura adaperthus, perseverauit.

*Curatio sexagesima, in qua agitur de
quodam, cui sanguinis libræ qua-
draginta, intra sex diex, ex nari-
bus fluxere.*

B Erdauid iuuenis cum ex Genica
Theſſalonicen veniret, in tantum
sanguinis profluuium per nares deue-
nit, vt in itinere, & poſtea domi, intra
ſex dies, ex eis libræ quadraginta, flu-
xerint: pro quo ſiſtendo cum varia, &
ſere infinita remedia tentata fuerint,
nullum tamen contulit, quàm cephalicam
tundere, & ſanguinem permittere
longa per interualla fluere, iubente ſic
Galeno, lib. de curandi ratione per ſan-
guinis miſſionē, cap. 11. & 15. Secta nan-
que vena, ſanguis pauculus extractus
cum erat, mox vulnere appoſito digito,
&

& clausa vena ipsa ac pauculo interpo-
sito tempore, cum rursus fluere parum
permittebamus. sic enim per horam, &
plus actitantes, pro ægrotātis viribus,
sanguinis ex naribus profluvium com-
pescuimus. GESNERVS. Quænam reme-
dia primò exercita sunt, pro sangui-
ne hoc compescendo. AMATVS. Dicam
Gesnere mi, vt qui omnium doctorum
hodie magister sis, & me & plures a-
lios docere possis; sed quæ tua est hu-
manitas, in re facili, & tibi obuia, in-
quiris, & ita dignaris, respondeo. Post
frictiones, ac iniecta femoribus arcta
vincula, & cucurbitulas hypochon-
driis affixas, præcipue super iocino-
rem: per dextram nanque narem san-
guis maxime fluebat: cucurbitulæ quo-
que scapulis secta cute affixæ sunt, &
frons aqua gelida fovebatur irrigaba-
tûrve, vel linteolis frōs ipsa, & ceruix,
aceto imbutis, aut coronali cōmixture,
& fronti epithemata ex succo plātagi-
nis, poligoni, equiseti, bursæ pastora-
lis, & similium herbarum frigidarū &
ficcarum cōstringentiūve, admoue-
bantur, & intra nares, linamentū con-
tortum, imbutum hoc medicamento

med

med. & alibi non raro laudato, inditur:
habet autem medicamentum sic, Rec.
Thuris drac. duas, aloes, drach. vnam,
in pollinem redigantur, & oui candi-
do subigantur, quibus adde, pili mol-
lissimi leporis partem alteram, & mis-
ce: Galenus tamen quandoque pro li-
namento contorto leporis mollissimis
pilis intinctis, prædicto medicamento
vitur. Gypsum quoque exceptum oui
aquato, pauca cum capbura, multum
præstare, aliàs dixi: præsertim si vascula
per frontem currentia fasciola primò
constringantur, sed spongiola imbuta
aceto acerrimo, & naribus immissa,
multum prodest: filo tamen alligetur:
eam narium partem, per quã sanguis
fluit, digito compressam per horam
habere. Sæpe inuisse notaui, gelidam
testibus, lintecolis exceptam & admo-
tã, non raro prodesse, expertus sum. Pi-
leus paratus ex terra figulina subacta
posca, vel succo plantaginis, vel bursæ
pastoralis, vel caudæ equinæ, vel lactu-
cæ, vel papaveris, vel alterci, vel man-
dragoræ, prout vrget necessitas, etiam
adiectis granis opij paucis, & modico
aceto, mirus habetur: præsertim si de-
raso capiti imponatur. Sanguis qui de-
flu

fluxit ex naribus ægroti, olla figulina
exustus, & in pollinē redactus, immix-
tus gypso, bolo armeniaco, & simili-
bus, ac candido oui exiguo cum aceto
subactus, vt crassitudinem recipiat, in-
ter cætera, multorum doctorum medi-
corum iudicio, primas obtinet, modò
illi parū caphuræ iniiciatur, aut opij
exiguum, pro urgente necessitate: quo
medicamento frons cum sincipite, &
temporibus inungi debent, & per na-
res etiā intromitti tale medicamētum
poterit. Stercus asininum recens, vel
exiccatum, & in puluerem redactum,
per se, aut reliquis iunctum, & intra
nares missum, sanguinem sistere, om-
nes fatentur. At rationalis medicus,
cum vrget necessitas, internorū mem-
brorum curam maximam habere de-
bet, præcipue iocinoris, aut lienis, quū
ab iis visceribus non raro sanguinis
profluvium per nares, ortum habeat,
qua de re foris epithemata refrigera-
toria astrictoriāque applicanda sunt,
& si ex dextra narium parte sanguis
profluit, iecinori occurrendum est, si
ex læua, lienī, sed per os ea quæ refri-
gerant, & astringunt concedi debent,
vt pastilli varij, de succino, de terra
lem.

lemnia, de ramichio, de spodio, de santalis, de caphura, vel ex gummis varia composita, aut miri illi fluxui dicati, & à Mes. descripti pastilli, vel horum vice, conditum ex nymphæa paratum, præcipue ex radicibus cum saccharo, aut saccharum rosaceum, vel saccharum violaceum, aut electarium ex prunis paratum, simplex dictum, aut diacydoniten saccharo apparatus, aut rob myrtillorum, vel rob cydoneorum, aut syrupus myrtinus, rosaceus ex rosis siccis, de acetositate limonum, de oxalide, de succo agrestæ, de portulaca, de papauere, & similes, sed ore ægrotus oxycratum teneat, aut aquam quam sæpe immutet, aut destillatitiam portulacæ: noster vero ægrotus, post multa, & varia actitata, prædicta sanguinis missione sanus euasit.

SCHOLIA.

Fluxere ex naribus huius iuuenis, sanguinis libræ 40. intra sex dies, in quibus comedit, & bibebat, & eius vires instaurabatur, unde mirari non est, si diem suum non obierit. tradit namque Auicenna sen quinta libri tertij, capite nono, si sanguinis fluxus excesserit pondus 25. librarum, hominem superstitem fieri, non posse, id quod intelligi putarim, si san-

N

guinis quantitas excedens libras 25. continua
 & simul emanarit, ad hac non gustatis ciba-
 riis, aut rebus sanguinem gignentibus quo vi-
 res refici solent: sic autem refectis viribus, plu-
 res notauimus, ex ingenti sanguinis profluuio
 liberatos, cibantur autem tales rebus optimis
 adgeneratibus succum: frigidis tamen stipticis-
 me, aut lentos crassosque succos reddentibus.

*Curatio sexagesima prima, in qua
 agitur de pleuritide affecto,
 qui malo quodam infortunio
 Philonis antidoto ingesto, diem
 suum obiit.*

Vir ex Tribu Leui, pleuritide cum
 laboraret, eo tempore quo per
 sputum purgabatur, nescio quo malo
 infortunio, tres vel quatuor Philonis
 antidoti drachmas deglutiuit, à qui-
 bus ingestis, extincto calido innato, &
 educationi contumaci reddito succo,
 sequenti die suum diem obiit.

SCHOLIA.

*Admirari licet Galeni diuini diligen-
 tiam doctrinamve mirificam, ut qui in pleuri-
 tide, lentum in victu usum, ut reprobum ob-*
 me

noxiūm re maxime detestetur, vituperetue, ab
 eisque fugiamus suadet, quia materiam per os
 purgandam constringant, densentue: &
 ita detestetur, ut dicas, si quis eo tempore
 quo per sputum purgatio fit, lentes pleuriti-
 de affecto concesserit, & sequenti die egrotus
 talis obierit, hic qui lentes dedit medicus,
 mortis author dicatur, quia materiam per
 os purgandam lentibus constrinxerit, & den-
 sauerit, quod malum hodie non à lentibus,
 sed à philonio innatum calidum hebetante,
 extinguenteve, & materiam lentam, spif-
 samve, & educationi contumacem reddente,
 euenisse notamus. Proinde, tali in casu, à
 lentibus non solum, sed à quibuscunque den-
 santibus constringentibusve, & lentos cras-
 sosve humores reddentibus, ut opiatu omni-
 bus, fugiendum esse, liquido euadit, ut ab
 eodem Galeno commentario primo, in librū
 de ratione victus in morbis acutis enarratione
 27. & alibi docemur, veluti ab Alexandro
 Tralliano, cum de pleuritide agit. Caueant
 igitur medici, ne deinceps pleuritide affectu,
 res constringendi, & densandi facultatem ha-
 bentes dent, inter quas etiam Alexandri
 prædicti autoritate, poma granata reponen-
 da sunt, re vera tamen nemo mentis compos
 similia simili in casu propinabit, ut fustius meo
 in Dioscoride dixi.

Curatio septuagesima secunda, in qua agitur de pleuritide nō uera ab humore pituitoso, membranam exteriorem costas succingente infestante, quæ postea in abscessum exteriorem degenerauit.

IVuenis, qui ad Aragonensium synagogam habitat, falsa, notha, & non uera dicta pleuritide laborabat, cōtinuo febriebat, & tussiebat, sed nihil memoratu dignum excreabat, cum quibus thoracis exteriorem partem dolebat, dolore quidem extensiuo, super quam partem difficilis illi erat decubitus. nota pro hac dignoscenda egritudine, ut aliās non raro memoria commendaui, præcipua. Cæterum hic à medico curat^r, etiā si melius habuit, nunquam tamen immunis à febricula euasit, longo nanque tēpore lēta quadam febricula correptus perseuerauit, ex qua in dies aliquali cum tussi sicca, magis & magis emacescebat, adeo ut cum febris hectica laborasse, medicus non raro inculcaret, pro talique eum tractaret. Elapso porro huius afflictionis octauo mense, ecce exteriori costarum parte, ubi primū dolor erat, tu-

mo

mor apparere cœpit, pro quo exacte ad exteriora euocando, emplastris, & cataplasmatibus attrahēdi, cōcoquēdi, & maturādi vim habēribus præfatus medicus vsus est, quibus intra duos menses, abscessum ad suppurationē traxit, quo in tempore, vocatus ego, contemplor habitum corporis huius satis extenuatum, aridūque esse, pulsum verò imbecillem, quadam cum arteriæ scabritie siccitatēve, tumorem vero extra prominentem œdematosum, in quō pus latitare sensus tactus percipiebamus, profunde nanque pus continebatur, a pituita obtum habens, & ea de causa, tandiu morbus ad statum retardatus est. Accito igitur chirurgus, ignito ferro, decliuiori tumoris loco, ad apertū est, vnde puris albicantis aquosi sufficiens quantitas effluxit, & vlcus postea vt decet fuit tractatum: nihilominus tamen ægrotus suum diem obiit: ita autē pus multum & acre, quod per vlcus mittebatur erat, vt interiorem succingentem costas membranā dilaceratam esse multi crederent. Annectenda autem curatio hæc erat curationi 67. tertiæ Centuriæ, in qua de simili agitur morbo, semel tantum ab

Auenzoare glorioso, in tam longo vitæ cursu notato, visôve, vt citato loco dixi, sed & Alexander Trallianus hoc rarò euenire, cum de pleuritide agit, meminit.

SCHOLIA.

Admonendi chirurgi à me hoc in loco sunt, vt cum phlegmonas & exituras similes aperiant, latiori apertura adaperiant, quum inde bona multa sequantur, veluti mala multa ex scissura aperturæ parua, virium tamē robur ante omnia perpendatur.

Curatio sexagesimatertia, in qua agitur de lumbrico, per oculi angulū magnum circa nasum, extra misso.

PVella trima, quæ in Circulo Almo sinorum agebat, cum omnium consensu recte valeret, & nihil mali sentiret: ecce illi per oculi interiorē partem, quam angulum magnum appellamus, lumbrici cuiusdā caput apparere cœpit, oculum ipsum non rarò occupans, turbānsve, ex qua re, anxie puellæ, fortè assistentes mulieres oculum aduertentes; vermem viderunt, quem illico manu, admiratione ingenti, longitudinis semipalmaris, coloris albi, crassitudinis lineæ, præuium, nulla

nulla noxa à puella percepta, aut foramine vlllo euidente relicto, extraxerūt. est certe casus hic mirus, & dignus chartis dari. per nares vero lumbricos fluxos, non raro nos & alij varij viderunt.

Curatio 64. in qua agitur de dracunculo, in tibia nacto, quem Arabes uenam medenam appellant.

AEthiops maris præfectus seruus, iuuenis octodecim annorum, cū primum ex Memphi Ægypti celebri ciuitate, Thessalonicē aduectus esset, illico de cruris dolore conquestus est, in quo iuxta talum primo vlcus excitatū est, in quo venæ modo caput conspiciebatur, quod aduertentes Turcæ, morbum cognouerunt, periculosūmq; esse in Ægypto, & India, ac reliquis regionibus, quibus innascitur, significarunt, quem Arabes, præcipue Auicenna, uenam medenam, fen tertia libri quarti, appellari tradit, veluti Abinzoar, & ceteri huius doctrinæ homines, quibus morbus hic satis cognitus & familiaris erat, pro cuius curatione accersitus medicus Parahyas, linguæ Arabicæ doctus, ita orsus est. Primò debitavictus ratione proposita, partem

extremam venæ, aut verius nervosæ
cuiusdam substantiæ, subtili ligno al-
ligavit, quam paulatim ligno trahebat
rotabaturve, adeo ut ad eius ultimam
partem hoc est, ad trium cubitorum
longitudinem, post multos dies perue-
nerit, unde Aethiops à doloribus, &
angustiis, morbove ipso, liberatus est
nullo supraposito cataplasmate, cōco-
quendi vim habente, aut calida super-
fusione aliqua, quæ ex Sorano, & Leo-
nide, Paulus ultimis verbis libri quar-
ti, suæ medicinæ huic morbo auxiliari
tradit.

SCHOLIA.

*Vena, an nervus, vel lumbricus, morbus hic
sit, in dubium vertūt authores. Ego vero ocu-
latus testis, multis auritis verior, testor morbum
hunc tanquam lumbricum conspici, album, sub-
tilem, lineæ contorta modo qui ex se foras pro-
dit, & pars extra missa cum arefcit, eam ner-
vum exiccatum quiuis dicet: qui si abrumpi
contingat, intensos excitat dolores, & non le-
ues animi angustias concitat. Nascitur autem
morbus hic frequenter apud Aegyptios, Indos,
& Arabas: sed præcipue apud Mediā iuxta
Persidem, unde nomen venæ medem traxit,
quam Galenus dracunculū appellat, & nun-
quam vidit, ut memoria commendavit, libro
sexto*

sexto de locis affectis. Euenit autem morbus hic forte vt in renibus pili, à materia crassa lentâque, quam calor plus iuxto calfecit, exiccavit, unde medicamentis & remedijs atrabilem respicientibus purgantibusve, morbus hic curari tractariue debet, prout imperat Auicenna, & ceteri Mauritanii illi assentiuntur.

Curatio sexagesimaquinta, in qua agitur de fele rabido, ex quo quinq; in eadē domo mortem traxerunt.

X Vares Thessalonicēsis mercator, & alij eius domestici quatuor, masculi & fœminæ, eodem die à felc dentibus vnguibusve sunt commorsi, laniatiue, qui simul breui inde sequissimis symptomatis correpti, suum obire diem. Erat autem cattus hic, non solum rabiosus, sed veneficus, & tabificus, ex quo interfecto, efficax, mirumque ad præsens subticendum, parari poterat venenum.

SCHOLIA.

Quum hæc tracto, memoria occurrit, epitaphium à me olim Romæ sepulchro miserandi cuiusdam Hispani affixum, sculptumve visum, qui ex felis morsu obiit, & ita habet,

Hospes disce nouū mortis genus, improba.
Dū trahitur, digitū mordet, et intereo. (felis

N S.

Curatio sexagesimasexta, in qua agitur de clauo pedi infixo, ex quo opisthotonos, & tandem mors subsequuta est.

QUum Salomon Bayena, vir obesus, annos natus 45. per viam incederet, incaute eius pedis planta clauus infixus est, ob quam puncturâ domi septē dies mansit: octauo verò, quū iā recte se valere putaret, omnia consuetâ exercuit, & cum vxore coiuit, & vinum ebibit, & extra domum exiuit: inde enim reuersus, puncturam doluit, contemnendo dolorem, sed noctu grauissimo symptomate correptus fuit, opisthotono scilicet, clauiculatos namque præclusosve dentes habebat, vt cuneolis difficulter chirurgus aperiret, ad hæc, cum egereret, non recte plicabatur, sed fauces dolebat, maxillâsve, vt alter medicus hunc anginam pati putaret, cum quibus ad posteriora caput retractū erat, & multū angustabatur, sed nō febriebat, neque de crure aut pede quicquam dolebat, hic etiam clausis dentibus recte loquebatur, & omnia liquida illi oblata expedite bibebat, neque tumor foris aliquis illi erat

erat, vt iure toto caelo aberrare medicum illum, qui angina laborare agrotum hunc contendebat, dicendum sit, ceterū, cognito morbo, & iussis nonnullis in scholio dicendis, illico clysteres parati sunt, & partes dolentes oleo vulpino, liliaceo, & chamamelino inunctæ, fortæve, & sequenti die à concessio pharmaco, optime egressit, & ex se dentes melius aperiebat, vesperi verò, saltus in corpore per interualla persentire aiebat, quibus non quiescebat, sed hinc inde errabat, demum sequenti die obiit, veluti homo alter, à clauo quoque pedis plantæ infixus, cui vulnus indiscrete breui clausum fuit.

SCHOLIA.

Ad puncturam cauterium indendum iussimus, sed agrotus contempsit, veluti assistentes, ceterū quos saltus persentire aiebat agrotus, eos nervorum conuulsiones retractionesve esse, nemini dubium puto, consorij nanque ratione, nervi lesi, malève affecti fuere, vnde Arabes, & eorum assecla morbum hunc, spasmus, non de inanitione, non de repletionem, sed magis de re non proportionata ad materiam, appellitare consueverunt, vt aliàs prolixius hac commentati sumus.

Curatio

*Curatio sexagesimaseptima, in qua
agitur de tumore ingentis magni-
tudinis, genu articulo adgnato.*

Filius Benuenisti pharmacopola,
infelix iuuenis, annos natus vi-
ginti temperatura piritosus, cum fal-
so subluxatum crus ad genu habere
putaret, & in eo doleret, nonnulla to-
pica remedia, veluti ex cumino, & hir-
cino seuo, admouere cœpit, à quibus
genu magis doluit, & tumescere cœpit,
adeo vt intra paucos menses ad genu
crus ingentis gigantei capitis instar
creuerit: erat autem tumor magnus,
lucidus, prædurus, sæpe dolens, præci-
pue, quando meridionalis ventus ex-
pirabat, in quo venæ perspicuæ appa-
rebant: pro quo curando, cum multa
& varia applicita essent, sed frustra, re-
media, ecce elapso octauo mense, me-
dicorum, & chirurgorum consensu,
à præfagio habito, quod breui mori-
turus esset, quatuor vel quinque præ-
dicto tumori infixæ sunt ferramenta
candentia: alterum superiori in parte,
alterum verò decliuiori, duo vel tria
alia, lateribus, & ipsius medio, à quibus
nihil quicquā puris, sed sanguinis po-
tius

tius exiuit: id quod omnes ita futurum
prædixerunt, quia tumor fere in can-
crum iam abierat. Si ea tamen caute-
ria præmiserāt, id in causa fuit, ut tan-
ta tumoris moles respiraret. Demum
octauo die, post inflicta cauteria, fluxu
sanguinis mole stante, hic diem suum
obiit, non sine amicorum dolore. Hoc
eodem tempore nepos Raphaëlis si-
mili morbo laborabat, qui perinde
extenuatus, & diris cruciatibus exolu-
tus, supraueniente fluxu ventris, diem
suum obiit, erat autem iuuenis hic,
ætate & temperatura prædicto similis.

*Curatio sexagesimo octaua, in qua
agitur de cephalalgia.*

Christicola, qui Lutheri dogma
profitebatur, cephalalgia afflicta-
batur, & nō febricbat, cæterum ab ex-
onerata per clysteres aluo, eius capiti
sequens applicitum fuit remedium, &
recte habuit. R. maioranæ, origani, pu-
legij, absynthij, thuris, mastichis, semi-
nis melanthij añ. partes æquales: om-
nia in puluerem redigantur, & triticeæ
farinæ misceantur, & multa aqua ex-
cipiantur, & fiat pulmentum, quod
postea in frixorio referto oleo anti-
quo,

quo, ad ignem frigatur, eo modo quo bellaria Galenus parare iubet, libris de Alimentorum facult. & Asiatici, ut ipse ait, *κρυαίται* ea vocare solent: hoc nanque remedium sic apparatus, & calidum capiti applicitum toto, tanti valoris & iuuamenti fuit, ut vir hic breui recte habuerit.

Curatio sexagesimanona, in qua agitur de ictero morbo, ab humore melancholico ortum habente.

Abrahamus Ezra, qui ex Bidinio oppido, quod præterlabitur Danubius fluuius, prope Vualachia Flacciam dictam, ad nos venit, vir temperatura biliosus, & ætatis suæ quadraginta annorū, is ictero atro, raro euenire solito, laborabat, solet autem morbus is euenire, si modo euenit, ob meatus siue canaliculi, qui ex iccinore in lienem deriuatur, obstructionem, coarctato, abstrusōve meatu illo, impurus ac melācholicus sanguis in vniuersum distribuitur corpus, vnde ater icterus, faciem fœdans, & vniuersum corpus nigrum, & obscurum reddens, subsultat. Solet quoque morbus is accidere nō solū ob attractricis quæ est in

in liene facultatis imbecillitatem, sed etiam ob eius alteratricis, siue concoctricis virtutis impotentiam: vt enim aliàs dixi, lien atrum & fœculentū humorem, vt eo nutriatur, ad se trahit: cæterum cum viscus hoc rarū & spongiosum sit, raro & subtili sanguine nutriatur oportet, non vero crasso & turbido, ac fœculento; beneficio namque arteriarum & ipsius lienis vasculorū, vt Galenus libris de vsu part. dixit, crassus ille humor, subtilis euadit, adeo vt lien subtiliori sanguine, quàm iecur nutriatur, & re vera, lien sanguine subtili sed nigro ali solet, iecur vero crasso sed rubro, pulmones vero, subtilissimo, flauo, & recte laborato. Quum igitur lienis alteratrix facultas non ita munus suū conficit, crassus & vitiosus humor ille regurgitat, & per vniuersum corpus distribuitur, & fœdationem ictericam nigram gignit: in hoc tamen ægrotante canaliculus siue meatus, qui ex iocinore in lienē propagatur, & per eum ater succus per meare solet, obstructus erat, id quod attestabatur manifesta ad tactum durities, & ipsius ægrotantis passio, & eius insuetus maror, tristitiæ, & alui constrict

strictio, & lotium turbatum, quandam
præ se ferens nigredinem: item quod
non recte appetebat, & difficulter spi-
rabat, quæ omnia comitabatur faciei
ater color, illi nō naturalis: indicium,
quod ater ille humor vnā cum sangui-
ne ad cutē delatus est. Curaturus igi-
tur probum hunc virum & abnegatis
omnibus attrum & malum succum gi-
gnentibus, veluti cæteris variis: opti-
mo proposito victu extenuandi facul-
tatem habente, sic exordium cœpi, R.
pulpæ cassiæ recens extractæ, vnciam
mediam, electarij lenitini, hoc est, dia-
fene lenientis drach. vj. pulueris anisi
drach. mediā: misceto, & puluere gly-
cyrrhizæ obuoluito, & bolum parato;
& ægroto ante prandium horas duas
propinato. Dein verò apozema para-
tum est, bilem atram respiciēs, & mea-
tus deobstruens, & ammoniacū aceto
dissolutum visceri applicabatur, cui
postea multa & varia mista sunt, vt suc-
cus cucumeris asinini, succus ciclami-
nis, succus lētus radicis althææ, semi-
nis lini, fœnugræci, puluis thamarisci,
nucis vnguentariæ, iridis illyricæ, as-
plenij, corticū radicis capparorum,
& adiectis oleis capparorum, liliaceo,
irino,

irino, cera, bdellio, & galbano, ac pinguedinibus, medullis & adipibus variis vnguentum mirum parabatur, quod diu vsus est, & hoc in casu multū valet. At morbi successu, lienaris siue splenetica dicta vena intra anularē & minimū digitū obrepens, secta fuit, & sanguis pro ratione extractus, & indies melius habebat: hoc vno ante oculos habito, quod hic natura biliosus, & nigelli coloris erat, paratus in febrim, vel de facili labi, qua de causa, medicamenta lenia illi dabamus, immo per interualla saccharū borraginaceū illi concede bamus, demū acredine humoris egesti, hæmorrhoides apertæ sunt, ex quibus sanguis paucus fluxit. Cæterum vt ab earū dolore liber maneret, veluti à morbo ipso, hirudines duas illis ad mouendas curauimus, quæ sectæ eo à me edocto modo, multū sanguinis suxerunt, & sic à dolore, veluti ab ictero ipso, intra duos menses sanatus est, in quibus non rarò, nostro consilio, dulcis aquæ balneo utebatur.

Curatio septuagesima, in qua agitur de pleuritide, duplici cum tertiana, quam utero gerēs mulier, passa est.

○

VXor nobilis viri Guedellia^a Yahia^a, mulier optima prædita temperatura, annos nata quatuor supra triginta, quum vtero gereret, sexto suæ gestationis mense, pleuritide correpta fuit sæua, occupabat nanque superiores costas dolor, qui ad claviculam ascendebat, continuo nanque ferri pulsu febriebat, qua cū febris continua, tertiana etiam dupla afflictabatur, difficulter respirabat, & valenter tussiebat, tussi quidem humida; excrebat autem cruentum parum, multo cum albido. Cœpit autem morbus hic die Lunæ mensis Aprilis, vespere. Ad quam accitus ego, die Mercurij vespere, & omnia considerans ac iuste perpendens, veluti per mulieres actitata (sacculum nanque ex furfuribus, sale admisto, dolenti loco admouerant, & syrupum violaceum per interualla illi dabant) illico venam ex axillari dextra respiciente dolorem secare feci, & sanguinem ad vncias sex extrahere, qui sane sanguis ingentem præ se ferebat corruptionem, præsertim secunda pellicula collectus: vnde ea nocte, ab injecto clysteris, facibus excretis, iterum ex eodem foramine, sanguinis
mis

missionem repetere deliberauerā, cæ-
 terum, cum assistentes in crastinum
 opus reiicerent, adquieuiamus. Se-
 quēti igitur die extractus fuit sanguis,
 prout decreueramus, pondere septem
 unciaſ, & tūc rectius habere viſa eſt.
 At ſequenti nocte Luna Soli cū oppo-
 neretur, anxie tulit, & paroxyſmorum
 ingens fuit confuſio, adeo vt die Ve-
 neris, & Sabbati, mannā aluum laxan-
 tem, quam illi bibēdam dare decreue-
 ramus, nunquā potuerimus. Erat nan-
 que tunc lotium craſſum, rubrum, &
 apprime turbidum, ſed ægrotans libe-
 ralius reſpirabat, & dolor non ita ſæue
 cruciabat, indicia ſane optima, & ma-
 xima, vnde ſequēti nocte, ea hora, qua
 paroxyſmus inuadere ſolebat, non in-
 uaſit, immo quieta manſit, & dulces
 ſomni totam noctē eam tenuerunt, ob-
 quæ, in aurora non ita vt antea ange-
 batur, ſed & paroxyſmus, qui quarta
 diei hora, eā affligere ſolebat, non ve-
 nit: cū iis tamen febris continua inſta-
 bat, & tūc aluus vt antea clyſteri ex a-
 tramēto caſſiæ Aegyptiacæ exonerata
 fuit, & ius pullæ miſtū ptisanæ ſorbe-
 bat, & ſyrupum violaceum miſtū aquæ
 hordei per interualla pitiffabat. nā per

se solū syrupum, in bilem verti in ventriculo, ipsa non absque ratione firmabat: demum septimo die, ea hora, in qua paroxysmus eam inuadere solebat, hoc est, quarta diei hora, sudore copiosissimo vniuersum eius irrigari cœpit corpus, quem per quatuor tulit horas, à quo libera, & immunis ex dolore & febris euasit.

S C H O L I A.

Vesperis septimi diei, post habitam crisin exactam, & completam, quum ita iam recte valeret mulier hæc, & propositum illi esset ab assistentibus, de cæra, Medicus collega meus assistens, betam coctam oxelæo, mica salis adiecta, edendam proposuit. ea nanque & aluum laxari, & multa sequi bona, quum optimi ipsa esset succi, contendebat. Ego vero superueniens, betam non perinde mihi arridere, sed eius loco, ius pullæ dandum esse, libere pronunciaui, & eo magis, quia Diuus Hippocrates, libris de Ratione victus, in morb. acutis, iubet biduum post crisin, vt antea cibentur egrotantes, vt latius hæc in Centuria explano. At mulieres cum betam iam coxissent, & egrotans eam petisset, illi prius quàm cætera edendam eam obtulerūt, sed quo successu, aud

audite. ea nocte illico nobilis hac mulier in fe-
brim ventris cum dolore recidit, & bis egeffit,
& in aurora iterum illi aluus mota est, & hu-
morem viridem quendam excreuit: quæ omnia
ex beta euenisse, mihi dubium non erat. agro-
tantis namq; huius ventriculus imbecillus erat,
vt cetera quoq; membra esse quisque doctus,
& qui artis praxim exercet, nouit. Vnde non
admodum creditu difficile erat, betam in hu-
ius vetriculo genituram bilem, præcipue præ-
sinam & viridem, vt ex dogmatis Galeni
elicitur, libro 2. de temp. cum dicat, Quibus in
ventriculo bilis illa gignitur, quæ porri colo-
rem imitatur, debet omnino his cibis fuisse non
panis, non suilla caro, similene aliquid, sed ne-
cessario aliquid quod his calidius fuit, neque id
boni succi. Sed quid id sit, tametsi Galenus hoc
in libro subdiceat, libro tamen 2. prædictio-
num, enarratione 39. literis mandauit, quum
prædictæ bilis porraceæ generationem inue-
stiget, & ita inquit, Constat vt hæc sæpenu-
mero in ventriculo gignatur, propter quorundam
cruditatem esculentorum. aut olerum, qualia,
beta, cepa, brassica, & similia sunt. ex quibus
verbis satis constat, bilem porri virorem refe-
rentem, ex beta, siculo olere dicta potissimum
gigni, præcipue in huius agrotantis ventricu-
lo imbecilli facto. Is adde quod Galenus li-
bro 2. de facul. natur. eo loco, vbi Erasistr-

tum confutat, credentem considerationem generationis humoris nihil ad medicinam pertinere, ait, betam, bilem multum continere, ob quæ forte, libro *Artis curatiuæ ad Glaucom tertianæ exquisitæ curatione*, inter atriplices, blitum, & lapathum, betæ non meminit, neque eam ausus est admittere. Habet nanque betæ, ut ipse Gal. tradit libro *de facult. simpl. med. multum facultatis nitrosæ*; ob quam, *Si meon Sethi*, calidam & siccam tertio ordine betam esse, astruere non est veritus. *Avicenna* vero dissimilium partium cum *Hippocrate* libro 2. *de diætâ*, eam facit. At *Oribasius*, ne tantus error in eius operibus Latinis, per doctissimum *Rasarium* medicum factis, deinceps legatur, betam calidam dicit, & eius succum inter acria & bene calida, quæ per nares educunt medicamenta, enumerat, unde satis percipitur, quanta inaduertentia, libro 2. *sui compendij*, capite octauo, in quo, quæ secundi sint ordinis refrigerantium, recensentur, pro blito, betæ legatur. & quod ita sit, patet ex capite 21. libro 14. *suorum collectaneorum*, ubi idem caput repetit, & res quæ refrigerant 2. ordine describit, inter quas, blitum connumerat, & non betam. Sed ne quis me de mendacio accuset, audi, *Oribasius* capite octauo, citati voluminis compendij, quum quæ secundi sint ordinis refrigerantium
descri

describat, ita progreditur, *Acacia lota, plantago, beta, galla immatura, & cetera.* Que verba predicto à nobis 14. libro suorum collectaneorum, ipse describens, ita ait, *Acacia lota, plantago, eiusque fructus, blitum, galla immatura, & cetera.* ut liquido euadat probito descripto in hoc loco, falso beta in compendio annumerata sit, quum beta apud graues hos viros, calida sit. Sed non deerit forte ex iis qui indiscrete quouis in morbo, cuicumque agrotanti betam porrigunt, aliquis qui in me debacchetur, dicens, nostra hucusque dicta, vana & cassa esse, cum Galenus dicat, betam coctam nitrositatem omnem exuere, id quod nos fatemur quoque: corpus nanque beta in coctura nitrositatem omnem ita amittit, ut super phlegmonas, vel Galeno teste, iuste poni possit. At licet beta in coctura nitrosam facultatem amiserit, non propterea eius ius ab ea spoliatum manet, immo eam retinere omnes fateri debent, quum noscant, ea mediante apprime soluere. Non est igitur, ut rem concludamus, danda beta, vbi febris biliosa viget, veluti neq; vbi de facili in bilem praesinā verti possit, vbi tamē iocinoris aut lenis obstructions riget, beta summo opere cōducit, praecipue eius iusculū, aut succus (ita enim Hip. li. 2. de dieta ait) beta succus quidē aluū mouet, ipsum autem olus comestum sistit, hinc

enim Paulus lib. 1. sue medicina, cap. 4. dixit, Beta vi abstersoria ventrem subducit, coque stomachum largius comesta erodit, iecoris, lenisque meatus aperit. Nam ubi morbus varius constat humore, hoc est, pituita & bile, ut tertiana non exquisita, hæmitrithicus, ac huiusmodi alij, in quibus præcipue meatus sunt obstructi, & agri forte effrenati, multa appetentes, tunc beta libere comedenda est, pauca tamen quantitate, quia ventriculo obest, parum nanque nutrit, & medicea est, ut Avicenna sen. 4. libri primi, ex Galeno lib. 8. Methodi medendi, cap. 2. dixit. Est nanque beta ex genere alimenti, quod cum multum quantitate sit, parum tamen nutrit, ut cetera sunt olera, & fructus, præcipue subcanculares dicti, de quibus Diuus senex lib. 6. de vulgar. morb. parte quinta, aphor. 21. loquutus est, cum dixit, Cibi imbecilliores breuem vitam habent. Id quod eius diligentissimus fidiissimusve enarrator Gal. interpretatur, subdens: Imbecillis cibus non alius intelligi potest, nisi parum alimenti corpori tribuat. Istius modi sunt olera, & fructus plurimi, hi nanque (ait ipse) breuem vitam habent, hoc est, ea natura sunt, ut ipsis rescentes brevis vitæ reddant, quum celerime vacuentur e corpore. Ceterum Galenus citato à nobis libro, Meth. med. octavo, cum cibaria convenientia picrocholis describat,

¶

Et is forte ephemera correptis, olera omnia
 abdicat, quia exiguum quod optimi sit succi
 in se contineant, multum vero quod inutile:
 Et ut hac ipsis interdicit, ita ea quoque quæ
 multum nutrire solent, ut panem purum, ova
 recentia, carnes, & alicam, & medium quod-
 dam inter hæc, concedit, hoc est, ptisanā, quam
 farris cremori lib. 4. de sanitate tuenda, simi-
 lem facere videtur: & merito sanè, cum Græ-
 ciæ etiam hodie farra ex hordeo parantur. Ut
 receptui igitur canamus, beta non ita passim,
 & sepe ut multi faciunt, ægrotis elargienda
 est, quum multū bilis in se contineat, & pras-
 finam bilem in ventriculo gignat, cui etiam
 largius ac liberalius comesta auersatur. Tha-
 deus Florentinus inauratus vir ille, tantum
 betæ tribuebat, & tam frequenter eam ægro-
 tis suis dabat, & in usu frequenti habebat, ut
 non veritus sit betam, siue (ut ille) siclam, à
 Galeni enarratione 39. supra à nobis citata, è
 lib. 2. præsagiorum eliminare. Sed quàm cor-
 datè, verecundor mugire, præsertim contra ho-
 minem, qui non solum quinquagenos nummos
 aureos pro mercede singulis diebus accipiebat,
 sed centenos à Pontifice Romano, aliquando
 extorsit. Cetera verò de beta, varia & multa
 consultò prætereo, prædictis contentus, ut quæ
 instituto nostro tātum deserviant. Dicitur ta-
 mē beta, ut supra memini, Siculum olus, quia

prosperare in Sicilia nascatur. Mea tamen sententia, molliori hodie beta procerius crescit, quam apud Memphim Aegyptiorum populosissimam civitatem, ut eam orbis compedium multi non veriti sint appellare.

Curatio septuagesima prima, in qua agitur de ingesta carica uenenata, et symptomatis inde obortis.

IVuenis Germanus, secunda mensa caricas cum comederet, forte in earum una intensissimum amarorem, aut ut ipse aiebat, mortem ipsam, persensit, qua de causa, ex ore illico eam reiecit. Caterum, hic paulo post, à chole-
ra morbo correptus fuit: supra nāq; & infra, omnia tā tūc comesta, quam varia alia euomit, & egressit, sed quo angore, quāve corporis turbatiōe, & animi angustiis, vos ipsi putate. At ille cū illico ei multa & varia remedia fuisset exhibita, rectius habuit: unde contempto morbo, balneum intrauit, ex quo primò male sensit, & vniuersum eius os vlcerebus foedissimis coinquatum fuit. Ad quem accersitus ego, veneno male affectū hunc comperio, sed quonam, anceps eram: testabantur nanque mulieres, carica illius alteram partem,

tem, quam è manu reiecerat, nigerri-
mam videri, & vt ego puto, ab aliquo
animalculo venenoso infectam. fieri
nāque poterat, intra caricam, viperam
venenum suum ex ore eiaculasse, aut
araneam, aut phalangium, aut animal-
culum aliquod, huiuscemodi in eadem
nidificasse. Sed vt cunque res habeat, ex
venenata carica Germanus hic infe-
ctus fuit, sed qua sœuitie, quôve lancin-
natu, audistis: præsertim, quod adno-
tandum duximus, à prandio, qua in ho-
ra, rarò infici solet veneno corpus, &
non nisi ingenti de causa corripitur, &
superatur. Nostis enim circulatores, &
nugiuendulos, theriacas suas in foris,
& plateis publice venditantes, præmu-
nitis eorum stomachis oleo, rebus lu-
bricantibus, & pinguibus ac oleosis,
coram omnibus, arsenicum & alia to-
xica ingerere, deuorareve, quæ postea
clam euocato vomitu facili, remit-
tunt, & absque noxa vlla incolumes
manent. Hic igitur, vt paucis rem con-
cludam, eius recollectis viribus, iure
malux, & lacte ex decocto caricarum,
ac butyro sæpe ebibito, sanus euasit:
porrò oris ulcerationes ex vnguento
ægyptiaco, & alumine vulgari, prout
solent

solent tractari perdifficiles aphthæ curatæ sunt. Nam & clysteres huic injecti sunt, ex lacte & rebus vinctuosis, veluti ex cassia Aegyptiaca, quibus omnibus, intraviginti dies sanatus est.

S C H O L I A.

Non igitur deinceps integras in buccam mittito caricæ, sed eas per medium primò secato, vt maiores nostri, hos & similes euentus timentes, non insulse commendarunt: appellamus aurem caricæ, ficus aridas.

Curatio septuagesimasecunda, in qua agitur de febre interficiente.

VIr 60. annos natus febri laborabat continua, ad quam vocatus ego, eū male habereprehendi. Nam pulsum intermittentem hic habebat, singulis nāque quinque pulsationibus, arteria stabat: sed hoc forte non ita ingens malum erat, præsertim in homine senē, vt aliās diximus, nisi secundum hoc coniunctum haberet: à longinquo nanque hic multum fœtebat, corporis ingentem corruptionem putrefactionemve præ se ferens nota. Vnde non diu vixit, sed à prælagio habito, intra biduum diem suum obiit.

S C H O

S C H O L I A.

*Aegrotantis fœtor, siue teter & horrendus odor, non contemnenda nota est pro præ-
sagio habendo de ipsius propinquo obitu, præ-
sertim scintillante peste, ut cum hæc euenere,
Thessalonica vagabatur. Per contagium au-
tem fera hæc bestia intrauit, cælo temperato
stante: contigere autem hæc paucos dies, post
Vergiliarũ, siue Pleiadum ortum, anni 1559.*

*Curatio septuagesimatertia, in qua a-
gitur de Vitilagine leuce dicta, quæ
Arabis, Alboras uocatur.*

Chiocler iuuenis natus annos tres
supra viginti, quum recte valeat,
& corporis sui functiones omnes ex-
acte exerceat, eius tamen thoracem al-
bidis quibusdam maculis vitiatũ ha-
bet, id quod ægre fert, præsertim cum
ab aliis acceperit cutis hoc vitium si
contingat veterascere, in peius labi, &
nullam postea recipere curationẽ. Cu-
ius curam suscipiens ego, noto cutis
hoc vitium, alterã vitiliginis speciem
esse, quam λευκιν Græci appellitare so-
lent, quæ etsi coloris ad albidius mu-
tatio sit, non tamen cutis tantum, sed
etiam carnis subsistentis affectio est,
vnde in iis albidis notis, pili cani, &
lanu

lanugini cuidam similes oriri solent, prout in iuvene isto cernuntur, solet nanque mala hac affectio oriri ob facultatis assimilatricis errorem, vt latius in scholio dicemus: quæ an curationem admittat, nec ne, ita primò experior: digiris compressa leuce, ac acupuncta leuiter cute, si sanguis fluit, salutis spes est, si verò lactea humiditas, medicinæ locus non est. In hoc verò iuvene, sanguis comparuit, vnde sanum futurum prædixi: id quod paucis medicamentis remedijsve exiguis, intra hreue tempus obtinuimus. Proposita nanque victus ratione extenuandi & incidendi facultatem habente, phar macum leue pituitam respiciens, primò illi obtulimus, postea vero apoze mata ex hyssopo, origano, pulegio, stœ chade, calamêtho, & semine fœniculi, apij, anisi, & similibus glutinosos & crassos humores attenuantibus & incidentibus, composita bibenda dedimus, quibus postea elapsis octo diebus, ac repurgato corpore, per cataportia prædictos humores purgantia, polypodium, & cnicum siue carthamum, & chamædrim, & chamæpithim, & valentiora medicamēta apozematis ad-

icci

ieci- mus. Tunc vero corpore exacte mundo facto, ad topica remedia nos diuertimus, quæ et si varia & potentissima utpote eutem exulcerantia aucthores describant: ego tamen his paucis opus confeci, & ægrotus intra mensem firmata valetudine usus est. Primò viridi ficus folio locus male affectus optime frictus, ex aceto acerrimo in quo capparam, & draguntij recentes radices inferbuerant, fovebatur, qui rubicundus admodum euadebat, ut ægrotus ipse non raro contorqueretur, nec vnquam tamen particula aliqua exulcerata fuit, sed ut vesicationes fugeremus, aliquando vno vel altero die, remediorum applicationem interponebamus, quibus facillimis voti compotes fuimus, neque calce, aut cantharidibus, aut ex eis confecto vnguento, veluti neque aliis variis exulcerandi vim habentibus, vsi sumus: quibus medici vitium hoc cutaneum curare promittunt, non aduertentes hominem curare, non vero excoriatum bubulum tergus.

S C H O L I A.

Vitiligo, cuius est vitium, cuius dua habentur species, quarum altera lence, idest, alba
visi

vtiligo dicitur, & re vera, aliud nihil est, quam quedam coloris in candidiorem mutatio, quæ non solum cutem sed carnem etiam vitiat, vnde in ea pili albi & lanugini similes enascuntur. Dicitur autem morbus hic Arabice Alboras. Secunda autem species Alphos appellatur, Arabis vero Morphea, quæ & duplex habetur, alba & nigra, cutis scilicet vitium, carnem non inficiens: vnde in hac neque pili albi lanugini similes, neque lactea humiditas unquam cernitur: & vt in vniuersum dixerimus, hæc facilius curatu leuce est. Aduerte tamen, quod in alphis, siue morphea, squamule quedam cutis infixæ apparent, quæ ipsam subasperam cutem reddunt, non continuam, sed quasi guttis quibusdam dispersis, affectam, alba, à pituita, nigra vero ab atra bile, ortum habet. Ceterum leuce, vt Galeno placet libro tertio de symp. causis, cap. 5. à viscido, glutinosoq; sanguine fit, à quo generationis modo, alphi non decedunt, leuius tamen alphi afficiunt, & causam quia leuiorem habent, cutis superficiem tantum occupant, in quibus veluti & leuce, facultas assimilatrix errat, quemadmodum in anasarca hydropis quadam specie, agglutinatrici quoq; adherens dicta, vt huius rei testis est Gal. li. 1. de facul. nat. vt autem nutritio fiat vera, primo apponatur nutrimentum particule oportet,

oportet, dein agglutinatur. Sive adhaerescat,
tertio tandem & ultimo, assimiletur opus est.

**Curatio 74. in qua agitur de erysipe-
late phlegmonoso nares occupate,
& de alio puro digitū infestante.**

HVius frater iuuenis natus annos
vigintiquinque, tēperatura san-
guineus, erysipelate phlegmonoso na-
sum occupante laborabat, parum fe-
briebat, sed ingēti rubore, nares, ocu-
li, & genæ ipsæ tumebāt, vt inflamma-
tio erysipelati coniuncta potius dici-
mereatur, quā erysipelas phlegmo-
nosum: pro qua curā da, parca propo-
sita victus ratione, refrigerādi vim ha-
bente, illico ab excretis per clysterem
ex aluo fecibus, sanguinis libram inte-
gram ex brachij humeria vena de-
mendam curauimus, & loco affecto
succos plantaginis, solani, & semper-
uiui exiguo rosaceo aceto expressos,
ac linteolis exceptos, admoere: ad-
monendo tamen, ne linteola exsiccari
permittātur, sed sepe imbuta succis, ac
intincta applicētur; vesperi vero cum
perinde haberet, & tumescendo leuam
partem potius occupare videretur, ex
sinistra humeraria æqua sanguinis
P

portio extracta est, tunc vero eodem perseverante topico remedio, & ebibitis syrupis, rosacco, violaceo, mixtis intybi & portulacæ destillatitiis, per catapotia bilem educentia, purgatus est, & recte valuit. Nec enim opus fuit, refrigerantibus postea discutientia miscere remedia. Isaachus vero Ezra, huius cognatus, natione Germanus, eodem erysipelate phlegmonide nares occupante correptus fuit, qui simili modo curatus fuit, & postea clausa fuit curatio, aqua furfurum, qua locus læsus fovebatur, & pauculo vnguento rosaceo inungebatur. simili modo sanatus est iuuenis Calaber, qui & ipse in narisbus erysipelas inflammationis particeps passus tunc est, ut verum Auicennam dixisse noscamus cum dixerit, erysipelas sæpe nares infestare. Porro Cadaneta vir biliosus natura, in digito manus medio, purum erysipelas (spīnam vocat Auicenna) habebat, qui cum iam elapso vigesimo die ad me veniret, illico scarificato digito, duæ sanguifugæ applicitæ sunt, multum sanguinis extrahentes, inferiori autem partæ sectæ erant, postea vero emplastro ex duabus farinae hordei partibus, & alte

ra

ra chamemeli composito, supra addito breui fuit sanus.

SCHOLIA.

Erysipelas phlegmonosum, siue phlegmonarticeps erysipelatis, si contigerit laxas partes, hoc est, adenas infestare, Galeno authore, libro 2. artis curat. ad Glauc. phygetlon particulari nomine appellabitur; ita enim ille cap. primo predicti libri ait. Sunt enim bubon, phyma, atque phygetlon, partium laxarum (quas adenas vocant) passionēs, bubon quidem inflammatio, phyma autem quod statim augetur, atque ad suppuratōnem festinat, phygetlon autem est id quod erysipelas particeps inflammationis, aut inflammatio erysipelatis nominatur. Caterum purum erysipelas ita curauimus tractauimusque, quia vicesimus agebatur iam ab eius ortu dies, item quia in digito, hoc est, extrema manus parte, quibus adde, membri nonnullam liquiditatem.

Curatio septuagesima quinta, in qua agitur de febre octauana, longum tempus perdurante.

AThias adolescens temperatura sanguineus, inchoante hyeme, febri correptus est octauana, quę ad medium veris usque perdurauit, non quidem obscuris, aut absconditis paro-

xyfinis, sed euidentibus, & satis manifestis circuitibus; singulis namq; octo diebus. adolescens hic horret, horrore quidem horam perdurante vnam, exinde subsequitur febris quindecim fere horas eum affligens, sed post ita recte valet, ac si nihil mali passus esset, immo munia sua omnia illico exacte conficit; artem autem textricem exercet. Cæterum incipiebat paroxysmus ante lucem sabbati, perdurabatq; totum fere diem: qua de re, hæsitare cœpi, an ob errorē aliquem commissum ab adolescente, in ea nocte, præcipue in cibo, & potu, febris hæc veniret: sed cū experior, nihil tale esse deprehendo. Solent nanque Hebræi, præcipue artifices nocte sabbato dicata, maiori otio vacantes, liberalius cibari, sed ut dixi adolescens hic, in hoc non delinquebat, immo certus fui, eum noctem hanc continuo absque cibo & potu transigere. Eueniebat igitur febris, ut huius generis alia ab humore melancholico, pauco, sed bene crasso, ut in scholio apparebit, pro quo abigendo, & sanitate huius iuuenis recuperanda, cum multa concinne, & ornate data sint medicamenta, sanatus est.

SCH

SCHOLIA.

Quintana, sextana, septimana, octauana,
 & nonana, Hippocrates bonus senex ille, li-
 bris epid. & prorrheticis, veluti sexcētis aliis
 locis meminit, Gal. vero nullum horum circui-
 tum se vidisse, ultra quatrduanum, libro
 primo, de diff. febrium, cap. 5. testatur, nos
 vero non solum hos, sed annuos circuitus ob-
 seruatos hucusque habemus. Virum quendam
 nouimus, qui singulis annis, eo die, quo in lucē
 exiuit, paroxysmo euidente satis, corripieba-
 tur, reliquo vero in tempore recte valebat: im-
 mo adolescens, de quo curatio nostra agit, non
 solum præsenti hoc anno, hac dicta passus est,
 sed elapso anno, etiam eodem tempore omnia
 similia habuit. Caterum, sextana, septena,
 octauana, longe natura sua sunt, sed nonana
 ceteris longior: omnes tamen salubres, & mi-
 nime lethales; Quintana vero ceteris pericu-
 losior est, & magis mortifera: Nā ante phthi-
 sim, & iam phthisicis superueniēs, interficit, vt
 meminit Diuus Hipp. libro primo Epid. ha-
 rum vero causam, melancholicum succum esse
 diximus, & vt Auicenna placet, quantitate
 exiguum, sed substantia crassiorē eo, ex quo
 quartana fieri soleat, vnde præter quatuor
 communes humores, novos excogitare opus nō
 est, vt fen prima, libri quarti, capite rei huic
 faciente, sapienter dixit.

Curatio 76. in qua agitur de abscessu iecur inficiente.

PRædurum abscessum super iecur extra prominentem patiebatur Calaber, vir boni habitus, annos natus sexaginta, quem medicamentorum variorum emollientium usu & beneficio, chirurgus ad suppurationem trahere totis viribus conabatur. Cæterum ad hunc cum vocor, cum lectulo grauius decubentem inuenio, febricitabat tunc, & vix ad latus mouebatur, conspecto tandem abscessu, & digitis tacto puris non exiguam quantitatem, cum longo artis usu exercitioque, tum gratia, beneficioque, à natura ad id mihi concessis, subtus latitare deprehendo, unde subito accersito chirurgo, candente ferramento decliuiori in loco, eum aperire feci, ex quo puris non adeo albi, ingens quantitas confestim exiuit, habito à nobis virium tenore, & reliquis ad id facientibus. Intromissa itaque turunda, toto confuso ouo intincta, & exercita postea curatione, hoc est, digesta ut aiunt materia, & absterfa plaga, etiam syringe, siue syphone iniectis lauacris, & supraposito vnguento basilico

lico minori, vel albo, aut ex tutia confecto, prout tepus, & ratio postulabāt, ita res subsequuta est: cum nanque abscessus discissus fuit, paucas post horas homo hic in singultū venit: indicium prout assistentes putabant, pessimum, & lethale, & re vera, singultus hic lationē in concaua iecinoris parte præcipue attestatur, vt doctē Auicenna prosequitur fen 14. libri tertij, capite de notis apostematum hepatis in genere, & nos ex Galeno sæpe iis in Cēturiis meminimus: non inde tamen argumentum prælagiendi de huius obitu sumpsimus, tametsi nonnullos dies singultus hic eum infestauerit. Sed notam hanc alia peior comitabatur, ventris scilicet fluxus. pro quibus domandis symptomatis cataplasma iecur roborans superponi iussi, ex palmulis, rosis, chamemelo, & absynthij coma, & tunc vlcus ter in die curabatur, & rectius habebat: ex eo namq; puris multum effluebat. Sed præter cataplasma iecori appositum, stomachus, siue os ventriculi nardino fouebatur oleo, & victus huic, tenuis satis vt ptisana admista pulli decocto, veluti ex oryzæ pollne pulticala offerebatur. Memi-

nistis enim ex Galeno, me non semel dixisse, correptos oris vetriculi, & iocinoris inflammatione, parcius cibari debere, quam qui pectoris inflammationibus afflicti sunt: hoc etenim ordine ægrôtus hic optime habuit: vlceris tamen emissarium orificiũmve apertũ illi semper mansit. Fieri etenim nunquam potuit, vt consolidationem reciperet. Sed hæc forte parui momenti res est, cũ hic omnia munia sua exacte & concinnè conficiat, & nihil doleat, sed valide & prospere valeat, & melius fortè quàm prius, cũ in morbum incideret.

S'CHOLIA.

Abscessus hic ad latus dextrum supra iecoris membranam iacebat, qui eius præcipue cauas partes obsidebat, vt singultus, & egestiores attestabantur, ad hæc sanies ab vlcere aliquando exiens, sanguinolenta, cruentave, iecur ipsum referens, vt tumorem ingentẽ extra prominentem, & hepar ipsum comprimentem, & lancinantem præteream: leniori igitur manu, candente ferramẽto vstio illa facta fuit, de qua re Hippocrates Diuinus, libro septimo aphor. 45. dixit, quorum hepar suppuratum aduritur, si pus purum fluxerit, & album, euadunt: in tunica enim his pus continetur. si
verò

verò qualis amurca fluat, pereunt: tunc enim
vt Gal. in enarratione ait, iecoris substantia
maculata est.

*Curatio septuagesima septima, in qua
agitur de laborante in iecore abs-
cessu, & exanimato, mortuòue,
quia extra cubile egestū surgeret.*

Filius illius qui ex Malacha Indiæ
ultima quadam prouincia ad nos
redierat, iuuenis triginta annorū, tem-
peraturę satis exustæ, iecinoris inflam-
mationem patiebatur, ad hæc febrim
continuum, singultum, bilis prassinæ
vomitum, fastidium, & bilis flauæ per
vniuersum corpus effusionem: quibus
omnibus alui fluxus superuenit, indi-
cium lethale & mortiferum; qua de
causa imbecillis factus, cōsultum fuit
ne extra lectum egestum surgeret, ille
vero non obediēs supra scaphium se-
dens, exanimatus obiit; forte autē eua-
serat, ni infortunium hoc illi superue-
nisset, vt nonnullis iam quoque eue-
nisse Galenus memoriæ commēdauit.
porro hic in tantum malum deuenit,
forte ob medici qui eius curam habe-
bat, segnitiam: sanguinis nanque mis-
sionem in totum præteriuit.

*Curatio septuagesimaoctaua, in qua
agitur de unico remedio contra
nephritim, & renum lapillos.*

Vir qui nephritim patiebatur, & de renibus non raro lapillos rubentes per virgam mittebat, multum querebatur: lumborum namq; & iliorum, immo totius ventris dolores, & rugitus sepe sentiebat, pro quibus abigendis, profligandisve symptomatis variis & pessimis, multis est usus remediis, frustra tamen. At quum præter spem, ex cuiusdam commendatione auellanis in victu vteretur, liber, & sanus à tantis affectionibus euasit: consulerat autem illi vir quidam, si morbum profligatum vellet, auellanas internis suis membranulis, initio prandij, & cœnæ comederet, cæterum ille remedium considerans familiare, & optimum, non solum initio mensæ eas comedebat, vt medicus ille impetrauerat, sed medio & fine, quarum assiduo usu, ita valuit, vt nunquam postea morbum persenserit.

SCHOLIA.

*Non solum vir hic de quo agimus, per
auellanarum esum, sanus ex hac mala affectione
fuit*

fruit, sed plures alij: sunt autem auellanae ha-
 ru' gares, pontica dicta nuces, quas Auen-
 na inter eas medicinas, quæ lapidis renum
 materiam absumunt, reponit, sed qua faculta-
 te operentur, dubium est, an sorte sua siccita-
 te, & facultate in membranula interiori com-
 perta. Sed non desunt alij, qui hoc operari sua
 nuclei parte oleosa contendant.

Curatio septuagesimanona, in qua
 agitur de peripneumonia à capitis
 destillatione contracta.

MVlier Calabra, triginta annos
 nata, & quæ iamdiu de hemicra-
 nia, capitisve dolore conquerebatur,
 repente peripneumonia à destillatione
 capitis pendente correpta fuit: digno-
 scebatur autem quod mulier hæc hoc
 laborabat morbo iis indiciis, ardente
 & acuta febre derenta spiritus difficul-
 tatē patiebatur: ad hæc, distentionem,
 pectorisq; profundam grauitatē la-
 tus dextrum præcipue occupantem, &
 genarum ruborem, & in ore vlcuscula,
 ac in faucibus deglutiendi ingentem
 difficultatem, & linguæ scabritiem in-
 genti rubedine, & inexplibili siti habe-
 bat, cū quibus, si quid gustabat, quod
 liquidum esse propter deglutienti dif-
 ficul

ficulratem, necessum erat, illico vomebat: quæ omnia mihi satis attestabantur, hanc in pulmonibus inflammationem pati, & eam quidem erysipelatis naturam resipientem, pulsus tunc utique constabant, & lotium rubrum substantia mediocri erat. Quibus omnibus æquè libratis, illico illi ex interna cubiti vena dextra sanguinem ad uncias quinque demere iussi, à qua sanguinis missione illi aluus citata est, & sæpe & multa, variæque egerebat. Sed cum nihil gustaret, & si gustaret, stomachus non retinebat, cruciabar, & quibus remediis curari deberet inquirebam: ridiculosum autem erat venterculo occurrere, tametsi ipse non recte haberet. Cum igitur sic anxius essem, in mentem venit, hanc euasuram, si modò gelu in ore assiduo teneat, quod ex continuo & paulatim excolet, distillét-ve, quo remedio, tantus focus, ignisve vrens intra paucos dies extinctus fuit, paucis topicis siue localibus applicitis remediis, ita ut nunc basilicè valeat.

Curatio octuagesima, in qua agitur de lippitudine ophthalmia dicta, epidemiali.

Vigen

Vigente diuite autumnno, satis tem-
perato 1560. magna pars populi
ophthalmia lippitudine dicta, oppressa
fuit, pro qua curanda, raro medici ac-
cersebantur, etiam si difficilis esset: ita
enim hominibus communis iam & fa-
miliaris morbus euaserat, & re vera
morbus hic paucis curatur abigitur-
ve: perduravit autem lues hæc vnum
vel alterum mensem. Sed hæc scriptis
damus, vt noscatis morbum hunc po-
pulariter vagari, veluti alios, aliis in
temporibus. Cæterum si qui remediis
subiiciebatur, habitis forte primo va-
cuationibus vniuersalibus, iis topicis
utebantur. Qui aquato rosarum stilla-
titia mixto, & sæpe linteo applicito,
vel temporis successu, decocto scenu-
græci, tantopere à Galeno laudato, vel
hoc alio potentiori. Rec. sacchari can-
di, partes tres, sarcocolæ, partes duas,
viridis aris, partem sextam, omnia in
tenuissimum pollinem redigantur, &
qui aquato excipiantur, & rosacea pa-
retur collyrium, & vtatur. Portò Iose-
phus Chrispinus, nigelli coloris vir,
post sanguinem ex brachio extractū,
veluti per cucurbitulas scapulis ad-
motas, collyrium album Rasis, suo
exig.

exiguo opio concinnatum oculis ad-
mouit, & peius habuit, forte quia
collyrium acutas & ignis modo vren-
teis lachrimas retinuit, concarcerauit-
ve, sed illico deposito collyrio, carnis
vaccinae frustulis utebatur, quibus ocu-
los multum refrigerari aiebat, sed re-
vera, purgato corpore, breui sanitatem
obtinuit, quemadmodum Abraha-
mus Almulus Andrinopolitanus, &
alii plures, ex hoc eodem morbo.

S C H O L I A.

In mittendo sanguine ex venis, talis serua-
ri debet ordo: In morbis capitis, & cervicis,
humeralia incidenda est vena, à qua oculo-
rum dolores vehementes mirum in modum se-
dantur, si modo in cubito edirecto secetur, ut
memoria commendaui Gal. lib. 4. de anatom.
administr. & Oribasius lib. 1. sui compendij,
cap. 10. & Paul. libr. sue med. 6. cap. 40. in-
terior autem vena basilica dicta, secta utilis est
ijs quorum partes, quae infra collum sunt, pa-
tiuntur: media autem vena, hoc est, composita
ex cephalica & basilica, in paucis reperta,
ad superiores, & inferiores est accommodata:
Quae vero in pedibus sunt venae, morbi opitu-
latur ijs, qui à renibus & umbilico imas par-
tes obsident: sed haec plenius ex libris huic ne-
gocio dicatis condisces.

Curatio

*Curatio octuagesimaprima, in qua
agitur, de uertigine, hoc rigido hy-
berno, multos affligente, simulque
de spaccilismo.*

HAc rigida, niuosa, & saeva hyeme,
Anni 1560. plures de vertigine
conqueruntur, quia nonnulli eam no-
ctu, cum in cubili voluuntur, persen-
tiunt, vt Ararinus pharmacopola, Ezra
Vicinius, & alij plures: sed multi alij,
quum lecto surgunt, in aurora magis
in eam incidunt, ex quibus nonnulli
cadunt, & tãquam apopletici manent,
vt Mordohai Moschus, qui cum è le-
cto surgeret, omnia circumrotari illi
videbantur & apopletico paroxysmo
apprehensus fuit, sed cum robustus es-
set, restitit, & adiutus recte habuit. Ad
eum autem veniens sensu & motu pri-
uatum, dentibus cõstrictis inuenio, sed
exercitis frictionibus, & vinculis ad-
motis, & aceto ex origano naribus ap-
plicito, veluti castoreo, & cuneolis a-
pertis dẽtibus, naphæ aquam tepidam
per os iniiciendam curauimus, quibus
ad se rediit, & de capitis dolore tunc
maxime querebatur, pro quo iuuando
tũc, glande vna vel altera melle, & spe-
cieb

ciebus trochiscorum alaandal compo-
sita, eius irritata fuit aluus, & ius pul-
læ pro victu concessum; sequenti ve-
ro die cum etiã de capitis dolore con-
quereretur, & anxie haberet, purgans
medicamētū, boli forma illi dedimus,
quo recte purgatus est, & tunc pileus
ex aromatis, & capiti deservientibus
medicinis cōsitus, insertus est: vt me-
lanthio, nuce moschata, caryophyllis,
cardamomo utroque, stœchade, maio-
rana, origano, pulegio, & similibus, &
scapulis cucurbitulæ quatuor sunt af-
fixæ: per quarum duas, cute secta, san-
guis extractus fuit, & tunc per nares
decoctum maioranæ adiecto pauculo
succo cucumeris asinini, inspirabat,
trahebátve, quo remedio nō raro ster-
nutavit, & vt ille aiebat, oculorum lu-
men clarius euasit. ultimo vero, con-
ditū ex stœchade, singulis auroris gu-
stabat, & cinnamomi decoctū superbi-
bebat, & intra sex dies sanatus est. Cæ-
terum Iacobus Læuita cum simili ac-
cessione correptus esset, illico obiit. At
ancilla Isaacchi Erguij, Sarmata, iuue-
nis temperatura sanguinea, obesa, &
quæ nunquam forte menses suos vi-
derat, post annuam quartanam, à qua
forte

forte iam libera erat, repente capitis intensissimo dolore ingenti cum febre cruciari cœpit, & inde gemendo, & stertendo, quasi mortua ad 24. horas mansit, in fine quarum suū diem obiit, & vt ego coniecto, sphaceliſimo apprehensa, per nares autem & os multa saniosa, & virulenta reiecit.

Curatio octuagesimasecunda, in qua agitur, proponiturue casus, non contemnendus in pleuritide.

Virgo annos nata sexdecim, hoc niuoso & rigido tempore sæua pleuritide costas dextras superiores cum ipsa clauicula corripiente cruciatur: ad quam accitus, tertio fortè ægritudinis die, eam grauius de dolore cōqueri, vt dextrum brachium non moueret, inueni, quo cum agone & infortunio, illi sui soliti & copiosi menses tunc fluebāt. Cum igitur morbum grauem & periculo plenum dignosco, pro eo abigendo, vincēdove, sanguinis missione indigere statuo, sed ex quam parte, hoc opus, hic labor est. Plegmone nanque succingentem costas membranam male afficiens, ex interna brachij vena exercendam vacua-

Q.

tionem quam ocissimè postulat; menses vero fluētes, ex saphena potius celebrandam clamant; quia vt Hipp. ait, per eandem viam vacuationem facere debemus, per quā natura indicat; item quia hoc in casu, aliter faciendo, sursum sanguinem euocaremus, & phlegmonem augeremus, & consequēter ad obitum ægrotantē traheremus. Longe enim hic alius est casus, ab eo quem iis in centuriis proposuimus: scilicet, vbi suppressi sunt menses cū plethora, quo in casu aliquando Paulus, & post eum Auicēna ex brachio primo sanguinem demendum constituunt, in hoc autem præsentī casu, menses fluunt, proinde cum morbus vt audistis, periculosus esset, fixo animo, ex saphena pedis dextri respiciētis dolorem, sanguinis vncias octo demere feci, à quo extracto, menses copiosiores erant, & dolor non ita sæuè cruciabat, sed tanquam stipata manebat, pro qua iuuanda topica remedia applicabantur, & cætera necessaria exercebātur: porro duobus interiectis diebus, cum forte menses cessarent, & dolor adhuc sæuīret, ex interna cubiti vena eiusdem lateris, vbi erat dolor, sanguis ad vncias sex extractus

ctus est : à qua sanguinis missione re-
ctius habuit , adeo , vt sequenti die ab
epoto atramēto cassiæ Aegyptiacæ de-
cocto pectorali excepto, sana euaserit,
quo in tēpore plures , & varij ex pleu-
ritide sanati sunt , vt nepos Azariæ
prouincialis, & Sadic lanij vxor, vtero
gerēs, quæ post sanguinem ex brachio
extractum, in renum & iliorū , ac ven-
tris dolores incidit , & sequenti die
puellam quinque mensium deturba-
uit, abortiuū tūc, vnde illico recte ha-
buit , & sanata est: sic sacerdos textor,
& illi vicinus Iosephus Oef, vir ex mea
propagine stirpēve : sic etiā filius Tra-
pezitæ iuuenis sexdecim annorum , &
vxor Sabarai , qui pileos conficit , &
Nathan Salaphatinus, & Calabra mu-
lier vtero gerens, & piscator: omnes ij,
& alij intra decem dies agrotarunt, &
sanati sunt, neq; vnquam aliquis pleu-
ritide affectus, moritur, si modò breui
nostro vtatur consilio. Siculus homo,
& alij incurari, aut per nos nō tractati,
tūc pleuritide affecti diem suū obiere.

*Curatio octuagesimatertia , in qua
agitur de synocho febre, duplici
tertianæ complicata.*

Q. 2

HOc eodem tempore Sadich Latio, iuuenis robustus, vt athletam ipsum dixeris, cū eius vxor pleuritide laboraret, synocho duplici tertianæ complicato, male afficiebatur: continuo autem febriebar, & singulis diebus, singulam accessionem patiebarur: ex accenso autem sanguine, synochus ortum trahit: cæterum ex subtili ipsius sanguinis parte, bilem dixerim, duplex tertiana quoque facta est, vnde hic & continuam febrim, & duplicem tertianā patiebarur. Cæterum hos variis in corporis locis fieri morbos, vt plura alia, consulto prætereo: erant autem huic pulsus omnibus dimensionibus validi, lotium rubrum, crassum, & fere turbatum, sitis ingens, & capitis dolor, cum quibus sanguinē profluentem ex naribus passus erat. quibus omnibus consideratis, illico accersito chirurgo, ex iecoraria vena brachij sanguinis libras duas demere feci, qui quidē sanguis admodum corruptus erat, vt vespere repetita sanguinis missione, aliæ duę librę extractæ sint, & illico absque febris manserit, & tota nocte recte habuerit. Sequenti vero die de more
alt

altera tertianarum cum inuasit bre-
uis, tamen quum per copiosissimum
sudorem exoluta fuerit, adeo vt die
proximo, cum Aegyptiacæ cassiæ atra-
mentum ebibit, ab omni morbo sanus
euaferit: solent autem hîc Thessaloni-
cæ maiori ex parte, ex hac morborum
complicatione ægrotantes mori: vt la-
tius dicemus.

*Curatio octuagesimaquarta, in qua di-
luitur dubium à Thessalonicensi-
bus propositum.*

Efflagitastis à me qua ratione om-
nes fere qui in pauculo, pro pa-
uiendis pannis aliquot dies commo-
rantur, cum domū se recipiunt, ægro-
tant, & moriuntur. Ego vero vt qui non
paucos præ manibus hucusque habui,
& tractaui, hanc præcipuam causam
stare, qua ij ægrotant & commoriun-
tur, putarem: agunt autem ij in pauculo,
quingenta miliaribus, ab hac Thec-
salonicensi ciuitate in rupibus sito, sa-
luberrimo aere circumdato, & aquis
multis frigidis & optimis abundante,
ob quas recte ij illic valere deberent.
Cæterum cūm ij sint homines optimo
pani, recte pinso & valenter subacto,

fermentatōve, & iuste salito assuetis;
subcineritiis panibus, male subactis,
& non fermentatis, illic veltūtur, quos
difficulter concoquunt, conficiuntve,
& eo magis, cum vini vice, quo vti so-
lent, aquam frigidam bibant, vnde in
diarrhœam omnes fere veniunt, quam
in bonā partem miseri ij reiiciunt, cre-
dentes aquæ beneficio, panem illū in
stomachis concoqui, & distribui: sed
res non ita se habet: quū ob panē illum
concoctu difficilē, & aquam frigidam,
ac præ ceteris quia insomnes agunt,
hæc illis eueniāt: parum autem ij dor-
miunt, ob negotium conficiendum: si
nanq; somnus longus & profundus il-
lis esset, sufficiens esset panis & aquæ
errorem compensare. Tradit nanque
Polybus libro de diætā salubri priuā-
torum somnum altū & profundum
emendare rusticorū errores, vnde cum
imbecilles sic ad aliquot dies maneāt,
ægotant, sed præcipue domum cum
se recipiūt, quia cum vxoribus coeūt,
& variis eduliis se ingurgitāt: sic enim
imbecilliores fiūt, & succi in eorū cor-
poribus putrescūt, ex quibus sæuissimū
morbi gignuntur, & per consequens
mors ingreditur. Vt igitur tātum ma-
lum

lum effugiant, duo agant oportet: primum vt bituminosum panem illū pretermittant, & panem fermentatum comedant, vel saltem nauticum dictum: secundum, vt dormiant, aut non ita vt solent vigilant.

Curatio octuagesimaquinta, in qua agitur de bile viridi, & uermibus, ingenti cum febre interficiente.

IN Circulo Basæ, magnæ spei puer, annos natus decem, vt qui ingenio acri, & memoria tenacissima pollebat, & multa & magna legis citabat, morbo laborauerat venenoso, ex quo vt parentes referebant, optime rectèque iam valebat: ceterū paucis interiectis diebus, ecce puer hic poma prædura, & varia alia pessimi succi edulia ingessit, à quibus illi suborta ardens febris est, vomitu bilis porri, & isatidis virorem referentis, multo, & frequenti, ex quibus angustiabatur, tristabaturve nimis, & gelidam clamabat cōtinuo. Ad quem accitus ego, omnia ex bile venenum referente, & à pomis genita, euenisse coniecto, qua de re ad irritandum vomitum, bilēmq; viridem euocādam

Q 4

illam, vomitorio agarico albo & similibus constante, accingor, quo scopum obtinuimus: multa nanque viridia per os vomebat: aliud tamen adeo cōstrieta erat, vt non nisi infusis responderet. Sequenti vero die, cum iam ea quę per vomitum mittebat, viridia non essent, bolum constantem rhabarbaro, electario à dactylis, semine sanctonico, cum nonnullis myrobalanorum corticibus citrinis illi dedimus, quo multa per inferiora egressit, bilem prædictam referentia, nonnullis cum vermibus præuiuis. & oblongis satis, per superiora vero etiam tunc nonnulla, non admodum tamē vt prima viridia, sed æruginosa, & Zinaria ab Auicēna dicta, vomebat, in quibus viriditas ob nimiam vstionem amittitur, & albedo, siue cineritius color introduci incipit, cum quibus & nonnullos vermes euomit, quo in tempore nihil præter gelidam gustabat, quam auidissime appetebat. Tertio tandem die, ab eiecto per os oblongo & crasso verme informi, diem suum obiit.

S C H O L I A.

A bile viridi ex pomis genita, alios mori aliàs obseruari. Caterū filia Samuelis Asaya

iwne

inuenis, quæ non diu primo pepererat, & recte gubernata erat, ex simili morbo febrile, à bile prassina originem trahente, multis cū vermibus obiit. Vocatus autem ipse octavo ægritudinis die, illico deploratam eam reliquit, tametsi optime & expedite loqueretur, ut nihil mali pati assistentes crederent: obiit autem sequenti nocte, ingenti cū dolore ventris & inextinguibili siti. Euadunt tamen aliquando ij, si ab initio venenosa hæc materia purgatur, vacuaturve. LANDVS. Si verum est quod bilis prassina veneni naturam sapit, quomodo cum ea vermes tam sepe complicantur, reperiunturve. AMATVS. Recte d' Lande, proponis, ut qui à pituita, & corruptis putidis ve succis, vermes gigni, cum medicis obseruatum habes: ceterum contingit non raro prædictis cū succis, à quibus vermes gignuntur, bilem prassinam venenosam reperiri, vel saltem misceri, vnde & vermes & bilis prassina non raro simul foras prodeunt, aut per medicamenta extruduntur. LANDVS. Ob variam igitur humorum miscellā hoc euenire, si recte teneo, ais. AMATVS. Ita vulgares aiunt medici, sed ego tibi longe pulchrius, & magis veridicum ad præsens responsum dabo, & forte ex Dioscoridis & Galeni decerptum decretū. LANDVS. Hoc audire pergratum mihi erit, ut cū dabitur occasio, de iis differere noscam.

Q. S

AMATVS. Acius hæc repetenda erant, sed pro summa hic habeto. à pomis, peponibus, cucumeribus, beta, & huiusmodi aliis fructibus, & oleribus, in vètriculo non coctis, bilis prassina gigni solet, quæ pituitæ naturam sapit, & imitatur. Porro si fructus ij aut olera in totū ipso in vètriculo contingat corrumpi, tunc tantum abest, vt pituitæ naturam subeant, vt potius bilis calidissima & venenosa temperatura fortiantur, ex qua ardentissima & lethales gigni solent febres. id quod lucide ex Dioscoride lib. 2. sive medicæ materiae, capit. 129. de peponibus elicitur, veluti ex Galieno libro de Euchymia, & cacochymia. Cum igitur ingesti fructus pars non admodum corrumpi contingat, & pituitæ naturam seruet, inde lumbrici facile in intestinis, & vt dixi, vètriculo ipso, gigni solent, ex reliqua vero in totū corrupta vitiatæ, bilis prassina, acris, & pruriens euadit, ex qua vermes forte gigni non solent, quanquam & ex ea gigni posse absurdum non videbitur asserere, quādo quis nouerit viperinum venenum dentium vesiculis contentum, dulce admodum esse, vt reuera est. Habes igitur mi Lande causam, ob quam lumbrici prassina cum bile fere semper compli cantur, vt alias, ita hoc anno in trecentis fere pueris obseruauimus. Nam filiulus Saragæ chirurgi annos natus decem, medio autumno

cum

cum intemperanter fructus varios comederet,
 febre dolore cum ventris corripit caput sauo,
 & omnia fastidiebat, & illi vix pulsus perci-
 piebantur, quæ omnia à bile præsina calida
 & pruriente siue turgente, ortum trahebant,
 id quod bilis ipsa per vomitum eiecta, sympto-
 mataque alia attestabantur, qua cū bile præsina multos vermes etiam per os emittebat.
 Ceterum cum humor hic turgeret, illico omni
 data opera de eo purgādo vacuandove, Hip-
 pocratis cōsilio, solliciti eramus, quæ de re phar-
 macum cōstans rhabarbaro, electario à dacty-
 lis, & semine sanctonico, illi dedimus, quo ni-
 hil quicquam egeßit, rectum nanque intesti-
 num humor petiuit, sed foras non exiit, forte
 medicamēti purgatorij impotentia ignaviāve,
 vnde illico totus venter tumescere cœpit, & ad
 inguem dextrum puer ipse sequenti die do-
 luit, quæ omnia ab humore illo acri prurien-
 tēve, evenisse, notius quā à me multis dici
 possit: turgens nanque hic humor, & iecur
 imbecille reddit, & abscessum interiore in
 parte intestini recti versum inguem genuit.
 Ut tamen hic puer egereret, glandes ex disco-
 cto melle, stercore muris & scammonio ap-
 paratas, pater chirurgus mittebat, quibus al-
 uus optime respondēbat: non autem ita recte
 clystis aluus irritabatur, ut balanis prædictis,
 quemadmodum multis evenisse observatum
 habe

habemus, quibus glande vna vel altera facile
& abunde alius respondet, clysteri verò ne-
quaquam, veluti & contrario multis aliis. Vt
tamen tanto malo obuiam iremus, multa ma-
chinati sumus, quorum beneficio abscessus dis-
ruptus est, & ex eo pus multū sanguini mix-
tum, per anum non semel exiit, & tunc ster-
cora cineritij coloris multa mediocri consisten-
tia erant, & puer ipse extenuatus satis. Post
disruptū vero abscessum, infusis ex aqua hor-
dei, saccharo, & oui luteo plaga fovebatur,
quibus postea rhodomel miscebatur, aut aqua
mellis syphone ei aculabatur, quibus alius de-
tumuit, sed puer gracilior in dies euadebat, &
vires imbecilliores percipiebatur, adeo vt ela-
pso quarto mense aegritudinis, vigente frigore
intensissimo, suum diem obierit, vt plures alij
tunc longis morbis detenti. Puer tamen qui
apud Calabros, non procul à Melitensi circui-
tu agebat, octo natus annos, febre lenta & er-
rante laborabat, quam ab obstructionibus
euenisse, medicus contendebat, caterum cum in
dies puer hic peius haberet, & gracilior eua-
deret, ad eum vocatus, noto per indicia tam
sepe repetita, puerum hunc multis vermium
myriadibus laborare, ex quibus febres nullum
ordinem seruantes dependentiam habebant,
qua de re cum bolum hunc deglutiret, multos
magnos prauinos, & alios non paucos linea-

rum

rum modo deiecit, & breui sanatus est: habet autem bolus sic, R. rhabarbari optimi drach. vnam, & alterius mediam, agarici electi scriptulos duos, diaphœniconis drach. duas, pulueris nostri contra vermes drach. vnam saccharo excipiantur omnia, & fiat bolus, quem ieiuno stomacho comedat, aut deglutiat, & supra dormiat per horam. eo enim vt dixi, post eiectos multos & varios vermes, sanatus est, vt iure dixerimus, omnes fere egrotantes vermibus absumptos hac etate excarnificatos decedere.

Curatio octuagesimasexta, in qua agitur de nonnullis ob ingens frigus, congelatis, emortuisue, aliisue restitutis.

Multi ob ingens frigus, rigidum, & niuosum, nunc congelati mortui sunt, alij vero pedes, alij manus, alij digitos, alij alia membra, tanquam nigra cornua facta perdiderunt. Vir vero nobilis cum iter ageret, & tanquam mortuus rigidus & gelatus ad pagum veniret, dissecto boue, intus se mitti iussit, & evasit, remedium iis qui venenum hauserunt vnicum, præsertim in dissectis mulis. Porro Rhodius homo, qui

qui per sex hebdomadas in naui remo-
ratus est, alterum pedem tumentem
nonnulla cum liuiditate, sed ingenti
dolore patiebatur, quem in pristinum
nitorem, & exactam traximus sanita-
tem, hoc applicito emplastro, Rec. fari-
næ hordei, fabarum, orobi, oxymellite
excipiantur, & fiat emplastrum, alij ve-
ro fortè peius habebant, vt qui in par-
ticulis nigritiem patiebantur, sed ita
tractati, recte habebant, scarificatis
nanque particulis ipsis, & salita aqua
lauatis, ac supraposito dicto emplastro
recte vt dixi, agrotantes habebant: si-
quæ tamen emortua, ac gangræna af-
fecta particula erat, tota illa emortua
præcidebatur, vt vero emortua pars à
sana separaretur, aliquândo feruentem
picem supra iniiciebamus, cætera &
varia consultò prætermittimus.

*Curatio octuagesima septima, in qua
docetur, quomodo mithridatica an-
tidotus uerè parari debeat.*

VT per tuas accepi literas Ammo-
ni sapientissime, cruciaris, quod
cum apud curiā Solimani Turcarum
Imperatoris Cōstantinopoli frequens
& assi

& assiduus mithridaticæ antidoti vsus, ex qua tamen descriptione, eam parare debeas, nondum satis sis conscius: tuæ dubitationis, vt ego auguror, Galenus author est, vt qui libro de antidotis 2. mithridaticę antidoti varias descriptiones scriptas reliquerit, & ex eis tres præcipuas cōstituerit, primam per Andromachum citatam, secundam, per Antipatrum & Cleophaecum, tertiam vero per Damocritum, numeris insignitam, quam vt paucis tibi dicā, medici vt efficacem magis, & vsui communi habitam, recipiunt, & in praxim trahunt. Ex iis Paulus Aegineta inter Græcos, vnus est, qui hanc tertiam descriptionem, vt communem, & Mithridati Ponti Regi familiarem accepit, & suo medico compendio affixit: mea tamen sententia, diminutam & acephalam, ab eo diascineu appellatam. Nam præter quod in primis agarici, & croci oblitus est, in reliquorum simplicium ponderibus longe variat: Sic ex Arabis, Auicenna, qui se Galeni interpretem profitetur, libro 5. sui canonis, hanc eandem huius antidoti descriptionem, vt communem & veridicam imitatur, & eidem subscribit, sed

sed quanto errore, aut potius inconstantia, vel ex hoc constans lector diiudicare poterit, ut qui nouerit Auicennam ipsum gloriari in sua descriptione tredecim simplicia reperiri, quæ in Galeni habita descriptione non habentur, inter quæ, primo agaricum nugatur, & hermodactylos addit, & varia alia, quæ robustissimo stomacho homo concoquere, & digerere, siue distribuere non valebit. Qua de re, postpositis iis, & Nicolao, ac non paucis aliis, quia artem medicam euertere, & turbare solent, Galeno vnico medicinæ lumini, fidem præstemus decet, & in hac re veluti in cæteris, illi subscribamus; & ex carminibus numerisq;, antidotum hanc, quæ in vniuersum theriaca erat, si modo ei pastili ex viperæ carnibus confecti, miscerentur, prout Andromachus senior, Neronis primarius medicus, non sine diuino lumine primò ei miscuit, in pedestrem siue fluxam orationem reddiderimus. Et ne iam lectorem remoremur, antidotus mithridatica in officinis paranda, ex Damocrito ita habet, Rec. myrrhæ, croci, agarici, zingiberis, cinnamomi, spicæ nardi, thuris, thlaspis ana drach.
de

decē, fefelis, opobalsami, iunci rotūdi,
 stæchados, terebinthinæ, chalbani,
 oppopanacis, malobatri foliorum no-
 ui. an. drac. octo, casia, polij, piperis
 albi, scordij, seminis dauci cretici, car-
 pobalsami, cypheos, bdellij an. drac.
 vij. nardi celticæ, gummi arabici, pe-
 troselinij, opij, cardamomi, seminis fœ-
 niculi, gentianæ, rosarum, dictamni
 cretici añ. drach. quinque, anisi, ari-
 acori, phu, sagapeni an. drach. tres,
 meu, acaciæ, scinci ventris, seminis
 hyperici ana. drach. duas, & alterius
 mediam, vino & melle quantum suffi-
 cit, secundum artis ministerium fiat
 antidotus mithridatica. Cæterū quia
 hanc exopticam & miram antidotum
 mithridaticam, cypheos compositio
 ingreditur, exornāre, dignum duxi-
 mus, eam quoque hic appendere, quæ
 ex Galeno, ita quoque habet, R. pulpæ
 passarum vuarum albarum, terebin-
 thinæ crematæ an. drach. vigintiqua-
 tuor, myrrhæ, iunci rotundi an. drach.
 duodecim, cinnamomi drac. quatuor,
 croci drach. vnam, bdellij pinguis, spi-
 cæ nardi, casia bonæ, cyperi, baccarum
 iuniperi an. drac. tres, aspalathi drach.
 duas, & alterius mediam, calami odo-

R

rati drach. nouem , modico melle , &
vino pauxillo, para exiguos orbiculos
mithridaticam antidotum insignem,
veluti theriacem exornantes. Hæc
enim ex fonte suo decerpta sunt, prout
similia decerpi debent. Suadet nanque
Auicenna libro quinto sui canonis,
theriaces compositionem non aliunde
petendam esse, quàm ab Androma-
chi descriptione, habita simplicium
eadem mensura, & pondere, id quod
Galenus primo suasit, quanquam Im-
peratores eam non raro peruertebant,
vt Antoninus, qui Antidoto primo
authoritatem dedit, & eo quotidie
utebatur, ex quo opium, sopore cum
premeretur, adimebat, veluti non ra-
ro, ipsi veruſto Antidoto, vel absque
opio composito, opium, aut Antido-
tum opium habens, cum in vigilias in-
cideret, pro ſomno conciliando, miſ-
cebat. Porrò quātum efficax, insignē-
ve Antidotum hoc mithridaticum ſit,
norunt ij, qui apud Historiographos,
Mithridatis regis obitum legunt, &
percurrunt, vt qui cum venenum exi-
tiale, pro ſe interficiendo ebiberit, an-
tidoti tamen beneficio præmun-tus,
nihil læſionis accepit, qua de re, ferro
occi

occidi voluit, vt quoque breuiter, sed elegāter Galenus noster enarrat. Porro ne quis impingat, aut in errorem labatur, sciat hanc à nobis descriptam antidotum veram illam Mithridatis esse, non vero illam aliam, quā apud Galenum libro secundo de antidotis legimus sub sequenti lemmate, Mithridatis theriaca, hac rex Mithridates semper utebatur, vt se à lethali veneno assereret, & subditur, Quum itaque à Romanis captus esset, nec bis epoto veneno mori posset, gladio sibi ipsi necem intulit, & cætera; quum in descriptione ista, theriaca describatur, non verò antidotus mithridatica. non enim in mirthridatica, antidoto theriaci pastilli ingrediebantur, vt testatur Galenus initio libri primi de antidotis, dicens, Post Mirthridatem Andromachus Neronis primarius medicus, quibusdam adiectis, quibusdam vero ademptis, theriacem dictam antidotum præparauit, haud exigua viperarum carne, quam mithridatica non habebat, aliis admista. non erit igitur legitima Mithridatis antidoti descriptio hæc. AMMONIVS. Quid igitur Galeno, d Amate, respōdendū arbitraris?

R 2

AMATVS. Id quod Lucensis, aut sapiens Trincauellius doctè admodum marginali quadam annotaciuncula inibi scriptum reliquit, scilicet, descriptionem illam mire deprauatam esse, quam vtcunque restituit, sed vt nunc ego coniecto, tota integra descriptio in lemmate præmissa deest, & non solum hæc, sed initiū ibi habitæ descriptionis desideratur, vbi incipit, hæc utebatur Andromachus & cætera.

Cōsonū etenim est credere, primo Mithridatis antidotū descriptū esse, postea vero Andromachi additamentum. vtcunq; tamē res habeat, vera Mithridatis antidotus, & qua ipse utebatur, hæc à nobis descripta est. non est ergo quod Manardus, aut Siluius, aliūne docti viri in nouis cōponendis Mithridatis antidoti descriptionib⁹, laborēt, fatigenturve, quum hæc vna vnica sit, & quā myropolæ vbiq; parare debent.

Curatio octuagesimaoctaua, in qua agitur de gibberoso, ingenti capitis dolore affecto, & inde melācholico facto, & breui mortuo.

Moses Brudus, gibberosus, pumilis, anhelosus, natura melācholicus,

licus, annos natus triginta, graui capitis dolore ab humore melancholico pendente correptus fuit: contra quem cum multa machinata absque fruge esset, elapsis tribus diebus, eius cephalica in brachij curuatura secta fuit, & ex ea sanguis ad vncias quinque extractus, à qua sanguinis missione dolor breui euauit. Cæterum ægrotus ipse fere insanus euasit, & non recte videbat, sed vt primò, non dormiebat, febrieat parū, & indies vires eius prostratiores fiebant, vt intra paucos dies mortem cum vita commutauerit. Cæterum sciat is velim, hunc non vi morbi, sed sua pessima tēperatura positio- néve, quæ ad triginta protrahi poterat annos, & non amplius, occubuisse.

Curatio octuagesimanona, in qua agitur de muliere quinquagenaria, cui suppressi menses sūt ultimò, & inde symptomata uaria oborta.

VXor Iacobi Ezræ Arogonensis, annos nata quinquaginta, cū illi iam vltimò menses suppresserentur, eleuarentur ve, ecce tempore mēstruo determinato, & consueto, eorum vice forte, in fluxū ventris incidit, deficient-

te nanque ad eos materia , conata est
natura per fluxum ventris paratam in
intestinis materiam expellere , quem
ipsa recte, facileque tolerauit, quo re-
stricto, repente noctu ingenti metu
apprehensa est, & catalepsi siue conge-
latione fere detenta , non loqueba-
tur, nec quicquam gustabat. At inie-
cto per os pauculo castoreo immixto
vino, verbulum vnum vel alterum ef-
futiuit, sed postea vt primò erat, & cla-
uiculatos dentes fortiter habebat.
Tunc vero de extrahendo sanguine
inter medicos quæstio erat: nam alter
ex saphena contendebat, alter vero ex
communi in brachij curuatura potius
extrahendum astruebat, nec deerant
vtrique rationes. Ego vero superuoca-
tus non multum virium robori fidens,
ab excretis per clysterem facibus, cu-
curbitulas femoribus affigi, cute secta,
iussi, & vt chirurgus referebat, ita ge-
lata mulier erat, vt primis cucurbitu-
lis nullus euocaretur sanguis, adiuta
tandem calidis fomētis, sanguinis vn-
cia tres sunt extractæ, & inde melius
habere visa est. Tunc verò ea nocte
glande ex melle ex colocynthide para-
ta immissa, aluus respondit, & quatuor
ingentes

ingētes vermes prāuinos cum excre-
mētis deiecit, adeo vt eos huius mor-
bi causam esse, non nullus dubitaret.
Sed in aurora pharmaco purgatorio
ebibito, constante agarico, confectio-
ne amech, & semine sancto, exceptis
iure pulli, in quo incoctum erat poly-
podium & sene, pauco cum semine fœ-
niculi, optime purgata est, & tunc re-
ctius valuit, sed postea immisso pessu-
lo ex succo cyclaminis, menses erupe-
re, quibus firmata est valetudo : fuere
autem omnes dies sex, in quibus huic
mulieri optimi habitus, gallinaceorū
ius pro victu erat, pro potu vero aqua
fœniculi semine incocta. Cæterum cū
non desint vbique dēmoniāci homi-
nes, ita hīc non defuit, qui mulierem
hanc noctu tactam, aut punctam, forte
à dēmonē, contenderet, quem ego illi-
co, in suos malos dēmones, & peiores
nocturnas aues reieci, fugauīve.

*Curatio 90. in qua agitur de angina,
intra duodecim horas interficiente.*

Proxeneta ille, qui circa oleū ver-
sabatur, cum aduēspersceret,
quoddā de gutture strangulabatur, con-
queri cœpit, pro qua abigenda mala

R 4

affectione, remedia varia sunt facta, vomitus nanque euocatus fuit, & oxymellitis portiunculam per interualla lambebat: ex stomacho nanque malū hoc euenire credebatur, sed postea scapulis & ceruici cucurbitulæ sectæ sunt adfixæ, demum morbo grauiori factō, intra duodecim horas miser hic è viuis stertēdo decessit: intromissa autem cerea cādela per œsophagum siue gulā, nihil impedimenti perceptum est. Fuit igitur sæuus hic morbus, angina asperam arteriam occludens, & respirationem impediens, cæterum, hoc in casu, sanguinis per venæ sectionem missio, & cætera remedia prætermissa sunt, quia volueris occasio. Porro vir ille, ad quem vocati diligenter venimus, angina strangulabatur, per signa nanque & notas loquebatur, qua de re, illico nulla interposita mora, aut vacuatione alia præhabita, sub lingua venas secare fecimus, & sanguinem ex eis conuenienter fluere, quo constricto, pauculo interposito tempore, & vt ita dixerim, reffectis viribus, repente brachij cephalica vena secta fuit, & ex ea per interualla sanguis missus, vnde breui vir hic melius hab

habuit, & postea nonnullis aliis celebratis remediis, sanitatem pristinam adeptus est.

SCHOLIA.

Nisi ita repente, & diligenter subuentum esset huic aegroto, dubio procul diem suum obisset: non igitur semper canones & Methodi medicinales seruari debent, ceterum per intervalla, hoc in casu, scilicet angina, sanguis demendus est, quia si confestim magna in quantitate vacuaretur, animi deliquiū forte aegroto superueniret, ex quo suffocatio oritur, & tandem mors.

Curatio 91. in qua agitur de synocho, quinto die per copiosum sanguinis fluxum è naribus terminato.

Vigente hoc tempore frigido, iuuenis qui in foro panario agebat, carnosus, tēperatura sanguineus, synocho correptus est graui, continuo febriebat, & partem interiorem capitis valde dolebat, & non dormiebat, & quæ comedebat, illico vomebat. ad quem accitus ego, ex basilica dextri brachij illico (alui facibus primo excretis) sanguinis libras duas demere feci. Cæterum cum ita vt antea laboraret, & grauitur haberet, sequenti die

R s

ex brachio sinistro sanguinis similis
quantitas extracta est, & vesperi sca-
pulis secta cute, cucurbitulæ sunt affi-
xæ, quibus remediis perinde vt antea
habebat, tertio die atramentum cassiæ
ebibit, quo multa liquida & humorosa
excreuit: quarto vero die, lotium val-
de crassum, turbatum & rubrum erat,
& egrotus ipse pessime habebat: quin-
to sudare cœpit, sed in fine huius diei
ita sanguis multa quantitate per na-
rem sinistram huic effluxit, vt ægrotus
ipse, & assistentes de obitu tunc ti-
merent, sed ego etiam si conscius e-
ram, data opera, ipsum fluere per-
mittebam, neque remedium aliquod
pro eo sistendo moliebar. Cæterum
cum virium robur iam labi coniectas-
sem, effluxerant nanque fere sangui-
nis octo libræ, tunc pro eo compes-
cendo restringendove, multa machi-
nati sumus, inter quæ primatum obti-
nuit, terra figulina aceto subacta, &
capiti raso admota, sed bis innoua-
ta, tunc vero ea nocte recte dormiuit,
& sanatus est. Viæus huic ptisana in
hoc vniuerso tempore erat, potus ve-
rò hordeacea.

Curatio

Curatio 92. in qua agitur de nephritide, & auris dolore.

LAnio cognomento Fartus, senior, nephritin pati cum soleat, & arcu-
nulas per vrinam mittere, nūc eas non
remittit, sed decimus agitur dies quòd
de ilio multum dolet: pro quo iuuan-
do, eum lapillum intus habere depre-
hendo: pro quo detrudēdo, Hippocra-
tis consilio vsus, internā pedis venam
(saphenam dixerim) illico secare iussi,
& sanguinem abunde extrahere, à qua
sanguinis missione, illico nulla inter-
iecta mora, illi drach. ij. eius cōfectio-
nis, quam lithon tripon dicimus, pau-
culo cum vino dedimus (per clysteres
nanque satis purgatus hic erat) qua in
nocte multū doluit, sed postea absque
dolore perseverauit, vt fomentum ve-
fica bouina exceptum. prætermitteret,
neque super locum poneret. Tertio ve-
rò die lapillum, fortè remedij bene-
ficio, excauatum, absque dolore vllo,
meiit, & sanatus est. Ne tamen in mor-
bum recideret, consului, vt auellanas
in victu continuo haberet, eo à no-
bis dicto modo, in hac Centuria. Hu-
ius filius, quum de auris dolore repen-
te

te torqueretur, à capite alliorum sub cineribus cocto, & bene calido contuso, & intra aurem misso, illico disruptū apostema est, ex quo multum puris fluxit: ceterum, & si pus quantitate fluere, grauamen non paruum persentire aiebat, veluti per vniuersum corpus caliditatem extraneam, pruritūque, quibus de causis, ex communi brachij vena sanguinem demendum curauit, à qua sanguinis missione, puris fluxio cessauit, & locus doloris expers ex toto mansit. Firmandæ tamen sanitatis gratia, catapotia aurea dicta, veluti cocchia simul deglutiuit, & purgatus est, & tandem basilice habet.

Curatio nonagesimatertia, in qua agitur de intestinorum affectionibus, publice grassantibus.

MAio mēse, sicco, & calido, plures intestinorum morbis correpti sunt, scilicet, colico, cholera, ileo, dysenteria & similibus: vagabantur autē morbi ij, & epidemiales erant. Mulier tamen, in circulo Appulij hominis, ileo oppressa, misere vt solet, per os sterqus ingenti vermium colluie vomebat, ad hæc aluus prætumida illi facta

facta est, & demum intra septem dies, rigida, & algida facta, suum diē obiit. Cæteri vero omnes, colico morbo affecti, sanati sunt, præsertim adiuti clysteribus anetho, cumino, & similibus, quæ flatum discutunt, compositis; per os vero, antidotum ex quatuor rebus diatesaron dictum, & mithridatiū accipiebant, primo euocato vomitu, vino dulci, in quo cuminum, anethum, semen raphani, & ultimo agaricum, incocta erant.

Curatio nonagesimaquarta, in qua agitur de obstructionibus membra nutritoria infestantibus.

MVlier vidua, & cui menses consueti nunquam defecerāt, & colorem in facie talem habebat, qualem Hippocrates libro de Reg. aquis, & aere, phasianos homines habere tradit, circa membra nutritoria obstructiones patiebatur. Pro quibus extirpandis, medici plures plura machinati sunt, & ita variis aperiendi facultatem habentibus medicamentis vsi sunt, ut in fluxum mēsum copiosissimum eam traxerint, vnde faciei color, pallidior illi est redditus, & similis illi, quem regio.

gio morbo obnoxij pati solent, & symptomata omnia grauiora facta: corporis autem totius grauedinem, & ingēs pondus sentiebat, ad hæc pigra, & segnior ad obeunda & conficiunda negotia erat, & circa hypochondrium dextrum, non paruum grauamen per sentiebat. Pro quibus abigendis affectionibus inueteratis, post octennium, ad eam vocatus, in mentem reuoco, obstructions fieri, aut humorum quantitate, aut eorum agglutinatione, viscositateve, aut eorum potius lentore crassitieque item non esse aperiendum, quin prius humores purgētur, vacuenturve, aliter obstructions augentur, & grauiores & periculosiores euadunt, quibus propositis habitisve, leniori pharmaco, purgata materia, ad apoze-mata deobstruendi facultatem habentia deuenimus, quibus veluti decocto senæ assiduo vsi sumus, & per interual-la, pharmaco vno vel altero, agarico præcipue constante, humores purgabamus, immo ad sectionem venæ, quæ inter digitum minimum, & anularem dextrum repit, peruenimus, ex qua sanguis copiose fluxit, sed per exteriora non pauca fomenta, & vnguenta sunt

sunt applicita, quæ emolliendi, & aperiendi vim habebant. Cæterum quum hæc parū iuuarent, ad radicis lynarum decocti potum cōfugimus, quo mane, & sero copiosissime mulier hæc sudabat, mirū dictu, quum tamen nunquam antea etiam remediis iuuata sudorem vidit aut sensit. Perseueravit autem quinque supra viginti dies in huius decocti potu, in quorum fine, recte se habere dixit. Aduertendum tamen duximus, quod decimoquinto die, à potu decocti huius radicis, menses sui soliti copiosi illi superuenerunt, qua de causa iusseram, vt à potu decocti radicis abstineret: cæterum illa, salutis auida parere noluit, sed fluentibus mensibus, etiam multum & copiose potu decocti, sudabat, & re vera, menses nihil discriminis aut impedimenti, toto suo assueto tempore cōtrahere. Completa tamen curatione, hoc est, exacto vigesimoquinto die huius decocti potus, cum recte valere diceret, ecce sub brachio dextro ingens tumor, & prædurus, illi repente apparuit, quem nonnulli scirrhum, alij vero cancerum esse opinabantur, sed emplastro maturandi vires

vires habente super eum posito, breui delituit, vnde tussis ingens eam detinuit, & thoracis grauedo eam afflicabat, & capitis intensus dolor eam contorquebat, quæ omnia ex humore à tumore exhalato, & resperso euenisse, mihi compertum erat, tunc vero deglutitis pilulis arabicis dictis, ei alius recte respondit, & se sanam ab omni pessima affectione iactauit, ad multos tamen postea dies, saccharum borraginaceum sibi familiare fecit, quod ieiuno stomacho comedeat.

S C H O L I A.

In secunda vena, inter digitum minimum & anularem, secuti sumus priscos omnes medicos, veluti omnes etate nostra superiores, quanquam non ignoremus ex hodierna hominis sectione, venam hæc propagari, ex axillari & humeraria vena, vtcunque tamen res habet, experientia ipsa quotidiana attestatur se etiam hanc venulam dextram, iecinoris affectionibus opitulari, & sinistram lienis morbis, vt Aegineta clarius præ ceteris memorie commendauit, & ante eum Galenus libro tertio de anatomicis administrationibus, veluti sexcentis alijs locis.

Cur

*Curatio nonagesima quinta, in qua
agitur de homine canina tempera-
tura prædito, laborante duplici ter-
tiana.*

S Alomon Sacerdos, iuuenis tempe-
ratura canina, & sicca, quum corri-
peretur duplici tertiana, miras circa
præcordia anxietudines patiebatur, &
præcipue quando paroxysmo tentari
incipiebat, adeo ut in lecto non quie-
sceret, sed hinc inde milies voluere-
tur: vomebat nanque, & cibum non re-
tinebat: huic igitur, ut fugeret tantum
malum, accessionis initio cibum elar-
giebamur, & rectius habebat. accipie-
bat autem panem infusum granato-
rum acetosorum succo, aut ptisanam,
acinis mali punici ei mistis, aut pana-
tellam, aut iusculum pulli limonis aut
acerbæ vuæ succo alteratū, cuius pulli
alas & pectusculum apparente conco-
ctione, ei dare cœpimus, veluti bu-
glossum, aut mulum piscem, inaura-
tāve albo iure decoctū: à rebus au-
tem dulcibus, & sacchareis, utpote in-
bilem facile verti paratis, abstinebat:
demum syruporū vice, concessio tama-
rindorū decocto, aut potius infuso, &

S

post succorum cōcoctionem purgatus,
intra decimumquartū diem sanitatem
adeptus est. primis tamen diebus quia
de costarum dolore valde conquere-
batur, cucurbitulis secta cute, sanguis
ex scapulis extractus fuit.

S C H O L I A.

Quum hunc canina præditum temperatu-
ra curarem, memoria occurrebant historie
præclare Galeni, è decimo libro Meth. med.
veluti ex sexcentis alijs locis sue doctrine,
quas ante oculos medicus doctus habere de-
bet. Caterum suadet Galenus lib. 1. Meth.
med. cum de febre syncopali minuta Arabi-
bus dicta, agit, carnes, apparente concoctione,
elargiantur, id quod Alexander Trallianus
assentitur, lib. 12. sue rei medicæ, capit. 6. in
quo de tertiana agit. neque enim hæc Hippo-
crati contradicunt, qui post crisin duos dies,
ita ut antea egrotos cibemus iubet.

Curatio nonagesima sexta, in qua agi-
tur de utero gerente muliere, sy-
nocho laborante, doceturque in fe-
bribus continuis, & ardentibus,
maximam habendam esse curam
gutturis, & lingue, fauciumue.

Mulier iuuenis, boni habitus, tem-
peratura sanguinea, & iuris peri-
tissimi

tissimi doctoris Habrahami fr̃aci, olim
in Lusitania apud Illustrissimū & Sa-
pientissimū Ducē Auerij, auditoris di-
sertissimi filia, cum vterum gestaret, &
septimum mensem ingressa esset febris
sanguinea, synocho dicta, affligi cœ-
pit. pro qua iuuanda, vocatus ipse, eam
summe & continuo febrientē, ingenti
cum capitis dolore, facie tumente, vri-
na crassa, & rubra inueni: quin octauū
diem septimi mensis, suæ gestationis,
nō supergressam noto, quibus de cau-
sis, cubiti venam communem secare
iubeo, sanguinisq; vncias sex demere,
qui sane sanguis admodū corruptione
affectus erat, vt vesperi ex eodē fora-
mine totidem sanguinis vncias flui iu-
berem, & tunc melius habuit. minaba-
tur autem sanguis fauces ascendere, &
anginā gignere, vt ex dolore ab ea, cir-
ca eū locū percepto venabamur. Dein
vero pullum acresta & cucurbita in-
coctum pro victu habebat, aliquando
vero ptisanam, vel cucurbitam ipsam
acresta apparatus, vel potius saccha-
ro concinnatā: oblatamenti verò cau-
sa, vt sitim exstingueret, iuleb viola-
ceum affusa hordeacea, non solum in
aurora syrupi vice, sed interdū bibe-

bat: à clysmis vero & balanis, omnino abstinuimus, sed vt bilem præcipue à sanguine separaremus, ipsūque sanguinem purgatum, mundūque relinquere-
mus, Aegyptiacæ cassiæ atramentum parum, hordacea exceptum semel illi ebibendum dedimus, & tunc recte habere cœpit. Syruporum tamen vice, sæpe vnciolam sacchari rosacæi in aurora gustabat, & post eam hordeaceam aquā, aut endiuix bibebat, quibus leniter tractata, intra decē dies sanata est: veluti eodem tempore adolescens circa Circulum exustum agens, qui caufone cum laboraret, alius illi lubrica erat, & multa liquida citrina, biliosa, & lutea egerebat, & sanatus est. Sequenti modo hic cum prædicta pateretur, & non quiesceret, nec dormisset, sed vires utcumque constantes haberet, post extractum ex iecoraria vena sanguinem vocatus ego, sequenti die rhabarbarum, cum citriorū & myrobalanorum citrinorum corticibus, adiecta portiuncula catholici electarij, exceptis omnibus stillatitia intybi, illi dedimus, quo pharmaco, recte purgatus est, & tunc ius pullæ ptisanæ mistum ebibit, & fluxus ventris solitus

litus cohibitus est, semel tantum, vel
 bis sequenti nocte egressit. Sequenti
 vero die rigore non antea per sentito
 graui apprehensus est, ad quem tunc
 accitus, vt qui eum breui moriturum
 assistentes putarent, prædixi, bono ef-
 sent animo, vt qui ægrotum ipsum, in-
 tra paucas horas sanum visuri erant.
 Nam post rigorem futuram febricu-
 lam, & sudorem copiosissimum, ipsum
 totum irrigaturum, exposui, id quod
 ita euenisse, non sine ingenti artis
 laude, obseruarunt. Restat dicendum,
 quo magis senesco, eo audacior eua-
 do, in tribuendo rhabarbaro, & my-
 robalanis, pro regulando ventris flu-
 xu, febres consequente. proinde qui
 artem exercent medicam diuinam, ad-
 uertant, neque Galenum hac in re, ita
 pessime intellectum, cum Glauconem
 suum alloquitur, mordicus teneant,
 vt pro veris falsa exerceant, vt aliàs
 non raro iis in Centuriis dixi. Quum
 hæc exercebamus, Aaron Naamias,
 iuuenis quinque supra viginti annos
 natus, temperatura biliosus, tertia-
 na continua correptus est, ex qua cu-
 ratus, recte habere videbatur, cæte-
 rum elapso duodecimo curationis die,

cum melius haberet, & parum febrileret, vinum quod maxime appetebat, forte ebibit, vnde intensius febrire cepit, & delirare. ad quem vocatus ego, cum intense febrire, & delirare, vt ad proposita respondere nesciret, compertio, ad hæc lotium album paucum meiebat, indicium sane lethale, sed tunc vires huic pro morbi seuitie, constare videbantur, qua de re vesperi cucurbitulæ quatuor scapulis, secta cute, sunt affixæ, & sanguinis vnciæ tres extractæ, à quibus, clyster refrigerandi, & subducendi vim habens, iniectus fuit: tunc noctem insomnis transegit totam, & nūquam quieuit. In aurora vero pulsus arteriarū imbecilliores erāt, & rerum anteaotarum recordatio nulla, & facies à naturali differens, à quibus habito præfagio, & assistentibus exposito, quod hic breui moriturus esset, etiam illi atramentum Aegyptiacæ siliquæ paucum cum rhabarbaro, primi medici dederunt, quo multa stercorearia, pauca vero humorosa egressit, & eo die ex suavi musica magnum solatium, vt fassus est, persensit, sed sequenti, vitam cum morte, non sine amicorum dolore, mutauit. Sed tunc adolescens

scens filius Iacobi Pardi, albidus colo-
 ris, studio deditus, frigore, capitis cum
 dolore corripit, ad quem, inter-
 positis nonnullis horis, ipse accitus,
 eum lenta febris tentari comperio, qua
 continuo corripit postea notavi, nullo
 persentito frigore refrigeratione, in
 qua postea lotium subalbidum erat, &
 tenue, pulsus vero rarus, laxus, sed sitis
 nulla, somnus multus cum corpusculi
 totius grauitate: nūquam hic vomuit,
 sed alius ex se pituitosa respondebat,
 quæ omnia febrem pituitosam vigere
 attestabantur, cum qua & lumbricos
 implicitos esse augurabar, id quod ita
 euenisse, domestici seruarunt. Primis
 nanque diebus, à concessio electario ex
 Mixariis, Sebesten officinæ seplasiario
 rum appellant, immixto semini sancto-
 nico oxymelite primo macerato; decē
 oblongos, præuiuos, per interualla e-
 gessit, dein vero oxymelite sæpe exhi-
 bito, & pullo gallinaceo pro victu con-
 cesso, pharmacum ex rhabarbaro cum
 agarici exiguo diluto, illi dedimus,
 quo multa excreuit, absque vermibus
 tamen. hinc enim, elapsis iam diebus
 decem, adolescentulum hunc, blande
 lenitèrque tractabamus, ea illi dando,

quæ lotium proliciunt, vt oxymel compositum, ius pulli, in quo apij, & petroselini radices, ipsa cum coma incoctæ erant, aut cicera, & similia, cum quibus, clysteres raro iniiciebantur, quia sua sponte alius respondebat: sed de ventriculo solliciti admodum eramus, adeo vt iis, & tota ratione victus incidendi, & attenuandi vim habente, intra mensem sanatus fuerit. Cæterum cum hos, & non paucos alios febribus continuis laborantes curarem: ecce Menahen Amarilius, mercator Thesalonicensis, tertiana continua afflicta batur, & ex venarû interna parte multus illi confluebat humor acutus biliosus, quem per secessum remittebat, vt quinquies & sexies quotidie egeret biliosa, liquida, & acria, ad hæc singultû patiebatur, non propter plenitudinem, non propter inanitionem, sed verius ob acredinem ipsius humoris ventriculum infestantis, quem forte vir hic facilis sensus habet cû quibus siti cum intensa, linguam crassam & aridam habebat, & difficulter deglutiebat, & in gutture impedimentum quoddam persentiebat, & caput valenter dolebat. Cæterum cû nonus huius morbi

morbi ageretur dies, & à medico is purgatus satis esset, veluti à natura ipsa, vocatus ego, huic iecur vnguento santalino refrigerari, & ad os ventris apponi vnguentū roborans & refrigerans iubeo, & clysterē refrigerandi vim habentem iniiciendum curavi, quibus sequenti die recte habuit. Febris fere nulla erat, sitis parua, singultus in totū abolicus, & bis tantum egressit. Sed iam audi, eam partem, pro qua curationem hanc moliti sumus: cū vir hic difficulter deglutiret, eius illico aperto ore, fauces conspeximus, quas summe inflammatas cum gutture comperio: qua de re inter cætera remedia, & gargarismū describo, & ad guttur, siue ad trachææ arteriæ caput & ad eius vicinas partes vnguentum foris imponendum mandavi, videlicet, rosaceum, vel huius vice, oleum omphacinum rosaceum, vel violaceum, vel Galeni ceratum, refrigerans dictum, aut succum aliquem ex refrigerandi & humectandi facultatem habentibus herbis. Cuius rei, duo assistentes medici admirati sunt, vt qui nusquam apud quenquam id legerant, nec à quouquam in praxim adductum viderant,

optimum tamen esse remedium col-
laudarunt. Ego vero eorum magis sum
admiratus, vt qui remedium tam præ-
stans & singulare ignorarent, à Gale-
no primò commendatum, & postea ab
eius enarratore Auicenna receptum,
& à doctissimis Italiae medicis, in con-
tinuam praxim tractum. Galenus nan-
que libro quinto Meth. med. capit. 12.
cum asperæ arteriæ vlcera curat, non
tam medicamentis intus receptis, dif-
ficultérque diffluentibus, quàm topi-
cis remediis vtitur, vt alibi quoque
non rarò. Ergo non ab re erit, in fau-
cium, & gutturis, sine asperæ arteriæ
capitis, inflammationibus, localibus
remediis, quæ refrigerandi, & hume-
ctandi vim habeant, medici vtamur,
sed etiam partibus ipsis non inflam-
matis, remediis vtamur, quibus eas
ab inflammatione liberemus arcea-
músve. Sed hæc forte Auicenna Gale-
num sequutus, lucidius exponit, igno-
rantibus iis, qui Auicennâ ipsum mor-
dicus tenere putant. Auicenna nan-
que cap. de Causonis, siue ardentis
febris cura, vt noscatis, ait, & oportet,
vt seruetur anhelitus eorum, &
non permittatur thoracis partes spaci-
mo

mo affici. quæ verba non raro Galen.
inculcat, vt in ardentibus febribus,
thoracis, tanquam caliditatis fornaci-
cis, diligentem curam medicus ha-
beat, fomentis, & irrigationibus con-
tinuo vtendo, & vt Trallianus ait, ra-
ro frigidis, vt quæ intus calidum re-
mittunt, nunquam tepidis, quia la-
xant, sæpe vero calidis actu, potentia
vero frigidis: sed mea sententia, cum
calor ingens est, non raro, actu frigi-
dis vti consentaneum est, vt ex Aui-
cenna & Galeno ipso docemur. Cæte-
rum ex pectoris particulis nulla faci-
lius conuulsione tentatur, quàm tra-
chææ arteriæ caput, primus bron-
chus dictus, ad quem, tanquam ad su-
premam arcem, & caminum, pessimi,
& acres fumi ascendunt, & inde con-
fortij lege ad cerebrum, in quo ery-
sipelas, aut phlegmone non difficul-
ter gignitur. non ab re Auicenna ca-
pite de nigredine linguæ exortæ à fe-
bribus, fen. prima libri quarti, ait:
oportet, vt non dimittatur super lin-
guam nigredo, immo fricetur cum eo
quod scis, aliter eleuabuntur ad ca-
put vapores maligni, & facient cadere
in sirsen, hoc est, capitis phlegmo-
nem.

nem. Sed hæc forte melius, & proposito nostro conuenientius tradit Auicenna ipse, sequenti cap. 31. in quo agitur de constrictione anhelitus febrilentibus veniente, ad hunc modum: Constrictione anhelitus accedit eis, aut propter spasmum & siccitatem, quæ accidit eis in lacertis anhelitus, aut propter materiam præfocatiuam, descendentem ad guttur eorum, aut propter debilitatem quæ dominatur nervis venientibus ad membra anhelitus: & prima quidem curatur cum vnguentis, vel emplastris humectantibus, & secunda cum eis, quæ prohibent strangulationem, & tertia, cum æquatione complexionis in cerebro, & inunctione colli, cum eis, quæ infrigidant, & humectant: & supra pectus etiam ex eis, quæ sunt sicut rasura cucurbitæ, & portulacæ, & santali, cum oleo rosaceo, & similibus, quæ omnia conuincunt, opus nostrum à præclaris medicis frequens vñitatum, & in quotidianam praxim esse habitum. quod si hæc illis non placeret, sed vt puto placent, ad eorum Rutgerium eos relegandos statui, qui, vt audio, in cura caufonis, hæc à nobis actitata, agenda suadet.

Cura

*Curatio nonagesima septima, in qua
agitur de uomitorio medicamento,
quo quidam à colli affectione sana-
tus est.*

Vir robustus, instante canicula,
colli dolore infestissime cruciaba-
tur. contra quem variis clysmis, & aliis
nō paucis topicis remediis, vñ sumus,
sed absque profectu vñlo. qua de causa,
cū ægrotus maximo in periculo esset,
ad vomitoriū medicamentū hoc con-
fugi, & ita contulit, vt illico se sanum
ægrotus dixerit, habet autē remedium
sic, R. ellebori nigri, seminis anethi, cu-
mini, raphani, an. vñc. mediam, exci-
pantur tribus libris aquæ & fiat debi-
ta coctio, & coletur, cui postea adde
rhodomellis vñc. ij. & fiat vomitoriū,
ex quo tepente, libras fere duas ebi-
bit, & quieuit, sed non multum postea
ita multa vomuit, vt à dolore interne-
cante liber & sanus illico euaserit.

*Curatio nonagesima octaua, in qua
agitur de tertiana multo cum humo-
re crudo os uentriculi infestante, quæ
plerunque interficit, & Auicenna fe-
brem syncopale humorosam appellat.*

Je

Iehuda Abarbanelius, magni illius
Iehude, siue Leonis Abarbanelij Pla-
tonici Philosophi, qui nobis diuinos
de amore dialogos scriptos reliquit,
nepos, quum ob pestem Thessalonicæ
grassantem, ad muros iuxta Calabros
cum eius familia se diuerteret, & ibi
per mensem maneret, atque postea in
domū se reciperet, non tam ipse, quàm
ceteri cum eo agentes tertiana epide-
mica sunt correpti, is vero ætate vi-
ginti septem annorum, temperatura
pituitosus, obesus, nullo fere exercitio
corporeo deditus, inchoante canicula,
tertiana vt dixi, corripī cœpit, magna
eius crudorum succorum copia, os
ventriculi infestante, offendenteve:
singulo nanque tertio die accessione
afflictabatur syncopali grauissima, à
qua nec die quietis mundus euade-
bat, immò eo ipso quietis die vesp̄i
absque rigore febris inualescebat, quæ
cum paroxysmo sequentis diei mutuo
se confundeat, miscebaturve, vt tertia
accessione euidentius à nobis perce-
ptum fuit, noctu nanque animi defe-
ctus, & symptomata grauia illi euene-
re, vt tunc de obitu timor esset, vt ab
assistente medico, quem practicū,
hodie

hodie, Neapolitani præcipuè, appel-
 lant, accepimus. Cæterum huic, primis
 quietis diebus, cassiæ Aegyptiacæ a-
 tramentum ad drachmas duodecim,
 saccharo tantum obuolutas dederam-
 us, quibus multa & varia egeffit.
 Porro elapso quarto paroxysmo, cum
 pulsus varius esset, & non recte consta-
 ret, vt in hoc contingit morbo, & Gal.
 recte notat, immo caprizans videba-
 tur, & aliquando vermicularis, & for-
 micans, ab omni vacuationis genere
 vacaremus consulimus. At quum pe-
 ctora veneni, & contradictionis plena
 vbique habeantur, quidam se hunc cu-
 raturum, si modo ex rhabarbaro, & a-
 liis simillimis medicinis confectum
 pharmacum ægrotus biberet, pollici-
 tus est, ignorans alioqui, magnam cru-
 dorum succorum molem os ventricu-
 li infestare, pro quo curando morbo,
 ab omni vacuationis genere manife-
 sto abstinere, summū erat remedium.
 annuit tandem contradicenti ægro-
 tus, & pharmacum ebibit, me alta vo-
 ce clamante, demum sequenti die post
 multa egesta gelidus factus, suū diem
 obiit, non sine doctorum hominum
 dolore. Philosophiæ nanque vt obiter
 hoc

hoc dicam, apud se librum iustæ magnitudinis, quem auus suus composuerat, reſeruatũ habebat, cui de cœli harmonia titulus erat, non niſi Longobardicis literis inſcriptus, & quẽ bonus ille Leo, diuini Mirandulẽſis Pici precibus composuerat, vt ex eius proœmio elicitur, quẽ librum ego non ſemel percurri, & legi, & ni mors immatura nepoti huic ita præueniſſet, eum breui in lucem mittere decreueramus, eſt ſane opus hoc doctiſſimum, in quo, bonus ille Leo, quantum in philoſophia valebat, ſatis indicauerat, ſcholæſtico tamen ſtilo inſcriptum. Cæterum vt finem huic curationi imponamus, huius vxor, & filiulus annos natus decem, & ſororius, omnes eodem morbo correpti, ſani euaserunt, ex ancillis tamen cum herò, tunc quædam occubuit. porrò Moyſes Pardus tunc tertiana correptus fuit. Qui & ipſe ſyncopali acceſſione afflictabatur, non quidem ob crudorum ſuccorum præſentiam in ventriculo, ſed potius ob bilioſorum humorum ad ipſum ventriculum deſluxum, à qua ſanatus eſt, eo modo tractatus à Galen. edocto. 12. libro Meth. med.

med. postquam primum hunc prædictum carnificæ morbum, curare docuit.

SCHOLIA.

Ex tertiana ubique omnes fere euadunt, referente sic Hippocrate, libro primo de morbis vulg. tertiana exquisita, cito iudicatur, nec est lethalis: sed Thessalonica, ex ea plerique mori contigit, unde Thessalonicensis admirantur, conquerunturque quod illis eueniat id, quod aliis raro euenire soleat. Sed nunc mortales ij admirari desinant, quum iuste illis eueniat, id quod aliis raro euenire cõtingit, multis de causis. Prima, quia raro hodie tertiana, quæ non pestilentis semini aliquid habeat, comperitur, præcipue post pestem immanem quãdam, quæ ab hinc paucos annos, non solum Mædoniam hanc, & in ea contentam Thessaliam, sed vniuersam Græciam, & Thraciam, vastauit, depopulauitque: quæ lues pestica fere continuo grassatur. Raro autem pestis turcas, & cum eis habitantes, inuadere non solet, unde omnes morbi epidemici, & pestilentes dici merentur. Sed hoc missum facio, vt communẽ, & publicam causam habens, & priuatam siue secundam inquiramus causam. Raro autem Thessalonica tertiana siue exquisita siue non exquisita, simplex habetur, multis & variis de causis, quia populus multum laborat fatigaturque in obeundis negotiis, præcipue in

T

concinnandis pannis, pro quibus inficiēdis, lo-
 tium putidum tractant, item quia multum ij
 ingerūt, & variis, & multis crassum & pes-
 simū adgenerantibus succum cibariis nutrian-
 tur; aluntur autem continuo fere bubula, bras-
 sica, aut ciceribus, aut oliuis viridibus, aut
 oryza, aut farre, aut tritico, aut melongenis,
 aut huiuscemodi aliis edulis pessimis: condita
 item, artocreis, id est; carne massa incrustata,
 veluti piscibus massa coopertis, immo eadem
 mensa, & piscibus, & carnibus melle conditis
 vescuntur, veluti caseo, lacticiis, vel melius
 lacteis, lentibus, & omni genere bellariorum
 massa, & caseo cōfectorum, ut varia alia pes-
 simos & crassos succos gignentia, prae teream.
 Vnicam tamen causam tanquam ceterarum
 omnium alpham, adiciam, quia ij gelu fere
 toto anno pro potu habent, à medio autem
 Aprili, ad Octobris finē, omnes qui fere cen-
 tum millia animarum Thessalonice habētur,
 gelu pro potu familiare habent, ut non ab re,
 publice prostant viginti quinque officinae gelu
 tantum venditantes, quae hoc dicto tempore,
 duo millia ducatorum, & plura corradūt, vn-
 de mirari non est, si horum stomachis succi
 crudi & frigidi aggerentur, & congesti fiant,
 qui cum praesentes in ore sint ventriculi, non
 ab re est, si qualibet cum febris, vim & mole-
 stiam ventriculo ipsi inferant, unde syncopis
 stomachica

stomachica oritur, morbus sane carnifex, & periculosus, prout Galenus testatur libro 12. Methodi med. cui Avicenna subscribit fen prima libri quarti, capite sexagesimo, tractatus secundi, in quo agit, de cura febris cum syncopi humorosa. Fit autem, ut rem hanc exacte tractemus, syncopis stomachica hac, aut syncopalis accessio hac stomachica, quia humorum crudorum quantitas, & crassities, os ventriculi premit gravatque, item propter ipsius ventriculi exactiorem sensum, syncopis similis oritur. quibus adde, quod crudorum hac moles succorum, poros, & vias, per quas transpiratio fit, obstruit, ex qua obstructione nativi caloris suffocatio consequitur, & syncopis exitialis, & consequens humorum confusio & miscella, & tandem obitus. Non est igitur mirari, si quis tertiana laboret, & syncopim hanc simul patiat, è viuis decedat, ut sepe Thessalonica contingit, & non raro alibi. Ceterum per indicia cognito morbo exitiali hoc, qui quavis cum febre complicari potest, ut ex Avicenna depromitur, dignum duximus inquirere, quo modo curari debeat, quia in hoc ingens opus, & labor est. variant nanque gravissimi medici. Galenus nanque libro 12. Metho. med. iubet morbum hunc curari, non pharmaco, non sanguinis missione, sed potius frictionibus, & inedia,

ac mediocri somno. Sic enim ille citato loco,
ne inuestigando fatigeris, pro compendio ait:
Qui ex copia crudorum humorum vnà cum
oris ventriculi offensione febricitant, ij neque
missionem sanguinis, neque purgationem tole-
rant, cum tamen vacuationem desiderent.
Quare eis vacuatio per frictionem solam ad-
ministratur, ergo linteis mediocriter asperis, sta-
tim in ipsis auspiciis morbi fricandi sunt, à cru-
ribus superne deorsum: debet enim radi ab his
cutis, cum simul & calefieri per eam & dige-
ri corpus postulet, dein tota brachia, simili mo-
do, ab humeris superne deorsum: vbi vero ar-
tus omnes abunde iam calere videbuntur, &
metus fuerit, ne quis ex multitudine frictionis,
contusa iam carne, superueniat lassitudinis
sensus, oleo relaxante vteris quod genus est sa-
binum: ab adstringente verò abstinebis, cuius-
modi Hispani existit. Hyems verò si fuerit,
nihilò deterius sit, si ad digerentium aliquod
transieris, quale sicyonium est, aut etiam cha-
mamelinum. vbi igitur oleo membra ipsa a-
bunde fricueris, oleum est detergendum, atque
ad spinam dorsi transeundum, quam totam pa-
riter fricare, primum quidem sicca frictione,
post oleo, expedit. Ab hac rursus ad crura
te conferes, & ab his ad brachia, denuòque
dein ad spinam, sic totum diem agens, in do-
mo lucida, & temperata. Sanè mulsa, in
qua

qua coctum hyssopum fuerit, his est aptissima, qua sola primis tribus diebus vtentur: ipse vero eo tantum tempore, dictam intermittes frictionem, quo somnus hominem occupauerit, ad quem etiam alliciendum, & frictio vberior facit. Ceterum somnus vberior his minime est salutaris, cum nec crudos succos digeri sinat, & viscera reddat grauiora. Sed si quis alius affectus est, qui somnum & vigilias modicas postulet, hic profecto in his est: quippe somnus concoquit, vigilie digerunt, quorum utroque est opus iis qui ex multitudine crudorum succorum egrotant, ac si pulsus his paruus admodum infirmusque sit, aut etiam supra hac vehementer inequalis, extremum periculum indicat, nec quicquam prater iam dicta, moliendum est: si vero mediocriter sit robustus, nihilque intercisis videatur, si sua quidem sponte alius commodè non deiciat, soluenda est, mulsa iniecta est. Quod si maior iusto superfluum impetus ad aluum citetur, principio quidem percoquere mulsam amplius oportet. Ea nanque sicut aluum minus subducit, ita magis nutrit. Post hac si superuacua largius descendant, nec sic quidem sistenda, sed exhibendus pro aqua mulsa ptisanæ cremor est: si vero fluere pergant, alicæ sorbitione agrum nutries, si pulsus interim ad imbecillitatem, vel inequalitatem, vel parui-

tatem mutantur: panem imbutum diluto vino porrigere conuenit, utique si nec ventriculus, nec iecur laborarent phlegmone, quando si hac infestentur, corpore crudo succis referto, salus deplorata est, pulsibus sic immutatis: minime autem utendum cataplasmatibus, aut perfusionibus est, prius quam superuacua magna ex parte partim vacuata sint, partim concocta, interimque sola mulsa, in qua coctio hyssopum sit, usque ad septimum diem utantur: siquidem longissimam sic affecti cibi abstinentiam ferunt, corpore scilicet ex crudis ipsi, quos continet, succis concoquendis alito. Verum si alius impense fluat, vel ager mulsam fastidiat, ad ptisanam cremorem est transfundendum: sin hunc quoque auersetur, alica ad eundem quo ptisana modum ei preparabitur: neque enim eis qui sic sint affecti acetum incommodum est, immo sicubi crudos affatim succos esse animaduertes, oxymeli assidue pro mulsa dabis, si quidem aestas sit, & ager frigida assuetus, frigidum: sin hyems autem, omnibus calidum, maxime vero pulsus paruus, tardus & rarus, frigidos subesse succos ostendit. Sane propositis aduersissima sunt, tum balneum, tum aer ambiens, quoties vel nimium calidus est, vel frigidus. itaque ut lauari hi non sunt, sic & reclinandi in domo sunt, aestate quidem, quae frigeat, hyeme, quae

quæ caleat; leduntur nanque non parum ab
 utroque excessu. atque hæc quidem agenda
 sunt tibi, ubi à primo die curationem susce-
 peris. Si autem ad eos, quos iam premit syn-
 cope accitus fueris, si ea quæ retuli loca phle-
 gmone vacent, panem exhibebis non mul-
 tum, eumque ex vino aliquo, quod celerem
 in corpus digestionem adiuuet, statimque
 ad frictiones venies, quas, ut diximus ad-
 ministrabis, ac si quidem cæli status sit ve-
 hementer calidus. cum frigida vinum dabis,
 cum calida autem mediocriter si temperatus.
 Quæ tamen secundo & tertio dabitur potio,
 omnino calidam exhibendam curabis, utq;
 succorum crudorum concoctionem adiuuet.
 Ceterum iis quibus ex crudis humoribus syn-
 copes periculum imminet, sane falernum tan-
 to iam vini memoratis præstat, quanto tum
 melioris est succi, tum etiam calidius, utpo-
 te quod & velocius illis digeritur per corpus,
 & crudis succis concoquendis auxilio erit.
 In summa verò, quibus ex abundantia crudo-
 rum humorum syncope incidit, iis crassa vina,
 ceu noxia, aquosa ceu parum efficacia, fugiendæ
 sunt, deligenda autem eorum sunt media, quæ
 flava existant, & calida. Hæc Galenus, ci-
 tato à nobis loco, & libro primo Artis cura-
 tiuæ ad Glauco. à quo Paulus Aegineta, libro

2. suæ medicina, cap. 37. nec transuersum
vnguem discedit, in quibus, vt audistis, ait,
morbum hunc non curari, nec purgatione, nec
sanguinis missione, sed potius inedia, & fri-
ctionibus, mediocrique somno, & potu vini
generosi, vt cætera taceam. Porro in hæc Ga-
leni dogmata, siue decreta, Alexander Tral-
lianus, Stephani filius inuehitur, & ea falsa
esse alta mente contendit: sic enim ille libro
duodecimo suæ medicina Andernaci versio-
ne, ait, Curandi sunt, qui ex crudorum humo-
rum copia in syncopem incidunt, tenui victu,
atque omnibus, quæ extenuare possunt. Salu-
bre igitur est, quantum ad copiam attinet, va-
cuationem per sectam venam moliri, eamque
rursus iterare, immo non permittere, vt humo-
res crudi rursus in corpore redundant: metus
enim est, ne vires prostratæ humorem crudum
nequeant concoquere, & distribuere. Sati-
us igitur arbitror, vt vacuationem potius vite-
mus: sin autem humor vsque adeo superauerit,
vt periculum sit ne vires suffocentur, non ab-
surdum est tunc ex copia modicum subtrahere,
& grauen leuare: videmus enim plerunq;
id etiam in igne euenire: quippe cum is prope-
modum à viridibus lignis extingueretur, sub-
inde paucis ademptis rursus illuxit, & iis, quæ
ipsum suffocabant, superior euasit. Quapropter
si vires robustæ, & copia quæ offendit, admo-
dum

dum ampla fuerit, in eum modum est agendum: sin autem imbecillæ fuerint, & cruditas multa subsit, frictionibus incumbendum, atque iis, quæ sensim extenuare, ac discutere crudosque humores & incoctos possunt concoquere: tale vero est chamæmelum, ut quod rarefaciat, dissipet, & causas morbi concoquat. At frictionem incipere convenit, à cruribus deorsum, deinde ad totam spinam, & brachia transeundum est, postea rursus à brachiis ad inferiores partes, & pedes, idque frequentius faciendum est, ita ut virium ratio habeatur. Cum enim nonnulli sæpe immoderatam magis frictionem adhibuissent, vires subito digestæ, dissolutæque fuerunt. Ego ita quendam & inscitia fricantium in syncope prolapsam conspexi: iusserat enim ille continue integrum diem & noctem ipsum perfricari, & à cibo omni ad quintum usque diem abstinere: deinde cum impie hoc ipse faceret, eger qui non potuit utrumque, tum defatigationem, tum inediam in alios quinque dies tolerare, syncope interiit. conveniebat enim meo iudicio, eum quædam immoderata frictione, & acris oleis in usum adhibitis, tantam cruditatem discutendam putabat, non prorsus à cibo egrum continere adeo, neque rursus nimium eum gravare, sed ab immoderata frictione desinere. Nam ubi fames, laborandum non est, sicut inter

omnia, hoc quoque prudens ille senex pronunciauit, haud noui quid etiam diuinissimo Galeno in mentem venerit, quod ita faciendum esse praecipiat: frictionibus autem immoderatis utendum, oleumque sicyonium inducendum, ac inediam imperet. Nam hyssopum ipsis una cum modico melle bibere praecipit, nihilque aliud ad septimum usque diem assumere. Quis o Di immortales, vires adeo validas esse cogitare poterit, qui simul omnia & inediam, & frictionem pariter ferre queat? Mihi sane melius videtur & moderatius perficere, & rursus nutrire ad vires respiciendo, cremore ptisanae, aut alicae cum oxymellite, & pane in vinum tincto, ubi vires admodum imbecillae appareant. Nam utrunque faciendo, ut interim sane ex copia humorum non nihil per fricationem dissipemus, deinde rursus commodum alimentum quod concoqui facile, & in partes corporis distribui possit, substituamus, tum vires conservari, tum crudi humores probe concoqui poterunt. Haecenus Alexander, qui in ceteris, hoc est, vino, & balneo, hoc in morbo convenientibus, cum Galeno est, ut legenti manifestum euadit. Suggillat igitur, atque irridet Alexander Galenum, ut qui non exacte nouerit affectionem hanc curare. Cui Alexandro postea adstipulati sunt Razes
libro

libro 16. sui Continentis, & Auerrois, libro sui Collectory, veluti nonnulli Neoterici: Nos vero quid sentiamus, pro tanto, & tam difficili morbo curando, dicere non gravabimur, & eo magis, quia ex eo mortales plures vita decedunt, quia forte pauci medici difficulter morbum ipsum & eius curationem norunt. Scire igitur liceat, febrem hanc ex crudorum humorum copia, cum stomachi offensione fieri, proinde febris hac aut pituitosa est, aut spuria tertiana, aut composita, vel complicata, ut hemitritaeum referat: interpellata tamen semper fere est, unde in accessione stomachica, syncope euenit, quia humores mouentur, & eo maior, quo maior contingit putredo, & stomachi ipsius maior sensibilitas, unde pulsum varius fit motus, paruus, tardus, & rarus: si continua tamen febris hac cum syncope stomachica euenit, breui agrotus mori contingit, & eo breuius, si visceris alicuius particula inflammatione offenditur. Plerunque tamen febris hac, ut dixi, interpellata est, cuius paroxysmus, ut Galeno placet, plerunque ad vespeream affligit, veluti & noctu, raro vero in aurora, usque ad meridiem. Ego vero nonnullos ex hac immani febre correptos notavi, qui non simplici febre corripiebantur, sed potius tertiana spuria, alia pituitosa febre quietis die affligente,

affligente , vt in hoc contigit Abarbanelio,
& Solomone Seneore. Erant autem homines
ij obesi , & quibus aqualiculus prominebat,
pleni multo succo crudo. Horum primo san-
guis ex vena brachij extractus fuit , & obiit;
huic vero de quo agimus, venæ sectio celebra-
ta non fuit , sed bis per pharmacum purgatus
fuit , & quoque obiit. Proinde hîc commen-
datum, immo testatum relinquo, vt cum pri-
mum medicus ad hanc carnificem , & exitia-
lem vocatus fuerit febrem, ab omni vacuatio-
nis genere se abſtineat , & se totum Galeno
concredat, quum diuinissimus, & à Deo, pro-
pter humanam salutem in lucem missus fue-
rit. Sic enim medici cum Galeno exercendo,
egrotantes ab orci faucibus liberabunt , &
populi calumniâ effugient. Hâc vero febris cu-
randæ methodû, vt verâ , paucis quoque cum
Glaucōnem philosophum alloquitur, absoluit,
inquiens, Qui verò humorum multitudine a-
nimo deficiunt , haud ita curantur : verum il-
lorum artus plurimum fricandi sunt , calfa-
ciendi , ac ligandi. Cæterum à vino , & cibis
temperare debent , atque etiam à balneis , si
febris adsit : contenti mulsæ potu, in qua thy-
mum, origanum, pulegium, vel hyssopum con-
coctum sit, confert autem & acetum mulsum.
Hactenus Gale. breui, quæ libro Meth. med.
perample tractat , dixit. pro quibus intelli-
gendis

gendis etiam pauca hæc audire ne grauemini.
 Is qui crudorum humorum multitudine la-
 borant, vacuari desiderant: cæterum cum
 sanguinis missionem, & pharmacum non fe-
 rant, alia vacuatione indigent: non enim san-
 guinis missio illis conuenit, quia ea humorum
 cruditas augebitur: neque pharmacum pur-
 gans, quia ei humores crudi, & multi nō pa-
 rent, sed resistunt, & eo magis, quo humores
 crudiores & magis rebelles sunt: & purgans
 medicamentū in attrahendis eis generosius &
 potentius habebitur. hac enim mutua alter-
 catione, syncopes & exolutiones, ac vertigi-
 nes, vt multa alia id genus incommoda eue-
 niunt, qua de re, cum purgatio, & sanguinis
 missio, pro hoc curando morbo exerceri non
 possunt, alia vacuatione vtamur opus est, vt
 ea quæ frictione, calefactione, & ligatione
 partium extremarum, absolui solet, vt abunde
 ex Galeno dictum est. At Alexander, &
 ceteri eum sequentes, qui sanguinis missionem
 pro hoc curando morbo exercendam iubent,
 vt ego credo, ingens virium robur præsuppo-
 nunt, quo præsentē, fortē nec Galenus eam
 abnegaret, aut saltem per pharmacum pur-
 gans, magnam humorum peccantium vacua-
 tionem, modo syncopis aduentum non timeat.
 & vt verum dicā, ita Galenus ait: Qui mul-
 titudine crudi succi grauatur, hunc si modo
 iustam

iustam semel vacationem ferre posset, nec
metus aliquis syncopes impenderet, semel ar-
bitror vacuatum, à morbo explicaremus. Ex
ijs igitur Alexandrum vnammem, & con-
cordem cum Galeno iudicate. At quia raro,
vel nunquam febris hac syncopali humerosa
laborantes, viribus constent: ea de causa hor-
tor, ne à Galeno transuersum vnguem di-
scedamus, sed inedia, & frictionibus, clyf-
mis, oxymellite, & similibus curationem ab-
soluamus, in qua & vomitus ciēdus est, quan-
quam raro ob succorum tenacitatem grauedi-
nēque vomitus euocetur fiatue; indicium non
paruum, neq; contemnendum pro hoc digno-
scendo morbo: sunt nanq; ij nauseabundi, &
stomachis grauati, sed non vomunt, ructus ta-
men sepe edunt: quod si vomerent, vt etiam
aliquando illis ventris fluxus contingit, haud
parua salutis spes esset. Caterum etsi Alexan-
dram conciliatum cum Galeno à nobis audi-
stis, nunc verò vt Alexandri sequaces satisfa-
cti à nobis discedant, & illustrioris doctrinæ
gratia, paucula hæc subiungam: Iis qui hoc
exitiali morbo laborant, frictionem simul &
inediam iniungere, inconueniens maximum
non est: quia cum ij crudorum succorum copia
abundent, facile inediam tolerant longam,
nec inde eorum vires dissoluuntur, corpore sci-
licet, ex crudis ipsis, quos continet succis con-
coquens

coquendis nutrito, id quod alijs affectionibus non euenit. Manet igitur Galeni recta, vera & indubitata curandi via, quam omnes insequi debemus, quia eam agrotantes ij facile ferre possunt, & ea sani euadent. Et non immerito Auicenna hanc Galeni doctrinam, vt veridicam recipit, & ei subscribit citato à nobis loco, vt legenti notum euadet. Receptui igitur canentes, non est mirari, si ex tertianis spuris, quibus syncopis stomachica familiaris est, multis de causis Thessalonica multi moriantur, vt alibi quoque euenire poterit, si modo tertianis, stomachica syncopis, aut syncopalis oris ventriculi affectio dicta, complicata, coniunctaue fuerit: speramus tamen deinceps, modo medici Galeno additi sint, similes agrotantes superstites euadant, neque ex multis vnus periclitetur. quod Deus Opt. Max. annuat.

Curatio nonagesimanona, in qua agitur de febre cum syncope, ob tennes succos ocysime exhalantes, ueniente, quam, febrem syncopalem minutam, recentes uocant.

Opportunè hîc, vt euidens & clara prædicta curatio euadat, occurrit Bayazetus Rhais, Constantino-
pol

politanae nauis nauarchus, homo Turca, temperatura biliosus, compositione gracilis, ingeniosus siquis alter, & diues fatis, ac liberalis: qui post varios casus, labores, & vigilias, ac nauigationes non raras, in febrim lapsus est biliosam exacte peracutam, cum syncope, quam neoterici medici, minutam syncopalem appellitare solent. Vexabatur autem hic febre ardentissima, praedicto cum symptomate, quod comitabantur pulsus varij, inaequales, & ad summum, malum indicantes, lotium nanque igneum, sed lucidum erat, demum, breui huic facies talis fuit, qualis ab Hip. similis mortui faciei describitur, & quam Gal. libro 10. & 12. Methodi med. cum de hac agit febre, silentio non praeteriuit. Caeterum huius vniuersum corpus madores quidam, & spirituum exhalatione attestantes occupabant, & inde anxietudines, exolutiones, inquietudines, insomnia tumultuaria, & id genus alia, sinistra omnia erant. pro quibus omnibus profligandis, abigendisve, & agrotante ipso restituendo, sic Galeni doctrina muniti, orsi sumus, omni ratione curantes, vt succorum materiam crassior-

rem

rem reddamus, & cutim densemus,
 & exhalationem inhibeamus, idque
 tam iis quæ foris admouentur, quàm
 iis quæ intro sumuntur. Aer igitur fri-
 gidissimus est factus cum aquæ putea-
 lis frigidissimæ irrigationibus, cui ad-
 mixtum erat acetum rosaceum & stil-
 latitia rosacea, tum fonticulis ex ca-
 dem frigidissima aqua paratis, obfitis
 ac circumfitis cannis, vitibus, & foliis
 cucurbitæ, platani, in hac Macedonia
 abundantissimi, & castanearum arbo-
 ris, veluti vnedonis, arbuti dicti, & ru-
 borū, & lentisci, & salicis, & similium
 arborum, & fruticum ramulis, veluti
 humi fusis rosis variis, & violis aut
 nymphææ vtriusque floribus, aut vi-
 tium capreolis, aut huius generis aliis
 frigidis, sed ex fonticulis ipsis, aqua ex
 alto supra peluim cadebat: Nā & hoc,
 Galeno authore, somniferum est. de-
 mum aer ita arte frigidus paratus fuit,
 vt non solum respirando interiora re-
 frigerabat, sed exteriora densabat, co-
 gebat, & coarctabat. Cæterum cum
 aer sufficiens non erat per exteriora
 omnia absoluere, huius corpus vn-
 guentis illinebamus quæ refrigeran-
 di, & condensandi, & astringendi vim

habebant, qualia sunt, rosaceum, & Gal. illud omnium quæ humectant & refrigerant simplicissimū medicamen, refrigerans ceratum dictum, & ab ipso Galeno descriptum cum alibi, tum libro 10. Meth. med. cui quandoque admixtum erat vnguentū santalinum, & populeon, veluti rubearum rosarum puluis: sed & thoraci & cordi epithemata facultatem refrigerandi habentia sæpe admovebamus, immo subucula, siue camisia irrorata stillatitia rosacea fantalis mixta, sæpe vestiebatur, quæ omnia machinabantur pro sudore compescendo, & succorum, & spirituum sistenda fluxione continua, exhalatione. Cætera vero, quæ extrinsecus occurrūt silētio præterimus, & ad victum accedimus. Qui igitur ita se habent, paulatim & assidue nutriendi sunt, proinde hic cum imbecillis erat, paulatim nutriebatur: dabamus autem illi panē vino granatorum acetosorum imbutum, veluti ius pulli, margaritarum, & corallorum præparatorum pulvere apparatus, in quo etiam sorbitio, Italīs panatella dicta, ex pane albissimo, similagineo dicto, & qui difficulter diffluit, multo
cor

coriando recēti misto concinnabatur. desiderantur autem in hoc morbo, cibaria, quæ non facile diffuant, ut putredini resistent, ut suadet Gal. qui & vitellos ouorum, veluti fructus austeros, putredini nimix obnoxios concedit: & hac de re nos huic pomum granatum lubenter dabamus, veluti conditum trium santalorum, & diamargariton, non minus, ac pro potu frigidam, aut gelidam iulepo violaceo mistam: ex medicinis vero, tantum mollibus refrigerantibûsque clysteribus vfi sumus, præcipue hordeacea, oleo violaceo, saccharo, & succo cucurbitæ compositis. Quibus omnibus leniter tractatus ægrotus, intra quartum diem melius habuit, & morbus sæuitiem suam exuit. Profuit autem tunc succorum concoctio, post quam Galenus in hac curatione carniū esum admittit conceditve. Qua de re nos pullorum carnes limonis acredine, aut succo acerbæ vuæ conditos, liberalius concessimus, exemplum summum à medicis sumendum, ut in scholio apparebit. Tunc vero vinum album optimum, aut vermiculū austeritatis, non nihil habens, aqua dilutum, huic, Ga-

leni consilio, propinauimus. quibus omnibus intra decem dies ægrotans hic sanitatem consequutus est. Sapiens Catalaunensium, iuuenis natura biliosus, huiuscemodi febre corripiebatur: nam quum afflictabatur accessione, os ventriculi multum dolebat, & syncope patiebatur, & bilem vomebat, & aluus dura illi erat, & non egerebat: erant autem huic renes, & iecur calidi. ad quem accitus ego; bilis fluxū eum à iecore ad os ventris venire, & inde ex eo symptomata orta, noto: quæ etiā purgatione habita & remediis propitiis adhibitis, ad septimumdecimum diem perseuerarunt, qua de re, iussi iecur, & eius os ventris, santalino unguento illini, & renes cum vniuersa dorsi spina ex rosaceo inungi, simul vt ante horā paroxysmi ægrotus cibaretur, & optimū sed dilutum vinum biberet: quibus paucis, sequēti nocte ægrotus melius habuit, nullum nanque dolorem passus est, sed sua sponte aluus respondit: indicium quòd bilis solita os ventris offendere, in intestina delapsa est; desit autē oris ventriculi dolor, & intestina bile citata suo fungebātur officio; & tunc quoque ciborum

rum

rum fuit appetētia. Cæterum propul-
fato, extinctōve ventriculi dolore, de
renum intenso dolore cōqueri cœpit,
fortè deriuato humore obstructio in
renibus facta est, à quibus arenam non
paucam tunc in lotio mittebat: sed
postea, ad os sacrum dolor peruenit, in
quo sedem non paucos dies habuit, vt
de phlegmone dubium esset, sed va-
riis clysmis, & remediis aliis adiutus,
euasit, & in quartanā lapsus est, quam
paucos menses passus est.

S C H O L I A.

*Febris hæc, quia ob prætenues humores ci-
to exhalabiles euenit, præcipue cum syncopi,
ab Auicenna, & eū sequentibus, minuta syn-
copalis appellatur: contraria nanque febris
hæc humorosa syncopali habetur, præter quam
in syncopi: in hac vero sicut in alia, syncopis
reperitur, qua de causa cum cōtrariæ sint, con-
trario modo curantur. vt autem syncopali hu-
morosa laborantes, paulatim & assiduo va-
cuari debent, adhæc inedia cruciari: ita minu-
ta hæc laborantes. paulatim & assiduo cibari
debent. item syncopalis humorosa, vt corpora
plena succis, & obesa amat, ita minuta fe-
bris hæc, biliosa, sicca, & gracilia. Cæterum*

vt febris hæc natura biliosa est, ita aliquando continuo affligit, aliquando vero interpellatim, vnde recte *Auicenna* scriptum reliquit, huius paroxysmos plerunque tertianos esse, in qua facies illa ab *Hippocrate* descripta, morti similis, non raro conspicitur, id quod *Divinus Galenus* non siluit: magnam igitur communionem febris hæc cum pestilentibus habet, quæ cordis substantiam, aut eius ventriculorum humores obsident, lancinantue, & hominem ad perniciem trahunt. Et quemadmodum minuta syncopalis hæc ob succos præpaucos & facile perspirabiles, euenire solet, ita quandoque (notante id *Auicenna*) non raro accidit, ob putrilaginem, aut venenosam & malignam humoribus insitam qualitatem, veluti ob acredinem humorum, vt inueni exercitationi dedito, contigit, de quo elegans extat *Historia Galeni*, libro decimo, *Meth. med.* cui arridet sapientis *Catalanensium* casus, à nobis citatus. Ceterum referente *Galeno*, & *Auicenna* consentiente, proprio de hac febre capite, affectio hæc, intra quartum plerunque opus suum complet. At, si ab ea egrotus euadere contingat, suadet *Galenus*; id quod medici artem exercentes aduertant velim, videlicet, quòd elapso die quarto, & humoribus ad concoctionem venientibus, huic tali, aliquid carnei edulij conced

concedamus, quasi, ante concoctionis in humoribus apparitionem, febre in continua, caro, ab eo abnegetur, & dari non debeat.

Curatio centesima, in qua docetur, quòd in tertiana continua, tertio quoque die rigor euenire poterit, simulq; quo modo circuitus in febribus interpellatis contingant, tam secundam Galeni, quàm Auicennæ dogmata.

Magnifica, & generosa Gratia ab Yahis, mulier procera, obesa, carnosà, tēperatura sanguinea, quum ætatis suæ annum quinquagesimum ageret, vigente autumno, continua febris corripiebatur, cū qua tertio quoque die horrebat, & male habebat. pro qua curāda, pro pulsandāve febre, accessiti quatuor sunt medici, qui conspecto lotio rubro, & crasso, aliquali cum coctione, cæterisque excrementis, ac morbo, & eius modo, exacte notatis, iudicarunt, sanguinem reliquis cum humoribus vitiatum esse. qua de causa cum vires recte constarent, & morbus postularer, & reliqua assentirent, sanguinis missionem admodum

proficuum fore omnes vno firmarunt ore. à qua exercita vacuatione ita mulier hæc valuit, vt nō amplius febrem, aut malum aliud persenserit: tam enim sanguinis illa missio contulit. Cæterum cum ex iecoraria, aut communi brachij vena, sanguis mitti deberet, & inuenta à chirurgo vtroque in brachio non esset, iussimus venam illam, inter digitum anularem & auricularem obrepentem, primo calēte aqua frictam, aperire, ex qua sanguis ad vncias octo fluxit, & recte habuit.

S C H O L I A.

Quum nobilis hæc mulier continuo febreretur, & tertio quoque die horreret, propositum à medicis fuit, quānā febris hæc esset. ex quibus alter, febrem tertianam simplicem, sed notham esse dixit. Alter vero, tertianā continuam, sed horrificam eam astruxit: contra quē nō defuit alter, qui hoc falsum esse, contestatus est, quia tertiana cōtinua continuo affligit, & nullum horrorem, aut rigorem sed insultus quosdam leues, vix perceptibiles, quos exacerbationes forte dixerimus, tantum habet, nisi quando natura potens bilem vnā cum sanguine intra vasa contentam foras pellit, & rigor non raro verum salutis indicium sequitur, & febris soluitur.

uitur. id quod *Diuus senex* in aphor. nos docuit, cum dicat; *A causone habito, rigore superueniente solutio fit morbi.* At qui tertianam continuam, & horrificam febrem illam esse dixerat, suam sic fulciebat assercionem: Intra totius corporis vasa magna bilis putres, tertianam continuam gignens, asseruatur, quæ parum à causone abest, in qua tertiana continua, exacerbationes, siue leues insultus bilis, ut dixi, singulo tertio die fiunt, in quibus rigores vel horrores contingere solent, quia eisdem diebus, crises eueniunt, in quibus paroxysmi affligunt. fieri igitur poterit, ait hic, ut tempore exacerbationis, bilis vena in caua contenta, adeo sit multa, naturam stimulans, aut pauca, sed natura ita obediens, ut extra pellatur, vel intra ad iecoris portas, ad pancreon, ad intestina, ad stomachum, vel ad horum aliquod, vel aliud membrum, & rigorem, vel horrorem faciat, & sic ab eadem materia vno particulari in loco contenta: eadem tamen hora mota, duæ oriuntur febres, altera à bile intra venas contenta, continuo affligens, tertiana continua dicta; altera vero ex bile à venis foras delata, ex qua febris interpellata consurgit. quam sententiam omnes approbarunt, & ut veram receperunt. Ceterum quia *Galenus* libris de diff. febr. ait, ut facillimum est reddere causas febrium continuo affligentium, ita

V S

non admodum facile, earum quæ per circuitus veniunt: dignum duximus hic appendere modum, quo circuitus paroxysmorum fiant, secundum Galeni dogma, simulque inuestigare an Auicenna cum Galeno conveniat, & cum recte hac in parte interpretatus sit. *ALAMANS.* Hoc à te audire pergratum mihi erit ò Amate, ut qui ex Neotericis tam multis scriptitantibus, nemo quod sciam enodavit. *AMATVS.* Difficillimum sane dubium hoc est, & in quo Auicennam sequentes, non paucas cacatas chartas in lucem mittentes, desudarunt, quos omnes etiam breui nunc perstringam, præcipue cum Galenum enarrauerimus, qui haud dubio sapientissimè, ut solet, in eo absoluendo loquitur. Primo igitur scias velim, in vnaquaque animantis parte quatuor reperiri potentias, siue naturales facultates dictas, aliam attractricem, aliam retentricem, tertiam concoctricem, alteratricem dictam, quartam expultricem, retentrice (ut obiter hoc dicam) Galeno consentiente: fortiolem, quia expultrix breviori tempore actiones suas efficere nata est, ut quæ unico impetu, ea quæ molesta sunt, expellere, abigerèque statim est potens. Retentrix vero, non nisi temporis spatium opus suum conficit, ac inde longiori tempore indigens est. Hæc ceterum facultates, cum recte habent,

Et suo debite funguntur officio, homo bene
valentérque habet, quia in eo omnia nutri-
tioni deseruientia exacte conficiuntur, et ex-
crementa solita suis constitutis, et debitis
temporibus excernuntur: ut in mulieribus
menses ab utero, lotium à vesica urinaria,
stercus ab intestinis, et similia tam sensibilia,
quàm quæ sensum effugiunt, et per difflatio-
nem euadunt, et discutiuntur. Quum vero
facultates hæ male habent, et earum inter se
ordo peruertitur debitus, ut quæ adinvicem
non recte famulantur, tunc excrementa varia
gigni solent, quæ quantitate, aut qualitate,
aut utraque, membrum in quod ruere con-
tingit, afficiunt, obstructionem pariendo: ob-
structis namque et constipatis canaliculis,
meatibusve talis affectæ particula humores
retenti, et supra calfacti, ob prohibitam
transpirationem putrescunt, ad quos vitiatos,
et putredine affectos, alia excrementa con-
fluunt, quæ et ipsa cum prioribus putrescunt,
iuxta prouerbiū, *Vua liuorem ducit ab
vua*. Ex qua putrefactione ingens accenditur
caliditas, et viget, ob quam sanguis ab aliis
membris conflueret solet. Certum est enim, ubi-
cunque accenditur, et augetur caliditas, istuc
ab aliis partibus sanguis fluere solet; qui sti-
patus, loco putredinis, putrescit quoque, et
membra, à quibus fluxit, frigida manent,
quia

quia sanguinis vacua, privataque manent. Porro pars ipsa affecta putredine grauatur, & extenditur, decumbensque sanguis alteratur propter duas causas: prima quia putrescentibus iam humoribus permiscetur; secunda, quia stipatus, & obstructus, minime diffatur. Quo fit, ut instar lignorum humidorum, quæ paucam super flammam vniuersim proiciuntur, succendantur: unde lesionem inferentes vitiatæ succi ij, & vehementius incitantur, & à sensibili ipso corpore, confertim impelluntur, quandoque extra per carnes ad cutem; quandoque intra ad iecoris corpus, ad pancreas, ad intestina, ad renes, ad stomachum, ad caput, & reliqua id genus membra. Quod si bilis absolute fuerit, rigorem parit: si bilis mixta pituita, aut atra bili, horrorem & frigus: si verò pituita, frigus inducit, ut postea latius docebitur. Ponimus igitur febrium interpellatarum sedem, aut si magis appellare placet, fontem, aut originem, locumve putredinis, extra venas, ex qua sede, siue ut Galenus ait, loco, qui est quodammodo putredinis causa, prima accessione: sit verbi gratia, tertiana, bilis delata extra ad cutem, vel intra ad partes dictas, rigorem parit. Est enim rigor, Galen. authore, libro 3. de sanitate tuenda, concussio, commotioque totius corporis, inæqualis, & ut ego addo,

lo, subito, repenteque veniens, cuius defectu ij, qui regio morbo laborat, rigorem non sentiunt, passim enim in eis bilis ad cutem defertur: in tertiana vero bilis acris & mor-
 lax supra musculos, & carnes repente, & confestim irruens, ab eisdem tanquam no-
 cam inferens, concutitur, expellitur, & abi-
 gitur: ut feruens aqua supra cutem affusa, sal-
 ta precipue excutitur, in qua motione san-
 guis, & spiritus intro magis secedunt, unde fit, quod cum rigore frigus semper sentitur,
 & totum hoc tempus, initium paroxysmi ap-
 pellamus, in quo & sitis viget, & agri ea
 cruciari solent, quia animalis facultas una
 cum sanguine, & calore, ad interiora retracta
 est, & ea de causa somnus eo tempore agro-
 is interdicitur, & vigilia euocatur, ut ad
 membra algida, & caloris priuata, sanguis
 & calor reuocentur. Quum vero calor supe-
 rat materiam, appellatur incrementum &
 ascensus, siue augmentum: tale tempus, in
 quo usque adeo calor augetur, ut non mo-
 do locum exurat, qui est quodammodo putre-
 dinis causa, sed etiam continuatim per totum
 corpus dispergatur. Ceterum cum iam ad
 summum feruoris, siue ebullitionis deuenerint
 incensi, & inflammati humores, tunc appel-
 latur vigor, siue consistentia, aut status, talis
 accessionis pars, in qua tunc vniuersum labo-
 rantis

rantis corpus ignitum esse videtur, extensa per totum animalis corpus, equaliter caliditate, hinc si contingat, quod humores tenues sint, & facultas valida, & corpus rarum, pars plurima ebullientis humoris fusa in sudorem ducetur: quod si crassi fuerint, & facultas expultrix debilis, & via angusta, tunc nihil sensibile effluet sed materia ita extenuabitur, ut in flatus, & vaporis naturam vertetur. quod tempus, paroxysmi inclinatio appellatur, ab aliquibus vero feruentium humorum diffusus. Et hæc de primæ accessionis origine, generatione ve sint dicta, quæ an Alama no arrideant, ipse dixerit. *ALAMANVS.* Arrident sane, & quæ cum difficillima sint, à te abunde & ad Galeni mentem exposita sunt. Sed an ipse ea recte teneam, audire ne graueris rogo Amate. *AMATVS.* Dicas, sed breui, ne auditoribus fastidium parias, eorum quæ dicta sunt saltem primam partem, quæ ut nosti huius negotij summa habetur. *ALAMANVS.* Prima accessio secundum Galeni doctrinam ita fit: facta namque in membro extra venas obstructione, succi inibi retenti putrent, ad quos alia excrementa confluunt, quæ quoque cum eis putrescunt, vnde ingens oritur caliditas, ob quam sanguis intra venas contentus ad locum quodammodo putredinis causam (nos putre

putredinis sedem vocamus) fluit, & sic mem-
bra frige fieri incipiunt, quia sanguinis vacua:
sed tunc humores hos sic confusos, natura ir-
ritata, extra pellit, vel ad carnes, & cutem,
vel intus ad iecoris corpus, ad pancreon, ad
stomachum, ad intestina, vel simile aliud
membrum, vel ad utranque partem simul, &
rigor, vel horror, vel frigus pro ratione humo-
ris fit, qui cum summe putret, rigor euanes-
cit, & caliditas pollet, ut postea uberius hoc in
colloquio dicetur. *AMATVS.* Hæc, ut
prima & præcipua, per te recte citata à me
in hac materia sunt dicta, sed iam nunc,
quomodo secundæ accessionis circuitus fiat,
investigemus: Galenus nanque, quem pro-
posse interpretari laboramus, postquam præ-
dicta à nobis docuit, prope calcem libri se-
cundo, de differ. febr. ita circuitum accessio-
num fieri tradit: sed cum in parte disposi-
tio permaneat, necesse est, alterum in ea gi-
gni excrementum, attracto rursus in eam
alimento, non in plenum toto confecto, quod
rursus (ut antea docuimus) ab ipsius ex-
crementis putridis in parte ipsa relictis, &
ab ipsa propria prauitate initium putredi-
nis suscipit, & ubi satis incaluerit decum-
bit in ipsam, ut prius diximus, ex aliis ani-
malis partibus sanguis, rursusque eodem mo-
do initium, incrementum, rigor, & incli-

natio accessionis existit, idque repetere minime definit, quoad dispositio in parte generante excrementa, seruetur. Est vero duplex talis dispositio: Altera quidem partis debilitas, per quam gignuntur excrementa; altera vero ex ipsis subinde genitis collecta, & orta, quæ ita in ipsis putridis excrementis seruatur, quemadmodum nidus quidam in vasis, quibus cibaria elixantur asservari solet, & hæc sane dispositio impossibile est ut solvatur, quando præcipuè vniuersum corpus multis, & vitiosis humoribus, fuerit oppletum, ac multo etiam amplius, si iis adiungatur, omnium per quos membri superfluitates excernuntur, meatuum astrictio: sicuti etiam sanitas subsequeretur, si & meatus essent aperti, ita ut in membro liberi transitus fierent, ac potentia vegetior redderetur, emendaretur affectus, atque vniuersum corpus neque multis, neque vitiosis humoribus grauaretur: donec vero hæc perdurauerint prædicta, circuitum quoque accessionum seruari est necessarium, prout in mulieribus accidit. Nam & in iis donec æquales ac similes menstruum causæ fuerint, idem seruatur circuitus.

ALAM. Repetam & ista quoque, modo audire dignaberis, de secundi & aliorum paroxysmorum circuitu. AMATVS.

Perge,

Perge, dicas. *ALAM.* De circuitu verò secundi & aliorum paroxysmorum, ita ut puto, dixisti: Galenus duplicem dispositionem, ut circuitus accessionum eveniant, describit, alteram partis affecta imbecillitatem, per quam gignuntur excrementa, alteram vero ex ipsis subinde genitis excrementis ortam, quæ quidem dispositio putrifica, ita in ipsis excrementis servatur, quemadmodum nidor quidam in vasis, quibus cibaria elixantur, asservari solet, qui alia cibaria inficere non raro solet iuxta carmen Horatianum,
*Quo semel est imbuta recens servabit odorem
 Testa diu.*

Per nidorem autem hunc, Galenus determinatam, ac insitam peccatis humoris naturam, & proprietatem intelligit, quam aliquando propriam pravitatem, excrementorum putridorum vocat, quæ mediante singulis accessionibus humor vitiatum similem inficit humorem, & non alium, ut bilis bilem, pituita pituitam, atra bilis atram bilem, aliter non servaretur periodicationis, siue circuitus certus ordo. *AMATVS.* Et hæc recte percepisti, quæ nunc cum *Avicennam*, & eorum qui eum insequuntur interpretationes attigerimus, vberius exponemus: audi igitur. *Avicenna* fen prima libri quarti, postquam docte admodum

varias putredinis causas recensuit, & humorū
intra venas putrescentium modum, concinne
explicuit, ita causa circuituum accessionum in
febris interpellatis non infelicitur prosequi-
tur, inquiens, Et febris putredinis quidem ex-
trinseca, nō eradicatur, & redit, nisi quia ma-
teriei, quæ putrescit, supervenit putredo in tem-
pore paroxysmi, & finiuntur eius humidita-
tes, ex quibus pendebat caliditas, & resoluun-
tur, & egrediuntur ex corpore. Non enim sunt
retēta in venis, ut inhibeantur à complemen-
to resolutionis, immo remanet earum cineri-
tium, & terrestris pars, quæ non sunt vehicu-
lum febris, & caliditatis intense sicut videtur
de dispositione cumulorum stercorum, paula-
tim putrescentium, donec fiat cinis in totum,
deinde non remanet caliditas. Quod si non re-
manet in humore adusto per putredinem cali-
ditas, destruitur febris quousque aggregetur
vice alia ad locum putredinis, & iam reman-
serunt in ea reliquæ caliditatis, ex putredine
prima, quamvis non remaneat materia, aut
propter inuentionem causæ primæ putredinis,
in materia prima, & inflammatur in materia
secunda, secundum semitam putrefactionis.
Res ergo putredinis periodica procedit secun-
dum inuentionem caliditatis deficientis, putre-
facientis, & resoluentis, & facientis cinerem,
& peruenientis ad vicinum aliud, donec ab-
scindit

scindat terminum, & finiat materiam, & non
 inueniat vicinum aliud, & remaneant reli-
 quiae febris expectantes materiam aliam, quae
 effundatur ad locum eius. Hae Avicenna,
 utcumque pessime & peruerse versa, quae si
 quis recte teneat, inueniet ex Galeno docte
 admodum & fideliter deprompta esse. Mar-
 silius tamen quidam & Gentilis, magnus
 ille Avicenna enarrator, cum locum hunc
 interpretantur, duas insignes & precipuas
 causas pro circuitu accessionum signant: Al-
 teram, caliditatem putredinalem in ipso paro-
 xismo vigentem, quae causam antecedentem
 in venis contentam inficit, & parat ad sequen-
 tem accessionem. Alteram vero, caliditatem
 mitem, absque putredine in cineritio relictam,
 quae & ipsa, causam antecedentem inficit,
 & ad circuitum mouet, non adeo tamen va-
 lenter & intense. Vgo Senensis, vir sua aetate
 doctus, & ingeniosus, cum horum docto-
 rum hominum causas duas tantum, ut non
 sufficientes ad circuitum accessionum conside-
 ret, tertiam iniungit, absque qua accessionum
 circuitum, ut ille quidem putat, fieri impos-
 sibile est, & ita habet. In causa antecedente,
 hoc est, materia intra venas contenta, dispo-
 sitio quaedam habetur, qua mediante mate-
 riae pars post partem extrahitur, ut ex exemplo
 à Galeno tradito, libro 1. de diff. febrium cap.

quinto, decerpitur, de stercore scilicet iumentorum, & columbarum, à Sole ignito, cuius pars inflammationi, & ebullitioni magis apta, citius sequenti die à Solis radiis ignitur, & inflammatur. quam similitudinem Avicenna, ut optimus & veridicus interpres, ut audistis, non præteriiuit. Ait igitur Vgo, hanc dispositionem in materia antecedente, hoc est, intra vasa contenta, per necessariam esse, quia aliter, si duæ tantum cause prædictæ concurrerent, ad circuitum accessionum, in infinitum protraherentur accessionum circuitus, & nunquam cessarent, quia semper maneret eadem causa: item, quod alterantibus potius quam purgantibus medicamentis februm interpellatarum curatio confici deberet, quia caliditas tantum ut sufficiens pro circuitu accessionum signatur, quod falsum esse, omnes medici artem exercentes, norunt, qui pro abigendis, propulsandisve, interpellatis in febribus, ad causam antecedentem purgandam, vacuandamve, attendunt, ut quæ male affecta sit, & dispositionem contineat, quæ mediantem, inflammatur, & ebullit, & in putredinem vertitur, & tandem in cineritium. Pro summa, Avicenna & cum enarrantes, februm interpellatarum, putredinis sedem, vel, ut ipsi aiunt mineram, ut quoque Galenus docuit, extra venas signant, ad quam materia

ret

retenta intra vasa, dicta causa antecedens, male affecta, nondum tamen putrida confluit, sed in suo motu, & propulsione, ebullit, & vitio, & putredine afficitur, & eo magis, cum putredinis sedem, & locum attingit, & hoc tam ob putrificam ipsius paroxysmi intensam caliditatem, quam ob ipsam in cineritio relictam, sed mitem, & remissam. Vtraque namque caliditas dicta, causam antecedentem, intra vasa contentam, hoc est, humorem paratum foras venire, & paroxysmum gignere inficit, & ut Gentilis sapienter admodum adnotat, determinatum, & proprium, quia determinata & propria caliditas eum inficit, & vitiat. Nā si aliter esset, quivis alius humor in unaquaque accessione inficeretur. Hæc ex Avicenna, & eius enarratoribus dicta sint, quæ ut dixi, Galeni dogmatis in uniuersum conveniunt, respondent ve, & eo magis, si quando Galenus ait, post excrementa varia, ad locum putredinis confluxa, sanguis quoque fluit, qui simul excrementis mistus putret, intellexerimus, per hunc sanguinem, id quod Avicenna sectatores aiunt, causam scilicet antecedentem, quæ humor intra venas contentus est, pro cuius motu, & ebullitione, non solum concurrunt utraque caliditas exposita, sed etiam membri imbecillitas, & nidor putrificus, hoc est, proprietas, & natura, ac determinata putredo.

humori insita, qua mediante, infici similis so-
let humor, & non alius: & per consequens nu-
trimenti pars, & excrementa varia alia, in
eundem vitiatum, & putidum, vertuntur hu-
morem, & non alium, & tandiu perdurant,
quoad cause putredinis permanent, determi-
nata, quæ pro coronide sunt, membri affecti im-
becillitas, tam recipientis, quam mandantis, ac
intermedij, per quod transitus fit, coarctatio,
vel laxitas, vel membrorum sensus acuties,
vel obtusio, veluti utraque caliditas, tam ac-
cessionis putrida intensa, & urens, quam post
accessionem in cineritio relicta, mitis & re-
missa, quibus addimus nidore insitum putre-
dini, hoc est, proprietatem specificam, insitam,
& hærentem humori putrido, ut Gentilis ex
Galeno docte admodum suis in extravagan-
tibus questionibus interpretatus est, ignoran-
te Vgone Senensi. Quæ quidem proprietas
causam antecedentem mouet, tam intra ve-
nas contentam, quam de foris venientem, ali-
ter humorum putrescentium continuo ingens
fieret confusio, & nunquam certus, & consti-
tutus circuituum seruaretur accessionum or-
do: ad hæc excrementorum debita quantitas,
& qualitas accedunt, ut si multa, pauca, vis-
cida, crassa, tenacia, hærentia, tenuia, subtilia
fluida sint, unde accessiones quotidiane, ter-
tiane, quartane, quintane, septene, octauæ,
sc.

na, nonana, continua, & varia alia contin-
 gunt: bilis nanque tertianam parit: pituita,
 quotidianam: atra bilis quartanam: sanguis
 vero continentem, synocham dictam. Quod si
 humores dicti vario modo haberi contingat,
 & accessiones variant, antecedendo, vel post-
 ponendo: accessionum nanque antecessus, mor-
 bi indicat incrementum, veluti earum postpo-
 sitio, declinationem: modo tamen ipsis cum ac-
 cessionibus cetera consentiant, videlicet in an-
 ticipatione febris ingens caliditas, maior cor-
 poris turbatio, & symptomata graviora om-
 nia: in postpositione vero, omnia mitiora, &
 faciliora euadant, & egrotus ipse rectius sen-
 tiat, & valeat. Quod si ingens erratum in iis,
 quae ingeruntur, excernuntur, iniiciuntur,
 admouentur, subtrahuntur, & similia, contin-
 gat, tunc accessiones varia fiunt, aliquando ex
 eadem particula, siue sede, prodeuntes, ut in
 hoc de quo agimus casu, contigit, in quo, &
 tertiana continua, & interpellata, simul af-
 fligebant, aliquando ex variis partibus, &
 distantibus locis ex quibus accessiones quan-
 doque eadem hora simul coincidunt: quandoq;
 vero vnā alteram sequitur, bis, ter, & qua-
 ter: & saepe multa & varia alia paroxysmorū
 cōplicatio copulatio re fit, ut hīc Thessalonice,
 plusquā reliquis aliis ciuitatibus à me hucusq;
 lustratis, fieri obseruo: id quod et Hip. suo auo

seruabat, diu nanq; Hippocrates in hac Ma-
 cedonia, & Thessalia provincia, in qua &
 nos nunc hac literis mandamus, artem Peo-
 niam exercuit, vt ex suis depromimus scriptis,
 & eius filio Thessalo ad Athenienses per-
 orante. ALAM. Quum hucusque dicta recte
 teneam, placeat tibi, o Amate, dubium diluere
 sequens, an humor qui ad producendum rigo-
 rem, vel horrorem, vel frigus mouetur, sit pu-
 tridus, vel postquam opus confecit, putrescat.
 AMA. Audi. Auicenna capite sexto citati li-
 bri in hoc colloquio, ait, humorem effusum ad
 rigorem, vel horrorem, vel frigus gignendum,
 crudum esse, & non putridum, sequenti mo-
 do, & rigor & frigus antecedunt febre, quo-
 niam humor crudus effunditur ad lacertos in
 primis, & nocet frigore suo, per comparisonem
 ad lacertos, deinde cum incipit putrescere, inci-
 pit calefieri. Hec Auicenna: per quæ clare
 tradit, humorem citatum ad rigorem, vel hor-
 rorem, vel frigus inducendum, crudum esse &
 non putridum: cui fauere videtur Galeni se-
 quens problema, libri secundi, de symp. causis
 cap. quinto. Cur est, quod in incrementis &
 vigoribus accessionum februm, horrores, ri-
 goresque non permanent, sed in initio tantum
 consistunt? an fortè quia à potentia caliditatis
 superatur frigus: cum enim humores calefcunt,
 & putrescunt, rigor deficit. Hec etiam Ga-
 leni

leni eadem est responsio, cum ea, quam Aui-
cenna forte dedit, scilicet quod humor crudus
ad rigorem mouendum effunditur, qui postea
cum putruit, & caluit, sua caliditate rigorem,
siue frigus superauit, vnde initio accessionum,
rigores, vel horrores tantum apparent. Hinc
est, quod in epiala febris, simul febris, & rigor
semper in quauis corporis parte permanent,
quia rigor non potest superari à caliditate pu-
tredinali: fit nanque epiala febris à vitrea, ac
acida pituita, omnium frigidissima, cuius pars
cruda frigus inducit, reliqua verò putredine
affecta, febrem accendit: sed cū caliditas hæc
febrilis, & putrifica non valeat, nec potens sit
superare frigiditatem cruda partis, fit inde
quod simul frigus, & calor in eodem membro
semper percipiuntur, & consequenter, humo-
rem crudum frigus vel rigorem, aut horrorem
parere, non vero putridum, dicendum restat.
AIAM. Mea sententia, qui hæc aſtruunt, o
Amate, duras admodum partes habent, vt
que contrarium rationibus & authoritatibus
probant, & primo sic: In caufone, febre dicta
ardente, bilis putrida intra vasa continetur,
que critice per carnes ad cutem expulsa, rigo-
rem facit, iuxta Hippocratis oraculum, A
caufone habito, rigore supraueniente solutio fit
morbi. Ergo humor putridus, rigorem facit,
& non crudus item in ordine accessionum,

X S

tam secundum Galeni, quàm Auicenna doctrinam, excrementorum putredo proponitur. Ergo humor putridus ad rigorem pariendum, mouetur, & non crudus: faciunt iis ea quæ non raro euenire videntur, videlicet, humor putridus intra venas contentus febrem gignit, qui postea ad cutem expulsus, rigorem facit, & breui sudore absoluitur, igitur humor putridus rigorem facit, & non crudus, aut incoctus. Missas facio varias rationes alias, & auctoritates, quæ partem hanc tuentur, & roborant: tu vero Amate, quid hac in re præfixum habes, aperi rogo. AMATVS. Breui inter has dissidentes acies hæc sit conciliatio, & concordia. Humor antequam moueatur ad rigorem, vel horrorem, aut frigus inducendum, putridus est: non adeo tamen intense, vt postea dispersus, disseminatusve: qui postquam rigorem induxit, magis calfit, & intensius putret. Præter hæc tamen, quandoque humor frigidus, & horrorem parit, nulla postea subsequente febre, quia non putret, vt merito aphorismus ille sexagesimus tertius libri quarti, tanquam non verus, à Galeno suggilletur, qui ait, Quil us in febribus quotidie rigores sunt, quotidie febre solvuntur. Sed hæc ceteras rigoris causas cōsulto prætermittimus, quas studiosus lector ex Gal. lib. de sympt. causis, & alibi sæpe, petere poterit, & eas ipse ex Hip. totius

totius artis medicae fundamento, lib. de morbis primo, decerpfit. **ALAMANVS.** Placent dicta, sed dubius adhuc in alio sum problema-
te, quod tu Amate pro tua humanitate inter-
pretari dignaberis, & est: An postquam bilis
rigorem confecit, retrocedat ad ventriculum,
& intestina, veluti ad vrinariam vesicam,
& membra similia, vel potius ante rigorem,
quando propulsatur à natura, in ea agitatio-
ne, & ebullitione, pars quaedam ruit ad sto-
machum, vnde vomitus prolicitur: alia vero
ad intestina, ex qua secessus fiunt, alia ad vri-
nariam vesicam cadere contingit, & per vri-
nam excernitur. **AMATVS.** Huic tuo que-
sito, Gale. ita breui respondet, Mota bile ipsa,
per corpora sentientia, rigor ipse fit, post quem,
vel per sudorem, vel (quum contingat ipsam
ad internas partes ferri) per vomitum, vel alui
solutionem, vel quum quandoq; etiam intro &
foras simul deferatur: utroque modo simul ipsa
expurgata, soluitur febris. Vtitur nanq; Gal.
ijs verbis, pro responsione ad quesitum: cur fe-
bris ardens, superueniente rigore, solvatur.

ALAMANVS. Et hæc summe placent, & ar-
rident, vt quæ cum Galen. sint dicta, sed haud
præter institutū nostrum aliud mihi proponen-
dū problema venit, ex Gal. lib. 2. de crisib. &
lib. de differ. febr. decerptū, quod forte totius
huius nostri colloquij caput est, & ita habet:

Cur

cur est, quòd tertiana febris ad infebrecitationem deuenit ardens verò, causon dicta, minime: quum tamen vtraque, eandem efficientem causam, hoc est, bilem habeant. A M A T V S.

An quòd in tertiana bilis extra venas sit, quæ per singulas expurgatur acceßiones; in causone vero, non item, quia intra vasa, vnà cum ipso sanguine continetur, vnde per singulas acceßiones non expurgatur, nec ad infebrecitationem deuenit, nisi forte quando à natura inualeſcente, bilis ipsa à venis foras detruditur, vnde rigor superuenit, & febris soluit. Sed iam ijs finem facimus. quæ si quis accuratius insequi vellet, iustum proculdubio compilaret volumen: quæ omnia ex Diuino Hippocrate, tam philosophorum, quàm medicorū omnium parente primo emanarunt, vt apud ipsum legere tu ipse poteris libro de flatibus, quem rogo magno tuo otio percurras. Ego vero in hac septima Centuria finem huic dicendi generi imponam. Tu vero ò Alamane pro tua singulari humanitate breui ad nos venire curabis.

A L A M A N V S. Veniam, modò Deus Opt. Max. superstites, & sanos nos in hac Macedonia terrarum Imperio quondam potita, sinat.

F I N I S.

A M A T I

Amati iusiurandum.



I VRO Deū immortalem, & sanctissima eius decem oracula, quæ liberato ab Ægyptiaca seruitute populo, Mose interprete, in monte Sinare data sunt, me nihil prius aut antiquius in iis meis curationibus duxisse, quàm vt illibata rerum fides posteris traderetur: nihil finxisse, nihil addidisse, aut commutasse ornamenti gratia: id tamen vnū semper studuisse, vt vtilitas ad mortales promanaret: neminem laudasse, aut vituperio affectisse vt priuatis affectibus indulgerem, nisi id veritatis studium exposceret. Si fallo, Deū & Raphaelē eius ministrū iratos semper habeam, nec quicquam in arte medica mihi ad votum succedat. De mercede præterea, quæ medicis exhiberi solet, non admodum sollicitū fuisse, multos non tantū studiose, sed gratis etiam curauisse: mercedes etiā nonnullas à permultis oblatas magno & inuictō animo reiecisse: magisque id tentasse vt ægrotantes mea opera aut diligentia, amissam consequerentur valetudinem, quàm, vt eorum liberalitate vel reruntio ipse ditior euaderem: eodēque loco semper apud me fuisse cuiusuis religionis homines, siue ij Hebræi, siue Christiani, aut Arabicæ legis sectatores essent. De dignitate verò non admodum sollicitū fuisse, eandēque diligentiam pauperibus, quàm illustrissimo loco natis præstitisse: morbum nunquā produxisse: in præfagiis ea quæ sentiebam semper dixisse: pharmacopolarum nemini plus iusta

iusto fauisse, nisi ei fortasse, quem & peritia
artis & bonitate animi ceteris præstare intel-
ligerem, in medicamentis describendis, prout
facultates ægrotantis patiebantur, tempera-
mentum semper adhibuisse: commissum mi-
hi arcanum nemini detexisse: nulli mortife-
rum poculum propinasse: nullam mea opera
matronam abortum fecisse: nihil à me in ea
vbi curarem domo turpitudinis perpetratum:
in summa, nihil à me commissum quod à præ-
claro & egregio medico alienum haberi pos-
set. Hippocratem & Galenum artis medicæ
parentes semper mihi imitandos proposuisse,
non spretis nonnullorum in arte medica ex-
cellentium monumentis: in studiorum verò ra-
tione adeò frequentem fuisse, vt nullum quan-
tumvis arduum negotium, me à bonorum au-
thorum lectione auocare potuerit: nō rei fa-
miliaris tactura, non nauigatio, non crebræ
peregrinationes, non denique exilium, quod,
vt virum philosophum decet, magno & inui-
cto animo hætenus sponte sustinui: discipu-
los quos ad hunc vsque diem permultos ha-
bui, filiorum loco semper duxisse, eos candi-
dissime docuisse, hortatum vt bonorum si-
miles euadere studerent: libros in re medica
meos nulla animi ambitione edidisse, sed id
vnum spectasse vt quoquo modo mortalium
valetudini prospicerem. Quod an affecutus
sim, aliorum iudicio relinquo. Certè semper
id præ me tuli atque in votis maximè habui.
Thessalonica datum, Anno mundi 5319.

CVR

CVRATIONES SECVN-
dum ordinem contentæ in septi-
ma Centuria.

- 1 **D**E animi deliquio ob mororem ve-
niente. 9
- 2 De pleuritide. 13
- 3 De pleuritide. 18
- 4 De pleuritide. 21
- 5 De compescendo sanguine, & sectione ve-
narum sub lingua. 22
- 6 De tertiana interficiente. 23
- 7 De intensissimo capitis dolore post optimū
partum oborto. 26
- 8 De capitis ingenti dolore à vomitu cōtra-
cto. ibidem
- 9 De vermibus. 27
- 10 De opisthotono, hoc est, capitis cum ceruice
ad posteriora tensione retractione ve. ibid.
- 11 De conuulsione inanitionem sequente, ha-
bita in cruribus. 41
- 12 De fluxu ventris ab atra bile orto. 45
- 13 De pleuritide. 46
- 14 De intensissimo dolore mediastinum infe-
stante. 47
- 15 De vtraq; dysenteria, simulque de fluxu
stercorario. 49
- 16 De sanguinis reiectione. 53
- 17 De muliere non concipiente, & lacerina-
tiones

tiones in ventre percipiente.

18 De muliere, qua ab alia muliere prae-
gnata fuit facta.

19 De intensissimo dolore circa mamillam.

20 De lichenis siue impetiginibus.

21 De coli dolore.

22 De graui coli affectione.

23 De carnea excrescentia ab ore ventriculi
pendente.

24 De septo transuerso, quod sit risus siue
laritatis sedes.

25 De carcinomate mammam infestante.

26 De pure per os cum tussi reiecto, quod
tracheae vel pulmonis vlcus attestatur.

27 De causa pestis Scopium inuadentis.

28 De pleuritide saeva, absque sanguinis
effusione curata.

29 De somno superueniente à causa non
ratiocinabili.

30 De erysipellate mortem accelerante.


31 De phlebotomia in die critica facta.


32 De vulneribus capitis, ex quibus mem-
oriae & visus facultates amissae sunt.

33 De nonnullis, qui ex carbonum odore
perierunt.

34 De tertiana continua cum erysipellate phle-
botomia. & lacte in caseum concreto in man-
ibus ac papillarum ingenti dolore.

35 De fetu, quod intra uterum maternum
perierit.





X/X
X/M
23 July 1879

Bought of Mead, Saddlers
Street Bristol - Cost 1/6 -

On the title page is the
autograph of Philomen
Holland, Countess the
translator of Pliny
of many other works -

E.D.